



NAZIONALE

BIBLIOTECA


VITT. EMANUELE

8 M

38 H

23

ROMA



**D. IOANNIS
THAVLERI**

**DE VITA ET PASSIONE SAL-
VATORIS NOSTRI IESV CHRI-**

STI PISSIMA EXERCITIA, A QVI-

bus author ille cōuerfionem suam

exorfus est, nunc demum ex

idiomate Germanico


reddita Latine.

ADIYNCTA SVNT EIVSDEM

ferè argumēti alia quædam Exercitia, pror-

fus diuina, Authore D. NICOLAO

ESCHIO viro docto ac pio.



**Coloniæ ex officina Ioannis Quen-
tel, Anno M. D. XLVIII.**

**Cum gratia & priuilegio Cæsareæ Maiestatis ad quin-
quennium.**



RINCHORVM APVD COLO-
NIAM FAMILIAE INSIGNIA.



BARTHOLOMAE^{us} LAURENTIS EPIGRAMMA.

Aureus ex aquilæ dependens annulus ore,
Rinchorum exornat nobilitatq; genus:
Te verò ante alios doct̃or pie Rinche, valentē
Moribus & studijs & pietate, polit.

MAGNIFI

CO VIRO ET V. I. CONSULTISSI

MO DOCTORI D. IOANNI RINCKIO,
apud Agrippinensem Coloniam auita gene-
ris nobilitate clarissimo atque ornatissimo ci-
ui, domino ac patrono suo cum primis colen-
do, F. Laurentius Surius Lubecen. Car-
thusiæ Colonienſis monachus,
S. P. D.



Portunè tandem
ea, quæ mihi nun-
quàm non opta-
tissima fuit, occa-
ſio oblata eſt me-
um in te animum
teſtandi, huma-
niſſime atq; orna-
tiſſime Doctor,
amice ſingularis,

& generis tui decus ac ornamentum. Etenim
ante hos aliquot meſes, cùm ex Mòguntiacò
reuertiſſem, iamq; D. Ioannis Thauleri opus
pridem à me tràſlatum, chalcographo ex in-
duſtria imprimendum eſſet, libellus quidam
Germanicus ab amicis ad me delatus eſt, peti-

A ij tumq;

tumq; seriò, vt q̃ primũ à me Latinæ donatus
consuetudini, ad Thauleriana opera adiũge-
retur. Itaq; tametsi nihil me dignum præstitu-
rum iam antè certũ exploratumq; haberem,
feci tamen vt potui, & verbis si nõ aptis & or-
natis, at quibuscũq; tamen hoc quicquid est
operis, reddidi. At verò, dum sub ipso opere,
typographis iam in Thaulero ob mercatum
Francofordiensem summa contentione pro-
perantibus, quotidie desudarem, q̃ tardius
aliquanto Thaulerianũ opus inchoatum es-
set, vix bene absolui potuit ante nũdinas: itaq;
factũ est (vt mihi videtur, nutu quodã diuino)
vt libellus hic Thaulero iungi non potuerit,
maximè cùm nec ipse temporis spatij iniquis
exclusus, interpretationem maturè confice-
re possem: id quod, vt dixi, partim non absq;
Dei consilio accidisse, in animum induxero.
Nisi enim me fallunt omnia, eiusmodi hic li-
ber est, vt multo vtilius seorsim, q̃ cum grandi
illo opere cõiunctim imprimať: Multis nanq;,
ijsdemq; longè pijsimis, scatet precibus, qui-
bus si cui vti libeat, non poterit, si sint maiori
insertę volumini, nisi vel in charta describat,
quod est onerosum maximè: aut quolibet se-
cum ingens opus asportet, quod est multo
one-

onerosius. Atq; vt plurimùm, non nisi in sacris ædibus homines, præsertim mundi negocijs, aut aliàs gerendis rebus quibuscunq; impliciti, precari solent. Si qui ergo horum Latine norint, (norunt autem quàm plurimi) quis non videat, quanto maiori cum fructu seorsim, quàm coniunctim, talis aliquis libellus, qualis hic est, vnde preces efficacissimas petere liceat, ad communem omnium vsum in lucem emit tatur? Hoc consilio, ista ratione iam demum hac Enchiridij forma tractatus hic typis excusatus est: nempe vt semper haberi in manibus, semper in sinu gestari queat, sitq; in promptu Christiano homini, vnde sui creatoris atque seruatoris beneficia, quæ nusquam perinde vt in illius cruciatibus ac morte elucescunt, subinde repetere, ad animum reuocare, secum meditari, & pro ijs grates eidem laudesq; quas decet, agere locis & horis omnibus, diuina subnixus ope, citra molestiam possit. Quod quàm vtile, quàm fructuosum, immo & penè necessarium sit homini Christi sanguine & gratia è diabolica tyrannide ac dura peccati seruitute in filiorum Dei & spiritus libertatem asserto, res ipsa testatur: vnde nec mihi hanc sumendam operam puta-

ui, vt certis id à me rationibus explicetur. Quod si tamen curiosius quisquam id nosse velit, habet eruditorum piorumq; hominum innumera penè monumenta, vnde suo possit desiderio facere satis. Mihi, qui interpretis tantum, nò authoris, fungor officio, ea sola cura relicta est, vt bona fide quod Germanicus codex habuit, Latinis vocib⁹ efferrè: id quod me præstitisse spero: neq; me vsquam à fidi interpretis officio recessisse, planè mihi persuadeo. Neq; verò hoc in opere quicquam à me spectatū aliud vel quæsitum est, nisi quo pijs omnibus in cōmune prodessem, quod à me præter alias mihi neutiquam negligendas rationes, etiā fraternus amor suo quodam iure non postulare modò, sed etiam flagitare videbatur. Cæterum omnem hanc operam meam, vt vberiore referat fructum, tuæ in primis humanitati ornatissime Doctor & amice integerrime nuncupatam volui, cum ob innumera priuata in me beneficia tua, quæ nullis vnq̃ meritis assequi potero, tum ob singularem illum erga nostrum monasteriū animi tui candorem, studium ac beneuolētiam, quib⁹ ita nos tibi demereris, vt inter summos atq; præcipuos loci huius amicos & patronos

iure

iure meritoq; debeas numerari. Taceo quantum tibi auctorum tuorum nomine debeamus, quorū in nos beneficia ita sunt clara atq; testata omnibus, vt hac mea verborum asperitate obscurāda potius sint quā illustranda. Sed ne H. T. meis nugis diutius morer, age suscipe paruum hoc clientis tui munusculum clarissimi me Doctor, tibiq; vel hoc vno argumēto etiam atq; etiam persuadeas velim, eum esse erga te tuasq; proles animum meum, qui debeat, nec quicquam mihi esse antiquius, quā vt pro maximis in me meritis tuis, vel quālibet, possim vicem reddere, aut aliquam saltem non ingrati animi significationem exhibere. Vale vir amplissime, & me, vt soles, tibi semper habe commendatum. Ex nostra Carthusia, ipso sancti Aegidij die,
1548.

A iiij

Exer-

EXERCI=

TIA, SEV MEDITATIO OPTI-
MA VITAE ET PASSIONIS

IESV CHRISTI.

Supplex confessio & imploratio diuinæ
bonitatis. Caput I.



Benignissime IESV, amor, salus &
consolatio mea. O amator hominū
fidelissime, creator & redēptor me-
us: lumen cordis mei, solatium spīri-
tus, & medicina aīæ meæ, quantū ti-
bi debeo Deus meus, quanti me feci
sti creator meus, qui me de nihilo
condidisti ad imaginem & similitudinem tuam: qui me
tam inæstimabili comparasti precio, tanto labore rede-
misti, tot annis longanimit̃er sustinens, in meis mihi
perseueranti iniquitatibus pepercisti: tot beneficijs tan-
ta me benignitate attraxisti & persecutus es, diuināq;
gratia tua innumeris vicibus mihi misericorditer subue-
nisti, cum tamē ego toties tibi terga præbuerim, sanctis
inspiratiōibus tuis non obtēperauerim, tuamq; negli-
gigens sanctissimam volūtatem, meæ potius puerſæ ac
improbæ obsecutus sim. O clementissime Deus, quàm
ad hanc vsq; horam cunctis largissimis donis tuis ingra-
tus fui. O misericors Deus, en confiteor tibi multam &
magnam iniquitatem meā. Domine labia mea aperies,
& os meum annuntiabit laudem tuam. Ecce enim ad te
domi-

domine leuavi animam meā. O sanctificator inuisibilis, purifica spiritum meum, præpara cor meum ad laudandum te, & gratias agendum tibi. Illumina intellectū meum. Collige & vni memoriam meam. Accende desiderium meum. Intentionem purifica. Affectus purga. Erige vires meas ad te, arentemq; animam meā irriga rore cælestis gratiæ tuæ. O Deus pijsime, dignare nūc obsecro inclinare aures tuas è cælesti throno tuo ad me miserā & peccatricem creaturam tuam, & exaudi preces meas, quibus pulso cum timore humili pectus diuinæ gratiæ tuæ. En totum me ad te cōuerto. En vires meas omnes erigo ad laudandum te, & ad benedicendum tibi, totis viribus aperio tibi cor meum. Fac, obsecro, radijs illud diuinæ charitatis tuæ transfigi, splendoribus diuinæ illustrari claritatis tuæ, quo interiorius perspicia fundum animæ meæ, videamq; & agnoscam quā longè sim à te Deus meus: videam quoque, quæ me culpæ, quæ vitia impediunt ab amore & seruitio tuo, faciantq; me indignum recipere in animam meam influxum diuinæ gratiæ tuæ: vsqueadè me dñe Deus meus immēsis donis, beneficijs & charismatibus tuis, maximeq; incompræhensibili charitate tua amplexus es & circumdediti, vt me à calore amoris tui abscondere, vel spiritum meum à tua laude cohibere nequeam. Enimuero cor meum omni qua possum facultate te laudare, tibi gratias agere concupiscit: impendioq; exultat spiritus meus in laude tua, & te magnificat anima mea, quia gratia tua magna est super me. Sed quis ego sum o altissime & omnipotens creator, vt te laudare auisim? Quomodo verò impurissimum os meum, tot vitijs conspurcatū, ad annunciandū potentiam & virtutem tuā aperire audebo? Immo quid de te, qui immēsus, inuisibilis,

A 5 incō-

10 EXERCITIORVM DE VITA

incompræhensibilis, imperscrutabilis es, cogitare, intelligere, eloqui potero, vt te laudare, admirari, magnificare queam, cū nec æstimare, nec capere, nec perscrutare te valeam? Cæterum quanuis te o terribilis incompræhensibilisq; maiestas & altitudo, vilis ego homuncio & inanis stipula laudare non sufficiam, cum neq; te, neque opera tua compræhendere possim, vel eò tñ te Deum mcū laudare & exaltare, tibiq; gratias agere debeo, q̃ tam admirabilis, excelsus, incompræhensibilis, imperscrutabilis es, vt creaturæ omnes neque intellectu, neque ingenij quouis acumine, neq; ratione te contingere queant, nisi quatenus & quātum illis de te per gratiam tuam das intelligere. Quod si olim homines prophani ac ethnici adeo exultauere, seseq; iactârūt de maximis, potētibus ac imortalib⁹ dijs suis, eò q̃ sumptuose ac artificiose ex auro alijsq; preciosis rebus fabricati essent: qui & reuera immortales erāt, quandoquidē nunq̃ vitā percipere: quāto me æquius est exultare in te omnipotēte dño meo, cuius tāta potētia est, vt cælum & terram impleas gloria maiestatis tuæ: tanta pulchritudo, vt hanc sol & luna cæteraq; elementa mirētur, & angelici spiritus mirum in modū gaudeant & delectentur in contēplatione tui: tanta fortitudo, vt terrā vnico aspectu facias contremiscere: tam admiranda virtus, vt cælum terramq; verbo produxeris, & creaturæ omnes voluntati tuæ subditæ sint: tanta opulentia, vt quicquid cæli terræq; ambitu continetur, sinē medio ad te pertineat, quæque in eis contenta absque cura & sollicitudine regas, & modereris: tanta denique in primis bonitas & clementia, vt misericordia tua sit super omnia opera tua. Neque enim vllus tam extremē vilis vermiculus est, neque creatura aliqua quanlibet abiecta, quæ non parti-

particeps sit gratiæ tuæ, aut cuius tu obliuiscaris, quominus eam sustentēs & alas in tempore suo. Iam si ex mirabilibus operibus tuis ò omnipotens & benignissime DEVS id deprehendere & colligere possumus, tam te potentem, sapientē, & bonum esse, cum omnia tam mirabiliter & artificiose absque labore creāris, tam sapienter sine solitudine gubernes, tam benignē sustentēs absque diuitiarum tuarum imminutione: quā ergo in teipso potens, sapiens, bonus, admirabilis es, cum vtiq; artifex opere à se formato sublimior præstantior & dignior sit. Eadem nanque facilitate vel mille cælos & mundos creare, regere, sustentare possēs, quā vnum siue cælum siue mundum. Quomodo ergo ò omnipotens laudem tuam eloqui poterō, à qua creaturarum omnium, etiam cælestium spirituum intellectus deficiunt? O clementissime DEVS, scio quia operū aut laudis nostrę non indiges, cum in teipso semper laude abundes. Siquidem simplex in teipso & perfectus es DEVS, quem creaturæ omnes nullis operibus vel augere vel minuere possunt: attamen dignaris ab indignis & fragilibus creaturis tuis laudari. Ideoq; tametsi laus mea ò amabilis DEVS meus sublimi potentiæ, incompræhensibili sapientiæ, & ineffabili bonitati tuæ nimis tepida, vilis & indigna sit, eam nihilo minus gratā habere dignare, suppleatq; bonitas tua, quod non potest infirmitas mea. O benignissime Domine, quanuis te laudare non sum dignus, idem tamen facere maximè sum obligatus. Quomodo enim ingratus esse possim pro multiplicibus donis & beneficijs tuis? vt cessare poterō à laude tua, cum tu mihi nō cessēs benefacere? O misericordissime IESV, perquā vellē cūcta beneficia & oēm benignitatē tuā mihi abs te impensam, in arca cordis mei congerere & coaceruare,
& pro

12 EXERCITIORVM DE VITA

& pro singulis quibusque beneficijs tuis specialem tibi laudem, & gratiarum exhibere actionem. Sed quis sufficiat domine perscrutari vel attingere profundum bonitatis tuę, aut amoris tui emetiri latitudinem? Quis dinumeret, quis compræhendat multiplicia beneficia tua, quę impendisti nobis, & adhuc indies impendis? Verum quanuis hæc cunctis sint creaturis impossibilia, illud tamen præcipuum opus salutis nostrę, in quo ingens amor tuus maximè relucet, nunquam abscedat à corde meo.

Deuota meditatio & gratiarum actio de
incarnatione & vita IESV.

Caput II.



Doro te IESV CHRISTE
rex Israel, lumen plebis, domine do-
minantium, princeps pacis, virtus
omnipotentis Dei, sapientia patris.
Adoro te cōciliator hominum, ad-
uocate pijsime peccatorum, labo-
rantium refrigerium, solamen op-
pressorum, merces iustorum omnium. Adoro te panis
vitę, animę medicina, plebis cōciliator, redemptor se-
culi, gaudium cæli, placabile & gratum sacrificium, pa-
cifica hostia: qui per fragrantiam vestimentorum tuo-
rum patrem in excelsis commorantem benignissime in-
clinasti pariter & commouisti, vt respiceret infirmita-
tem & miseriam nostram, exaudiret gemitus & lamen-
ta nostra, nosq; in suam reciperet gratiam. O misericor-
dissime IESV, en confiteor maximam benignitatem &
gratiam tuā, quam tu nobis ex ingenita bonitate absq;
nostris

nostris meritis impendisti: offeroq; tibi sacrificium laudis & gratiarum actionis pro cunctis beneficijs, quæ in nos semen nequam, vasa iræ, filios reprobos, seruos inutiles, & damnationis mortisq; reos peccatores contulisti. En laudo, exalto, benedico te, & gratias tibi ago ex omni anima, vniuerso corde, totis viribus, & omni facultate mea. Magna siquidem super nos est misericordia tua. Cum enim omnes essemus damnationis & iræ filij, & inimici tui, cõtaminati macula peccati originalis, violatores imaginis tuæ, destructores templi tui: quando, inquam, serpens antiquus suo nos veneno infecerat, tum tu memor fuisti misericordiæ tuæ, deq; cælesti habitaculo tuo despexisti in hanc vallem lachrymarum, & misertus es lachrymarû nostrarû, gemitusq; nostros exaudisti, tactus intrinsecus dolore cordis, & motus compassione super miseria populi tui: simulq; cor tuum amore succensum est. Et licet verus esses Dei filius, lucem habitans inaccessibilem, sustentans omnia diuina virtute tua, cunctaq; moderans & regens diuina sapientia tua, in cuius conspectu angeli contremiscunt, in cuius nomine genu omne flectitur, minimè tamen dedignatus es sublimem potentiam tuam ad hunc vsque tenebrosam nequam seculi huius carcerem inclinare, & particeps fieri infirmitatis & miseriæ nostræ, mortaliq; indui sacco nostro, quo nostram miseriæ & infirmitatem tua diuina absorberes potentia, nostram ditares inopiam, nostram mortalitatem ad æternam faceres resurgere vitâ, vitia nostra ablueres & aboleres, naturam nostram suæ pristinæ restitueres innocentia, ad spiritus libertatem solueres captiuitatem nostram, & miserabilem deniq; ruinam nostrâ ad perennem reparares gloriâ. Nec misisti ad exequendum opus redemptionis

ptionis nostræ angelum aliquē, siue quempiam ex Cherubim vel Seraphim: sed ipsemet venisti ex iussu & voluntate patris tui: (cuius nimirum ineffabilem bonitatem in te illius verbo sempiterno experti sumus) non quo mutāris locum, sed tuam nobis exhibuisti præsentiam per assumptam humanitatem. Enimuero ex sinu patris delapsus es in purissimum, virginē, integerrimumq; corpus pudicissimæ dulcissimæq; virginis MARIE: in cuius sacratissimo corpore sola virtus Spiritus sancti concipi ac nasci te fecit in humana natura: ita tamen, q̃ hæc natiuitas diuinæ nihil detraxit maiestati tuæ, nec virginis beatissimæ castissimam minuit integritatem. O admirabile & incompræhensibile commercium: dominus glorię, pro humana infirmitate nostra, suam dedit celsissimam diuinitatem: Conditor creaturarum non dedignatus est formam serui induere: & non serui tantum formam assumpsit, sed etiam instar obiecti vermiculi humiliatus & pro nihilo habitus est, ac velut transgressor & impius, ad mortem crucis ignominiosissimam condemnatus est, qui iudicaturus est viuos & mortuos. O IESV amabilissime, quanto per te nos ab initio dilexisti. Non satis erat tibi esse te dominum, creatorem & protectorem nostrum, sed & redemptor, consodalis, frater, caro & sanguis noster fieri voluisti, & esse participes infirmitatis, paupertatis, mortalitatis nostræ, qui nullius prorsus indiges. Adeoq; pauper effectus es, nostræq; miseriæ adeo gustasti amaritudinem, ut ipso natiuitatis tuæ tempore nec tantillum rei haberes hæreditariæ, ubi tenera & infantilia membra tua reponi & hospitio recipi potuissent, cum sis cæli terræq; dominus: sed in alieno stabulo natus es, & tenerrima membra tua in præsepe rigidum vilesq; pāniculos collocari permisi-

permisisti. Et hūc ipsum indignum locum benedicta & verē pijsima mater tua à bestijs irrationalibus mutata est. O bone Iesu, cuius non emolliatur cor, nō accendatur ad amorē, nō ad deuotionē exciteſ, nō moueatur ad cōpaſſionē, quādo maximā paupertatē, admirabilem humilitatē, & ſeruētiffimū erga nos amorē tuum attēdimus? O q̄ citō incepisti operari salutē noſtrā? eandemq; q̄ ſtudioſe perfecisti? ne vnū quidē vnquā temporis momentum neglexisti, quod non perfectē expenderis ad salutē noſtrā iuxta voluntatē patris tui. Ab ipſo mox natiuitatis tuę exordio teipſum pœnis afficere & pati cœpiſti. Quare verō ò dulcis I E S V tam humilis, tam inops, tam abiectus fieri voluisti, niſi vt beatam nos doceres humilitatem, ſanctamq; nobis commendares paupertatem? Ideo nanq; & humanam aſſumpſiſti naturam noſtrā, vt nos faceres participes diuinitatis tuę: factus es hominis filius, vt nos filij Dei efficeremur: fieremus, inquā, per adoptionē & gratiā, quod tu ab omni æternitate fuiſti per naturā. Natus es in ſtabulo, vt nō homines tantū, ſed & iumēta ſeruares. In præſepe poſitus & ſcœnū effectus es, vt pabulū eſſes humiliū iumentorum. Sic planē necesse erat dñe, vt tu ſcœnū fieres, quādo homines iumēta facti erāt. Ita nāq; ppheta quidā ait: Computruerunt iumenta in ſtercore ſuo, id eſt, in ſordibus vitiorū. Quò igitur hi beſtiales paſcerent homines, verbum ſcœnū (id eſt, caro) factū eſt, quia omnis caro ſcœnū: vtiq; ijdem ex ſtabulo putentiū educerēt vitiorum, Chriſtus in ſtabulo natus eſt. Nūc igitur, ò homo, ſenſibus tuis dedite, adora in ſtabulo iacentem, quem cælo præſidentē cōtēpſiſti: adora beſtia vel iumentū, quē homo agnoſcere noluiſti. Cōuertere iā ad ipſum in miſeria & exilio mūdi hui⁹, à quo in paradifo voluptatis te auer-

auertisti. Honora nūc præsepe illius, cuius præceptum violasti. Vescere iam scæno, qui panem angelorum deseruisti. O rex gloriæ omnipotens, quæ te vicit charitas, vt tam pauper, tam humilis, tam abiectus pro me peccatore vermiculo fieres, & in stabulo sordido inter bruta animantia collocareris, qui ab angelis adoraris in cælo? lacte refocillareris, qui ipse es panis angelorū? vilibus inuoluereris panniculis, qui cælum stellis adornas, & sanctos tuos vestis stolis aureis? Sed & in ipsa hac infantia & innocentia tua, à teneris membris tuis cruenta hostium tuorum manus nō abstinnit. Vixdum natus eras, & adhuc inter castissima iacebas brachia dulcissimæ matris tuæ, suauiter quiescens in materno illius pectore, auideq; fugens virginea illius vbera: necdum cuiquam verbum dixeras, & crudeles ac impij homines quærebant animam tuam vt perderent eam. O dulcis **I E S V**, quàm citò insurrexerūt aduersum te iniqui hostes tui: quàm infans pati cœpisti. Cum etate ipsa creuit tecum afflictio. ¶ Iam octo vix bene dies impleueras, & infantilem ac innocentem pro me sudisti sanguinem tuum, ac velut peccato legi; obnoxius, secundum legem circuncisus es, vt ipsam legem cōseruares, adstrueres, sanctificaresq;. Et vt infantia ac pueritia tua, religionis exemplar, & speculum esset virtutum, non secutus es seculi vanitatem: non solatium vllum aut animi remissionem expetijsti in ludis puerilibus, vel fabulorum hominum consortijs & cōuenticulis, vbi non nisi temporaria & vana tractantur: sed in templo cultuq; & famulatu patris tui inuentus es in doctorum medio, audiens & interrogans homines, qui es ipse sapientia patris, sciētiarum dominus, æterna veritas, & verbum Dei, quod erat in principio. Vtq; formam quandā obedientiæ

dientiæ nobis traderes, humiliter parentibus tuis te
 submisisti, factus subditus eis, cui cuncta subiacent ele-
 menta, cui data est potestas omnis in cælo & in terra,
 qui clauēs habes mortis & inferni. Deinde ubi plenu-
 do tibi iustæ accreuit ætatis, adessetq; propè tempus,
 quo manum ad fortia mitteres, manè egressus es in salu-
 tem populi tui, & exultasti vt gigas strenuus ad curren-
 dam viam nostræ paupertatis. Et vt in primis virtutem
 nos doceres beatæ humilitatis, quæ initium est & fun-
 damentum virtutum omnium, innocens agnus ad de-
 uotissimum seruum tuum Ioannem Baptistam, pecca-
 toribus pœnitentiæ baptisma conferentem, perre-
 xisti, haud secus quàm si & tu peccator esses, ab eoq;
 baptizari petijsti, qui nullam vnquam peccati sen-
 seras maculam: nō quò tibi opus esset aqua tingi & ab-
 lui, sed vt ipse potius aquam temetipso tanquàm sacro
 chrismate benediceres, baptismaq; nobis consecrares,
 per quod ab omī effemus expurgandi macula peccato-
 rum, significans nimirum, verum te esse messiam patri-
 bus promissum, Christumq;, id est, vñctum, & agnū dei
 immaculatum, tollentem peccata mundi. Inde iam in
 virtute spiritus ad eremum abiijsti; vtq; nobis seu stre-
 nuus signifer & dux animum adderes ad pugnam sub-
 eundam, primus ipse aciem subiijsti, singulare cum cru-
 delissimo hoste nostro certamen iniens, quem & primo
 statim congressu, elisis vniuersis viribus eius, prostravi-
 sti, vt per hominem victus cōfundatur, cessetq; dehinc
 gloriari vicisse se olim ac decepisse hominem. O leo in-
 uictissime, quàm gnauiter, quàmq; operose salutem no-
 stram molitus es, vt nos infirma membra tua excitares,
 animumq; nobis faceres ad labores, pugnamq; subeun-
 dam? Neq; enim vel eremi expauiisti solitudinem, vel ad


18 EXERCITIORVM DE VITA

diaboli tentamenta expalluisti: non te famis molestia,
 non asperitas pœnitentiæ deterruit: nec laboris deni-
 que orandi, meditandi, vigilandi te pertæduit. Enimue-
 rò salus malè habentium membrorum tuorum semper
 tuo versabatur in pectore, pro quibus instar fidelissimi
 parentis admodùm sollicitus fuisti, studioseq; labora-
 sti, vt nos æternis ditares bonis, thesaurumq; indeficien-
 tem virtutum & meritorũ omnium nobis comparares,
 vnde quicquid nobis deesse posset, abundè omnes hau-
 riramus. Deinde quia lumẽ diuinum, quod intra te sub
 modio latebat humanitatis tuæ, abscondi non potuit,
 lumẽ cælestis doctrinæ ac sapientiæ tuæ propalãm lu-
 cere pmisisti, vt mortales oēs ad fidẽ illuminares. Cun-
 ctis nanq; illis in locis degentibus regnũ Dei annũcia-
 sti, verba tua miris cõfirmans operibus atq; portentis:
 cunctisq; debilibus ac malè affectis diuinam potẽtiam
 tuam declarasti, nec vlli denegasti benignissimam pieta-
 tem tuam, quò cunctos lucrifaceres & sanares. At verò
 intellectus hominum obcæcatus erat. Neq; enim cum
 amore te exceperũt vt saluatorem suũ, sed potiùs cor-
 dibus à te auersi sunt, tanquàm à seductore & imposto-
 re maleuolo: simulq; doctrinam tuam contempserunt,
 opera calumniati sunt, miracula despexerunt, &
 non modò ingrati fuere cunctis hisce beneficijs tuis,
 sed etiam vnde te amare & venerari debuerant, indè
 te iniquissimè accusarunt, odio habuere, persecuti
 sunt, & blasphemauere, dicentes: Non est hic homo à
 deo: dæmoniũ habet: seducit turbas; potator est vini, &
 amicus publicanorum. Neque tamen agne mansuetis-
 sime sacrum os tuum aperuisti ad dicendum vnde affli-
 gi potuissent, sed cuncta modestissimè sustinuisti. Cur
 ergo tam impatiēs, tamq; pusillanimis es ò anima mea,
 quando

quādo aliquid tibi occurrit aduersum, aut afflictio aliqua vel molestia infertur ab hominibus? Non aduertis, quantam iniuriam, vilipensionem, cōtemptum & ignominia dñs gloriæ pro te perpeſſus est? tūne illo meliorem te putas? Si patrem familiās Beelzebub vocârunt, quāto magis domesticos & ministros eius? O IESV sapientia Dei, æterna veritas, quā clarè effulſit diuinū lumen tuū sup filios Adæ? Quā om̃is vita, cunctaq; operatio tua, lux quædā & manu ductio nobis fuit ad veritatē? Quā perspicuè lumē cēlestis doctrinæ tuæ luxit in tenebris? Quā vniuersa opa tua humilitate, patientia, charitate, abstinentia, & om̃i deniq; gr̃a & virtute abū dabant, ita vt in his perfectissima cūctis exempla totius sanctitatis relucerēt. Itaq; quicquid mihi deest, indē mihi haurio. Si qua in re dubitare me contingit, in tua sanctissima vita ceu in speculo lucido contemplor. In hac nanque rigidam abstinentiam, veram obediētiam, profundā humilitatē, voluntariam paupertatem, ineffabilem puritatem, admirandam patientiā, immobilē lōganimitatē, constantē perseuerantiā, & incompræhensibile deniq; inuenio charitatem: sed & eam, qua maximè indigemus, abundē hic reperio, infinitā benignitatem & misericordiam, immo & quascunq; mecum in corde meo virtutes meditari queo, in hac ceu in tabula descriptas manifestè depræhendo. Reuerà tu es liber, quem propheta vidit scriptum intus & foris: quandoquidem om̃is & externa & interna vita tua spiritalibus doctrinis & virtutibus abundat. Et certè quis hūc librum bene terit, & cum propheta comedit, dulcis erit in ore illius instar mellis. O IESV misericordissime, quātos ptulisti labores, vtpditas oues dom⁹ Israēl q̃reres & cōgregares. Quā amicè & suauiter eas ab

errore suo ad te reuocasti, quàm leuiter eis blâditus es, beneficijs allexisti, & amore traxisti ad patrē tuum: modò cēlestia dona pollicēdo, modò infernales cōminando cruciatus: iam blandiendo, iam increpando. Et quid huic vineæ sterili amplius facere debuisti, quod non fecisti? O quàm studiosē conatus es plantare vineam patris tui: nec tibi ipsi ab æstu, à frigore, à siti & fame, à vigilijs & laboribus pepercisti. Enimuerò cor tuum præ ardenti desiderio intra te velut in olla feruenti æstuebat, vt patri tuo lucrum reportares, & omnem Israel saluum faceres. Quid retribuam tibi ò dulcis IESV, pro cunctis hisce immensis beneficijs tuis? Quid est homo, quod adeò sitis salutem eius, tanta pateris pro redemptione illius, tantum laboras ad pertrahēdum eum ad amorem tuum? Quid delectare te potest homo perditus? Ad quid vtilis est peccator immundus? aut quod deniq; commodum expectas ex vili ac misero terræ vermiculo, quod ita apponis erga eum cor tuum? O suauissime amator hominum, quare tam serò te amare cœpi? Vt quid reliqui te fontem virtutum, & venam aquarum viuientium? Cur auerti me à te profluvio charismatum, abyssō gratiarum, summo bono & totius perfectionis speculo? Quē me vicit insania, vt non erubescerem tam fidelem offendere parentem, tam potentem exasperare dominum? Heu me miserum, deserui te panem angelorum, & præ nimia egestate siliquis me repleui vitiosissimæ voluptatis, vt bestiali meo appetitui facerem satis. O reparator naturæ, quàm gloriosum & decorum me condidisti, & quàm ego me corruptum & scēdum reddidi? Ecce enim cor meum peruersum est, & instar adamantis obduruit: memoria mea dispersa est, intellectus obscuratus, corrupta volūtas, amor tepuit, anima de-

ſœdata eſt, ſpiritusq; remiſſus eſt & elanguit: totuſq;
ſenſibus deditus, odibilis & abominabilis effectus ſum.
Dereliquiſti me, & non doleo: incidi in laqueos diabo-
li, & non video: percufferunt me & vulnerauerunt me
uſq; ad mortẽ, & non ſentio: ad portas inferi delapſus
ſum, & non lugeo. Attamen nec ſic quidem ò clemen-
tiſſime Deus, magnam à me auertis & multam miſeri-
cordiam tuam. Vocas me ad te, qui longè receſſi à te.
Trahis me ad te, qui adhuc venire reſuſo. Extẽdis bra-
chia tua, vt ſuſcipias me antequàm veniam ad te. Inclina
caput tuũ, vt oſculũ mihi præbeas, qui adhuc im-
mundus totus & indignus ſum. Præuenis me & occur-
ris mihi cũ gratia tua, priuſquàm recõciliatus ſum ti-
bi. Infundis mihi gratiã, citius quàm ego cam petere au-
ſim. Deniq; paſcis me pane ſuauiſſimo electorũ filiorũ
tuorũ, qui neutiquàm dignus ſum eſſe vltimum mani-
cipium tuũ. Quid à te petã amplius? Pro his igitur om̃i-
bus magnificat te anima mea, & exultat ſpiritus meus
in te deo ſalutari meo. Cuncta interiora mea laudant,
benedicũt, & gratias agũt tibi domine, quia miſericor-
dia tua magna eſt ſuper me. O ſi tam amabilem te exhi-
bes inimicis tuis IESV mi benigniſſime, quid ergo es di-
lectis amicis tuis? Itaq; ex contẽplatione immẽſe huius
miſericordiæ & bonitatis tuę, miſer ego & vilis pecca-
tor, onuſtus graui ſarcina innumerabiliũ peccatorum
meorum, veniſo ad te IESV bone: multumq; humiliter
abijcio me ad pedes tuos: quãdo quidem plenus es gra-
tia, & benignus admodũ erga peccatores: eſtq; hoc na-
turale tibi ac verẽ proprium, miſereri ſemp ac parcere,
immo & gratificari ac benefacere. Da mihi, obſecro,
eandẽ inuenire gratiã, quã feruẽtiſſima obtinuit ama-
rix tua beata Magdalena: dicasq; animæ meę verbum
B 3 illud



illud solatij plenū, quod ei dixisti: Remittū tibi peccata tua. Licet em̄ vltra modum graua sint peccata mea, parua tñ sunt collata misericordiæ tuæ. O dulcis IESV, adiuua me, quia bene potes: tribue mihi desideriu cordis mei, quia humiliter valde & miserabiliter clamo ad te. Remitte mihi multū, vt multū diligā te, & magnificē gratias agā tibi. Sana me totū, vt totus tibi adhæream. Exonera me à graui sarcina peccatorū, vt te expeditus & alacriter sequar. Projice omnia peccata mea in abyssum diuinæ misericordiæ tuæ, adeoq; ibi ea conteras & redigas in nihilū, vt nulla eorū apud te memoria persequeret. Iam em̄ fixē mecū statui, nunquam posthac offendere te Deū meum. O pijsime IESV, quandoquidē tibi confiteor malitiā meam, ostende mihi, obsecro, bonitatem tuā: quia omnē tibi exposui miserā & paupertatem meā, apī mihi largissimos thesauros gratiæ tuę, simulq; omnem laborem tuū, cunctaq; opera tua bona, & vniuersa merita sacratissimæ passionis tuæ cunctis appone vitij & negligētij meis, & reconcilia mihi cælestē patrem tuū, cum quo viuīs & regnas eidem consempiternus Deus in omnia secula seculorum, Amen.

De lotionē pedum discipulorum. Cap. III.



Ppropinquante tēpore gratiæ & misericordiæ, quo Christus IESVS ab æterno cōstituerat p̄ficere salutē nostrā, nosq; redimere nō corruptibili bº auro vel argēto, sed precioso sanguine suo, ex vero amore ceuliberatissimus paterfamiliās celebrē cū discipulis suis cœnā agere voluit, antequām p̄ acerbissimā mortē discederet ab eis, idq; in signū magni amoris, quod tene-

tenebat erga illos. Atq; in hac cœna testamentũ suum
condere voluit, manifestè declarans, qđ in finem vsque
tãquam veros filios suos nos dilexerit, & pãterno cor-
di suo ab æterno habuerit impressos. Cũ enim pera-
cta iam cœna discipulis suis è vicino imminentem mor-
tem & passionem suam indicasset, vidissetq; eos vehe-
menter inde affligi, quòd à tam fideli patre & amabili
præceptore separandi essent, ex magna cõpassione mul-
tũ eos benignè consolatus est, dicens: Filioli, nolite
tristari, neq; turbetur cor vestrum. Nõ relinquam vos
orphanos. Expedit vobis vt ego vadã. Vadã ergo, & ite-
rũ veniã ad vos. Sed cũ videret eos prorsus pusillani-
mes esse, & grauiter angi, & his quidẽ lachrymas pora
defluere, alios verò ex imo pectore alta ducere suspiria,
& alios itẽ ex pallore & vultus immutatione internam
declarare angustia spiritus sui, cuncta illius viscera, vt
est misericordissim⁹, cõpassione tacta sunt, simulq; vo-
ce consolatoria affatus est eos, dicens: Filioli mei dul-
cesq; discipuli mei, nolite terreri, nolite turbari. Ecce
ego vobiscũ sum vsq; ad cõsummationem seculi. Vide
quã ardentem eos amore cõplexus est. Cãterũ, prepa-
rato iam agno paschali eo in loco, vbi ipse mãdauerat,
ingressus est cœnaculũ, & secuti sunt eum discipuli ei⁹.
Agẽ sequamur & nos. Neq; cĩ pius dominus aliquem
indẽ famelicum abire patietur. Agno deinde paschali
iuxta ritum & legem Iudaicam absumpto, vniuersas
virtutes suas, quas omni vitæ suæ tempore diuer-
sis modis mirificeq; exercuerat, ob hominum infir-
mitatem, iam velut in summa quadam duabus in par-
tibus complexus est, vt homines qui cuncta CHRIS-
TI opera & virtutes sequi minimè possunt, hæc
ad minus binas virtutes, quas in fine vitæ suæ tam

24 EXERCITIORVM DE VITA

studiosè nos edocuit, omni studio conentur assequi: quandoquidem sine illis nemo poterit salutem ac beatitudinem adipisci. Surrexit ergo de mensa, & linteo quodam præcinctus, cœpit diligèter admodum abluerè pedes discipulorum suorù. Nimirum in insignis exemplum humilitatis opus hoc grande peregit in ipso vitæ suæ termino, vt & charis discipulis suis & uobis omnibus arctiùs imprimeret virtutem profundæ humilitatis. Enimuerò sine hac in virtutibus nec persistere, nec progredi, nec placere Deo, nec illius possumus gratiam obtinere: quando iuxta scripturam, superbis Deus resistit, humilibus autem dat gratiam. Et sicut superbia initium est & origo omnis mali, sic humilitas virtutum omnium est fundamentum. Hæc beata virtus vnit nos Deo: & per humilitatem cogimus Deum delabi in animas nostras. Præpotentem nanq; potentiam Dei nemo cogere potest, nisi per profundam despiciendam & nihilipensionē sui ipsius. Et sicut aqua semper humiliora petit loca, ita & deus cum gratia sua humili-
mo potissimū cordi illabitur. Per humilitatē virgo beata domina nostra inuincibilem vicit, offensum reconciliauit, sumo placuit regi, eundēq; inclinauit, vt in eius purissimo q̄sceret corpore, sicuti ipsa fatet: Quia respexit, inquiēs, humilitatē ancillæ suæ. Per superbiā è paradiso eiekti sum⁹: per humilitatē reparamur ad gloriā. Quòd si superbia tā dānabilis fuit in angelis, vt exigēte iustitia è cœlis eternò extrusi sint, cū tñ ob ingentem gloriā & claritatē suā multo plures sese extollēdi causas habuerint, quàm homo: quomodo hic erigere sese audet, tanquàm & ipse aliquid sit, cū eum & substantia, & conditio, & natura, & locus & quicquid demum est, deprimant & vilem efficiant? Si enim attēdere vōlet quid

quid fuerit, quid sit, quid patiatur, ubi habitet, & quid futurus sit, sentiet nimirum, quod propria eum conditio proterit, humiliatque, suumque eum fundum reprehendit, dicens: Quid superbis terra & cinis? Cæterum quantum dominus IESVS toto vitæ suæ spatio sanctam hanc humilitatem verbis & operibus nos docuerit, nihilo minus iam morti propinquus, & discipulis suis & nobis omnibus eam arctius imprimere, nosque humilibus suis actibus expressius docere voluit, quod nunquam ex cordibus nostris deleretur. Et reuera ut maiorem nobis dulcis dominus humilitatem exhibere potuisset, quam quod imundos pedes creaturarum suarum abluit? Ad terram usque sese demisit, & discipulorum suorum omnium servus effectus est. Quis, obsecro, sine compunctione & deuotione videre possit regem gloriæ, cuius admirabilem potentiam stupent, & cum tremore adorant spiritus angelici, præcinctum linteo tam studiosè abluere pedes sordidos seruatorum suorum? Sedebant discipuli, viscumque omnipotentis DEI ad terram usque sese deiecit: & dominus dominatum genu flexit coram discipulis suis, in cuius nomine genu curuant omnia. O quam humiliter, quam deuotè, quam amabiliter de vno ad aliud positis humo sacris genibus processit, nitidisque manibus suis illorum tractauit sordes, immò & tam officiosè lauit, extersit, osculatus est. Nec pedes modò amicorum, sed etiam proditoris sui ita abluere & osculari voluit, cum tamen ab isto sciret se triginta argenteis veditum, nec quicquam alijs minus ei præstitit verè piissimus IESVS. Hoc tam admirandæ humilitatis opus fecit ad nostri institutionem. Audi ipsum dicentem discipulis suis: Scitis quid fecerim vobis? Si ego dominus & magister laui pedes vestros, & vos debetis alter alterius lauare pedes. Exemplum enim

dedi vobis, vt quemadmodum ego feci, ita & vos faciat, vt & vos alter alteri mutua charitatis opera præstetis, mutuasq; inuicem collocetis operas, idq; nō amicis tantum, sed etiā inimicis. Itaque quisquis filij DEI profundā in terris humilitatē sectari delectat, cum eodem minimē apud patrem exaltabitur in cælis. Nihil enim æquē diligit DEVS, atque cor purū, humile & quietum, sicut ipse ait: Super quem requiescet spiritus meus, nisi super humilē & quietum, & timentē sermones meos?

De institutione venerabilis & præstantissimi sacramenti. Cap. III.



VM itaque dominus IESVS dilectos, discipulos suos in vera humilitate verbis & exemplis instituisse, iamq; propinquum esset tempus passiōis, eisdem & nos omnes etiam alteram suam virtutē nō minūs nobis quā præcedētem, ad salutē necessariam

docere voluit, perfectam videlicet charitatem. Has duas virtutes eccl̃i testamēto ad perennem memoriam nobis dereliquit, cupiens eas intimis imprimere cordibus nostris, cum in eis om̃is nostra salus sita sit, & sine ipsis salui esse nequeamus: hæc q; solæ sufficiant, etiamsi nihil præterea habeamus. Audi nūc quid benignissimus Dñs dixerit discipulis suis: Filioli, mandatū nouū do vobis. quasi diceret: Multas à me institutiōes, diuersaq; & nūc rosa p̃cepta habetis. Sed iam p̃ceptū nouū do vobis, summā quandā omniū p̃ceptorū, & clausulā cunctarum institutionum mearū: hoc est, vt diligatis inuicem, sicut dilexi vos: vt sicut ego animā meam pro vobis pono, ita & vos ad mortē vsque vos diligatis inuicem, &

mu-

mutuò assistatis: sicuti ego proditorē meū dilexi, & pro his qui me in erucē egerē, rogavi, ita & vos diligatis inimicos vestros, & eis beneficiatis, per charitatis opera cōmodō subueniendoq; illis, qui vos persequuntur, & mala vobis irrogāt. Hoc nouū charitatis pręceptum dñs iesvs nō solū verbo docuit, sed etiā opere pstitit. Eteim declarare nobis voluit, veros nos esse filios suos, quodq; ex charitate perpetua suo nos paterno gestarit in pectore, nosq; ab æterno fuisse in ipso, & velut in nostra origine in eo ab omni æternitate quieuisse: nec vllum vnquam naturalem parentē tanto filios suos amore complexum esse, quāto ipse nos cōplexus sit. Enimvero tanquā fidissimus parens pręstantissimum nobis reliquit testamentū & excellentissimū legauit bonum, quod cælo terraq; & dignius & melius est, sacratissimū videlicet corpus suum in cibū, & preciosum sanguinem in potum. O admirabile mysterium, o celsissimū sacramentum. O vos omnes quotquot DEVM amatis, venite, pperate, videte, admiramini, obstupefcite, laudate, annunciate, magnificate nomen dñi. Tale nāque, tam admirandum opus operatus est in nobis dñs, vt quisquis hoc interno voluerit intellectu perscrutari, non possit non & spiritu cōtabescere, & deficere intellectu, immo & cunctis viribus prę nimia admiratiōe destitui. Et si qs fundū charitatis huius p humane fragilitatis modulo, auxiliāte sibi grā dei, rōne vel intellectu plustrare ac pue stigare velit, quāto scilicet ex amore hoc ipsum De^o facere dignat^o sit, nimirū liquefciet, ardebit ac cōflagrabit dilectiōis flāma & incēdio cor illi^o. Quāuis eim grāde & admirabile op^o fuerit, q^d De^o oīpotēs humanā assumere naturā, nroq; mortali cōtegi sacco dignat^o est, hoc tñ opus cūcta illi^o opera multis post se relinqt interuallis.

In

In illo nanq; opere nostram in se recepit humanitatem; in isto vero suam nobis largitur diuinitatem cū humanitate coniunctam & unitam, vt eam intra nos suscipiamus. In illo nostram ipse humanitatem: in isto eius nos diuinitatem induimus. Vt enim cibus ab homine sumptus transit in illius substantiam, fitq; vnus cum homine naturæ: ita quisquis hunc cibū dignè percipit, vnum cū eodē per gratiā efficitur. Nā quēadmodū dñs Augustino ait, nō nos diuinā hāc escā in nostrā mutam⁹ substantiā: sed ipsa potius nos in se trāsmutat atque transformat, efficitq; nos deiformes & vnus secum naturæ: velut ignis naturā in se ligni trahit & absūmit, ipsumq; transmutat in ignem. Atque hic est modus, quo Christū induimur, sicuti apostolus monet. O quis infinitam abyssum altissimę charitatis huius vllo possit intellectu contingere, quam DEVS nobis in hac sublimi & admirabili voluit declarare sacramento? Et id quidem fecit in extremo vitæ suæ tempore, vt esset summa quædam, & glaufula, perennisq; memoria cunctorum operum suorum. Porro licet in cœna vltima sacramentum istud primò instituerit, tradideritq; homini sumendum, idem nihilo minus erat, vbi humanam CHRISTVS naturam induit. Tunc nanque verum habuit corpus, viuentem animā, eratq; DEVS verus: quæ tria nos accipimus sub hoc sacramento. Cuius iam cor non ardenti incandescat amore, exciteturq; & moueatur ad deuotionem, vbi attēderit, quāto amore & desiderio flagrārit potēs ille rex gloriæ, dominus maiestatis, erga nos viles creaturas, qui nō nisi puluis & cinis sumus? in quibus etiam nihil præter omnem fragilitatem, vitiositatem, & indigentiam inuenit, adeò vt dicat, deliciæ meæ esse cum filiis hominum? Vt nos ampliùs exaltare queat, quā cōsu-

um

um intra nos templum constituit? Vt verò sese magis deicere possit, quàm quòd esse dignatur cibus creaturarum suarum? Summum ille quidem & perfectissimum bonum est, cui nullum possit bonū comparari, nec vnquam deficere potest: & quia cor illius paternum atque piissimum nihil melius, nihil sublimius excogitare potuit, seipsum nobis dedit, vt nobis largifluā bonitatem, & altissimum cordis sui demonstraret amorem. liberalisq; prorsus largitio est, cum quis dat semetipsum: sed multò liberalius est, cum quis tali se ratioē largitur. Dedit nanque seipsum nobis in patrem, in fratrem, in socium, in cibum, in preciū, in intercessorem & aduocatū. Denique & olim sese nobis in perenne præmium daturus est, ita q̃ seipso adeò nos exatiabit, quòd erit nobis quicquid desiderare poterimus. Et vltra omnem hanc liberalitatem etiamdū semper paratissimus est aduentare in corda nostra, & impertiri nobis merita oīa incarnationis, vitæ & passionis suæ. Ipse nanque ait per prophetam suum: Tunc inuocabis, & dominus exaudiet te clamabis, & dicet: Ecce adsum. Et per seipsum, Qui diligit me, inquit, diliget eum pater meus, & ad eum veniemus, & mansionem apud eum faciemus. Attende ò anima mea dignitatem tuam: & exulta satis in DEO tuo, qui te subleuauit è stercore vitiorum tuorum, vt sis modò habitaculum adorandæ trinitatis, quæ eras prius mancipium diaboli. Verùm nec tantum quidem nobis exhibuisse amorem tam ardentissimo amatori satis est: quin & profundius sese nobis submittit. Nec expectare vult, donec à nobis inuitetur desidereturq;: sed ipse prior venit & pulsatur, oraturq; vt se intromittere velimus. Audi eū in apocalypsi dicentem: Ecce sto ad ostium & pulso: Si quis aperuerit mihi, intrabo ad eū, & cenabo eum illo,

& ipse mecum. O beatam & felicem illam animam, quæ obseruat pulsum domini sui, quæ vigilat & cum desiderio illius prestolatur aduentum, vt non modò dñō & sponso suo cōfestim aperiat: sed etiā cū lampade oleo arden-
ti bene instructa, illi pergat obuiam, ducatq; secum, dicens: Veniat dilectus meus in hortum suum. O quantæ felicitatis est excipere venientem è cælestibus nuptijs, vino ebrium, plenum gratiæ & veritatis, procedentē ex deliciosissimo sinu patris, omnino delectabilem & consolatorium, delicijs spiritalibus affluentem, paratū impertiri amabili sponsæ suæ osculū pacis quod ipse percepit à patre suo? Quatæ item felicitatis est manducare cum illo, qui sic semetipsum largitur in cibū? Quinam obsecro aut sese deijcere ampliùs, aut nos magis euehere potuisset? Cælum & terram implet gloria diuinæ maiestatis suæ: & tamen tractari & manducari percipi; non recusat à nobis indignis terræ vermiculis. Cæli cælorum magnitudinē eius capere nō sufficiunt, & dicit esse delicias suas vt sit nobiscū, qui in luteis terræ domibus habitamus. O cuius præ nimia admiratiōe non obstupe-
scat spūs? cuius cor ex ignito ardore ineffabilis charitatis huius non liquecat? Quonam ille modo seruentissimum amorē suū nobis reddere testatiorē potuisset? Parum est ei q̃ angelos sanctos in nostri mittat obsequiū & visitationem: sed dñs angelorū ipse venit ad famulos suos. Aegrotos visitat, infirmos cōfortat, lapsos erigit, desolatos consolatur, desperatis animū addit, dubitantes instruit, errātes reuocat, esurientes reficit, tepidos inflamat. Denique omnes curat languores & vitia nostra, idq; nō peregrino aliquo medicamine, sed precioso corpore & sanguine suo. O admirādum mysterium, o celsissimum sacramentum, o amor ineffabilis, o inau-
dita

dita largitas, vbi dator ipse est donum, seruus máducat
 dominum, creatura percipit creatoré, minister ad sum-
 mi regis mēsam sedere iubetur, & esca diuina satiatur,
 homo pane vescitur angelorum, pater corpus distribu-
 it vnici sui, largeq; potandum præbet amicis suis pre-
 ciosum sanguinem dilecti filij sui. Cui vnquā maior aut
 profusior audita est largitas? Quis intellectus admira-
 bilis sacramenti huius mysteria perscrutetur & capiat?
 Quidnā præterea nobis facere Deus potuisset? Quinā
 altissimam diuinitatē suam magis nobis coniungere po-
 terat, quā q̄ effectus est cibus noster, vt nos totos si-
 bi incorporaret? Vt enī esca corporea sumpta ab homi-
 ne, suauiter ad interiora delabatur, nutritq; cūcta homi-
 nis mēbra, & demū in illius trásit substantiā: ita & Chri-
 stus in nostras sese demittit animas, vt nos totos seipso
 impleat, & in se trahit oēs vires nostras. Et si ita dignè
 præparatas offendat animas nostras, vt in eis iucūdam
 planè opus suū absq; impedimēto possit exequi, iam
 secundum scripturas, ædificat & destruit, occidit & vi-
 uificat, euellit & plantat, obscurat & illustrat. Ipse nan-
 que est agnus ille, quem S. Ioannes vidit sedentē in thro-
 no cæli, & noua facientem omnia. Enimuerò vt̄i semel
 animas nostras, cum needum essent, miro artificio con-
 didit ad imaginem & similitudinem suam: ita & reparat
 easdem, reformatq; mirificè ad eandem similitudinem
 suam, in nobis vitiatā atq; destructā. Sic enī legis eū di-
 centem per Prophetā quendā suū: Ego ipse pascā oues
 meas, & ego eas accubare faciā. Quod perierat, requirā:
 & quod abiectū erat, reducā: & quod cōfractū fuerat, al-
 ligabo: & quod infirmū fuerat, cōsolidabo. O q̄s mente
 capiat, q̄s cogitare sufficiat, quāta mira, quātāq; felicitā-
 tē cib⁹ hic diuin⁹ operetur in anima, dignè eā p̄cipiēte?
 O quā m̄

O quàm purus, quàm sanctus, quàm cælestis, & ante omnia quàm diuinus mox eiusmodi homo ex hoc cibo efficitur. Si em̃ ea est natura elementorum instar authoris sui, vt cuncta absument, suiq; reddant similia, & in suam substantiam transmutent: quanto magis hæc esca dignissima, quæ DEVS ipse est, quicquid in homine vitiosum, carnale vel sensuale est, consumet penitus & occidet: & quicquid virtutis est, ac bona quæq; oriri faciet excitabitq;? Ac præcipuè totum tandem hominem in sese transformabit, sibiq; vniet, & quatenus secundum creaturæ modū fieri potest, vnius secum essentia, suiq; simile reddet? Quod dum fit, vt videlicet cibo huic conformis sit homo atque consimilis, totus quoque fit spiritu viuendus: quandoquidem panem recepit vitæ, ita vt iam cum Apostolo dicat: Viuo autem iam non ego, viuit verò in me CHRISTVS. Fit etiã totus angelicus & cælestis: quia cæli panem, & escam mādūcauit angelorum. Fit denique totus diuinus, eò quòd DEVM ipsum suscepit, qui adeò totum eum repleuit, adeoq; vires illius (vt ita dicam) deificauit, vt nihil iam vel appetere, vel meditari, vel velle, vel diligere possit præter solum DEVM, illiusq; exequi voluntatem, & quicquid eius amor exigit, illi facere satis. Quid igitur deesse nobis possit, vbi hunc dignissimum percepimus cibum? O DEVS misericordissime, quid nobis ampliùs facere posses atque fecisti? Etiam si omni potentia & vniuersa sapientia tua in hoc solum incubuisses, vt grande homini præstares beneficium, & insigne quoddam amoris eximij exhiberes opus, equidem meo non possum capere intellectu, vt dignius, sublimius, vtilius aut salubrius nobis donū largiri potueris. Enimuerò thesaurum gratiæ tuæ totum in nos effudisti: & patefacto nobis paterno corde tuo,

tuo venas excellentissimæ charitatis tuæ largissimè in
 nos scaturire permisisti. Planè re ipsa declarasti nobis,
 quanto erga nos flagrares & sauciatus esses amore. Et
 quia beatum hoc vulnus, & seruens incendium diutiùs
 celare non poteras, flāma¹ prupit, hominē vim & amo-
 ris tui agnoscere permisisti, dans illi sacratissimum cor-
 pus tuū in cibū, & preciosum sanguinē in potū, vt vide-
 licet homo aspiciens immēsam hanc dilectionē, & ipse
 vicissim inflāmaretur ac vulneraretur amore, simulq;
 per hanc sublimē charitatē semper intrinsecus exigere
 tur & admoneret vicē qualēcunq; rependere ac huic sa-
 tisfacere amoris. Vide hic quā stupendū & inauditū di-
 uinæ sapientiæ cū nostra natura cōmerciū fuit. Infirmi-
 tatē ipsa nostrā, & mortalē à nobis assumpsit humanita-
 tem, & adorandā nobis cōtulit diuinitatē suam. Quod
 vt meli⁹ efficere posset, nullū cōmodiorē gratiorēve
 reperit modū, quā vt sub specie cibi & potus sese no-
 bis relinqueret. O prædicanda potētia DEI, quæ sub spe-
 cie panis exigui sublimē diuinitatē suam, perfectū cor-
 pus, sanctamq; animā suam hominibus vniuersis æqua-
 liter ac integrē præbere potuit in cibū, qui ab vnoquo-
 libet totus sumitur, & tamē in seipso integer & incor-
 ruptus perseverat. O stupenda sapiētia DEI, quæ hunc
 subtilem & salutarem nostrā pro salute modū instituit
 atque sancit. O incōpræhensibilis bonitas DEI, quæ
 sublimia charitatis opera nostræ salutis causa perfecit.
 O salutaris esca, per quā filij hominū transeūt in filios
 DEI, per quam humanitas absorbetur, vt DEVS maneat.
 O desiderabilis, ò facer & adorandē panis, qui men-
 tem reficis, non ventrem: cor hominis confirmas, non
 corpus aggrauas: spiritum exhilaras, non obscuras in-
 tellectum: per quem trucidatur sensualitas, & voluntas

propria ad nihilum redigitur, vt locū habeat voluntas Dei, spūs dominetur, & operatio Dei nullū sentiat impedimentū. Nimirū impendiō necessariū erat hominī, qui venenosum serpentis morsellū hauserat, vt per cælicā preciosi sanguinis CHRISTI potionē, salutē amissā recuperaret. Decebat planē, vt qui per cibū mortiferū lapsus erat, per panē vitæ erigeretur: qui per fructum ligni erat mortuus, per fructum æquē ligni reuiuisceret, quiq; per lignū inobedientiæ æternæ fuit mortis adiudicatus, per obedientiæ lignū ad perennē gloriā repararetur. In illa nanque arbo re esca mortis, in ista verò vitæ medicina pependit. In illo stipite succus hærebat concupiscentiæ, in isto verò botrus pependit salutis: qui in passionis expressus torculari, nouum nobis reddidit vinum, quo cor hominis exhilaratur. Hic planē electus ille & gustui delectabilis est botrus, quē terrę exploratores in veste deferēbāt, sancti videlicet Apostoli, qui interioribus oculis cælorū regna perlustrarunt: vt exempli gratia, D. Ioannes, qui agnum occisum vidit in Apocalypsi, & D. Paulus, qui & ipse abiit contēplari terram promissionis, cum raptus esset in tertium cælum: indeq; ad se reuersus, confitebatur nullū aliud se signū nosse, quā vuā in stipite, id est, Iesum Christū, & hunc crucifixum. Hic est enim verus botrus, nihil habens acerbitalis admixtū: & panis sapidus, seu māna cæleste plenum spiritualibus delicijs, in quo nihil est asperum, cum non sit hordeum veteris Testamenti, administratum per Mo sen: sed flos tritici, id est, gratiæ exhibitę per CHRISTVM IESVM: non sit etiam figura, sed veritas. Nemo itaque panem hunc edere obliuiscatur, ne cor illius exarescat. Vt enim per cibum corruimus, ita nihilo minùs per cibum reuiuiscamus oportet. De illo dictum est: Quocunque

die

die comederis ex eo, morte morieris. De isto dicitur: Si quis manducauerit ex hoc pane, viuet in eternũ. Quotquot igitur per imposturam satanæ, maligni serpentis illius, in peccata cecidimus, & mortis poculum nobis per inimici tentationem oblatum hausimus, cum dolore, pœnitentia, deuotione, flagrantibusq; desiderijs ad cœlestem hanc medicinam percipiendam nos præparare debemus. Prorsus non cessemus malè habentibus & ægrotis succurrere animabus nostris: quandoquidem pijsimus Dominus nulli denegat gratiã suam, nec quicquã dare paratior est, quàm semetipsum. Et certè quicquid charismatum, quicquid gratiæ Dominus IESVS attulit in hunc mundum, deditq; homini cum illius naturam assumeret, totum hoc singulis quibusq; confert & adducit dignè hoc venerabile percipientibus sacramentum. Quicquid etiam virtutis in vita sua CHRISTVS exercuit, omnem mortis, Resurrectionis & Ascensionis suæ fructum, beatitudinem dignissimi corporis, virtutem preciosi sanguinis, & merita denique præclarissimæ animæ suæ, idem ipse secum aduehit in animam dignè ipsum recipientem. Quid multis? In hoc dignissimo sacramento, quicquid vel cogitari vel desiderari potest, accipitur. Enimuerò sumitur hic verus DEI filius IESVS CHRISTVS, verus DEVS & homo verus, semper vnum existens cum patre & Spiritu sancto. Et quicquid demum virtutis ac meriti CHRISTVS in vita & passione sua exercuit obtinuitq;, id omne hic percipitur ab anima dignè præparata. Immo & paratus est dulcis IESVS cunctas has virtutes per pijsimam & largissimam bonitatem suam donare nobis, perinde ac si nosmetipsi eas exercitassemus. Festinemus igitur omni studio expurgare corda nostra ab omni inquinamen-

to peccati, & exornare ea virtutibus & operibus bonis, vt cibum hunc salutiferum semper accipere idonei ac digni simus, ad æternam gloriam benignissimi creatoris. Amen.

Oratio deuotissima de venerabili sacramento. Caput V.



OMNIPOTENS DEVS & DÑE IESV
 Chrifte, verbum patris, æterna veritas, misericordissime redemptor, æquissime iudex, quàm incôpræhensibilia sunt iudicia tua super filios hominû? quàm horribilis es malis, quàm pi⁹ & amabilis bonis? En pauper ego, vilis & peccatrix creatura tua, tremens ac gemens venio ad te eternâ veritatē, cui secreta omnia apparent: cuius oculi nō solū opera, sed ipsum quoq; intimū hominis fundum clarè perspicit, quo videlicet corde, quâve intentiōe quæq; opa peragātur. O pijsime deus meus, grādis iustitia, perspicax veritas, tremēda sapientia, & exhorrēda iudicia tua angūt me ad mortē vsque, & cōtremiscere me faciūt venire in cōspectū tuū, cum sim multis inquinat⁹ vitijs, quibus vehemēter te ad iracundiā concitaui. Sed infinita clemētia, & ingens benignitas & misericordia tua, quæ est super omnia opa tua, ipsa me respirare facit in salutem, & spem veniæ consequēdæ. Fallax ille & inuidus serpēs, mortis escā sub tegmine delectatiōis obiecit mihi: & ego extraneus à luce gratiæ tuæ, nō discernēs bonū à malo, præbui cōsensum iniquo: Comedi, & veneno illius infectus sum. Ad quē nūc fugiā ò deus benignissime, nisi ad te? Tu es em̃ salus hominū, agnus sine macula, qui tollis oēs maculas pecca-

peccatorum, & purissimo sanguine tuo sanas & diluis
 oēm corruptionē infectionemq; venenosi serpētis. Ita-
 q; pia cū fidutia sub alas cōfugio māsuetissimę benigni-
 tatis tuę. tibi me p̄sterno oīmi cū humilitate, nō de ali-
 qua virtute præsūmēs, sed onustus molestissima sarcina
 peccatorū: quò te deū meū gemēdo, flendo, rogādo mi-
 hi cōciliem, quē cupiditate, delectatiōe, superbia, vani-
 tate & ppria leu nimiū voluntate offendi. Totus ad te
 immūd⁹ venio: cū sis fons misericordiæ & gr̃æ, si vis, po-
 tes vtiq; me mūdare. venio ad te, ad mortē vsq; vulnera-
 tus: quia tu De⁹ me⁹, ipsa es vitæ medicina. En ostēdo tibi
 vulnera mea. En cōfiteor tibi peccata mea. dñe, si vis,
 potes mihi opitulari: & quidem tu solus id potes. Certē
 parum est tibi dare, quod mihi accipere maximē profit.
 Memēto, obsecro, pie iesv cōsolatorij verbi illi⁹, quod
 tu æterna veritas protulisti, puta, qđ nō velis mortē pec-
 catoris, sed vt cōuertatur & viuat. O amator hominum
 fidelissime, en toto corde & oīmi facultate mea me ad te
 cōuerto. Adiuvā me, priusquā moriatur anima mea. Si-
 ne te nāq; nō possū nō mori, cū tu ipse dixeris: Nisi mā-
 ducaueritis carnē filij hominis, & biberitis eius sangui-
 nem, non habebitis vitā in vobis. En mortī proximus
 factus sum, quia auerti me à te animæ medicina, & pane
 vitæ. Cor meū aruit in me, ita vt coactus sim panē mē-
 dicare in terra, terrenā videlicet & temporalē conso-
 lationē q̄rere, quia à te recesserā esca & nutrimento cæ-
 lesti. Eapropter venio nunc famelicus, egrotus & defor-
 mis ad te patrē misericordiæ, fontē pieratis. Cū prece
 humili ad ostiū pulso diuinæ gratiæ & clemētiae tuæ, &
 ad paternū cor tuū. Exaudi supplicationē meam: tribue
 mihi desideriū cordis mei, exple famelicū, refce sitibū-
 dum, refocilla languidum, sana ægrotum: quia tu solus

me sanare potes. Noli ò benignissime Samaritane p̄terire infirmū seruum tuum, sed motus cōpassiōe, infunde in vulnera mea vinū & oleū. Amor qui te traxit è cælo, vt perditū Adam patrē nostrū redimeres, ipse te cōmoueāt, vt sanes me infirmissimū membrū illius. Nec tamē ò bone Iesu ideo te solum accipere desidero, q̄ mihi in infirmitate mea tā summè es necessari⁹, sed etiā ex amore ingēti & desiderio, quo afficior erga te dñm meū, Saluatorē meū, vnicū amorē cordis mei. Præueniens nāq; gratia tua, & amor prius exhibitus, adeò cor meū in fide, spe & charitate erga te corroboraui, vt te formidare aut fugere nō possim, quasi terribilē aut implacabilē iudicē: sed obuiā tibi ire cōpellor, vt excipiā te, & amore intimo ceu pijsimū patrē, & dulcem ac delectabilem amatorē, amplectar. Siquidem in virtute potētissimus, in sapiētia gloriosissimus, in bonitate perfectissimus, in donis largissimus, speciosissimus in natura, sanctissimus in cōuersatione, fructu delectabilissimus, gustu suauissimus es. Plenus nāq; consolatione & gratia, ac totus es desiderabilis. O dulcissime Domine, tametsi cæli non capiant magnitudinem tuam, & ego tam vilis terræ puluisculus sim, vt indignus sim vel minimū ex te capere beneficium tuum: attamen nec sic quidem cunctis donis tuis explere poteris desideriiū cordis mei, nisi & te ipsum dederis. Quanto sanē ego vilior sum, tanto magis prædicabitur bonitas tua, magisq; eam admirabuntur omnes, q̄ tu dñs gloriæ, ad me miserū & infirmum homuncionē venire dignaris. O benignissime IESV, qui publicanorū & peccatorū conuiuia nō respuisti, & peccatricis scēminæ tactū non es aspernatus, visita desolatam animā meam. Veni & dic animæ meæ: Salus tua ego sum. O effluens abyssus diuinæ bonitatis, quæ cælum
&

& terram & omnia in eis contēta adimple, ex cuius plenitudine sancti omnes delicijs affluunt, & abundē satiantur, imple me totum temetipso. Quod quidem perficere, est potentiae tuae: quomodo verō, & quali ratione, sapientiae. Operis denique cōsummatio, est bonitatis tuae. Dignare etiam cor meum ita exornare diuitijs gratiae tuae, vt nullam infra te curiositatem ornatū me requiram, sed cuncta mihi temporalia ceu stercus vilescant. O cēlestis dulcedo, totū te māducare cupio, & tot⁹ māducari abs te. Cupio mi dñe totus consumi à te, & in meipso ad nihilum redigi. Opto mori in me, & viuere in te: transformari item & incorporari abs te, & acquiescere æternaliter in te beata origine mea. Tu es enī fons & origo omnium quæ sunt: & ex te & in te ab æternō secundū ideas viuim⁹ & sumus. Et certē inquietū est cor nostrū, nisi requiescat in te origine sua. O conseruator omnipotēs essentiae meae, trahe me in te, & ipse mihi clementer illabere: decoramq; similitudinē tuam, quam in me corrumpti, ad pristinā in te reforma puritatē & integritatem suā. O purissimū principiū essentiae meae, creatæ quidem in me, sed increatæ in te secundū ideam, oro te per ardentissimū amorem illum, ex quo permisisti configi pijsimū cor tuū, vt me per ipsum sic apertum & transfixum ad increatū diuinumq; cor tuum perduceres, descende velociter in me, simul adducens tecū clementissimū patrē tuū: quādoquidē gratā hanc illius intelligis perspicuē voluntatē, q̃ te ex se emittere nolit, sed esse ipse tecū. Quæso te dulcis IESV, toties me baptiza, purga & munda in faucio & transfixo corde tuo, vt dignus hiam tecum abduci in amantissimum cor æterni patris tui, vbi me filiū suū adoptiuū recipere dignetur per te filium tuum sibi consempiternū & coæqualem. Amen.

40 EXERCITIORVM DE VITA
Exercitium deuotum de Passione domini.

Caput VI.



VM iam propè esset tempus, vt Dñs IESVS ex hoc mūdo transiret ad patrē, constituto, iam ab eo ceu patre fidelissimo cum dilectis discipulis testamento suo, relicto videlicet eis p̄cipuo & excellentissimo bono, quod cor ipsius paternū excogitare poterat, vtpotè sacratissimo corpore in cibū, & precioso sanguine in potum: (Quod nimirum idcirco fecit, vt certum eis ardentissimi amoris sui p̄beret indicium, eternūq; eis passiōis, mortis & omnium denique operum suorum post se relinqueret memoriale seu monimentum, & eximium denique ac certum, immo & preciosum futuræ gloriæ suæ pignus traderet.) hoc, inquam, opere peracto & consummato, cum hymnum dixisset DEO patri, exiuit cum discipulis suis in mōtem Oliueti trans torrentem Cedron, vbi erat hortus quidam, quò sæpe orationis gratia cōuenire solitus fuit cum eisdem discipulis suis. Aitq; ad eos: Sedete hic, vigilate & orate, vt nō intretis in tētationē. Assumptoq; Petro, & duob⁹ filijs Zebedæi, Iacobo & Ioanne, vtpotè secretissimis, fidissimis, maximeq; dilectis, quos haberet, amicis suis, vt quibus gloriam diuinitatis suæ in transfiguratione ostenderat, etiam doloris sui in passione acerbiter demonstraret. Hic nunc adsitis, quotquot DEVM diligitis: attendite & videte, quanta fecit dominus animabus nostris. Venite huc omnes, qui per innoxium innocentis agni CHRISTI IESV sanguinem redempti estis, vt videatis & intelligatis, qualia perpessus est pro iniquitatibus

bus nostris. Iam nunc aperitur liber vitæ, & soluuntur septem signacula eius: in quo relucet veritas, & omnes sunt thesauri sapientiæ & scientiæ absconditi: qui scatet doctrinis, & mysterijs abundat. Nunc planè speculum virtutum omnium cunctis manifestè proponitur. Iam velum antiquum scinditur, & cuncta figurarū inuolucra atq; velamina auferuntur. Sancta sanctorum modò per Iesum summum sacerdotem latè pandūtur: quandoquidem proprium ipse sanguinem obtulit in sacrificium, & quidquid abditæ sanctitatis fuit, & omnia deniq; occulta sacramenta & mysteria reuelauit. Iam nunc fons altus Iacob patriarchæ, profluentes habens riuulos ostenditur, ex quo non Israelitæ tantum, sed & Samaritani hauriunt, & pecora multa reficiuntur, & quicquid est sordium ac immunditiæ, abluit. Vastum hic quoq; & amarum afflictionum & cruciatuum mare demonstrat. Quod etsi prius tam horribile erat, vt solo quoq; nomine perterreret hominem: posteaquam tamē verus Ionas in illud se sponte pijci iussit, amaritudinē oēm ita vertit in dulcedinem, tempestatemq; omnem adeò sopiuit atq; sedauit, vt haud secus, quàm in delizioso balneū in illud sese homines mittant, in eoq; sese emundent, nec iam horreant amplius, sed etiam gloriētur in cruce dñi nostri IESV Christi. Sicut hodieq; cōplures videmus crucem suam hilariter in se recipere, & multa cum alacritate sequi dominum suum IESVM Christum. Ad hæc proponitur hic nobis ob oculos scala Iacob, cuius cacumen nō cælum modò, sed ipsum quoq; sinum Dei patris attingit: per quàm non angeli modò, sed ipse quoq; dominus angelorum ascendit, sequentibus eum publicanis & peccatoribus. In cuius summitate pater misericordiarum sedens expanso sinu, amabili-

42 EXERCITIORVM DE VITA

lissimè excipit, quotquot filium suum affectarētur. Reducitur nunc etiam hic nobis ad memoriā mirabilis illa, quæ Hierosolymis erat piscina, quæ nunc ultra modū per magni angeli Iesu Christi descensum mota atq; turbata est, ita ut iam in ea non vnus tantum ægrotus, sed quotquot malè habent, & immūditia omnis, & quicunq; demū in hac salutifera afflictionis seu passionis vnda lauātur, ilicò sanentur & emundentur. Nūc etiam aperitur thesaurus immensus diuitis patris familiās, ex quo inopes, infirmi & oppressi omnes largissimis exhilarantur donis, ita ut unicuiq; liceat ex sacris Christi IESV haurire visceribus, quicquid sibi deesse intelligit. Copiosam nanq; emanant gratiam: & ut largiūs fluerent, pluribus in locis scissa sunt & patefacta. Celebratur nunc etiam gloriosa victoria Christianorum, ut videlicet verus David CHRISTVS IESVS, humilis quidem & pusillus statura, sed fortis viribus, non Saulis munitus armis, sed baculo, id est, cruce sua & filicibus quinq;, cruentum Goliath, plebis Israeliticæ hostem, imperterritus debellare aggressus est. Præterea declaratur hic nobis admirabile sacramentum & sublime mysterium, quod dominus angelorum dignatus est fieri abiectio hominum: altissimus, factus est infimus: vni-genitus DEI PATRIS, sese spontè obtulit pro reis peccatoribus in mortem crucis, affigens peccatum cruci, & mortem interimens, delensq; chirographum debitorum nostrorum precioso sanguine suo. Nunc denique ignis ille, quem pater cælestis misit in terram, adeo accensus est, ut flamma cælum contigerit, atque per intemperantem calorem suum, frigidam terram & saxa dura emollierit perruperitq;. Et reuera quisquis deuota meditatione ad hunc ignem propiūs accesserit, incendum

tendum hoc euadere nō valebit. Cuius em̄ vel faxeum cor nō liquefat, dū aduertit immēsam Christi Iesu bonitatē, quāto ille erga nos viles terræ vermiculos desiderio teneat, quāto perē sitierit salutē nostrā, quā vltro se obtulerit in mortē, preciosūq; sanguinē, iuuenile ac elegans corpus, & quicquid demū habuit, tam largē exposuerit, quō nos dānatos redimeret peccatores? Em̄ uerō nulla coact^o vi, sed spōte sua, ad locū pdictori suo cognitū accessit, vt ab eo posset facili^o inueniri. Vide hīc modō, ò fidelis anima, & inspicce hūc strenuum Dauid, Deū ac dñm tuū, quā ardeat, quā vehemēter desideret inire certamē, & ponere animā suā pro populo suo & domo Israel. Vide obsecro, vt amore aīatus, primus ad locū certaminis, p te dimicaturus accedat. Certē & antequā hostes aduētarēt, cūcta sua mēbra exercitauit ad pugnā. Et qā non nisi hūilitate, charitate, orādo & sustinēdo certare statuerat, priusquā inuidi illi cruētas man^o suas in eū inijcerēt, tm̄ in se cruciatū vltro recepit, vt huic null^o possit dolor æquiparari.

De ingenti mœrore & angustia, quam Christus pertulit in horto ob impēdentem passionem. Cap. VII.



Bi iam in hortum Christus venerat, cœpit contristari & mœstus esse, paucere etiam & tædere: atq; ex doloris interni vehementia extrinsec^o membris omnibus miserabiliter contremuit. Et hanc ipsam tristitiam, infirmitatem & perturbationem corporis sui non erubuit confiteri discipulis suis, dicens: Tristis est anima mea vsque ad mortem, Eamus nunc & vi-

& videamus, quænam sit tanti causæ doloris. Et quidem multas ob rationes CHRISTVS ita contristat⁹ est: sed nos hic duas tantùm attingemus, quæ nos vehementiùs ad compassionem pariter & amorem accendant. Prima ratio nostra fuere grauiam multipliciaq; peccata, obstinata malitia, ingens ingratitudo, & q̃ tam omnis eramus diuini timoris expertes. Ob ista sic doluit pius IESVS. Enimuerò & legimus, & experientia probatum est, si quem Deus permetteret videre peccata sua, sicut ipse ea videt, præ dolore mox rumpèdum esse cor illius, aut eum sensibus destituendũ, vbi aspiceret quanta iniuria, contemptu, vilipensione affecerit creatorem ac redemptorem, Deum ac dominum suum, & quàm turpiter, quàm indignè speciosam ac nobilem deformãrit animam suam. Et certè Christus omnia mundi peccata in se receperat, tantumq; pro illis vltro sibi assumpsit dolorem cordis, ac si ipse ea perpetrasset. Et quia per diuinam cunctaq; perspicentem sapiẽtiam suam vniuersa, maximè abominanda, quæ vnquam facta sunt & deinceps fient, peccata cernebat, simul aspiciens contemptum & iniuriam, quæ per hæc cælesti patri suo erant irroganda: quis iam vlla possit ratione compræhendere, quantũ hinc mærorem doloremq; persenserit? Semper enim cum vniuersis viribus suis ad honorem patris promouendum ferebatur, nec aliquid aliud sitiebat, nisi honorem patris & salutem animarum. Apud Iudæos quidem mos erat, vt si Dei blasphemiam aut iniuriam audissent, in signum doloris vestimenta scinderent, vti hoc facto, Dei se honorem quærere demonstrarent. Quòd si ficti illi & hypocritæ Iudæi id fecerunt, quantum putamus doluisse Christum verum Dei filiũ, vbi omnem iniuriam & contemptum vidit, qui indies celestipa-

fti patri infertur? uti iam, proh dolor, quotidie fatiſ videre licet, quàm nihili ducant homines Deum exitialibus etiam peccatis offendere. Hic agitur de cauſa tantum Chriſtus dolorem & mœrorem ſuſcepit, quântum ſalua vita ferre potuit. Neq; enim, ut Iudæi, veſtimenta ſcidit, in argumentum doloris ſui quo mordebatur: ſed omne perrupit corpus ſuum, ita ut ſudor ſanguineus ex cunctis membris illius præ nimia anguſtia & tremore, velut humor ex vua fortiter preſſa erumperet. Et ut oftenderet nobis mœrorem hunc interiores abſumere medullas animæ ſuæ, mortis correptus angoribus, dixit: Triftis eſt uſq; ad mortē anima mea. De Phinees Eleazari filio in Biblijs legimus, ultum eum eſſe iniuriam Dei. Cùm enim vidiffet quendam ex populo Iſraelitico peccare cum ſœmina Moabitide, furore ſuccenſus, ambos confodit, eaq; de cauſa dilectus eſt à Deo. Moſes item Dei contumeliam ultus eſt, ob adoratum vitulum aliquot millibus trucidatis: quo ſacto, placatus eſt dominus. Quantam igitur Dei filius IESVS Chriſtus vindictam fecit, qui ſemper tam ardēter ſitiebat iuſtitiam, tantoq; ſtudio in hoc incumbibat, ut augetet gloriam patris, auerteretq; & impediret, quicquid erat contrarium voluntati illius, cùm non vnũ tantũ peccatum, ſed toti⁹ mūdi videret ſcelera? Quis capere poſſit, quanto tunc omnia illius interiora dolore concuſſa ſint, quàm omnia illius membra ob ardentem iuſtitiae ſitim contremuerint, quàm deniq; totus ad vindicandam iniuriam patris ſui cōmotus ſit? Attamē in hac ira ſua recordatus eſt miſericordiae ſuæ. Neq; enim veritate tantũ, ſed & gratia & miſericordia plenus eſt. Ideoq; dixit ad patrem: Pater mi, tu ſcis q̃ ſemper te dilexerim, & gratiſſimam fecerim voluntatem tuam: tu quoq; vides
iuſtum

iustum cor meum, quantoperẽ iustitiã exequi sitiam, & vlcisci iniuriã tuam, tibi ab Adam & illius posteritate il larã: sed quia mihi proprium est misereri, & natura mea bonitas est: nec veni vlcisci, sed conciliare: non percutere, sed sanare: non occidere, sed redimere: neq; tamen peccatũ Adã inultũ abire potest, obsecro te pater cælestis, vt ipsum in me vindices. Ego enim omnia illius peccata in me recipio. Si hæc iræ tempestas propter me orta est, mitte me in amarũ rubrũ mare amarissimæ passionis, fac me absorberi & immergi in abyssum ignominiosissimæ mortis, vt & cesset ira tua, & hominis debitum iustè dissoluatur. Atq; ita omnia mundi peccata in se agnus innocens recepit, tantamq; in se vltionẽ exercuit, quantam iustitia exigere videbatur: tãtum assumpsit cruciatum, quantum potuit ferre salua vita naturali. O ineffabilis bonitas Christi IESV. O amor incompræhensibilis. Omnia nostra peccata ferre voluit, qui solus erat absq; peccato. Gaudium cæli propter nos ad mortem vsq; mœrore afficitur: quodq; nos voluptate deliquimus, ipse lætalibus voluit cruciatibus expiãre. Et quia ipse splendor paternæ gloriæ, & Dei sapientia est, in quo voluntas patris velut in purissimo speculo semper relucet, ideoq; perspicuè agnouit, quibus operibus & exercitijs pater placandus erat, quoq; precio nostrum solueret dẽbitum, puta, per acerbum dolorem, preces humiles, asperam pœnitentiam, & tolerantia passionũ afflictionumq; simulq; cunctis hanc præbuit institutionem & doctrinã, vt hisce studeãt patrem placare operibus, vbi in peccata ceciderint. Atq; ea de causa primus ipse id facere voluit. Enimuerò tãtum sibi assumpsit dolorem & mœstitiã, quæ totius mundi peccatis præponderat: quæq; non solum vires sui corporis

poris oēs excederet, sed etiā ad mortē vsq; angeret animā suā. Deinde etiā in faciē p̄nus cadēs in terrā, hūiliter, feruēter, lōganimiter precatus est, fleuitq; amarissimē nō aquam tantū, sed & sanguincas lachrymas: idq; abūdē satis, ita vt guttæ sanguinis vbertim in terrā defluerēt: & quidē ex omī corpore & mēbris omībus, vt sic cūcti illius artus cōmunem mœrorē & tristia velut funera celebrarēt sup peccatis & condēnatione generis humani, & re ipsa ostenderēt, qua cōpassione moti, quo essent amore accensi, quā deniq; cūcti parati foret pati, p̄ nostra causa, quādo nec tātisper sui afflictionē differre poterāt, doncc ab hostibus torquerent: sed charitate inflāmati ipsos præuenerūt, atq; inter se pugnare, tremere, & sanguinē fūdere cœperūt, tāquā moras ab hostibus paterētur. Quis iam tā lapidei erit cordis, vt hoc estuantissimo Christi amore nō accēdatur? quis ita ingratus, vt non cum omnibus membris suis conuertat se ad saluatorē suū, quem tam studiosē laborantem, tam cruciabiliter in opere salutis nostræ patientem conspiciat? Quis tam peruersi cordis, tam amore frigidus esse poterit, vt non pro modulo virium suarum huic adnitatur amorī vicem amoris rependere? reddatq; dolorem pro dolore, precē pro prece, pro lachrynis lachrymas, resignationem pro resignatione, oblationem pro oblatione, pro cruciatu cruciatum, pro sanguine sanguinem, pro morte mortem, dilectionem denique pro ardentissima charitatē? O quid amanti & gratæ animæ delectabilius esse queat in hac vita, quā vt amatori suo vel guttulam vnā refundat, pro ipsius amarissimo calice, quem ipse pro illius amore & salute sic totum exhaustit vsque ad fundum? O cuius capiat cor, quid compassionis,
quid

quid mœroris Christus persenserit, quādo in speculo diuinæ providentiæ suæ miserrimam illam mēbrorum & creaturarum suarum deformitatem & infelicitatem perspexit, quas ipse in tanta puritate, nobilitate, sanctitate & gloria creārat, vbi attendit quid perdidideramus, & quid eramus meriti? Heu quā tunc cuncta illius viscera compassione sunt mota? Planè sicut aliquis benignissimus parens mortem dolet vnigeniti sui, sic Christus IESVS doluit miseriam & infelicitatem nostram. O quis iam sine compunctione, sine lachrymis cōtemplari poterit amabilem Ioseph nostrum singulos amplexantem & osculantem fratres suos, plorantem, item super singulos, consolantem & peccata eis remittētem, immo ea omnia in se recipientem, atq; in seipso cū dolore punientem ipsorum delicta, & errata deniq; singulorum suam ducere culpam? O quantoperè agnus innocens patrem nobis recōciliare laborauit. Nimirum sicut mater ingenti cum dolore & tristitia infantem edit in hunc mundum, ita Christus cum tormento & cruciatu, intolerabili regenerauit nos in vitam æternam. O anima mea, & vos omnes qui diligitis Deum, venite: sequamur modò afflicto corde & intima deuotione, cū lachrymis & compassione mentis Christum IESVM in hortum: contemplemur oculis cordis IESVM, id est, saluatorem nostrum, agnum sine macula, vti hic portārit omnia peccata nostra: quā grauius solus torcular calcauerit, vt instar vux diligenter expressæ in passionis torculari expressus sit, fundens nobis largiter atq; bibendum porrigens vinum rubeum preciosi sanguinis sui, vt nos suo faceret amore ebrios. Conspiciamus, quæso, vt angelorum gloria ad mortem vsq; tristatus sit, quo nos ad æternam prouheret lætitiā. Vt enim

nos ab inferorū eriperet cruciatibus, pœnas oēs, quas nos merueramus, ipse in se sustinuit: & potens ille dominus, ad cuius aspectum contremiscunt angeli, cuiq; omne curuatur genu, non vt Deus apparuit, sed vt pauperrimus, abiectissimus, desolatissimus, quem mundus habuerit, homo. En iacet vultu terræ affixus in multa spiritus angustia, sanguineo perfusus sudore, derelictus & à patre & ab hominibus vniuersis. Iacet, inquam, & orat, non vt Deus, non vt iustus quispiam, sed vt homo publicè flagitiosus, vt inmanis peccator, tanquam indignus sit qui à patre audiatur, aut certè tanquam erubescat leuare in cælum oculos suos. Planè vt proiectus à Deo & inimicus Dei habitus est, vt nos qui inimici eramus, amici & electi filij Dei efficeremur. Scriptum est, horrendum esse incidere in manus Dei omnipotentis: & ecce dulcis IESVS propter nos sponte illi sese tradidit, libenter permittens, vt omnis ira, vindicta, & castigatio DEI Patris, quam nos meriti eramus, in se deuolueretur. Itaque tam inhumaniter se flagellari, corripì, cædi, vulnerari, & acerbissima deniq; ac ignominiosissima morte affici passus est. O qualis hæc resignatio? quæ sui oblatio? quis hic amor est? Iam discipuli somno premebant, & ipse solus mansit peruigil, orans & laborans, ac instar pij fidelisq; pastoris, sollicitè curam gerens ouium suarum. Et quidem ter orauit, antequam consolationem reciperet. Obsecro, tantus hic dolor, tanta fides, tam intemperans amor tangat corda nostra. Nos enim, nos, inquam, nostris peccatis hunc ei dolorem & crucem infliximus. O, nos tam pro nihilo ducimus Deum gloriæ offendere: & ecce quanto sudore, quanto labore, quanto dolore constat Christo, vt nobis patrem re-

D

concilia-

conciliare queat? Certè tam charo nos precio redimere cogebatur. Condoleamus, oro, saluatori nostro tam nimis afflicto & dolenti: simul cum ipso oremus, vigilemus, & patiamur. Faciamus & nos aliquid salutis nostræ gratia: quandoquidem videmus, quàm studiosè CHRISTVS IESVS cum vniuersis membris & omni facultate sua circa nos occupatur. Quòd si sanguineas fundere lachrymas non possumus, saltem aquam stil-
lent oculi nostri. Si cunctis membris plorare cum Christo nequimus, ad minus oculi nostri lachrymentur. Quòd si & ita duri sumus, adeoque lachrymarum vena in nobis obstructa est, vt nec oculis flere possimus, saltem corde & desiderio ploremus: corruamus in facies nostras ante Christum, & dicamus ei:

Oratio & oblatio pro peccatis.

Cap. VIII



Deus benignissime, miserere mei. O rex gloriæ, propicius esto mihi peccatori: per ingenitam bonitatem tuam ignosce mihi, quòd vnquam à rectitudine sanctorum mandatorum tuorum auerti cor meum, sequens prauam voluntatem meam ad peccata me pertrahentem, & abijciens ac deferens sanctam voluntatem tuam, me ad virtutum studia inuitantem. Et quomodo ò Deus meus, tam corde cæcus esse possum, vt me vel ad momentum auertam à te summo bono, vnde mihi salus omnis & bona cuncta proueniunt, & ad terrena, caduca, labentia me conuertam, ex quibus non nisi damna, perditio & omnis miseria ad me redit? O quomodo mihi vllis alijs occupa-
ri

ri libet, præterquàm immensoꝝ, quæ mihi præstiti-
 sti, cômémoratione beneficiorum tuorum: vt vlla alia
 in re solatium aut animi recreationem quærere iuuat,
 quàm in sacratissima acerbissimaq; passione tua, & in
 dulcissimis ac verè mellifluis vulneribus tuis? Aut quâ
 tandem aliud curare possum, quàm vt tibi placeâ, tuam
 exequar gratissimâ voluntatem, te toto corde diligam,
 & pro modulo meo vel aliquantulam reddam vicem la-
 boribus, pœnis, & super omnia ineffabili charitati tuæ,
 quam mihi impêdisti? O pijsime dñe, quid vltà facere
 mihi potuisti, quàm fecisti? Quæ pijsimum cor tuum,
 o Iesu benignissime, charitas vicit, vt teipsum tã vltro
 offerres in mortem pro peccatis meis? vtq; adeò sitires
 potare calicē acerbissimę passionis, vt antequàm acce-
 derent ad te hostes tui, ipse tibi grauē nimis crucē im-
 poneres, nec solùm ires obuiâ hostibus tuis, sed etiam
 ad mortem vsq; teipsum excruciares, priusquam illi te
 contingeret: & longè antè quàm illi externâ tibi infer-
 rent mortē, ipse tibi internâ per grauissimū mœrorem
 infligeres? Adeò nanq; feruebat in te sitis operandi salu-
 tem nostram, vt in teipso perficeres quicquid tibi erat
 possibile: solūq; hoc faciendū relinqueres inimicis tuis,
 quod ipse in te exequi nō poteras. Ah dñe De⁹ me⁹, en
 ipsa quoq; vita indignus sum, eo q̃ ipse tibi hunc quàm
 acerbissimū inussi dolorē, quādo nō veritus sum p̃ mo-
 mentanea p̃fusq; vili delectatione cōmittere, quod tu
 expiare sanguine tuo, & luere morte deberes. O quàm
 grauia sunt peccata mea, quæ talem deposcebant sa-
 tisfactionem, & à tam digna persona explendam. O
 amantissime pater, quānam ferre potuit paternum
 cor tuum, vt vnicū tibiq; gratissimū filiū tuū prostra-
 tum in faciem, obnixè rogantem, & præ nimia interna

angustia etiam sanguinem sudantē non exaudires? Cur paterna viscera tua non sunt mota super dilecto filio tuo, vt transferres ab eo amarissimum calicem, pro quo tam humiliter precabatur? Quid est homo, o pater misericordiarum, quod sic amas eum, vt pro vilissimis peccatoribus, qui te semper offenderunt, & iniuria ac contumelia affecerunt, Iesum dares obedientissimum filium tuum? Ergo plus illō nos amas? Vt nos viueremus, ipsum mori oportuit: vt nos exhilararemur, ipse tristatus est: vt nos sanaremur, ipse vulneratus est: vt nos mundaremur, ipse fudit preciosum sanguinem suum. Semper quæsiuit honorem tuum: quod placitum erat in oculis tuis, id sedulō peregit: cunctas denique virtutes perfectissimē semper & vbique modis omnibus expressit: Cur ergo in illum tam immitis es? Itāne pro damnato illum traditurus es homine, qui tibi semper rebellis fuit? Et ynde hoc iste de te meritus est? aut quidnam præuidisti in homine, vt adeo eum diligas, tam feruenter ames, tam ei fidelis sis? Enimuerō thesaurum preciosissimum, & quicquid summum atque præcipuum præstare potuit paternum cor tuum, pro ipso dedisti redimendo, *IN SVM* vtique dilectum filium tuum, verbum cordis tui, quo enuncias nobis intentionem mentis tuæ, per quem declaras nobis amorem tuum, quo nos tam paternē ab initio dilexisti. O quomodo non absorbet & liquefcere nos facit in momento feruens hic amor tuus, dum attendimus, videre te gemitus exulum in terra, & audire clamorem eorum, qui captiui detinentur in inferno: & tamen relinquere vnicum tuum in angustijs mortis defudantem, vultu in terram defixo deprecantem, humum ipsam sanguineis lachrymis irrigan-

irrigantem, ac si nihil ad te pertineret? O pater dulcissime, qua de causa aut propter quem reliquisti eum? Attende, quæso, pijsime pater, dolorem hunc cordis tui, respice miserabiles tremores ipsius, ascendant acerbi gemitus illius in cor tuum: moueat te sudor eius sanguineus toto è corpore manans. Vide ut ad terram humiliatus est: exaudi tandem seruidas preces eius, quandoquidem cuncta illius membra plorant & clamant ad te: da illi desiderium cordis tui, quando voluntate penitus resignata, totum se ad te conuertit, & in vera dilectione fundit preces suas: nec quærit commodum suum, sed salutem fratrum suorum. Non dolet utique pro peccatis suis, sed pro sceleribus meis: non sua deplorat vitia, sed lugeat mea. non vel semel vnquam peccauit tibi, sed ego multipliciter te offendi. O clementissime pater, per amorem & supplices preces dilecti filij tui, ignosce erratis peccatoris famuli tui. Suscipe dignissimum sacrificium vnigeniti filij tui, & obliuiscere iniuriam nequam serui tui. Multo enim plura ille soluit tibi, quam sit debitum meum. O si malitiam meam, & illius bonitatem, mea vitia & merita acerbissimæ passionis eius simul librare velles, nimirum longè hæc illis essent grauiora. Quod enim tam graue scelus esse queat, quod talis tristitia, talis afflictio, obedientia tanta, humilitas tanta, tam inuicta patientia, & præ omnibus tam ineffabilis amor expiare nõ possit? Quod tam enorme sit crimen, quod feruens ille & cruentus illius sudor non diluat? Quod tam flagitiosum scelus, cui amarissima CHRISTI mors non præponderet? O cælestis pater, en offero tibi saluatorem & redemptorem meum IESVM Christum, dilectissimum filium tu-

um cum deuotione magna & gratitudine multa in vni-
 one amoris illius, in quo illum ex paterno corde tuo
 ad me misisti, vt & meam susciperet naturam, & me ab
 æterna morte liberaret. En offero tibi ineffabilem hunc
 mœrorem, & incompræhensibilem angustiam illius,
 quam hic sustinuit, tibi soli satis notam, pro omnibus
 peccatis meis, & pro dolore ac contritione quam me
 sentire iure oporteret. Offero, inquã, tibi sanguineũ su-
 dorẽ illi⁹ pro lachrymis quas nõ habeo, quas præ cor-
 dis duritia fundere nõ possum. Offero etiã tibi humili-
 mas ignitissimasq; preces eius pro omni tepore, ignauia
 & negligentia mea. Offero deniq; tibi omnes grauissi-
 mos labores, exercitia virtutũ, rigidam & asperam vi-
 tam, & quicquid demum in humana natura operat⁹ est,
 & cruciatus omnes acerbissimos, quos in passione sua
 perpeffus est vnã cum omni laude spirituum super-
 norum & meritis sanctorum omnium in sacrificium di-
 gnum ad æternum honorem & gloriam tuam pro vni-
 uersis peccatis meis, quibus vnquam te offendi, & virtu-
 tibus quas facere neglexi: necnõ pro viuís & defunctis
 omnibus, pro quibus tu Deus meus rogarivis, & ego
 rogare sum astrictus, vt des singulis per dilectum fili-
 um tuum, quod eis noueris esse necessarium ad fide-
 liter feruiendum tibi in eo statu, ad quem sunt tua mise-
 ricordissima pietate vocati. Altera causa doloris
 CHRISTI fuit, quod præuidebat horribiles ac im-
 manes cruciatus omnes, quos iam iamque perpeffurus
 erat, idque tam perfecte, ac si iam præsentem sensisset.
 Et quia re vera homo erat instar aliorum passibilis,
 tenera ac nobilis complexio eius, suprà quàm vllus
 capiat humanus intellectus, hinc vehementer exhor-
 ruit, ita vt extrinsecus membris omnibus contremi-
 sceret,

fceret, & intrinsecus ad mortem vsque tristaretur. Iam
 enim susceperat damnatum redimere hominem, & vni-
 uersum illius soluere debitum: ideoq; pater cælestis vt
 iustus iudex, exactam cum illo iniit rationem, aperiens
 illi antiquum & ingentem rationarium codicem, debi-
 ta mortalium omnium continentem, in quo perspicuè
 vniuersa vidit mundi peccata: simul exhibens illi anti-
 quum peccati chirographum, necnon proponens il-
 li ob oculos precium incomparabile, & ingentem sum-
 mam, qua hæc erant debita exoluenda: ita vt tum oëm
 dulcis IESVS passionem suam æquè apertè inspice-
 ret, vt quando eam patiebatur. O quis tunc mæror,
 quæ angustia, quis tremor pijsimum cor CHRISTI
 & cuncta illius membra corripuit? Notandum hic ve-
 nit, saluatorem nostrum Christum IESVM semper cum
 spiritu & vniuersis viribus suis fuisse erectum atq; ex-
 tèsu ad obsequiũ & honorẽ patris sui. Spiritus nanq;
 diuinus naturã illius cum viribus eiusdẽ suauiter com-
 plexus erat, reddens eas subditas legi & scripturis omni-
 bus quæ de ipso erant, vt perficerent eas iuxta gratissi-
 mam patris volũtatem. Ideoq; corpus & animã & quic-
 quid habebat, obedienter obtulit in manus omnipoten-
 tis patris sui, optans vt cuncta in se perficerentur, quæ
 ab æterna sapientia Dei & cõsilio spiritus sancti decre-
 ta & præfinita erant. Et hic quidem in hoc spiritu pace
 simul & quiete fruebatur, eo qd simpliciter sese resignã-
 rat DEO patri absque vlla huius vel illius electione.
 At verò deorsum respiciens ad teneritudinem com-
 plexionis suæ, & tormentorum iam iamque impenden-
 tium immanitatem, ad mortem vsque tristabatur: tan-
 tumq; hic laboris ferebat & certaminis, vt nullus id ca-
 piat intellectus, adeo vt p nimia interna pressura extrin-

secus totus contremisceret. Enimvero secundum spiritum mori desiderabat: at caro tota exhorruit ad mortis acerbitem. Spiritus quidem vnitus & subditus DEO & in pace erat: sed sensualitas & natura sensitiva omnino imbiberat imagines amaritudinum passionis imminens, eratque turbata & anxiosa supra modum. Itaque tantam hic luctam sustinuit, tantaque vi naturam sensitivam in horribiles hos cruciatus consentire coegit, vt præ nimio labore cruentus sudor ex omnibus illius membris erumperet. Etenim ob orationis feruorem, & metum ac horrorem mortis, sanguis eius ad cor confluxerat. Tum verò amor validus metum omnem expellens, necnon & ardens desiderium paternam exequendi voluntatem, nosque redimendi, ceu malleus quidam aut vis ingens accedens, vicit timorem hunc & sensualitatem: sanguinemque qui iam incaluerat, fortiter expulit, ita vt ex subita violentia vnà cum alio sudore etiam sanguis ex poris omnibus nimio labore patefactis abundè erumperet ac emanaret. O quis doloris huius magnitudinem & acerbitem capere queat? O quantis angustijs concutiebatur dulcissimum cor Saluatoris, quod nimirum tunc velut inter duo præla, timorem scilicet & amorem, grauissimè cõprimebatur, timore quidem infernè, amore autem supernè comprimente? Et licet fortis esset timor, nihilo minùs ab ingenti amore penitus eiectus est. Sed quos cruciatus, quas incõpræhensibiles pœnas in hoc torculari Christ⁹ sustinuit? O quâto operè rationalis ei⁹ natura portioni sensitivæ cõpassa est, cum hæc adeò premi & opprimi videret? Quâ fideliter ex ingenti cõpassione tanquã aduocata p natura sensitiva obsecrabat: Pater, inquiens, si possibile est, transeat à me
calix

calix iste: rursumq; tanquã optima conciliatrix, dicens cum spiritu: Pater mi, si non potest hic calix trãfire nisi bibam illum, fiat volũtas tua. tanquam diceret: Jam explicuisti mihi grande debitum humani generis, & quanto illud precio sit redimendum: à quo certè tenera natura mea, suprà quàm vllus capiat intellectus, tota abhorret, pauet & cõtemiscit: attamen desiderium quod habeo, implendi voluntatem tuam & hominem redimendi, prorsus superat me. Itaque accipio conditionem, & ratum habeo quod exigis: & ecce rosus hic sanguis meus, quem modò effudi, arrhaboni sit: atque eius generis pecunia reliquum omne debitum exoluam. O incompræhensibilis charitas Christi IESV. Quem non amor hic feruentissimus accendat? Quis fructum, vtilitatem, salutem, & sempiterna bona cogitare sufficiat, quæ nobis ex hoc verbo maximè salutifero nata sunt, puta, Fiat volũtas tua? Nimirum istud omnium est nobis saluber-
 rimum verbum, quod vnquam dictum sit: quandoquidẽ ipso filius Dei nos à patre suo æterno mercatus est, ita vt iam indè ab huius prolatione verbi, celestis pater antiquas posuerit ininicitias, omnemq; iram suam mutarit in misericordiam, recipiẽs nos in gratiam, adeò vt iam simus filij Dei & cohæredes Christi regni cælorũ, qui antea eramus iræ filij & hospites tenebrarũ. O quis abyssum capiat amoris huius, ex quo CHRISTVS hoc protulit verbum? Iam quidem cruciatus om̃es sibi imminentes ad leuissimũ vsque ictum præuidebat: videbat etiã quàm grauiter, quàm cruciabiliter eos passur⁹ erat: sed & nostrã aspiciebat duritiã & nimia ingratitudinẽ, quodq; in tot hominibus preciosus sanguis suus tam nullũ consequeretur effectum, nullum faceret fructum: at nihilo min⁹ tãta erga nos illius erat charitas,

vt vel milles potius se crucifigi pateretur, quàm quod in ipso erat, vnũ saltem hominẽ perire permetteret. Venite iam deuoti omnes, & quotquot estis bonæ voluntatis, qui in virtutibus proficere desideratis: contempla-
mini hic ipsum virtutum speculum, perfectionis viam: sequimini dominum vestrum, iisdem ingredimini vesti-
gijs, quibus vos ille præcessit: discite hic propriam ab-
negare voluntatem, & exequi diuinam: discite sensuali-
tatem & vitiosas propensiones vestras, à Deo vos abstra-
hentes, vincere & in spiritus redigere seruitutem, vt iux-
ta Pauli sententiam, sensus omnes sub freno, & ad ve-
stram habeatis voluntatem ad obsequium Christi. Di-
scite hic, vt vos ipsos in nulla re quærere debeatis, sed
honorem potius DEI & salutem proximorum. Denique
discite hic non naturæ desiderijs, aut propriæ sapien-
tiæ persuasione obtemperare, sed illis potius, quæ po-
scit & exigit à vobis DEVS, quæcunque sint illa, in agen-
do, in dimittendo, in patiando, in prosperis, in aduer-
sis, sicut CHRISTVS non suam vtique, sed patris fecit vo-
luntatem, quantumuis id naturæ illius molestum esset
atque contrarium, & sensualitas indè prorsus abhor-
reret. Id enim multo vobis vtilius est, Christum & diui-
nas sequi inspirationes, quàm proprium sentire & sa-
pere, quanlibet istud grande & bonum videatur. Solus
nanquẽ qui offensus est, vobis id ignorantibus, opti-
mè nouit, qua re placari & conciliari velit. Quicquid
igitur ille exigit à vobis, id ei redditote: quòcunque
vos siue ducit siue trahit, eò illum sequamini, non mi-
nùs audenter ad profunda inferni, quàm ad superna cæ-
lorum. Vt ipse vos alloquitur, sic ei respondete: quic-
quid iusserit, absque mora exequimini: quamcunque im-
posuerit crucem, æquanimiter feratis. Quàto enim illi
ma.

magis vniti estis, quantoq; vosipfos magis exitis & ab-
negatis, tanto supra vos in ipsum ampliùs erigimini.
Sed iam paulisper spiritualis huius informationis mor-
fello roborati, ad Christum afflictu reuertamur: Chri-
stum, inquam, adhuc in nostra meditatioe tam humili-
ter in terra iacentem, sudore madidũ sanguineo, & fer-
uentissimè pro nobis patrem deprecantẽ. Et nũc ò ani-
ma mea, attende eximiã nobilitatẽ & præstantiã tuã, &
quãto sis empta precio. Vide quãti te fecerit vnic⁹ DEI
patris, pro qua seipsum tradidit in mortẽ, pro cuius re-
dẽptione pretiosum effudit sanguinẽ suũ. Aduerte, ob-
secro, quibus pœnis, quo labore sis reddita sanitati &
saluti. Et tamẽ tam te vilẽ ducis, vt pro breui ac momẽ-
tanea delectatione, pro modica re tẽporali teipsam ven-
das & perdas, quã Christus redemit sanguine suo. Vide
quã acerba fuerit om̃is eius passio, cuius sola memo-
ria aquã simul & sanguinẽ eum sudare fecit. At nunc li-
quescẽtibus cordibus videamus, vt amabilis Dñs post
grauẽ hũc laborẽ è terra leuauerit caput suũ, & ab ora-
tione surrexerit. O quã malè affecta erãt oĩa illi⁹ mem-
bra ex tremore & ingẽti angustia, quam ibi p̃pessus fuit.
Quã inflãmata erat gratissima facies eius ex feruore
oratiõis, sanguineoq; p̃fusa sudore. Quã oculi lachry-
mis intumuerãt & abundabãt. Hinc ergo discipulos al-
loquẽs ait: dormitẽ iam & req̃escite. Vide hic immẽsam
dñi benignitatẽ. Nõ durẽ eos reprãhendit, sed patiẽter
eorũ tulit pigritiã & infirmitatẽ. Vide etiam, vt fidus pa-
stor vigilat & orat p̃ ouib⁹ suis. Nimirũ feruore suo il-
lorũ suppleuit acediã & torporẽ. O ineffabilis benigni-
tas Christi IESV, Dñs vigilat, seruis dormiẽtibus. Et qui
dẽ solus certat, vt ipsi maneant illæsi. Seipsum lupis ex-
ponit, vt oues suæ euadant immunes à morsibus eorũ.

Re

Re vera in finem dilexit eos. Deinde iam excitauit eos, dicēs: Surgite, sufficit iā. En qui me tradet, pp̄e est. Cogita nunc o anima mea, esse te cum CHRISTO in horto, & hæc illum tibi verba dixisse. Itaq; surge o anima mea à somno vitiorum, & à somnio torporis ac fallaciū oblectamentorum terræ, ab omni quoque delectatione & commodis naturæ, arreptaq; viriliter cruce pœnitentiæ & afflictionum, sequere Christum dominum tuum: simulq; cum ingenti compassione, deuotione & intimo amore miserabilem ac deformem conspice figuram saluatoris tui, cogitans te esse causam passiōis suæ. Expende diligenter, quanta fuerit interna animæ illius angustia ex signis externis maximè afflicti corporis eius. Iāq; pedibus illius humiliter prostrata, cum tanto dolore & compassiōe cordis, quantam à Deo consequi potes, & cum seruentibus lachrymis grauibuscq; & altis suspirijs ita precare:

Oratio pro venia & abnegatione ad filium.
Cap. IX.



Misericordissime IESU, obsecro per acerbissimum dolorem, & anxium mœrorem, quo corrept⁹ eras, quando ex interna contemplatione acerbissimæ passionis & ignominiosæ mortis, è proximo impendentis, ad mortem vsque tristatus fuisti, ita vt interna pressura forinsecus tremeres, & aquam simul & sanguinem sudares. Necnon per nimiam illam angustiam, quam sentiebas in anima tua, cum in faciem prostratus, patrem attentissimè precabaris, & nullo creato amore in vera resignatiōe aduersum mortis certa-

certabas formidinē, non attendens virium inferiorum horrorem, sed cum creato amore humanitatis tuę submittens ac subijciens te amore increato celsissimę diuinitatis tuę, pleno cum consensu factus obediens patri tuo vsque ad mortem crucis. In quo quidem certamine & lucta tam ingens labor, tam intolerabilis dolor te occupabat, vt sudor sanguineus ex omnibus membris tuis violenter erumperet, & vbertim manaret in terram. Per hęc, inquam, grauem tristitiam & mœstitudinem, quam hic sensisti, obsecro te pie I E S V, vt verā mihi pro peccatis meis infundas contritionem, cor meū lapideum emollias ad compunctionem, accendas ad deuotionem, oculis meis tribuas lachrymarum abundantiam, vt nocte ac die plangam iniuriā & contumelias, quas tibi irrogauī, & innumera peccata, quibus offendi te domine DEVS meus. Ne, quæso, retribuas mihi secundum demerita mea, sed secundum infinitam misericordiam tuam: nec intres in iudicium cum seruo tuo: sed statue, obsecro, hanc acerbissimam passionem tuam inter iudicium tuum & miseram animam meā atque peccata mea. Et quicquid meretur iniquitates meę, excuset hoc acerbissima mors tua, diluat preciosissimus sanguis tuus. Da etiam mihi clementissime Deus, vt sic abnegem propriam voluntatem meam, adeoq; me nihili faciam, & submittam subter te dñm meum & creaturas oīes ppter te, vt in fundo meo nō solū agnoscā, sed etiā sentiā & vilissimū & indignissimū me esse omniū creaturarū: sicq; voluntate sim resignatus & electionis expertus, ac si nunquam mihi fuisset voluntas. O Iesu christe fortissime & inuictissime leo, qui mundum vicisti & principem eius, adeo, quæso, per potentiam tuam conforta infirmitatem meā, vt sensualitatem & rebellē ac immortificatam

62 EXERCITIORVM DE VITA

naturam meam, omnesq; inordinatos ad quamlibet infra te rem mundi huius affectus penitus vincam edomemq; perfecteq; me ac integrè auertā ab om̃ibus quæ maculare possint cor meū, & aliquod inter me & amorem tuum medium efficere: quò te dñm meū tam purè, tam seruidè diligam, quàm est possibile mortali creature. Sed & cor meum tam iustum, rectum, purum & tuo cordi ita conforme efficias, vt inter te & me nihil distortum, nihil iniustum, nec vlla dissimilitudo inueniatur: ita vt in omni conuersatione cunctisq; operibus meis nihil quæram, nihil appetar, nihil spectem siue intendam, nisi placere tibi, te honorare, quicquid tibi placitum est exequi, te ex omni diligere corde meo: semperq; in hoc diligenter incumbā, vt amoris tuo qualemcunq; dilectionis rependam vicem. Amen.

Iesus hostibus suis pergit obuiam.

Caput X.



SCIENS deinde domnus IESVS pro ditorum suum Iudam aduenisse, diabolica stipatum caterua hominum impiorum & sanguinè suum sitiens, qui ipsum tanquā latronē comprehendere venerant, sæui nimis, cum laternis, gladijs, fustibus & ingenti armorum strepitu, ceu agnus innocēs, pleno cum affectu & ardenti amore benignissimè eis perrexit obuiam, dicens: Quem quæritis? Attende nunc ò anima mea interioribus oculis tuis immensum amorem conseruatoris tui: vide quantoperè sitiatis redimere te. Aspice vt

cor illius velut in olla feruēti intra ipsum præ amoris ardore ebullierit. O dulcis IESV, vnicum solatium cordis mei, vbi iam est timor, qui paulò antè te inuaserat? vbi graues gemitus? vbi tremor anxius? vbi horror ingens mortis? Cum adhuc procul abessent hostes, ad mortem vsq; tristabaris, ex nimia angustia sudabas sanguinem, à patre passionem imminētem transferri precabaris: iam quando in oculis sunt inimici tui, instar leonum rugientes, vt rabidi canes furentes, quò fundant innocentem sanguinem tuum, & perdant animam tuam, nihil times, nihil trepidas, sed metus procul omnis abcessit. Venit proditor tuus cum turba hominum sanguinariorum, luporumq; crudelium, & illis spontè procedis obuiam. Quid hoc aliud est, benigne IESV, nisi quòd perfecta charitas foras misit timorē? O quàm perfectè te ipsum existi I E S V pijsime? quàm benè præparasti locum cælesti patri tuo, vt gratissimum opus suum intra te iuxta desiderium suum peragere posset. Quàm nihil pepercisti tibi? Quàm ardēter sitisti honorem patris tui? Quàm fortiter te ipsum vicisti per amorem, factus obediens vsque ad mortem? O I E S V dulcis amator hominum, quis amor cor tuum absorbuit, vt ad mortem ceu ad nuptias properes? hostibus perinde vt amicis procedas obuiam? Nec expectare saltē poteras donec ipsi te alloquerētur: sed sicut salutāt amicus in viā, ita eos prior es allocutus, dicēs: Quem queritis? Nimirum IESV benignissime amoris ignis iam re vera in tua se membra demiserat, adeò medullas animæ tuæ liquefaciens & exurens, vt omnia interiora tua benedicerent Deo patri omnipotenti, cūctaq; mēbra tua instar arcus intensa essent ad exequendā gratissimā patris voluntatem: quādoquidē increatus diuinusq; amor adeò

creatum tuum commouit & inflammauit amorem, vt totus esses omnino propensissimus ad satisfaciendum dilectionis exactioni. Vnde iam sitibundus calicem arripuisti, quem dudum tantoperè exhorrebas: & per charitatem animatus, vt gigas imperterritus, exultasti ad currendam viam salutis nostræ. O clementissime DEVS, quem non hæc tanta charitas incendat? Quis verò ego sum, & quis es tu? vt tu dominus dominantium, rex cæli, terræq; Imperator, pro me vili terræ vermiculo tam vltro te ipsum ad mortem vsque adeò probrosam, & in ipsas crudelissimorum hostium tuorum manus offerres? proditorem tuum haud secus quàm fratrem osculo exciperes? Neque enim ô fons inexhaustæ pietatis à Iuda cane illo ingratissimò te auertisti, cum non vereretur osculum petere sacri oris tui: sed ipsum dulce & amabile os tuum, in quo dolus non fuit vllus, ad spurcissimum os illius malitia abundans, suauiter applicuisti. O incompræhensibilis mansuetudo, ô admiranda benignitas, ô humilitas ineffabilis, ô immensa bonitas amicabilis Magistri in ferocem seruum suum. Planè domine præstiterat hominem illum natum non fuisse. Ista dulcis IESV cõstas fuit bonitas tua, q̃ q̃cqd poteras boni illi præstitisti, quo emolliri potuisset saxeum pectus illius. Sed & verbis eum amicabilib' aggressus es, dicēs: Amice, ad quid venisti? ac si diceres: Itane de te meritus sum Iuda? Nū peccaui in te lauās pedes tuos? curuās tibi genua mea? reficiēs te corpore & sanguine meo? Amice, ad quid vēnisti? Adeone triginta me argenteis viliorum habes? Cur à me auersus es, qui apostolatus te titulo honorati, in delicijs enutriui, & tanquam proprium filium meum sollicitè institui? Quare me dereliquisti fontem aquæ viuæ, & coniunctus es seruis diaboli? Cur
decli-

declinavit ad avaritiam cor tuum, & me summū ac perenne bonum reliquisti, vilissimo me precio vendēs, qui oēs in me habeo sapientiæ & scientiæ thesauros absconditos, cælumq; terramq; locupletō & impleo? Amice, ad quid venisti? Ad teipsum, queso, intrō conuertere, in teipsum paulisper descende, redi ad cor tuum, vide quō deueneris, aduerte quid feceris. Etianum patet tibi gratia mea: tantū cum dolore ad me reuerrere, & ego suscipiam te. Quis iam vltra lachrymas cohibere queat, tam ineffabilem Christi erga proditorem suum attendēs benignitatem? Quis iam desperare aufit de misericordia Dei? O IESV dulcissime, si traditori, si inimico, si nequam & infideli seruo tuo tam fidelis, amicabile, & ex animo bene affectus fuisti, adeoq; eum reuocare & seruare laborasti, qd ergo charis facies amicis tuis, qui ex toto corde te quærūt, diligunt, & sitiūt? Re vera nō es acceptor psonarū domine: nec est voluntatis tuæ mors & pditio impiorum, sed vt conuertātur potiūs, & viuant. Omnes nanque in corde complexus es: nec aliquem à te repellis, nisi qui per malam voluntatem & obstinationem in peccatis sponte à te recedunt. O quantum doluit suauissimo saluatori, qd proprius discipulus fraudulenter osculo se traderet. Queritur hoc satis dolēter per prophetam, dicens: Si inimicus meus maledixisset mihi, sustinuissem vtique. Etenim homo pacis meæ, amicus & discipulus meus, in quo speraui, qui edebat panes meos, magnificauit super me supplantationē, & vili me precio vendidit & tradidit in mortem. O Iuda, ad quid venisti? osculo filium hominis tradis? Sed iam paulisper ad te conuersa, vide quæso ò anima mea, quā impatiens, quā sæua & vindictæ appetens es. Vnico verbo ad iram, ad contumeliosa verba, & ad tui vltionem expe-

tendam commoueris. Certè Christus nihil dedignatus est alloqui vilissimū proditorem suum, eumq; amicū dicere & dulciter osculari. O quoties ego p̄tereo proximos meos, eis loqui contemnens, taliq; dedignatione seu aspernatione mea ad odium eos inuidiamq; prouoco, sicq; animas illorum perdo, quos amicabili aspectu & suauī verbo placare, & ad charitatem cōmouere possem. Deinde Christus etiā cæteros inimicos suos amice admodū affatus est, dicens: Quem quæritis? Responderunt ei: IESVM Nazarenum. Dicit eis IESVS: Ego sum. Quod cum dixisset, abierunt retrorsum, & ceciderunt in terram. Hic exclamans Augustinus, dicit: Vna vox dicentis, Ego sum, tantam turbam odijs ferocem armisq; terribilē, sine telo vllō percussit, repulit, strauit virtute diuinitatis latentis. Deus em̄ latebat in carne. Quid iudicaturus faciet, qui iudicādus hoc fecit? Quid regnaturus poterit, qui moriturus hoc potuit? Hæc Augustinus. Post hoc signum iterum eis surgendi fecit potestatem, & quasi à morte suscitauit, dixitq; secundo ad eos: Quem quæritis? Illi autem dixerūt: IESVM Nazarenum. Respondit IESVS: Dixi vobis, quia ego sum. Attende nūc ò anima mea, dulcissimū hoc verbū Saluatoris tuī. Qui paulò antè verbo eos potentia suā ad terrā prostrauit, eodem verbo benignē se tradit in mortem, dicens: Dixi vobis, Quia ego sum. Ac si diceret: Paratus sum implere voluntatem patris mei, & offerre meipsum hostiam viuam ad honorem & gloriam patris, pro salute hominum. Paratus sum omnia mundi peccata non portare modò, sed etiam luere pœnas quæ illis debentur, & antiquū illud hostis maligni delere chirographū sanguine meo, & hominem ab æterna redimere morte. Certè Pōtifex vester vaticinatus est, necesse esse vt vnus

moria-

moriatur homo pro populo, ne tota gens pereat. Ille ergo homo ego sum: Ego ego agnus innocens sum, pro salute populi offerendus. Ideoq; nunc vestris me trado manibus. Sæpe quidem & capere me & occidere desiderastis, sed nondum venerat hora mea. Iam verò adest hora illa & potestas tenebrarum, explete iam sitim & ferocitatem vestram in me. Ego sum quem quæritis: Paratus sum ferre, quicquid in me excogitare potestis. Capite me, rapite me, ligate me, ad mortem quoque ipsam ducite me. Cæterum hos finite abire. Nulla vobis in discipulos facta potestas est: In me solum potestis deservire. O amor ineffabilis. O verè bonus pastor. En ut in finem dilexit ouiculas suas, opponens se pro illis dentibus rapacium luporum. Quàm libenter se discerpi, dilaniari, & occidi passus est, ut illæ se evaderent ouiculæ ipsius. Tum verò ingenti cum ferocitate ceperunt eum, & velut canes rabidi cruentos ungues in innocentem agnum crudelissimè infixerunt.

Oratio pro perfecta abnegatione &
amore. Cap. XI.



I E S V benignissime, vilis ego & miser peccator agnosco fateorq; ex animo, cunctis illis beneficijs, donis & charismatib⁹, omniq; gr̃a & amore, q̃ mihi tā extremo terre vermiculo tā abundè & absq; modo impendisti, me prorsus esse indignū. Et maximè charitate illa, qua te ipsum tā vltro cruētis hostiū tuorū manibus tradidisti;

vt mortem acerbissimam exciperes pro peccatis meis, & preciosissimū sanguinem tuum effunderes in mei redemptionem: oroq; te IESV bone, vt eadem charitate accendas validè cor meum, vt me ipsum funditus abnegem, vilipendam, & tam tibi quàm propter te creaturis omnibus me subijciam, quo vel sic obedientiæ, resignationi & admirandæ humilitati tuæ aliqua ex parte respondeā. Sed & hanc mihi largire gratiam, adeoq; meum accende desiderium & affectum, vt in eodem amoris ardore, quo tu te ipsum pro me patri obtulisti, & ipse me vicissim totum tibi offeram, cum omni facultate mea, in hostiam viuam, ad exequendum in omnibus, & tam in agendo quàm dimittendo absque vlla electione gratissimam voluntatem tuam: ad ferendum etiam quicquid ex bonitatis tuæ permissu mihi accidere poterit, qualitercunque vel quòcunque id mihi sit euentu- rum: & vt fundum meum, tua fretus ope, sic ab omni proprietate, sensualitate, imaginum impressione & adhæsiōe, & ab omnibus denique, quæ inter te & animā meam mediū aliquod efficere queant, expediā ac emundem, vt nudè & absque medio tibi voluntate, amore, intentione & desiderio vniri possim: funditusq; & integrè me excutiam ac denudè ab omnibus, quæ infra te sunt, vt locum habeas semper liberam in me operandi, possisq; sine vllō impedimento incundum in me perficere opus tuum: & ego totus liber & expeditus ab omnibus, nudis brachijs amoris te amplectar, & quiescam perenniter in te, & tu in me dulcissime, piissime, benignissime Domine Deus meus: Amen.

IESVS capitur & ligatur.

Caput XII.

Age



GE nunc porrò intimo cū mæro-
re & flentib⁹ oculis visum eam⁹, vbi-
nā reliquerimus dñm nostrū IESVM
Christū, nimirū inter cruentas fero-
ciū Iudæorū manus: agnū videlicet
innocentissimū inter inuidas ac te-
tras rugientium leonum vngulas.

Videamus, quæso, corde afflicto & lugubri, quā tur-
piter, quā miserè dominū glorię canes spurcissimi tra-
ctauerint. Ipse quidē vt agnus mansuetissimus leuib⁹
eos verbis blandē cōpellauit, dicēs: Tanquā ad latronē
existis cōprēhendere me. Quotidiē erā apud vos in tēplo
docens, & nō me tenuistis. Sed hæc est hora vestra &
potestas tenebrarū. O obcæcati & impij, quid op⁹ erat,
vt tā frequenti numero veniretis capere vltro se mani-
bus vestris, vt ouem, offerentē? Quid necesse erat, cū la-
ternis inquirere & facibus, obuiā vobis procedentē &
vos alloquentem? Quid vobis arma proderant, cū vno
vos verbo prostrauit in terrā? Aut cur noctu quæsis-
tis quotidie apud vos versantē in tēplo? Reuerā hæc est ho-
ra tenebrarū. Filij, inquā, filij tenebrarū, odio habent lu-
cem: ideo eam extinguere cupiunt, vt in tenebris perma-
neant, ne mala ipsoꝝ opera manifestentur. Sed frustra
laborant. Vt em̄ scriptura ait, Nō extinguetur in no-
ctē lucerna eius, sed clari⁹ fulgebit, supraq; candelab-
rum crucis leuabitur, vt luceat omnib⁹ qui in san-
ctæ Ecclesiæ domo sunt. Tunc discipuli omnes, re-
lictō eo solo magistro suo inter manus impias furenti-
um Iudæorū, aufugerūt. O quis iam cogitare sufficiat,
quantam ferocitatem, nequitiam, afflictionem, contem-
ptum & iguominiam lupi illi amabili domino irrogā-
runt? Quæso vel aliquantulū crucem hanc & affli-

tionem rimemus & imaginemur, ad excitandū ad com-
 passionem deuotionemq; corda nostra. Et licet ea quæ
 hic passus est dñs, non ita apertè ex verbis Euangelista-
 rum perspiciatur, subtiliter tamè colligere & elicere ea
 possumus ex illis Euāgelistæ verbis, vbi ait: Fecerunt in
 eum omnia q̄cunq; voluerunt. Et quis æstimare possit,
 quēnā canes illi rabidi in agnū innoxium machinati sint,
 si fecere quicqd illis placuit? Si em̄ sanguine & crudeli-
 tate satiari non potuerunt, cū eum tā inhumaniter cru-
 cifixissent, preciosumq; sanguinē eius instar aquæ effu-
 dissent, quin adhuc lingua eū crucifigerent, blasphema-
 rent ac irriderēt, mortuiq; cōfoderēt latus:& si nec ex-
 tincto quidē pepercere corpori, qd viuo fecisse credēdi
 sunt? Si in ipso vitæ illi termino ferocitate exatiari ne-
 quiuērāt, quid in ipso primo impetu & furia, cū iam ira
 esset feruētissima, eos fecisse putamus? Quæ mens cape-
 re, quod cor perscrutari possit, quā inhumaniter benī-
 gnissimū dñm tractauerint, vtpotē tā diu quæsitū & ex-
 pectatū ad mortē, cuiq; tot iam minas intulerāt? quā
 tyrānico prorsus & crudeli animo agnū innocentē in-
 uaserint iam in sua eū habētes potestate, cuius tā ardē-
 ter sanguinē sitierāt? Quicquid diu antē ferocitatis, ma-
 litix, inuidētix, & contēptus mēte cōceperāt, iam totū
 simul in ipsum effuderūt. Quicquid veneni, acerbitalis
 & iræ ex multo antē tempore in in corde congestum
 circūtulerant fouerātq; cumulatim in ipsum euomue-
 runt. Sed iā pergamus vltra cum ingenti cōpassione &
 calidis lachrymis videre, vt pius IESVS solus hic steterit
 inter furētes illos & rabidos canes, ab hoībus relictus
 vniuersis. Imaginemur, obsecro, nos p̄sentes adesse, co-
 ramq; intueri, quā inhumaniter agnū tractēt māsuetif-
 simum. Alius quidē pilos capitis, alius barbæ vellebat.
 Hic

Hic pectori, ille collo manus iniecit. Iste in faciem, alius in collum, atque alius in caput sanctissimū pugnōs impingebat. Quidam in amabilem illius faciem sputa congeriebant, & manus benedictas durissimè colligabant. Aiunt doctores quidam, quod grauē catenā ferreā iniecerint collo illius. Iam quis explicet, quot blasphemias, quot contumelias & exprobrationes, quot scēda probrosa; cognomina dulcis dominus audire coactus sit? Nesciebāt planè, ut suæ in ipsum satisfacerent malitiæ, quibus probris & cruciatibus in eum descreuerent. Quāuis enī quicquid fallaci ac tyrānico corde cōcipere possent, in ipsum exercerēt, nec sic tamē sitis eorum sanguinaria explebatur: plusq; multo affectu & desiderio, quā opere faciebāt. Quāto nāq; virulentus eorū animus plus nequitiae malitiæq; euomebat, eo magis ardebat fraudem fallaciamq; moliri. Et quia dominus super pinos eos deiecerat in terram, præ nimio furore ac rabie & ipsum vicissim supinum iactabant in terram, insidentesq; pectori illius, in sacratissimā faciem & os venerandum phlegmata ingerebant: Immo, ut quorūdam doctorū sententia est, adeo calcabant pectus eius, totq; in os & faciē eius egerebāt phlegmata, ut intercluso halitu suffocatus expirasset, nisi diuinitatis fuisset potentia conseruatus. Vide hic obiter, ut singuli penē passionis CHRISTI articuli, instar mortis acerbisuerent. Respice nunc o anima mea oculis cordis dñm & creatorem tuū, cuius celsitudinē miratur angeli, quā nimium abiectus & humiliatus est propter peccata tua. Age stupens & cōtremiscens admirare mirū hoc maxime obstupescendum. Vide & diligenter rimare, ut altissima illa Maiestas pro te immensa vilitate sese deiecerit & quasi annihilārit. Maximè verò expende amo-

rem illum ardentissimum, ex quo istud facere voluit: quandoquidem ille solus fuit in causa, cur fecerit. Confer, oro, sublimitatem illius cum tua vilitate: & (ni fallor) in collatione hac vires te destituent, intellectus nabit, deficiet spiritus, & cor præ nimia admiratione cōcutietur horrore. Sed & peccati tui magnitudinem & debiti attende terribile pōdus & grauitatem, quod talem exigebat solutionem, tātō indigebat redemptore, tam charum deposcebat conciliationis precium. Neque enim minori aliquo quàm ipso precioso sanguine Christi, & morte filij Dei exolui potuit. Attende etiam o anima mea duritiam & dissolutionem tuam, q̃ tam parum timoris habes: simulq̃; erubescere, q̃ tam pro nihilo ducis peccare, & tam facile te ipsam damnationi exponere, quā Christus tam immensis cruciatibus, tātōq̃; labore redemit. Deinceps contuere, vt canes illi turpissimi dñm glorię pedibus cōculcārūt. Quod nimirum per Prophetā queritur, dicens: Circudederunt me vituli multi, tauri pingues obsederunt me. Et circudederunt me canes multi. Supra dorsum meū fabricauerunt peccatores, prolongauerunt iniquitatē suam. Ego autem sum vermis & nō homo, opprobriū hominū & abiectio plebis. O quā profundē deijcit se maiestas diuina, quō nos exaltaret: quā humiliter cūctis se submisit hominibus, quo nostram expiaret superbiam, nostram inobedientiam aboleret. Vide an non verē humilis ipse vermiculus fuerit, conculcatus pedibus Iudæorum, despectus, cōsputus, occisus? Nūquā latro aut scelestus quispiā tam crudeliter & inhumaniter tractatus est aut turpiter deformatus, vt iēvs Christus filius Dei, cui nullā vnquam peccati macula adhēsit. O Iesu dulcis, amabilis Domine, quō præ nimia pressura vertā cor meum, vbi
 atten-

attendo, quantis in angustijs & pressuris fueris, cum ibi tam miserabiliter iaceres inter canes illos rabidos, qui omnes vt leones famelici te agnum innocentem discerpere cupiebant & dilaniare, quodq; peccata mea causa fuerint passionis tuæ? Quis, obsecro, tam ferreo sit pectore, aut frigido corde, quem hic amor non accendat? Cuius enim gratia nos tartareis eramus exurendi flammis, hoc Christus in se recipiens, pœnam illi debitam ex amore purissimo pro nobis ipse perpessus est. Quò nos à potestate satanæ & mortis vinculis liberemur, rex gloriæ captus, ligatus, & ad mortem ductus est: vtq; nos sine pœna ad cæleste perduceret regnum, pœnas nobis debitas ipse luit. Itaq; ò Deus misericordissime, quam tibi reddemus vicem pro omni hac ineffabili gratia & amore? Multum quidè haftenus mirati sumus, quòd te ad humanæ naturæ nostræ susceptionem deicere, & in præsepi collocari voluisti: sed ista humilitas & abiectio multum illa superat. Neq; em iam homo, sed abiectus planè vermiculus effectus es. Illic quidem eras inter grata pijsimæ matris brachia: sed hîc inter nudas iaces ferocium manus Iudæorum. Ibi De⁹ & homo adorabaris: hic vt latro caperis. Ibi regia tibi offerebantur munera: hic cæderis, blasphemaris, contemneris, irrideris. Expende hîc tecum ò anima mea, quanto dolore afficiebantur sancti illi cælestesq; spiritus, cum dominum & regem suum, quem tanto in honore habebant & reuerentia, tantis in angustijs, pœnis & miserijs positum, ita humiliatum, despectum, deturpatumq; viderent. Piè quidem imaginari possumus, in conspectu Dei patris pnos eos corruisse in facies suas, amarissimè flendo & orando pro rege suo. Simus ergo & nos membra sensu prædita, vt compatiamur domi-

no nostro IESV Christo: quandoquidē dolor noster est & vulnera nostra, vnde sic ipse affligitur & cruciatur: grauiq; cum gemitu & lugubri corde procidamus in facie ante patre, dicentes: O pater benignissime, vide (obsecro) quātis vnicus tuus correptus angustiis, quā immitibus est cruciatibus circunseptus. Et quomodo piissimum cor tuum ferre potuit, vt dilectum filium tam dira pati videres, nec ei tamen ferres opem & auxilium? O pater pater, vt quid dereliquisti eum? cur paterna viscera tua non sunt mota compassione erga dilectum filium tuum? cur nō miseratus es lachrymas angelorum, vt patereris eos vlcersi iniurias magistri & regis sui? Quis te vicit amor, o pater misericordissime? Quid est homo, quod sic amas eum? Misereris hominum peccatorum, & deseris vnicum tuū. Vt homines apud te exaltarentur in celis, filius tuus tam ignominiosē humiliatur in terris. Vt peccator reus & impius à morte liberaretur, sanctus vnic⁹ tuus, qui nunquam peccatum admisit, miserandum in modum ducitur ad mortem. O pater amātissime, quod est hoc opus admirabile, quod facere voluisti, vt cuncta peccata nostra vnico tuo imponeres, & in ipso vindicare, cū ille semper sitierit honorem tuum, executus sit voluntatem tuam, quicquid gratū & placitū fuit in oculis tuis, fecerit semper? Hunc talē, inquā, tam dilectū filium tuum tam horribiliter percussisti propter scelera nostra, & totum tradidisti in manus crudeliū Iudæorū. Quid retribuā tibi o pater celestis pro omī hoc amore prorsus immēso & incōparabili, pro tanta fidelitate, benignitate & affectu, quæ mihi peccatori tam indigno & vili, tam ingrato & dissoluto exhibuisti? Quā gratitudinem, quid laudis & honoris tibi rependam? Vt amorī huic incompræhensibili

sibili vel qualemcumq; vicem reddere potero?

Confessio peccatorum humilima, & oratio pro venia, ad patrem.

Cap. XIII.



Pater omnipotēs, pie & misericors, miser ego & vilis peccator, tanta cū humilitate, quanta mihi possibile est, plenaq; cum fidutia erga immensam bonitatem tuam, pedibus tuis prouolutus, cum intimo cordis dolore confiteor tibi omnia magna &

grauia peccata mea, quibus in hanc vsq; horam te benignissimum patrem meum offendi: quòd non timui execranda illa perpetrare scelera, quæ dilectus vnicus tuus tam cruciabiliter diluit, & tanta cum amaritudine expiauit. Confiteor etiam tibi clementissime pater, multam & magnam ingratitudinem meam, quòd ad hanc vsque horam tam ingratus fui & tibi, & filio tuo, pro omni illo amore, benignitate & fidelitate, quam mihi exhibuisti: quòd tot iam annis in mea mihi malitia & peccatis tam longanimiter pepercisti, omnemq; iniuriam & contemptum, tibi à me per inobedientiam & maleuolentiam meam irrogata benignè tolerasti, necnon tanta cum benignitate me expectasti ad poenitentiam, quòd posses quandoque obtinere cor meum ad extruendum in eo habitaculum tuum, & infundendum illi amorem tuum. Et ò quoties domine Deus meus, pulsasti ad ostium cordis mei per inspirationem tuam, beneficijs blanditus es, consolatione allexisti, afflictionibus còpulisti: & tñ repulsam passus es, &

es, & semper dorsum tibi verti: quod ipsum tamen benignè sustinuisti. O quàm iuste in abyssum me inferni detrudere poteras, & clemēter mihi pepercisti. Mirum certè est, ò pater dulcissime, non crepare præ contritionis vehementia cor meum, dum ista recogito. Prorsus nec infernus ipse tot pœnas habet, vt malitiam & scelera mea dignè corrigere possint. Indignus sum vocari creatura tua, & quem terra sustineat, cuiq; alimenta subministret. Mirum est domine, non esse ultas creaturas tuas, omniaq; simul elementa iniuriam & contemptū, quę tibi per multiplices irrogavi iniquitates meas. Sed nunc fidelissime pater, miserere (obsecro) mei, & conuerte ad me miserum ac desolatum peccatorē oculos diuinę gratiæ & clementiæ tuę. Aperi mihi viscera benignitatis tuę: meq; in gratiam recipiens, ignosce q̃ tam diu distuli ad te conuerti. Pande mihi paternum pectus tuum, & infunde mihi nutrimentum & conformationem gratiæ tuę. Quæso domine Deus, operare nunc velociter in me, cuius gratia mihi hucusq; pepercisti, & ad quod ab æterno me præordinasti. Et vā mihi infelici peccatori, q̃ tam amabilem, tamq; pium reliqui patrem, qui nunquam mihi nisi amorem, beneficia, gratiam & fidelitatem præstitit: quodq; cor meum, in quo templum, habitationem, & delectationem tuam habere decreueras, tibi denegaui, & multis scđauis fordibus, factus vas iniquitatis & antrum spirituum immundorum. Planè confiteor domine, me omnium quos mundus habet, vitiosissimum esse: at nihilo minùs in immensa confido bonitate tua. Nam & si supra numerum sunt peccata mea, etiam misericordiæ tuę non est numerus. O pater amantissime, si vis, potes utiq; me mundare. Sana animam meā, quia peccasse me tibi confiteor.

fiteor. Memento pie domine consolatorij verbi illius,
 quod locutus es per prophetam quendam tuum, dicēs:
 Tu verò fornicata es cum amatoribus multis: tamē re-
 uertere ad me, & ego te suscipiam. Nimirum pater mi-
 sericordissime, multū in hoc verbo dulcissimo confi-
 do, totoq; me corde ad te conuerto, ac si nemini præter
 quā soli mihi istud dixeris, meq; per ipsum vocare vo-
 lueris. Ego nanq; immunda hæc & infidelis anima sum,
 filius hic prodigus & inutilis, qui infeliciter me à te pa-
 tre luminum, à quo bona cuncta promanant, ab aliena-
 ui, ac velut ovis errās procul à te aberravi, perditis atq;
 destructis omnibus illis largissimis donis tuis, quæ tam
 profusa mihi concesseras liberalitate. Reliqui te fon-
 tem aquæ viuæ, & fodi mihi ipsi cisternas, consolatio-
 nes externas quærendo, quæ tamen continere non va-
 lent aquas, cum omnis temporalis caducaq; delectatio
 velut fumus celerrimè euanescat. Reliqui etiam te pa-
 nem vitæ, & siliquas porcorum edi, sequendo appeti-
 tus sensuum, & bestialibus indulgendo affectibus. De-
 serui te summum, perfectissimum, perenneq; bonum, &
 ad terrena labentiaq; defluxi. Ideoq; verè nudus, pau-
 per, miser & immundus effectus sum, & vt iumentum in
 stercorebus & sordibus meis computrui. Sed oro te pa-
 ter, ne memineris contemptus & iniuriæ, quæ à me ac-
 cepisti. Cogitaui nanq; vias meas & vitam meā malā, &
 totis virib⁹ cōverti pedes meos in testimonia & mādāta
 tua. Sed & reputabo oēs malè perditos annos meos in
 amaritudine animæ meæ: statuiq; mecum exequi volun-
 tatem tuam, & tibi fidelis perseverare. Quid me vis face-
 re domine? Neq; enim solū iugum suave mādatorum
 tuorum constanter ferre paratus sum, sed & propter
 amorem tui vias custodire duras, & angustam ingredi
 crucis

crucis semitam, leuataq; in humeros cruce mea, sequi dilectum vnicum tuum. Et nunc pater cælestis totum me tibi offero pleno affectu cū omni facultate mea in hostiā viuā, quicquid etiam mecum facere voles in tempore & æternitate, paratus facere & dimittere quauis iuxta gratissimā voluntatē tuam, & pati quicquid tua mihi voluerit bonitas euenire. Prorsus domine vlcisce-
re in me iniurias, quas imposui tibi: quandoquidem humiliter me submitto sub flagella paternæ misericordiæ tuæ. Liga, obsecro, manus & pedes meos, ne in aliquo tibi rebellis efficiar. Quauis enim caro infirma sit & inuoluntaria, at spiritus omnino promptus est. Scio enim & verè scio, quòd non potuerunt tot mihi aduersa accidere, quin plura maioraque meritæ sint iniquitates meæ. Itaq; nō nisi gratiam alta cordis voce peto, & vt iustitiam misericordia temperet. Sed quid retribuam tibi, o benignissime pater, pro omnibus quæ fecisti mihi? Doce me quibus operibus, quo obsequio, quibus te muneribus placare & conciliare debeam. Iussisti quidem ne appareamus in conspectu tuo vacui. Sed quid offeram tibi, qui ipse nihil habeo? Eapropter humiliter pulso ostium diuitis filij tui, atque ex infinito & indeficiente sacratissimæ passionis eius thesauro elemosynam peto, quam tibi offeram. Enimuerò eundem tibi offero vnicum tuum, in vnione amoris illius, quo tu illum mihi obtulisti, & ex paterno corde misisti in hunc mundum, vt humanam assumeret naturam, & mortem subiret amarissimam: simulque cuncta illius tibi merita offero, videlicet incarnationis, passionis & mortis: specialiter verò omnem illam ignominiosam afflictionem & cruciatum, quem in sui captione sustinuit: sed & voluntariam obedientiam, ineffabilem

effabilem humilitatem & patientiam, & super omnia ardentissimam illius charitatem, ex qua inimicis suis processit obuiam, ac vltro & amicabiliter illorum se dedit manibus. Necnon immitissima vincula, verbera, impulsus, conculcationes, contemptus, conspuitiones, irrisiones, blasphemias, & quicquid in sui captione perpeffus est, pleno affectu & multa cum gratitudine offero tibi tanquam dignum sacrificium ad supremam gloriam tuam pro cunctis peccatis & negligentijs meis. Suscipe, quæso, benignissime pater merita vnigeniti filij tui pro cunctis iniquitatibus meis. Quicquid enim ego deliqui erga iustitiam tuam, totum dilectus vnicus tu⁹ sua passione exoluit, diluit, expiuit: & defectus meos oēs ipse sarcinuit atq; supplēuit. Et quod tantum possit esse facinus, cui talis cruciatus non impetret veniam? Quæ tam fœda macula, quam calidus CHRISTI sanguis non diluat? Quænam ita in homine radicata & inueterata malitia, quam amor tam feruidus non liquefaciat, excoquat, exurat. Vincit planè passio illius peccata omnia; diuitiæq; meritorum eius tam immensæ ac infinite sunt, vt cunctis vitijs & negligentijs pponderent. Ideoq; ex his altissimis haurio riuulis, quicquid mihi deesse perspexero. Ad hæc offero tibi innocentissimam mortem eius, & quicquid in assumpta humanitate operatus est, vnà cum meritis omnibus sanctorum omnium, & cunctis virtutum actibus, qui ad tuam gloriam à bonis omnibus ad extremum vsq; iudicij fient diē: necnon & laude vniuersa atq; gratitudine, quæ in infinita seculorum secula tibi exhibetur. Ista, inquam, omnia, tam pleno cum affectu tibi offero, ac si ipse tibi ea exhibuissem. Omnem deniq; hanc oblatio-

oblationem simul ad æternam gloriam tuam tibi offero pro meis, immo & omnium peccatis viuorū & mortuorum, pro quibus preces fundere astrictus sum, & tu Deus meus rogari vis, vt tu indè in eternum lauderis ac benedicaris, & gratiarum tibi ab omnibus reddantur actiones.

Iesus à discipulis relinquitur. Cap. XIII.



Vm saluator noster, vt dictum est, tam crudeliter vinctus esset, & à canib⁹ illis rabidis tã miserandū in modū abducere, discipuli nimio timore perterriti, dilectum magistrum suum in fugam versi reliquerunt. Sed ò quantus eos dolor tenuit, cùm in fundum suum sese recipientes, & ad cor reuersi, secum pensarunt quēnam reliquissent, & à quo se separassent: quodq; amabilem magistrum & fidelissimum dominum suum tam infideliter deseruerant in maxima necessitate constitutum. O quàm ignita illa & penetrantia verba, quæ Christus in cœna & in via illos cōmonens dixerat, adhuc ceu viui carbones in eis lucebāt ardebantq;. Quanuis enim ab igne iam se disiunxerant, attamē tanquam qui iamiam ab igne venerāt, prorsus calebant, & radij lucis adhuc in eorum micabant pectore. Et licet Christus per prouidam sapientiam suam parūper corporaliter ab eis discessisset, interiora nihilo minùs vestigia sua, & signa visitationis suæ, quæ sunt lachrymæ compunctionis & gemitus, in eorum cordibus reliquerat. Enimuerò qui populum suum Israeliticum in deserto seruabat, nocturnis temporibus per columnam ignis ducens eos, ne errantes in manus hostium inciderent:

rent: idem ipse & sanctos apostolos suos per ignei fulcimentum amoris custodiuit atq; deduxit, ne in nocte illa tenebrosa penitus deuiarent, & in satanæ inciderent potestatem. Quauis enim corporaliter eorum fuisset obtutibus subtractus, attamen spiritum suum in eorum reliquerat cordibus, per quem oriam tam clamabant: Mane nobiscum domine, quoniam deus per ascit. O quantis in angustiis & pressuris ibant, fundentes vbertim lachrymas? O quoties flentibus oculis gemitundi in cælum suspiciebant? Quàm miserabiliter pergebant in via plorantes & vlulantes, conquerentes dolorem suum, manusq; cõprimentes, vt orphani & oues errantes absq; pastore? Quàm fortiter sua tutudere pectora, dicentes: O magister benignissime, ò dulcissime pater, ò suauissime dñe, q nos tot dies in delicijs enutristi, ac velut filios proprios sollicitè custodisti, studiosè rexisti, sapièter instituisti, & velut cor tuum fidelissimè dilexisti? Quomodo tam turpiter à te recessimus? Quò nunc fugiemus? Quis deinceps tutabitur nos? Ah lupi rapaces iam tuas inuadent oues. Cur te deseruimus? Cur tibi non adhæsimus? Cur non ad mortem vsq; vt i dixeramus, tibi astitimus? Multò nobis meli⁹ erat tecum mori, quàm sine te viuere. O quoties interim oculos retransferunt ad magistrum suum, quem tam ferociter ad mortem duci videbant. Quoties secum stabant animi dubij, vtrumne ad ipsum redirent, vel non? Quomodo certabant in eis amor & timor? Sed erat hæc permissio diuina, Deo sic ordinâte, vt ita fieret, quo scripturæ impleretur. Ceterum dulcis IESVS iam in medijs versans hostiũ manibus, ne tum quidè benignitatè suam auertit ab impijs illis, curata pijsimè abscissa auricula vnus ex ministris Iudæorum. Attamen tanta hæc eius bo-

nitatis & potentia in perfidos illos declarata, saxa illorum pectora emollire non potuit.

Iesus ad Annam ducitur. Cap. XV.



Inc iam crudelissimè ligatum ad Annam eū duxerūt. Quis hic cogitare sufficiat, quas molestias, quas iniurias, quantā crudelitatem, quē deniq; contemptū illi hac intulerint in via, quot eū verberibus affecerint, quot in eū blasphemias euomuerint, quoties eū venerāda p̄traxerint barba, pedibus à tergo p̄truserint, pugnas impegierint, & in faciē illā angelis desiderabilē sua execrāda congesserint sputa: ac quantopere demum properārint, vt cum quā citiūs principi adducerent sacerdotum, ac deinde neci traderent? Nemo prorsus tanta cogitare potest, quin plura in illum fecerint: quandoquidem, sicuti scriptum est, fecerunt in illum quæcunque voluerunt. Attende nunc ò anima mea, quā miserabiliter dominus & creator tuus ab impijs illis & lasciujs nebulonibus vallatur & ducitur, haud secūs quā latro quispiā & morti obnoxius, aut homo sceleratus. Et tamen in omī hac persecutione erga homines patiens, erga patrem gratissimus perseuerauit. Cogita, quæso, qualis hæc ei, quā molestia nox fuerit. O IESV rex gloriæ, qui totum mūdum verbo regis, cū nemo possit resistere potentia tuæ, quā humilis, quā paruus, quā infirmus, quā despectus propter me fieri voluisti? Vbi iam sunt illa milia milliū p̄cidentia coram te in facies suas, teq; adorantia, benedicientia, laudantia, & sine intermissione dicentia,

tia, Sanctus, Sanctus, Sanctus? Nimirum ò amabilis Iesu hora est hæc tenebrarum, tēpus mœroris, & nox amaritudinis. Et hæc quidem tam horribilem & tristem noctem propter me spōte aggressus es. Deinde sic ligatum & deformē adduxerūt eum ad Annā. Videamus nūc, sed cū multa cōpassione, quā humiliter potēs ille dñs steterit illic vinctus & cōsputus, demissis oculis, virgineo suffusus pudore, amicabili aspectu coram vilissimo ac inflato peccatore, ab eodem iudicādus, cū nunquam dolus in ore, nunquā iniustitia in opere illius inuenta sit, immo cui propterea quòd gratiæ plenus esset & veritatis, potestas omnis & omne iudicium à patre delegatum est. Et ecce sanguinarius ille pontifex, fallaciter eum percontatus est de discipulis & doctrina eius, vt ex verbis eius occasionem aliquam ipsum condēnandi subdolos caperet. Sed Christus Dei sapiētia fraudem intelligens pontificis, de discipulis quidem ea vice subtrixit, cū nec posset quicquam magnoperè laudandum tunc temporis de eis proferre: sed quod ad doctrinam suam attinebat, prudenter & sapienter illi respondit, dicēs: Ego palām locutus sum mūdo, ego semp docui in synagoga & in tēplo, quò oēs Iudæi conueniunt. Quid me interrogas? interroga eos, qui audierūt quid locut⁹ sum ipsis: interroga ministros tuos, quos ad repræhendendum me miserās. ecce hi sciunt quę dixerim ego. Hæc planè est veritas æterna, cuius tam iusta & vera verba sunt, vt testimonium capiat etiam ab inimicis. Cumq; hæc dixisset, vnus assilens ministrorum, homo impius & perfidæ frontis, horribilem dedit alapam IESV, dicens: Sic respondes pontifici? Excepit alapam illā benignè agnus māsuetus, nec faciem contraxit in rugas, non excanduit ad iram, non linguam laxa-

uit ad contumelias, nec manus extendit ad sui capiendam ultionem, sed mansuetè respondens, ait: Si malè locut⁹ sum, testimonium perhibe de malo: si autem bene, quid me cædis? O IESV agne mansuetissime, quis nimia benignitatem & patientiam tuam absq; lachrymis commemorare queat, q̃ gratiosam faciē tuam, in quam angeli desiderāt prospicere, tam crudeliter à vilissimo scurra verberari permisisti? Et tu ò anima mea, quàm superba, quàm impatiens, aspera, torua & vindictæ appetens es, quę vno perturbaris verbo & offēderis, nec attendis quantā iniuriā filius Dei tui causa perpeſsus est. Sit tibi passio illius speculum vitæ tuæ, sequere beata vestigia & conuersationem eius, disce ab eo, quia mitis est & humilis corde. Offer illi vel guttulam vnā pro ingenti ac acerbo calice, quem ad fundum vsq; potauit pro salute tua: aliquam ei per compassionē vicē redde pro labore & dolore suo: patientiā pro patientia, contemptū pro cōtemptu: ignosce proximis tuis, sicut Deus quotidie multiplicibus ignoscit erratis tuis, quanlibet sæpè eū offenderis, atq; ita ignoscit, vt nō minùs te protegat, & suā exhibeat amicitia & benignitatē. Contemplantur oēm Christi passionem ad vltimi vsq; spiritus exhalationem, & ne semel quidem motū eum fuisse reperies erga hostes suos, tam immaniter eum afflictaes, nec vllam siue in verbo, siue in aspectu, siue in opere aspernationem præ se tulisse: quin potiùs omnem, quā eos conuertere aut emollire potuisset, benignitatem & dulcedinem in eos declarasse. Tam enim amabilis, tam dulcis est dominus, vt nesciat hostibus aliud quàm amorem & amicitiam impendere: osculatur proditorem, se capere volentem, sanat auriculam abscissam, orat pro se crucifigentibus: immo illorum ipso-
rum

rum peccata & dutitia, grauiori cum cruciatu afficiebant in corde, quàm pœna exterior quam sustinebat in corpore. Et nos ergo si christo placere voluerimus, omnem procul à nobis amaritudinem, rancorē, & passionum nebulas abijciam⁹ oportet, gaudeamusq; dum aliqua nobis occurrit aduersitas. Enimuerò sponsus ille suauissimus suauem quoque petit sponsam, quæ fellicis expers, & ei conditione similis sit. Vnde & sponsam in Canticis columbam dicit. Secutus autem erat dominum & Petrus, sed cùm imponeretur illi, q̃ ex numero esset discipulorum Christi, ter eum negauit. Tum verò Christus misericordia motus, oculos gratiæ suæ conuertit ad Petrum. qui ad se reuersus, cogitare cœpit hæc sibi à Christo fuisse prædicta, vtpote q̃ ante galli cantum ter eum negaturus esset: atq; ita tactus dolore cordis intrinsecūs, foras exiens extra consortium peccatorū, per quos ad casum & culpā pertractus erat, fleuit amarè. Videam⁹ nūc hic, quātus mœror pijsimum Christi cor inuaserit, cùm videret caput & strenuissimum discipulorum ita miserè victum: & sicut fortis ille Samson olim per scēminam robur omne perdidit, ita nunc principem apostolorum, qui verbo solebat fugare dæmones, ancillæ vnus voce territum, suum abnegasse magistrum. O quàm omnia illius viscera compassionē & misericordia mota fuere ob infirmitatem & lapsum discipuli sui: & sicut indulgentissimus aliquis parens vnici mortem luget, ita Christus internam plorauit mortem discipuli ac membri sui, cuius vtique vulnus non minori eum dolore affecit, quàm si ipse illud in seipso accepisset. O quàm citò eum eripuit ex potestate satanæ, in quam lapsus erat, rursus erigens eum per præuenientem gratiam suam. Quàm celeriter re-

spexit eum oculis gratiæ suæ, permittens radios diuinæ lucis suæ micare in obscurum fundum illius. Vnde factum est, vt Petrus ilicò ad se reuersus, in suumque se fundum recipiens, culpam suam & agnosceret, & acerbè lugeret: statimq; ad primum gratiæ tactum, à filiis tenebrarum auersus, ad lucem ipsum præeuntem sese conuerteret. Quanuis enim ex diuina permissione per infirmitatem ceciderat, attamen resignatus erat Deo, propriamque funditus abnegarat voluntatem, & Deo se totum dederat: adeoque illum & elegerat, & corde complexus erat, vt iuxta desiderium & affectum, nihil eum posset ab illo separare. Et quanuis postea deficeret in opere, bonum tamen illius propositum & desiderium erat. Sic enim ait: Domine, etiâ si omnes fuerint scandalum passi in te, teq; deseruerint, sed nò ego. Paratus sum enim & in carcerem & in mortem tecum ire. Nimirum amor & ardens desiderium animum illius vltra vires eius extulerat, adeoque crexerat cor illius, vt humanæ obliuiscereî fragilitatis suæ. Cæterùm tentatio totum hoc inuertit, ita vt iam humiliter se infra se deiiceret vilipèderetq;, qui iactanter sese supra se erexerat: iamq; sibi relictus disceret, quod in feruore illo positus agnoscere non potuit. Enimvero seipsum Deo obtulerat, Deūq; in se sinebat operari, sed sublimis illa structura, quam Deus in ipso moliri appetebat, erigi non poterat, nisi fundum fragile prius detegeretur, ac deinde fundamētum altū & humile collocaret. Mox em̄ vt à Christo respectus est, & lumē gratiæ eius pcepit in fundo suo, lumē ipsum secutus est, tactuiq; & inspirationi spiritus morē gessit, faciens quod ab illo facere monebatur, videlicet auertens se à creaturis, & conuersens ad lucem, quam intra se sentiebat,

per

per quam ad sui cognitionem perductus est, atque ita
 fleuit amarè. Quia enim sibiipsi confidens, animosè su-
 pra naturæ fragilitatem de se præsumpserat, Dominus
 eum sibiipsi reliquit, vt suam agnosceret impotentiam
 & infirmitatē: sicq; illicò lapsus est. Quantum nanq; de
 spiritus seruire confidimus, tantum contrà de naturæ
 fragilitate timere debemus. Certè D. Petrus quàm diu
 cum domino erat, nec mortē, nec hostes, nec arma ex-
 timuit. Satis enim audenter in hostes sese iniecit, eos
 gladio cædens. At vbi dominus faciem suam ab eo auer-
 tit, vnius sceminæ verbo deiectus & superatus est. Ni-
 mirum hoc est quod David ait: Auertisti faciem tu-
 am à me, & factus sum conturbatus. O immensa Dei
 bonitas, quàm benignè pius dominus contemptum &
 confusionem, quam ob discipulum patiebatur, sustinu-
 it, vt idem ille discipulus per hoc & nosse seipsum &
 humiliare disceret? Iam enim ita constituerat domi-
 nus, vt fundamentum ille esset ecclesiæ: ideoque in
 imum fundi sui eum delabi permisit, vbi fragilitatem
 nilque posse suum perspicue cognouit: ibique didicit
 nihil temerè de se præsumere, sed in auxilio diuino hu-
 militer confidere, sicut scriptum est: Noli altum sape-
 re, sed time. Ad hæc quia ita præordinarat CHRIS-
 TVS, vt murus esset Petrus & turris inexpugnabi-
 lis pro domo Israel, necessarium prorsus erat, vt in hu-
 militatis virtute, q̃ toti⁹ structuræ & boni spiritualis fun-
 damentū est, profundè admodū fundaret. Necesse etiā
 erat, vt caput egre haberet, ppriamq; experiret infirmi-
 tatē, quò qlibet mēbra infirma misericorditer ferre di-
 sceret, & iā non septies tātum, sed & septuagies septies
 peccantibus veniā daret; vtq; per hoc quod ipse passus

est, compati disceret, & gratiam sibi à Christo factam, cunctis conuerti volentibus peccatoribus impartiretur. Et quia Petrus seipsum Deo totū resignârat, corq; illius & intentio recta & vera erant erga Deum, casus hic non fuit illi ad damnationem, sed medicina potius & profectus ad Deum: vt si qui se temerè & incautè ad sese conuerterat, iam lapsus & vulneratus, seipsum relinquere, & ad Deum cōuertere compelleretur. Et hoc est quod Apostolus ait: Diligentibus Deū omnia cooperantur in bonum, & aduersa & prospera, delicta & paupertas, lucrum & iactura. Qui enim sibiipsis renuntiârunt, à Deoq; se agi sinunt, illis nihil officere potest. Quæcunq; enim illis Deo permittente, occurrit infirmitas, causa & materia fit illis sese humiliâdi, cōtemnendi, nihilipendendi, & ad Deum conuertendi, Deum amandi, Deo adhærendi, eiq; fidelius seruiendi, seipsos studiosius obseruandi, ac diligentius inuigilandi salutis sue. Quodque istis ex defectu ipsorū decedit in ascensu ad Deum & operatione, id rursus accedit eis in descensu in seipsos & resignatione. Quanto nanque profundius descendimus in nostri cognitionem, tanto altius scandimus in cognitionem Dei, in qua præcipua consistit beatitudo nostra: sicuti puteus quo est infernè altior, eo est supernè sublimior. Quanto nos magis deiicimus, tâto Deum ampliùs exaltamus: quoq; nos viliores credimus, eo magis DEVM magnificamus. Nec potest quisquam dignè honorare Deum, nisi qui verè humilis est: nec vllum Deo gratū obsequium est, nisi quod ex humili corde proficiscitur, nullusq; ita sapit Deo, vt ex ipso fundo humiles. Tales nanq; adeò sese demiserūt, nihilq; effecti sunt in oculis suis, vt Deus nec seipso nec omnibus donis suis efficere possit, vt sese

seſe extollant. Quo nanq; magis illuminantur, pluraq; à Deo dona & chariſmata accipiunt, eo ſuam perſpicacius vilitatem agnoſcunt, ſeſe q; indigniores ſentiunt ad percipienda quælibet dona DEI: ideoq; mirantur dignari Deum quippiam per eos agere: tantuſq; hinc in eis excreſcit amor, reuerentia, ſtudium & delectatio erga Deum, vt neſciant quonam modo vicem aliquâ ſublimi dilectioni & benignitati illius reddere queant, ei q; ſatiſſacere. Cognoscunt etiam quòd & ipſi, & quicquid poſſunt, minùs huc ſufficiat. Vnde nimis adhuc parum eſt eis pro ipſorum deſiderio, q̃ ſe totos dederint illi, qui ſe prior totum pro ipſis dedit: qñ quidem non ignorant, q̃ totum hoc quod ipſi dare poſſunt, nimis impar ſit toti illi, quod ab ipſo perceperunt. Sed neque ſciunt, vt eum ſatiſ laudare, ſatiſq; ei gratias agere, exaltare ſatiſ & dignè honorare, ſe verò ſatiſ deſpicere ac nihilificare debeant. Quicquid agunt, plus facere appetunt: ſemperq; æquè ſitiunt, æquè alacres ſunt: quandoquidem amor ipſorum ſemper plus exigit. Laudât quidem Deum, ſed laudando deſciunt: & quia deſciunt in bono, delinquere ſe fatent in eo quod bene faciunt. Ideoq; reprehendunt ac deſpiciunt ſemetipſos: ſed & hic ruſum deſciunt, atque ita prorſus nihilifiunt in oculis ſuis. Porro in hoc aſcenſu per laudem & reuerentiam ad Deum, & ad ſeipſos deſcenſu ignita exercetur charitas, rubra q; veſtis nuptialis, pallium coccineum purpureum biſ tinctum textitur. Et hæc eſt ſcala, quam vidit Iacob cælum contingere, in ea q; & deſcendere angelos & aſcendere: & reuerà quotquot hanc aſcenſus & deſcenſus viam repererunt, iure meritoq; angeli poſſunt appellari. Enimverò per ingentē illam admirationem, quā ex DEI cognitione perceperunt, ardentemq; illum

amorem ex hac cognitione nascentem, adeò in sublimem conscenderunt ad Deum per affectum, vt cuncta transcendierint deseruerintq; terrena & caduca, fecerintq; cōuersationē sibi in cælis, Deum illuminato contemplantēs intellectu, quatenus DEVS ipse vult nosci ab eis, & eis expedit: rursusq; lumine illo, quod ex micatibus DEI radijs acceperunt, in suum delabentes fundum, in propriamq; sese demittētes vilitatem, vbi se funditus despiciunt, & minoris quā nihil ducūt. Cumq; iterum mundi huius sentiunt exilium, naturæ fragilitatem, corporis indigentiam, gemitundi clamitant: Heu me miserum, adhuc hic sum? dicūtq; cum Apostolo: Infelix ego homo, quis me liberabit à morte & defectibus corporis huius? O domine, educ è carcere animam meam. Cupio dissolui, & esse perenniter tecum. Quemadmodum desiderat ceruus ad fontes aquarum, ita desiderat anima mea ad te DEVS. O quando oculis contempler, quē ore confiteor, corde credo, affectu litio? Quando facie ad faciem videbo, quem hic non nisi per speculum in ænigmate cernere licet? Itaque lachrymę meę & gemitus erunt mihi panes die ac nocte, & consolatio mea: despicietq; anima mea cuncta terrena solatia, donec dicatur mihi, Ecce hic est Deus tuus. O qui huiusmodi alis instar castę turturis gementis sine intermissione per scalam iam dictam sursum euolant, quærentes quę diligit aia ipsorū, cūtes gradatim de virtute in virtutem ad DEVM, certo certius cum Iacob DEVM videbunt scalę summitati innixum, expansisq; brachijs excipientem sponsam suam atque dicētem: Veni sponsa mea, columba mea, fruiere delicijs meis, quas cum labore & gemitu quæsisisti. Eiusmodi homines fidenter ascendere possunt: quippe qui tā altē in humilitate fundati sunt,

ducun

ducunturq; à spiritu DEI, vt cadere nequeant, sustentante eos manu Domini. O felices & beatos illos, qui non iuxta naturæ impulsu aut propriu iudiciu, sed secundum tractu DEI ambulant, sinuntq; se obedienter duci à spiritu DEI, sequentes illum quocunque processerit. Et nunc o anima mea, quam occupatum habes fundum, quam distractum & inquietum, ita vt secretam DEI inspirationem percipere nequeas? Quam etiam rebellis & propriæ es voluntati dedita, vt toties immorigerassis spiritui DEI, eiusq; iucundam impediass operationem? Diuus PETRVS vnico nutu DEI semel ab eo respectus, adeo conuersus est, vt tanta cum celeritate ab omni turbatione & auersione tam fortiter sese conuerteret ad DEVM, vt is eum reciperet in gratiam, peccata remitteret, & in amore stabiliret. O IESV benignissime, quam felices sunt illi, quos ita respiciunt oculi tui, quos sic micantibus illustras radijs diuinæ lucis tuæ, vt & fundum suum perspicere, & vitia sua agnoscere queant? Quam citò illi conuertuntur? Quam celeriter frigida illa & dura corda emolliuntur, accéduntur, amore liquefcunt, & fluunt lachrymis: quæq; antea à peccatis abstinere nō poterant, iam corde conuerso clamāt: Domine, quid me vis facere? Certè mirum non fuit lugere Petrum amarè, magis autè mirandum est, non crepuisse præ angustia & tremore cor illius, cum dominus dilecto eius fundo sua eum peccata fecit intueri, cernereq; quantum dilecto suo Magistro contèptum & iniuriam irrogasset. O qui sic vel semel suum posset fundum perspicere.

Oratio pro imitatione CHRISTI.

Caput XVI.

O IESV



IESV dulcissime, qui à proprijs relictus discipulis, ab electo captus populo, à proprio apostolo proditus, veditus & traditus es, ante Annam pontificem ignominiosè victus adductus, à præcipuo Apostolo trina vice negatus, & à seruo vi-

lissimo crudeliter in faciem cesus es: obsecro te Deus meus per sacratissimam passionem tuam, perq; contemptum omnem, quem tam voluntariè pro peccatis meis sustinuisti, vt ignoscas mihi, quicquid contra legem & rectitudinem deliqui mandatorum tuorum: atque deinceps omnem dirige vitam meam iuxta gratissimam voluntatè tuam. Da etiam mihi hanc gratiam, vt ad exemplum tuum inimicos meos verè diligam, & beneficiam eis, qui mihi iniuriam & molestiam inferunt. O vnicum solatium meum, emolli sic (obsecro) cor meum, idemq; tui amoris igne ita feruidum & mansuetum effice, vt illud pro tuo voto ac desiderio crebris afflictionũ velut malleorum ictibus contundere, operariq; & efficere inde queas vas amoris pro affectu & delectatiõe cordis tui, nève ego sub his ictibus per fragilitatem deficiam, sed ad singulos quosque ictus, igneas patientiæ resignationisq; scintillas emittam. O IESV virtutis speculum, forma perfectionis, via vitæ, lucerna pedum meorum, da vt vestigijs patientiæ, humilitatis, obedientiæ, paupertatis & charitatis tuæ fideliter inhæreã, adeoq; vita mea cum tua concordet, quatenus homini mortali possibile est. O verax hominum amator, qui neminem vis perire, sed conuertere oēs & ad veritatis agnitione illuminare, obsecro te ex intimis cordis mei, respice me oculis misericordiæ tuæ, sicut respexisti Petrum, Magdale-

gdalenam, Matthæum, pluresq; alios, quos fortiter valde à via iniquitatis abstractos, ad singularem tuam pertraxisti dilectionem, quo radij diuinæ lucis tuæ in obscurum animæ meæ fundū lucere queant, vt sic immensam vilitatem, vitiositatem, nihilumq; meum perspicuè cognoscam, adeoq; in proprijs oculis nihilifiam, & tam me profundè humiliem coram te & hominibus vniuersis, quàm & mihi possibile, & tibi gratū ac placitum est. O diuini ardor amoris, qui tam feruenter ardes, vt nullis possis aquis extinguī, cū semper clarè fulgeas, & indeficiēter flagres, cunctaq; in te consumas & transformes, velut ignis hic visibilis ferrum & ligna: quecunque sine impedimento appræhendere potes, incende, obsecro, & liquefacito durum & rigidum cor meū pæstum amoris tui, quò te intima dilectiōe complectar, inq; fragili, sensibus dedita & corrupta natura mea, quam ipse vtq; mihi nō formaui, sed deformauī poti⁹, totus cōsumar, nihilq; fiam, ac nouā quandam formā & similitudinem iuxta tuam similitudinem per admirabilem transformationem tuam induam obtineamq;. Et quomodo tu sempiternus DEI filius per Sanctispiritus cooperatio nem hominis quoque filius effectus es, assumens quod non eras, & manēs quod eras: ita & me in numerum electorum filiorum tuorum renasci facias, per depositionem veteris, carnalis, ac sensibus dediti hominis, & assumptionem noui ac deiformis, creati secundum imaginem tuam. O clavis David, quæ aperis, & nemo claudit: claudis, & nemo aperit: obscura, quæso, cunctas sensuum meorum fenestras, per quas morti, diabolo, & quicquid vitiosum est, patere possit aditus ad me, domū tuam quā decet sanctitudo: & quia complacuit tibi templum tuum facere in nobis, conserua domum tuam im-

maculatam, vt sit domus orationis æterna, placeatq; tibi in ea commorari: solamq; in ea aperias portam orientalem, quam vidit Ezechiel, id est, supremam animæ meæ partem, de qua præceperas eidem prophetæ tuo, ne quis ingrederet per eam, quandoquidem tu solus rex Israel hunc tibi seruare velles accessum. Ideo aut hunc soli tibi seruas introitum, vt pateat ad ortum gratiæ tuæ, vt quando tu soli iustitiæ tenebrosæ animæ meæ apparere incipis, mox coruscis lucis tuæ radios in me suscipere queam, atq; ita iuxta scripturam, obscurum vespere meum cum lucido mane tuo simul fiat dies vna: quiq; te cum Petro per vitiosa opera sæpenumero in nocte negaui, in die te confitear. Aperi etiam in me Deus meus venam lachrymarum, sine vt deficiat & tabescant præ lachrymis oculi mei ex contemplatione multiplicium vitiorum meorum & iniuriarum, quas tibi Domino Deo meo per dissolutam & negligentem irrogavi vitam meam. Nimirum dulcissime Deus incomparabiliter nos amasti: ideoq; amoris à nobis vicem repositis: & huic quidem exactioni tuæ eupio facere satis, & te Deum meum ex toto corde, viribus & cogitationibus meis vicissim amare desidero. Sed ò Deus benignissime, mihi ipsi in terram decidi: cor meum commaculatum est, spiritus torpet, caligat intellectus, cogitationes dispersæ sunt, & omnino mei compos non sum: quando tota familia mea pugnat contra me, nec quisquam est subditus mihi: quodq; gemens tibi queror, vxor quam dedisti in adiutorium mihi, quam in sinu meo plus satis in delicijs enutriui, carnem meam loquor, ipsa me persequitur, & indies cupit perdere me, instar Euxæ vexans me, & offerens mihi cibum vetitum voluptatis. Quapropter ad te Deum protectorem meum confugio: illumina, quaeso, interiores

riores oculos meos, vt nunquam consentiam in peccatū: corrobora vires meas, vt vincere possim hostes meos, & sensus meos omnes cunctaq; membra mea subijcere spiritui meo ad seruiēdum tibi. Munda cor meum, accende spiritum meū, intellectū illumina, cogitationes collige, omnesq; vires meas vni & cōstringe vinculo amoris, & cōpedibus timoris tui, vt nunquā a te possim abalienari: sed semp tibi subditus, semp vnicus sim, tibi absq; defectu adhæreā, te timeā & amē, tibi gratias agā, te laudem & benedicam hic & in perpetuum. Amen.

IESVS ductus ad Caiphā.

Caput XVII.



Ehinc Annas IESVM ligatū misit ad Caiphā, qui anni illius pōtifex summus erat: apud quem conuenerant principes sacerdotum, scribæ & seniores Iudæorum, qui omnes vehementer desiderabant Christum neci tradere & innoxiiū illius sanguinem fundere: visoq; illo haud secūs exultabāt, quā leo capta præda, quā deuorare queat. Et hæc est processio secunda Saluatoris. Sequere nunc o anima mea sponsum tuū: qui vt te sibi spōsam despōderet, oēm hunc laborem & cruciatum perpeßus est. Neq; em̃ diu tecū permanßurus est. En traditur iam in man⁹ hostiū suorū crudeliū, & sanguinem eius sitientiū Iudæorū, qui nō cessabunt, donec eum crucis patibulo affigant. Aspice nunc speciosam eius faciē, eāq; imprime cordi tuo: nam post paulū nec species illi vlla erit, neq; decor. Aduerte, quæso, lugubrē hanc processionem, quā inhumaniter sæui illi canes agnum mansuetissimum duxerunt, & quod

firmiter credere possumus, vt filij diaboli, pleni inuidia & ferocitate, ita fecere, vt eis suggessit & persuasit pater eorum satanas. Et quia in Annæ domo paulisper quieverant, viresq; resumpserant, nunc denuò benignissimum dominum in vita vexârunt, irriserunt, conspueruntq; necnon sapi⁹ barba veneranda crinibusq; protraxerunt, ceciderunt, pedibus protruserunt, & humi iacentem propulerunt, & quicquid demum contumeliæ, irrisiōis, molestiæ, & iniuriæ excogitare poterant, in ipsum abundè congesserunt. Recogitemus nunc in cordib⁹ nr̃is, quo angore correptū erat cor dulcis Iesu, q̃ lassū corpus, q̃ malè affecta cūcta illius mēbra ex om̃i hoc graui cruciatu, & præpropere Iudæorū festinatione. Neque enim in omni hac angustia & pressura vel tantillum ei dabatur spatij, quo respirare semel aut spiritum capere potuisset: ac nihilo minùs agnus innocēs semper patiens fuit, totumq; se illorum tradidit ferocitati. Cuius iam à lachrymis cor abstineat, hunc illius amorem, humilitatē & patientiam attendens? Quis non compassione tangatur, & ex intimis ingemiscat cordis sui, atque in cælū vsque se reum clamet, animaduertens se tā immaniū causam esse dolorum domini sui? Itaque tali cum crudelitate dominum IESVM ad Caiphā adduxerunt, quò principes ac præcipui Iudæorum, vt filij diaboli, ex instinctu patris sui confluxerāt. Et quia in satanæ nomine conuenerāt effundere innoxium CHRI STI sanguinem, ideo malignus ille in medio eorum erat, intus eos ad omnem crudelitatem malitiāq; instigās. Attende nunc ò anima mea, quā humiliter rex gloriæ manibus illic ligatis steterit, oculis demissis, miserabili ac deformi ex sputis & verberibus facie, casta verecundia, ac sitibundo affectu & desiderio acerbū potādi calicem

cem, & paternam exequendi voluntatem: vtq; rabidi illi cruētiq; canes fréduerint in eum, toruoq; nimis aspectu intēderint. Hoc nimirum dominus per Prophetam queritur, dicens: Ipsi verò (terribilibus oculis) confiderauerūt & inspexerūt me, aperueruntq; super me os suum sicut leo rapiens & rugiēs, & frenduerūt sup me dentibus suis: acuerunt linguas suas sicut serpētes, vt euomerent in me venena sua. Ah quis sine cordis dolore videre possit agnum innocentē ac mansuetissimū solū inter tot stare lupos longē ferocissimos, eundemq; filium Dei, ac Dominum dominantium, cuius est omne iudicium, vt à vilibus creaturis ac sceleratis peccatoribus mortis sententia damnetur? O quàm ira feruebant sœua illorum pectora? Quàm animus eorum inuidia, & os maledictione & malitia abundabat? Quantoperē inuidia in illis rationem obcæcabat, intellectui densas offundebat tenebras, iustitiam peruertebat, veritatē extinguebat, consciētiē reprimebat iudicium, religionem ac stimulos? Quàm cruenta illorum sitis virulenta eminus hauriebat machinamenta, fraudes moliebatur, falsos excitabat testes, vt agnum innoxium & iustum neci traderēt. Nec tamen dulcis Dominus os suum aperuit: sed cuncta illa iniqua & impura mendacia, blasphemias & falsitates, quas in ipsum congerebant, ob honorem patris benignē patienterq; tolerauit. Non se excusare voluit, quādoquidem omnia mūdi peccata in se receperat: & quia cū iniquis crucifigi voluit, vt iniquus etiam iudicari volebat. Sed nec quicquam cunctis illis falsis accusationibus respondit, eo q̄ ex amore ingenti hominum salutē & paternum potare calicē ardētissimē sitiebat, cum euidenter intrinsecūs tractum & vocationē patris sentiret, ad quem venire non poterat, nisi per passionis

tionis iter. Enimuerò totum se patris dediderat resignatq; voluntati, eumq; in se operari sinebat, totum se illi instrumentum offerens, tacensq;, quid ille in se loqueretur, auscultabat. Nam secundum humanitatē aptissimū se patri instrumētum p̄bebat, ad exequēdum opus exactionemq; illius, quēadmodum & suos instituerat discipulos, ne cum ante reges & præsides starēt, terrerētur, nec quid responderēt solliciti essent: sed potiùs patris obseruaret spiritum, qui eos doceret, & quādo & quomodo loquerētur. Deinde iam falsis testibus auditis, nec vlla tamē mortis causa in Domino reperta, turbatus est iniquus ille Pontifex: raptusq; ira ex sede sua, ait ad Dominum: Adiuro te per Deum viuum, vt dicas nobis, si tu es CHRISTVS filius DEI. Audiens Dominus compellari diuinum nomen suum, ob reuerētiā patris, ex spiritu in ipso lucēte respondit: Tu dicis, quia ego sum. Veruntamē dico vobis: Amodò videbitis filium hominis sedentē à dextris virtutis DEI, & venientē in nubi-
bus cæli. Tunc princeps sacerdotum scidit vestimenta sua, dicēs: Blasphemauit, quid adhuc egemus testibus? Ecce nunc audistis blasphemiam: quid vobis videtur? Tūc omnes illi canes rabidi vno ore clamabant, dicentes: Reus est mortis: simulq; vnanimiter in eum ceu leones ferocissimi in agnum irruentes, omnes inuidiæ suæ laxauerunt habenas, totumq; in eum furorem & odium suum absq; vlla discretionē compassionēq; euouerunt. Et vnus quidem sputa in faciem, alius in caput, alius in collum pugnas ingerebat, hic crinibus, ille barba trahēbat. Quidam verò ex ingenita malitia speciosissimam illius faciem crudeliter vnguibus lacerabant. Testatur hoc ipse per Prophetam, dicens: Faciē meam non auerti ab increpantibus & conspuentibus in me. Itemq;:

Ge-

Genas meas dedi vellētibus. Nimirum fecerunt in eum quicquid voluerunt, nec crudelitate exatiari poterant. Immo si possibile fuisset, in ardente illa furia ipsum in nihilum redegissent. Sed necdum venerat hora eius. Mos erat Iudæis, vt si quempiam tanquam impium & reum, contumelia afficere voluissent, in faciem illius, velut DEI iniuriam vindicantes, sputa congererēt. Idq; sæpius intemperanti quadam crudelitate faciebant, vt plerosque extinguere & suffocarent. Ideoq; sentire nobis licet, cruciatum hunc Domini ipsa morte non fuisse minorem, eumq; in hac graui angustia extinguendum fuisse, nisi diuinitas illius ad maiora perferenda supplicia eum conseruasset. Vt enim Euangelista ait, non spuerunt tantum, sed etiam expuerunt, quod est, putentia se phlegmata sua ex imo pectore extraxisse, eiecisseque in faciem illius, osq; benedictum & vere suauissimum. Et quam maiorem contumeliam aut contemptum Domino gloriæ inferre potuissent? Nul- li vnquam latroni, etiam morti iam adiudicato, tanta est illata contemptio, irrisus, vituperatio, quanta Domino etiam necdum condemnato. Enimuerò tam indignis eum modis tractauerunt, vt penè hominis nullam haberet speciem. Adeò nanque gratiofa illius facies ex plagis intumuerat, sputis obsita, sanguine rubricata, vnguibus lacerata erat, pariterq; sanguis & phlegmata commiscebantur, vt tam miseranda esset species dulcissimi Saluatoris, vt vel saxeum potuisset pectus ad miserationem compassionemq; conuertere. Et quia tanta erat faciei illius gratia, vt solo aspectu peccatores emolliret sibi que attraheret, idcirco eam impij illi obuclauerunt, ne qua benignitate vel misericordia

mouerentur, sed omnē suum furorē crudelitatemq; in eum pro voto effunderēt. Itaq; iam tunc absq; vlla misericordia crudelissimē eum verberabant, simulq; irridiculē dicebant: En Prophetam nostrum. Prophetiza nobis Christe, q̄s est, qui te pcussit? Atq; ita patientissimō domino quicquid molestię, contumelię ac cruciat⁹ diabolico suo poterant corde concipere, irrogabant. Attamen nec ita quidem sitis eorum extincta est. Postquā enim omne in illum suę acerbitalis virus euomuerant, prorsusq; iam defatigati erant, viribusq; defecerāt, suis eum ministris tradiderunt, vt id quod reliquum erat nōctis, in illius custodia & vexatiōe expendere: & ipsi mēbra sua quieti dedere. Cæterū exhausto nimiumq; lasso & excruciato dño nulla quies vel respirandi facultas data est: sed nequissimis traditus est satellitibus, qui tota illa nocte iuhumaniter eum vexauerunt. D. Hieronymi quidē sentētia est, molestias illas & pœnas, quas dño illa nocte intulere, ante iudicij diem nō fore manifestas. Vnde deuoti quique, qui in dominica se cupiunt passione exercere, aliquid ad honorē occultorum illorum DEI cruciatuum facere deberēt, eosdemq; patri cælesti, cui utiq; bene noti sunt, pro suis occultis & ignotis offerre peccatis. Nunc igitur o anima mea & quotquot IESVM diligitis, eamus cum interno dolore visum, quātis in angustijs & afflictionibus dulcis IESVS cæli gaudium tum erat. Cuius sibi cor à lachrymis temperet, dominum glorię, cæli regem tam turpiter tractari videns? O speciosus forma præ filijs hominum, quā modò deformis est? vt speculum claritatis æternę, cuius pulchritudinem elementa mirantur, obductum est, vilisq; ac sordido tectum linæo? Euidenter hoc magnoq; cum dolore Prophetia describens, ait: Vidimus eum, &
non

non erat ei species. Et nos reputauimus eū quasi leprosum, & percussū à DEO, & humiliatū. Scindāt verba hæc cor tuum ò anima mea, statuasq; modò formā hāc seu imaginē maximè afflictā ob oculos cordis tui, eāq; tam miserandam fuisse intellige, vt Propheta illē tam illuminatus, nullis eam potuerit verbis exprimere: sed leproso eam comparat, cuius nimirum nemo non exhorret aspectum: quandoquidē amabilis CHRISTI vultus adeò ex plagis intumuerat, sanguine obductus, phlegmatibus repletus, vnguium laceratione dissectus erat, vt non esset illi species hominis, neque decor. Penetret passio ista cor tuum ò anima mea, inflanmet te ingens charitas, quæ hæc operata est. Erubescē homo superbe, vile stercus, qui tibi esse aliquid videris, oblitus cinerē, lutum, & ipso quoq; nihilo minus, te esse. Aspice vt filius DEI ob peccata tua humiliatus est, vt gloria cæli, cuius celsitudo oēm vincit intellectum, tui causa contempta & nihiliducta est. Aduerte vindictæ cupide, inflexibilis, crudelis & impatiens terræ puluis, vt Dominus dominorum omnem hanc grauissimam afflictionem patiētissimè tulerit, idq; à vilissimis scurris & indignis mācipijs, & quidē pro sceleribus tuis. Certē in oīni hac molestia & vexatiōe nec semel eum inuenies frontem in rugas contraxisse, vel os aperuisse ad maledicendum, aut manus pro sui defensionē exeruisse. Et tu miser verbulum vnum ferre non potes propter DEVM, quin mox iracundiam tuam verbis, actibus, signis, gestibus & aspectu testeris. Ipse quidē confiteris DEO peccata tua, & ille tui misertus, recipit te in gratiam, modicam imponit satisfactionis pœnam. Crucem aliquam euenire tibi permittit, eamq; vult vt feras pro omni illa, quam ei peccatis tuis imposuisti, iniuria & contemptu. Sed repēte

erumpis in querelas, in murmurationes, in impatientiam, nolēs ferre crucem à DEO impositam: quin & grandem iniuriam tibi fieri caufaris ab illo. Quid hoc aliud est, nisi quod re ipsa & actibus tuis declaras, dicisq; nolle te iniunctam à DEO satisfactionem exequi, velle potius post hanc vitam luere pœnas in flammis sulfureis, quàm hic modicam perpeti afflictionem? Itaq; ignem desiderasti, & ignis veniet tibi: misericordiam DEI repellis, & ipsam non inuenies. Hic eius gratiam spernis, & optas in posterum sentire iustitiam. Ipse nāq; ait: Quid prodest, vt gratiam postules, dicēdo: Domine domine, & non facis quæ dico? Optares certè, vt in omnibus permitteret tibi DEVS vti voluntate tua, omni satisfacere sensualitati ac oblectationibus tuis: impleret omne desiderium cordis tui, & ne vnum saltem verbulum asperum tibi diceretur, ac nihilo minùs per sua merita veniā daret cunctis iniquitatibus tuis, & absque pœna in suam æternam eueheret gloriam, (videlicet ea dignus es.) velles, inquam, vt in omnibus submitteret ille se tibi, & propter te iniustus fieret. Sed falleris prorsus, falleris. Non tam vile habet regnum suum. Cariùs id ei cōstitit. Christum oportuit pati, & ita intrare in gloriam suam: si tu pati recusas, foris remaneto. Ipse ait: Qui vult venire post me, abneget semetipsum, & tollat crucem suam quotidie, & sequatur me. Itaq; si gratiam DEI verò petis spiritu, confitere ei peccata tua cum odio & auersione à peccatis, illiusq; te correctioni totum exponas, totumq; illi te offeras, dicens cum Propheta: Quoniam in flagella paratus sum. Iacta te in illum, paratus ad omnia, libensq; ac spontè crucem ab illo tibi impositam amplectere: nec ad illius molestiam vel grauitatem, sed quis eam tibi imponat, attēde: nimirum Dñs noster

Iesus Christus Dei filius, qui sua te cruce præcessit, cui bene perspecta est infirmitas tua, nec te supra vires onerabit. Natura namq; illius, bonitas est: aderitq; tibi & assistet in cunctis afflictionibus tuis, sicut & cæteris sanctis omnibus. Non erit ille immemor misericordiæ suæ, si tu tantū voluntatē propriam, murmurationē, querimonias abijcere nō ris. Sine igitur, agat ille tecū pro voluntate sua, perficiat in te opus suū. Et certē in hac humili tui subiectione multā tecū faciet misericordiā, cunctaq; illius viscera cōpassione erga te mouebūtur, & veniam dabit omnibus erratis tuis, nec secūs hanc tui resignationē bonamq; voluntatē accipiet, quā olim Abraham patriarchæ voluntatē, cū is filiū suū vnicū offerre gestiret: ac nihilo minūs æquē parceret tibi & propicius erit, vt fuit Isaac filio Abraham. Suā namq; perennē gloriā impartiri tibi exoptat: sed tñ aliquid te facere vult, vt iustē hāc tibi impartiat: quod est, vt animo obediēte illi te submittens, opus suum cum in te persicere finas, obseruesq; gratiam illius, ne ea in te vacua sit. Sic enim de sanctis omnibus multa legimus, vt innumera mala perpassi sint, vitamq; seueram & rigidam duxerint, quō digni fierent esse cohæredes CHRISTI in regno patris illius. Sed nunc ad piissimum Dominum, vnde paulisper aberrauimus, reuertamur: fluxusque lachrymarum, qui interim stetit, nunc denuò amorosē laxetur, Quid, oro te, factura fuisses o anima mea, si corā illic adfuisses, vidissesq; omnem illum contemptum & afflictionem inferri Domino tuo? An non ex ardēti amore in illius irruisses amplexus, deformemq; faciem illius tuis abluisses lachrymis, amanterq; osculata fuisses? necnon maximē amicis & consolatorijs, quæ quidē excogitare potuisses, verbis eum affata fuisses dicendo:

O IESV dulcis, domine DEVS meus, iam ferre non potest cor meum, quia te persequuntur, despiciunt, & inhumaniter tractant impij isti. Iam præ dolore scindetur cor meum, si te diutius in his miserijs videro. O IESV spes, solatium & amor meus, quem diligit anima mea, quis det mihi, ut ego pro te patiar? Non enim tu peccasti, sed ego. O pulcherrime & speciosissime inter filios hominum, ut ita deturpat, ita deformis & absque specie effectus es? Quomodo abiit pulchritudo tua? Cur ita humiliatus es? Ut tibi omnis hæc ingens culpa imposita est, à quo prorsus es alienus & innocens? En sanguis vitiorum nostrorum aspergit omnia vestimenta tua: & ipse factus es opprobrium hominum & abiectio plebis. Ah quis te rapacibus hisce lupis tradidit? An non o anima mea his dictis, toto domino tuo corpore adhereres, brachijs tuis illum complexans defenderes, hominesque impios reprehenderes, dicēs: Quæso, tanta crudelitate in filiū DEI, omniumque nostrum dominum debacchari nolite. Me potius rapite, & quicquid placet, mihi facite. Non enim peccauit agnus hic innocēs. Ego sum qui peccaui, & morte digna sum. Itaque in me sputa congerite, me irridete, me pugnis atterite, me persequimini: me cruentam vestram exatiate sitim, me ardētem extinguite furorē vestrum, me inuidam & virulentam perficite malitiā vestrā: me denique quicquid voletis facitote, tantum ut IESVM dominum meum missum faciatis. Neque enim contemptum hunc & iniuriā, quibus eum afficitis, ferre queo. O qui pater æternus iniuriam & probra, quæ videbat, gloriosi filij sui tolerare potuit? Prophetā suum Heliseum, à pueris non tam ex malitia, quam puerili leuitate irrisum, tam grauiter ultus est: & unicū eundemque charissimū filium suum vlcisci noluit, sed totū eum ferocitati malitiæque tradidit Iudæeorū. O pater amantissime,

quid

quid est homo, quod sic cum amas? quod tam venerandum, tam bonum, tam dilectum filium pro impio ac dānato peccatore manibus tradidisti canum rabidorum? quod propter scelus populi tui tam dire eum percussisti? Et quomodo paternum cor tuum admittere potuit, ut in gratissimum filium tuum, qui nunquam fecit contra voluntatem tuam, peccata & debita omnia plebis tuæ imponeres, ut calicem amaritudinis & iræ, quam nostra peccata cōflauerant, totum simul in ipsum effunderes? Ut eum in omni sua afflictione reliquisti, ac velut exulem & hostem abiecisti, ut nos qui inimici & iræ filij eramus, amici & adoptionis filij efficeremur? quā absorptum & erga hominem amore ebrius est cor tuum, ut nō attendas, quanta patiatur vnicus tuus? Nihil te mouet, quanlibet preciosum expendas thesaurum: non laborem, non dolorem, non sumptus ullos attendis, tantum ut salutem homo consequatur. Ideo quæ vnigenitum filium tuum totum exposuisti, ac impiorum hominum voluntati obtulisti, haud secus quā si cum indignatione eum abdicasses, in locum illius homine adoptato. Et nunc pater dulcissime, ingentem dilectissimi filij tui IESV Christi resignationem & obedientiam tibi offero, maxime tamen immensum illius amorem, ex quo vltro se ad omnem hanc intolerandam obtulit afflictionem & cruciatum, à te deferri, castigari, verberibus affici, & tam inhumaniter crudeliterque corripì eligens, quò nos gratiam, misericordiam & pacem consequeremur. Sed & cuncta illa crudelia verbera, irrisiões, cōspuisiones, & quicquid demum acerbæ illa nocte dilectus filius tuus magno cum desiderio perpeßus est, offero tibi pro peccatis meis. O pater misericordiarum, miserere mei per dilectum filiū tuum. Licet enim ipse ex infirmitate pec-

càrim, sed debitum omne ex amore soluit filius tuus, cuius bonitas & amor peccata vincit omnia. O si peccata mea in lance vna, & merita filij tui in lance altera ponerentur: multò hæc illa vincerent. Itaq; pro fit mihi, obsecro, passio illius, quandoquidem pro me illam sustinuit, & sacra illius vulnera meis vulneribus medeantur: purissim⁹ sanguis eius, sordes diluat cordis mei: illius humilitas, meam superbiam: eius obedientia, meam inobedientiam: patientia ipsius, meam impatientiam debeat & excuset. O abyssus ex qua bona cuncta promanant, da mihi per sacrum nomen dilecti filij tui gratiam corrigendi malam vitam meam, ac deinceps iuxta tuam gratissimam viuendi voluntatem. Illumina cecum cor meum micantibus radijs diuinæ lucis tuæ, quò vitia, fragilitatem, vilitatemq; meam cognoscam, vt sic ex vera mei cognitione funditus memet humiliem, contemnam & submittam, non tibi tantum, sed & hominibus vniuersis propter te, quò humilitatis ac obedientiæ vestigia dilecti filij tui fideliter sequar. Da etiam mihi Deus meus, vt & meipsum & cuncta quæ infra te sunt, tã perfectè abnegem deferamq; quàm tibi gratum est, & quatenus ea mihi impedimento sunt ad obtinendum perfectum tui amorem: quò te sine medio diligam, adeoq; clavis puræ charitatis tibi affigat, vt me nec aduersa, nec prospera, nec afflictio quælibet à te possit vlla ratione separare. Amen.

Maria Iesum filium suum prosequuta
est. Cap. XVIII.

VIdeamus nunc, quò pijsima abierit DEI mater, & utrùmne vsipiam in publicum proditura sit,

fit, vel forsitan cum Apostolis deferuerit filium suum. Certè quanuis in apostolis fides titubauerit, charitas refrixerit, spes vacillârit, licet timor oues disperferit à pastore, palmites à vite abscissi sint, attamen ramus vnus integer permansit & illæsus, qui est virgo beata Maria, succo fidei plena. Neq; enim possibile erat, vt in hâc dubitationem incideret mater Christi, essetne Iesus filius Dei, vtpote quem absq; viri contactu ex sancto se nouerat spiritu concepisse: nec vlla eum poterat ratione deferere, cum quo vnus erat effecta spiritus in DEO. Enimuerò spiritus DEI, quo ipsa plena erat, testabatur in ea de filio DEI, sic eum in gloriam patris pati oportere. Vt enim Paulus ait, Qui adhæret DEO, vnus spiritus est. Quamobrem prorsus verisimile est, Spiritum sanctum omnes Deiparæ virginis complexum esse vires animæ, fortiterq; sibi totam illius voluntatem, intellectum, amorem & affectum vendicasse, creatum illius spiritum erigens ad gloriam patris, eamque legi & scripturis, quæ erant de filio eius, reddens subiectam. Vnde sicut CHRISTVS non seipsum quæsiuit, sed gratissimam patris voluntatem & salutem exequi animarum: ita & Maria vnigenito filio suo non pepercit, sed & ipsa eum vltro ad omnem illam obtulit passionem, quam ab illo DEVS pater exigebat tolerandam. Nec attendit doloris gladium, quo cor suum scindendum erat: non thesaurum preciosissimum, quo priuanda erat, considerauit, nec denique vna se hora omni gaudio, solatio, ac ipso demum charissimo filio suo destituendam contuita est: sed totam se cum omni facultate sua, simul in gratissimam resignauit
Dei

Dei voluntatem, parata omnem ferre pressuram, afflictionem & grauissimos cruciatus, qui hinc ei accidere possent: tãquam & ipsa iuxta filij sui spiritum diceret: Si non potest à me transire calix iste, nisi bibam illum, fiat domine volũtas tua. Sed & ambiguum nulli esse potest, beatissimam illam matrem & dominam nostram, tanto erga Deum & cũctos homines amore flagrasse, adeoq; salutem sitisse animarum, q̃ & ipsa libentissimè crucis subiisset mortem, si ita visum fuisset omnipotenti Deo. Et quia id fieri non debebat, tãtam intrinsecus crucem & dolorem sustinuit, quantam absq; cordis diruptione ferre potuit. Et sicut ipse dominus Iesus, tametsi semper cum paterna esset vnitus voluntate, secundum humanitatẽ nihilo minùs extimuit & exhorruit mortem, ita vt ex imminentis contemplatione passionis, ad mortem vsq; tristaretur, & sanguinem copiosè sudaret: ita fieri non potuit, quin incompræhensibilis maternum pectus scinderetur doloris acerbitate. Et certè multo ei fuisset iucundius vnà cum ipso mori, quàm sine ipso viuere, & mortem illius acerbissimam coràm intueri. Vt enim amabilem illum dominum ac Deũ suum non vehementissimè amaret, qui & forma erat speciosissimus & elegantissimus præ filijs hominum, & cor ipsius suo constrinxerat prorsusq; liquefecerat amore: qui & præ cunctis eam sceminis elegerat, supra omnes exaltarat, honorarat, benedixerat, sanctam beatamq; effecerat: qui cunctas illius vires, voluntatem, intellectum, memoriam & amorem in se possidebat, deificarat, secumq; & in se transformauerat, ita vt incompræhensibili afficeretur gaudio ex contemplatione diuinitatis, & humanitatis intuitu, necnon ineffabili cum suauitate melliflua illius dicta auscultaret? Nam & quicquid ille

non erat, crux ei fuit, & paupertatem omnem, afflictionem, persecutionem, contemptum propter ipsum & cum ipso perpeti gaudebat intrinsecus, eratq; id illi iucundum satis. Nulla sanè vnquam genitrix tanto filium suum amore complexa est, vt virgo beata vnicū suum: nec vlla vnquam sic doluit ob filij discessum, vt ipsa. Ceterum, quia pater æternus vnigenito filio suo nullum excellentius vel præclarius quam crucis seu passionis donum conferre potuit, (hoc nanq; post ipsum gratissimum beatissimumq; munus est, quod charissimis præstat amicis suis) ideo & virgini intemeratæ hoc ipsum donum largitus est. Et sicut Christus patri obediens fuit vsq; ad mortē crucis, ita & beatissima virgo Maria ad crucis vsq; mortem Deo obtemperauit: quādoquidem pœnam illam quam dilectus filius eius sustinuit in corpore suo, ipsa per cōpersionem in corde ptulit. Ideoq; Deus omnipotens nomen illius post Christum supra omnes extulit benedixitq; creaturas. Et sicut electa erat à Deo, vt in generatione humani generis redemptioni cooperaretur: ita nihilo minus & in passione huic eam voluit cooperari, vt quemadmodum parēs nobis fuit, generans nobis saluatorem: ita & liberatrix esset, portans intrinsecus passionis crucem cum filio suo, & doloris sentiens gladium peracutum. Vt enim pater cælestis vnicum filium suum in ara crucis viuam obtulit hostiam, & quotidie adhuc offert in sacramento pro salute hominum, quò perpetuus esset inter ipsum & homines intercessor: ita & electam filiam suam, beatissimam virginem Mariā durè pati permisit, eiusq; oblationem in gratum suscepit sacrificium ad vtilitatem & salutem totius humani generis, quò & ipsa perpetua esset mediatrix inter Deū & homines, offerretq; semetipsam cum
omni

omni afflictione sua cunctisq; virtutibus suis in cōspe-
ctu Dei pro hominibus vniuersis ipsam innocantibus,
quò per afflictionum suarum merita, iram Dei in mise-
ricordiam commutaret: vt sicuti Eua stādo & cum de-
lectatione aspiciendo fructum mortis, hominem per-
didit: sic ipsa nimio cum dolore stans sub ligno crucis,
fructumq; vitæ cum amaritudine contemplando, homi-
nis redemptioni cooperaretur. Necnon infinitū quen-
dam hic thesaurū cōparārat meritorum, quibus miseris
omnibus semper apud Deū subueniret, pectusq; suum
adeò spiritualibus impletet virtutibus, vt cunctis esset
hominibus fidelissima parens, misericordia affluens &
abundans. O Maria gratiæ fons, præcipua martyrum
omnium: nō hoc initiū est dolorū tuorum, non hic tua
cepit p̄fessio, non hæc prima est tui sub Dei obedi-
entia abnegatio: sed sicut Christus filius tu⁹ ab initio gra-
tissimæ se subdidit ad mortē vsque patris voluntati, vl-
troq; humeros cunctis à patre sibi impositis crucibus
submisit, & toto vitæ suæ spatio paupertatem, perse-
cutiones, oblocutiones & contemptum spontē susti-
nuit: sic & tu domina nostra dulcissima totā te resigna-
sti Deo, quando mater filij Dei esse consensisti, dicēdo:
Ecce ancilla domini, fiat mihi secūdum verbum tuum.
Christus autem ad hoc natus est, vt moreretur. Sicut er-
go ad filij Dei generationem te obtulisti, ita & ad mor-
tem & passionem te resignasti. Vnde sicut in natiuitate,
omnium quæ vnquam fuere, genitricū lætissima fuisti,
ita in passione omnium maximē doluisti: & dolores atq;
angustias quas paries euasisti, patiente filio, cum latius
asperiusq; multo perpeffa es. O mater pijsissima, quā fi-
deliter crucem tuam in humeros recepisti, sequēs dila-
tum filium tuum, cuius oēm passionem corporalem &

exter-

externam tu intrinsecus pertulisti. Eius namq; crux tua erat, & tua illius. Et sicut Eua vsurpās temerè de arbore scientiæ boni & mali, homines in Adam perdidit: ita tu de arbore crucis dolorem in te suscepisti, satiataq; amaritudine, vnà cū filio tuo hominē redemisti. Adam de Eua recepit, quo nos interemit: & Christ⁹ ex te sumpsit, quo nos redemit. O Maria græ mater, quàm abūdè beata implesti meritis vbera tua, ꝑ filijs tuis patiēs atrocissimè vnà cum dilecto filio tuo. Et quis æstimare sufficiat, quas curas, quæ onera, quantam penuriam, afflictionem, molestiam trigintatribus annis cum filio tuo pertuleris? Enimuerò quicquid persecutionis & afflictionis à Iudæis vnicus tuus perpeffus est, id omne tu eius pijsima mater sustinuisti. Anima namq; tua per mirabilem quendam introq; trahentem amorem, in ipso habitabat: ideoq; nihil ei molestiæ vel doloris, te inspiciente, inferebatur, quin anima tua quæ in illius degēbat corpore, simul cruciaretur. Deuotus quisque tuos venerans dolores, diligentius ac profundius ista secum meditari & pensare poterit.

De compassione virginis matris erga filium suum. Cap. XIX.



Benedicta Dei genitrix, semperq; virgo Maria, cui⁹ cogitare cor possit, quantā perpeffa sis crucē & afflictionem nocte illa tristissima, qua dilectus fili⁹ tu⁹ vnicū solamē cordis tui manib⁹ est traditus hoīm impiorum, & à proprijs relictus discipulis. Satīs quidem credibile est, mater dulcissima, cū
plena

plena esſes ſpiritu ſancto, vidiffe te in ſpiritu omnem illum dolorem & cruciatum, quem vnicus tuus nocte illa horribili expertus eſt. Sicut enim pulcherrimo, iuuenili ac florido corpori ſuo ob ſalutē hominum parcere noluit, quomodo illud morti traderet: ita nec materno pepercit cordi tuo, quo minùs gladio illud doloris permetteret tranſuerberari. Vnde etiam omnem ſuam tibi prædixit paſſionem, quò meritorum ſuorum omnium & afflictionum te participem faceret, eiꝫ in ſalute hominum reparanda cooperareris, quò materna vbera tua cunctis reſerta meritis, ſemper lac gratiæ in promptu haberent, quod in ſingulos quoſq; ea per deuotas preces comprimētes vbertim effunderent. O Maria mœſtiſſima mater, quàm acerba, quàm triſtis iſta tibi nox fuit, vt gladius Simeonis ſæuijt in corde tuo, quàm lugubres decantaſti matutinas preces. Canticum tuum erat carmen & væ, pro iubilo gemitus emiſiſti, & ſpiritus plena eras angoribus. O quàm triſtia verba, quàm miſeranda ſuſpiria, quàm ignita ad patrem cæleſtem in cælum ſuſpiria edidiſti. Quàm feruido ac deuoto corde cæleſtem patrem rogaſti pro filio tuo, totum illum offerens & commendans eidem. Et licet corporaliter necdum adeſſes filio tuo, hoc ipſum tamen quòd eum pati ſciebas, ad eò ſcidiſt cor tuum, ac ſi ipſamet in tuo fuiſſes paſſa corpore: ipſumq; cor tuum vclut in ardentifurnace intra te torrebatur, liqueſcebat, exareſcebatq; præ amore feruentiſſimo, & deuſtante flamma afflictionis & crucis. Quis cogitare ſufficiat, quàm ignita verba, quàm feruidas ſcintillas tota illa nocte ardentiffimum cor tuum emiſerit? Forſitan enim hoc, ſimilivemodo dicebas: O IESV fili mi, fili mi dulciſſime Ieſu, quis te mihi eripuit? Quis matrem à tam charo ſeparavit

rauit pignore? ut quid non video te lumen desiderabile oculorum meorum? Quis det mihi Iesu fili mi, ut ego pro te pariar, pro te moriar? O IESV vnicum cordis mei solatium, cur non tecum iui in mortem? cur non confestim te secuta sum abeuntem? O dulcis Iesu bone fili, ubinam hodie pernoctas? in cuius es manibus? quidnam modò pateris? O si furentes illi canes suam in me crudelitatem euomere vellent, tantum ut tu illæsus abires. O IESV spes mea, nutrimentum meum, suavis delectatio mea, cur non ipsa pro te mortem excepi, ne viderem in te tantum dolorem cordis mei? Multo quidem mihi dulcius esset mori, quam in tantis videre angustiis te dulcissimum vnicum meum. O Iesu mi vita mea, nutrimentum meum, dimidiū anime mee, dulcedo & consolatio mea, ubi iam est promissio angelica, qua mihi pollicitus es fore me matrem absq; vā, gratia plenā, præ cunctis foeminis benedictā? Nimirum omnium mihi videor esse miserum, quos mundus habet, mater præ cunctis unquā repertis tristissimi plena doloris. Enimvero afflictio mea multa nimis est, cor meum abundat amaritudine, spiritus me deficit præ pressura, dolorq; meus humanā vincit afflictionem. Hoc similiq; modo benedicta Christi mater seipsam tota illa nocte flendo, gemendo, querendo, lamentando exhaustit. Et sicut Christus omni illa nocte nunquam fuit absq; cruce, ita ipsius dulcissima genitrix ne vno quidem momento diri fuit experta doloris. Et quomodo canes illi sanguinarios nunquam à Christi vexatione & inhumanis afflictionibus abstinuerunt, ita nec doloris gladius vel breui tempore à materni cordis compunctione cessauit. O Maria fidelissima parens, quo tunc animo secuta es filium tuum? ut amor ille, qui filium tuum accenderat, quò vltro per-

H

geret

geret ad locum illum, vbi calix ei amaritudinis paratus erat, te quoque mouit, vt cò properares, vbi gladius doloris exacut⁹ erat, qui virgineum scinderet pectus tuum, & intima confoderet animæ tuæ. O gloriosa celi regina, quàm lamētabiliter per viā illam deducta es ab amicis tuis? Quàm omnes illos ceu mortissima captrix lugubri voce tua ad lachrymas commouisti? Quis æstimare possit, quàm hoc triste tibi iter fuerit? Quoniam enim propiùs accedebas ad urbem, eo altiùs tuis doloribus immergebaris. Nec dubium esse potest, quin tam diu iueris, donec ad conspectum venires filij tui, siue quum ille duceretur ad Herodem, siue quum indè ad Pilatū reduceretur, siue etiam quum eum Pilatus ad populum produceret, dicens: Ecce homo. Sed cuius possit animus capere, quis te dolor inuaserit, quum eundem vnicum tuum tam dirè ligatum, tam ex verberibus, sputis, sanguine miserandum in modum deformem cerneret, vt penè hominis speciem videretur amisisse? Et quidem omninò verisimilè est, amabilem dominum dulcissimam matrem suam quàm potuit placidissimè respexisse, quodq; verbis nequiuit, amicabili fecisse aspectu. Tum verò ò mater dulcissima, quàm liquefactum est intra te cor tuum, haud secùs, quàm cera ab ignis ardore? Quàm tum tota penè in lachrymas resoluta es? Verùm quum ista apud Euangelistas non reperiantur, non expedit multis hinc agere. Quæ autem hìc scripta sunt, ad excitandam in nobis deuotionem compassionemq; erga virginem beatam scripta sunt. Cæterum, quilibet ea intra se penitiùs profundiusq; & poterit & debet meditari.

IESVS Pilato traditur. Cap. XX.

Hora



Ora prima omnes illi sanguinarij ca-
nes & cruentæ bestię manē admo-
dum conuenerunt, vt IESVM ne-
ci traderent. Pestifera nanque inui-
dia, qua pleni erant, & cruenta sitis
nullam eis permittebat requiē: nec-

non insanus furor adeo eorum de-
uastabat, exurebatque pectora, vt instar canum rabido-
rum penē furerent, auidissimē sitientes agnum mitissi-
mum perdere, & eius innocentem effundere cruorem.
Itaque in suum eum adducētes concilium, denuō ex-
aminârunt: auditoque ex verbis illius, quod Dei filium
se diceret, ita vociferati sunt: Quid adhuc egemus te-
stibus? Ipsi nos audiuius ex ore eius. Tum verò ita li-
gatum & turpiter deformem, ad Pilatū adduxerunt, ab
illo cane incircunciso, mortī adiudicandum: vt videli-
cet Pilatus ita eum à Iudæis despectum, & à principi-
bus sacerdotum cōdemnatum ac reprobaturū videns,
scelestum eum nebulonem esse crederet, & sic etiam in-
dicta illius causa, mortis in eum sententia lata, totum
eum sacerdotum traderet impiissimæ voluntati. Et ista
quidem domini iesv tertia processio est, quam ineffabi-
li cum dolore nostri causā in sua passione peregit. At-
tende nunc o anima mea cum dolore & compassione
vehementi, vt homines truculēti dominum Deum tu-
um vinctum & miserabiliter deformatum, cundisque
quæ excogitare poterant, cōdēnationis indicijs deno-
tatū, ad iudicē Pilatū adduxerint, ab eo iudicandum. O
quis cogitare queat, quæ probra, conuicia, afflictiones,
molestias, contemptus dulcissimo Iesu in via illa irro-
gârint? O quanta cum ignominia dominum gloriæ,
cuius est omnis honor & gloria, ad hominē pphanum

& ethnicum adduxere, vt mortis ab eo sententiam acciperet, ac si vnus omnium sceleratissimū latro fuisset? Vbi verò iam ad Pilatū vētum est, haud secus quàm rabidi canes absque iudicio & ratione vlla quosdam vnà edidere latratus, & dominum Iesum absque accusantes, multa in eum mendacia congeserunt, vt Pilatum multo clamore obtunderent, ferociq; verborum strepitu obtinerent, quod veritate & iure probare non poterant: vtq; Pilatus dum omnes idem petere cerne-
ret, omnibus se opponere vereretur. Hic nunc Christifideles omnes agite, quæso, videamus, vt dñs noster velut agnus illic innocens steterit, paratus nostræ salutis causa in mortē immolari. Sedebat illic Pilatus fastu multo turgidus, vt iudex. Hinc atq; inde latera illius stipabāt tortores ferocissimi, Pilati sententiam expectantes, parati crucifigere & enecare. A tergo stabat impia crudelium Iudæorum turba, instar leonum rugiens, & horridos edens clamores. Inter hæc omniā, agnus mansuetissimus os suum benedictum ad sese purgandum & excusandum non aperuit, vtpote paratus mori pro salute miserorum. Immites illi ac impij Iudei terribilibus in eum oculis toruoque aspectu intēdebant, frendentes dentibus suis: & amabilis ac pius dñs stabat illic humili verecundia, depressis oculis, vinctis manibus, paratus bibere calicem patris sui. Et Pilatus tanta humilitate & patientia non ad benignitatem, sed ad dedignationem potius motus, Christum asperè fati allocutus est, dicens: Mihi non loqueris? Nescis quia potestatem habeo crucifigere te, & potestatem habeo dimittere te? Ah quis non ad humilitatem, ad patientiam, ad amorem accendatur, vbi aduertit quàm humiliter dñs dominorū qui iudicaturus est viuos & mortuos, coram
vili

vili astiterit homuncione, condemnandus ab eodem,
 tantaq; cum patientia omnem illam iniuriam, probra,
 confusionem, contemptum & ignominiam perpeſſus
 ſit? Et tamen nos miſeri vix verbum Dei amore ferre
 valemus. Sed ſi quid nobis aduerſi inferatur à proxi-
 mis, totū annum iram atq; odiū noſtro geſtamus in pe-
 ctore, noſipſos per iræ inſaniā miſerè deuaſtantes: nec
 attendimus, qđ dñs maiestatis quotidie tantam à nobis
 contumeliā, infidelitatē, iniuriā, contemptum ſuſtinet,
 dum ſacra illius mandata toties cōtemnimus, eius ob-
 ſiſtimus voluntati, ipſius gratiā negligimus, & in vacu-
 um recipimus, atq; indies eum denuò crucifigimus, irri-
 demus, vulneribus diris conficimus, & ſacrum illius ef-
 fundimus cruorem. Neque enim execranda & odibilia
 veremur peccata admittere, propter quæ Chriſtus iſta
 perpeſſus eſt. At nihilo min⁹ benigniſim⁹ Deus ſemp
 nos in gratiā recipere, ignoſcere peccatis noſtris, & nō
 ignoſcere tātūm, ſed & obliuiſci ea, atq; adeò obliuiſci
 paratus eſt, vt non minorē in nos gratiam & amicitiam
 ſit confirmaturus. Cū enim toto corde à peccatis ad
 ipſum conuertimur, paratus eſt interceſſor & aduoca-
 tus noſter eſſe, ſeq; medium interponere inter iram pa-
 tris & nos atq; peccata noſtra: nec non ſeiſum totum
 cum omni paſſione ſua patri offerre pro delictis & ne-
 gligentijs noſtris. Et nos inflati ac miſeri, qui cinis & lu-
 tum ſumus, vix inuicē verbuli iniuriā remittere, aut pla-
 cidis oculis inſpicere valemus eos, qui nos offenderūt.
 Itaq; & Deus veniā dabit iniquitatibus noſtris, quem-
 admodum nos ignoſcimus proximis noſtris.

Oratio pro perfectā imitatione & amo-
 re IESV, Cap. XXI.

H 3 O Ieſu



IESV spes, vita, nutrimētum & so-
latium meum, lumen cordis mei,
gaudium animæ meæ, recreatio spi-
ritus mei, sanitas, salus & requies
mea, quid retribuam tibi pro innu-
meris beneficijs tuis, quæ mihi indi-
gnissimæ creaturæ tuæ præstare di-

gnatus es? Vt immenso amoris tuo mihi abs te impenso,
redamando vicem reddere potero, cum tantus tamque
infinitus & abundans sit amor tuus, ut intellectum cun-
ctasque vires meas præ admiratione deficere faciat? Et
quomodo unquam tui ex corde obliuisci possum? Quomodo vlla alia
pro re laborare mihi libet, quam ut sublimi amoris tuo
vicem reddam & faciam satis? Nam si vel millies meipsum re-
pendam, quid sum ad dominum meum? Vt admirabile hoc opus
unquam est mea potest abire memoria, quod tu dominus dominan-
tium non modo velut seruus seruorum, sed etiam iudex crea-
turarum omnium velut reus & iniquus fieri dignatus es, & cum
sceleratis morti adiudicari & morte turpissima conde-
mnari voluisti? Et ecce miser ego & vilis peccator, quem
propria donat conscientia, in oculis hominum iustus & vir-
tutis studiosus haberi cupio: & si quis mihi honor, si qua
laus defertur, huic ego innitor satis. Cur hoc o piissime
domine, nisi quia omni virtute & facultate mea tuum honorem
& gloriam non quero? Cur autem non quero gloriam tuam,
nisi quia te toto corde non diligo? Quare autem, quantum
debeo, te non amo, nisi quod meipsum adhuc diligo, & nec-
dum me contempsisti & abnegasti? Hac scilicet de causa te De-
um meum totis viribus non quero, sed potius meipsum
multipliciter. Hec ratio est, cur sanctissima vestigia hu-
militatis, patientiæ, obedientiæ & resignationis tuæ non
amplectar. Sed o clementissime Deus, miserere mihi mi-
serissime

ferrimæ creaturæ tuæ: quandoquidem magnā tibi confiteor infirmitatē & peruersitatem meā. Adiuua me dñe Deus, vt meipsum abnegē & occidā, naturamq; meam voluptuariam itā crucifigam, vt peccato ad sanguinem vsq; reluctet. Nihil em̄ possum absq; auxilio gratiæ tuæ. Et licet nō sit fortis in me vt mors dilectio, vt quemadmodum sancti fecere martyres, ignominiosam mortem tuam ipse quoq; morte corporali cōpensare queā, adeò nihilo minus spiritum meum corroborare digneris, vt partibus & paulatim tibi satisfaciam, quod vniuersum simul exoluere non possum: vtq; tanto crebrius p tuo honore mihi moriar in omnibus, quæ sensibus iucunda sunt, & tuo prestant amori impedimentum, quanto minus crucis subire mortem tua causa non sum idoneus, sicuti & ipse pro me & innumeri post me martyres mortem exceperē. Sed quæ alia causa est ò pijsime Deus, q̄ tam fragilis, tam ineptus, tam instabilis, tam mutabilis sum, nisi q̄ te Deum meum ex omni corde fortiter nō amo? Itaq; adiuua me, vt te ex intimo corde fortiter diligā. Accēde cor meum amore tui, vulnera cor meum charitate tua. Cōfiteor equidē benignissime De⁹, q̄ ab oībus optas hoībus diligī, nec vlli denegas amorem tuum, q̄ illū capere idoneus & habilis sit. Scio etiā dulcissime Deus, peccatis meis oībus ascribendū esse, q̄ tua in me tepuit charitas. Em̄ uerò multiplices culpæ meæ diuidunt inter te & me, suntq; impedimēto amorī tuo, vt is intra me locum habere, suumq; gratissimum opus exequi non possit. Sanctus nanque spiritus tuus, qui ipse amor est, non potest habitare in vase sordido, nec corpore subdito peccatis. O IESV Saluator inuisibilis, en confiteor tibi me vitiosum & sordidum vas esse: sed si vis, potes vtq; me mūdare, cū sis agnus ille sine

macula, qui aufert oīa mundi peccata, qui occisus es p
 peccatis nostris, crucifixus pro sceleribus nostris, vul-
 nerat⁹ es vt nostra curares vulnera, tuū deniq; sacrum
 sudisti sanguinē, vt nos ab oīi vitiorū macula emūda-
 res. Vnde & oro te Iesu pijsime, vt diluas purissimo san-
 guine tuo, quicquid tibi displicet in me, & medium effi-
 cere possit inter nudū amorem tuū & miserā animam
 meā: idēq; p̄sus absumas & in nihilū redigas in abyssō
 diuinæ gratiæ tuæ, quò sine vllō medio, tuo amore ca-
 pi, ligari, vulnerari, absorberi & transformari merear,
 vt sic veteri homine, qui totus carnalis & terren⁹ erat,
 in me extincto & crucifixo, nouus per te excite⁹ & na-
 scatur ex te, factus ad imaginem tuam, qui terrena ne-
 sciat, carnalia nulla appetat, sed ad te originem suam
 semper erectus & propensus sit: qui totus ab huius se-
 culi malitia innocens & immunis, omnem cōuersatio-
 nem suam constituat in cælis: qui denique te Saluato-
 rem suum iugiter hic interioribus contempletur ocu-
 lis, quem in beata æternitate & æterna beatitudine fa-
 cie ad faciem perspicuē se visurum sperat ex gratia tua.

Iesus ad Herodem missus. Cap. XXII.



Ostea quā Pilatus falsas omnes &
 iniquas Iudeorū accusationes audie-
 rat, videratq; nullam eos mortis cau-
 sam in Iesum conferre posse, simulq;
 audito Iesum Galileū esse, misit eum
 ad Herodem, qui tunc Galilææ do-
 minabatur. Et hæc est quarta IESV
 p̄cessio, quā ineffabili cū dolore in sua passiōe pegit. O
 quantū laborauerūt iniqui illi, quātas sunt expti mole-
 stias

stias, antequâ dominû neci dare possent. Neq; enim possibile erat, vt in auro illo purissimo, toties in igne afflictionis probato, yllam cuiussibet vel tenuissimæ impuritatis maculam inuenirét. O quanta cum ignominia & crudelitate Dominum Maiestatis, cui omnis debetur honor & gloria, per ciuitatē in conspectu omnium deduxere: quandoquidē ciuitas plena erat populo. Vnde & magna haud dubiè hominum concursio facta est Christum videre cupiētium. Itaq; factus est Dominus maiestatis spectaculum DEO & hominibus. Quidam eum habuere irrisui, & multis eum iniurijs & molestijs affecere. Alij currētes post ipsum, probra & cōtumelias in eum congesserunt. O quantoperè festinârunt cum dulcissimo IESV, de vno eū ad aliū iudicē pertrahētes? O quàm omnia illius mēbra ægra erant & malè affecta ex lassitudine & multiplici illa afflictione & cruce, quam nocte illa sustinuerat? Quàm pedes illius attriti & læsi erant ex plateis lapideis, cum & illi immodicè properarēt, & dñs nudis pedibus incederet? Disce hic ò anima mea ex sponso tuo, abnegare teipsam, & potissimū quidē DEO, deinde & superioribus tuis tanquâ DEI vicarijs, necnō ex charitate hominibus quibuscunq; temetipsam subijcere, quò ad sponsi tui exemplum, omnium te minimam ac vilissimam censeas, gaudeasq; esse ministra seruorum Christi. Si enim grata illius spōsa fidelisq; imitatrix esse cupis, ita te omni voluntate propria & electione oportet esse destitutam, ac si nunquam quid sit velle, perspectum habuisses: patiarisq; te mitti ab vno ad aliū, vltro citroq; ad summum & infimū, foras & intrò, sisq; semper spontē obediēs & subdita, quālibet molestū & asperum, quantumuis tuo sit sensui vel iudicio aut sensualitati aduersum atq; cōtrarium: sicuti & christus vltro se

tradidit ad oēs istos immanes cruciatus, tenerrimæ ipsi
 us cõplexioni vsque adeò molestos, atq; à iudice ad iudi-
 cem, à pœna in pœnâ se trahi libentissimè passus est, va-
 riasq; & sibijnuicè succedētes pertulit cruces & afflicti-
 ones. Nec tñ vnquâ faciē cõtraxit in rugas aut asper-
 nationē, non os querelis vllis aut murmuri patefecit.
 Nō attendit pijs̃simus Dñs, q̃ probra, quas cruces, quas
 iniurias pateretur: sed fact⁹ est humiliter obedēs patrī
 suo ad mortē vsq; patiēterq; totū se oībus submisit do-
 loribus, pœnis & cruciamētis, quę illi inferebantur. Sic
 ergo canes illi ferocissimi ad Herodē eum adduxerunt,
 Herodes autem cum esset curiosus & tumidus, & multa
 de Christi miraculis audierat, ex multo eum tēpore vi-
 dere desiderabat. Sed nullum potuit à Christo habere
 responsum. Quando enim nō nisi vano ac curioso ani-
 mo miraculū aliquod videre cupiebat, planè indignus
 erat vel verbum vel signum aliquod ab æterna conse-
 qui ṽritate. Hīc iam iterū fallaces & sanguinarij illi Iu-
 dæi, velut canes rabidi, horridos edidere latratus, Chri-
 stum accusando, condēnando, falsos proferēdo testes,
 quò incomposito multoq; clamore Herodē ad Chri-
 stum iudicandum condēnandumq; excitarent. Et inter
 hæc omnia agnus mansuetissimus humiliter tacuit, pa-
 tienter expectans acerbum calicē ipsi à patre præpara-
 tum. Vidēs itaq; Herodes eum neq; signum aliquod ne-
 que responsum edere, turbatus, spreuit eū & irrisit cum
 omni exercitu suo, à quibus Dominus IESVS contume-
 lias & probra multa perpeſsus est. Attendamus hīc in-
 effabilem Christi humilitatē & patientiam, vt cruces &
 contumelias alias ex alijs sustinuerit. Nimirum in locis
 omnibus, & ab hominibus vniuersis persecutiōes, con-
 temptum & iniuriam patitur. Nemo est qui eum rele-
 uet,

uet, qui aliquid in eū conferat beneficij, qui cōpatiatur afflicto, qui vel cōsolatoriū loquatur verbū. Iuuenes & senes, pulilli & magni, serui ac domini omēs in eum insurrexere, omnes vnanimiter suam in eum virulentam malitiam & falsitatem euomuerunt. Cuncti illius audiſtiebant mortem, illius innoxium ardebant sanguinem fundere. Neque enim absque dolore & nausea eum videre poterant. Sic planē factus est Christus dominus opprobrium seculi & abiectio plebis. Herodes nanque non solum cum indignatione eum à se repulit, & contra melijs affecit: sed etiā veste alba ceu fatuum induit, quò hoc ipso cunctos simul hoīes ad Christum illudendum prouocaret. Atq; hac tanta cum ignominia & cōfusione ad Pilatū eum remisit: quæ est Saluatoris nostri quinta processio, quam habuit in sua passione ob scelera nostra. Quisque hic secum æstimare potest, quā miseranda hæc CHRISTO processio fuerit, quando eum ita ab Herode turpiter illusum & despectum, vilissimi serui ac carnifices illi velut fatuum irriserunt, & ingenti cum contemptiōe abiecerunt, alijs sputa in eius faciem congerentibus, alijs eum cædentibus, alijs pedibus eū contundētibz, quibusdam veste trahētibus, nonnullis maledicta & probra à tergo illius euomētibus: præter alia innumera cōiicia, iniurias & scommata, quibus in eum ferebantur impuri, quorum in sacris literis non fit expressa mentio, nec certa habentur testimonia. Sed quia filij erāt diaboli, omnem Christo malitiam irrogârunt, quā suggerente patre suo concipere poterant. Aduerte nunc o anima mea acerbo cum dolore IESVM sponsum tuum, cæli gaudium, patris sapientiam, regem gloriæ, tam turpiter confusum & contemptum, vt iam non sit

sit homo, sed abiect⁹ vermiculus, nec solum vt sceleratus & reus morti adiudicetur, sed etiam instar deliri in veste stulti irrideatur ab omnibus. O quis tam ferreo sit pectore, vt ista eum non emolliant? Pudeat vos superbi homines, qui erecta ceruice, superbia tumidi inceditis. Erubescite qui sapientes estis in oculis vestris, & extollimini vltra id quod estis, obliui vos sterqus esse & cinerem, & vasa testea plena immunditia. En Domin⁹ dominorum, in quo sunt omnes thesauri sapientiæ & scientiæ absconditi, vt fatuus deridetur: & vos ipsis quoq; irrationabiliores brutis animantibus, quæ pro suo captu & conditione suam laudant creatorem, modumq; obseruant in edendo ac bibendo, sapietes, circumspecti & sancti ab hominibus haberi vultis. Erubescite, inquam, peccatores tumidi & superbi, qui coram DEO scetetis & omnibus sanctis eius, qui toti in hoc incumbitis, vt saccum vestrum stercorem & nidum vermium rebus preciosis exornetis, quando dominus maiestatis vestri causa alba ac contemptibili veste velut stolidus despect⁹ est, & cæli celsitudo humiliari dignata est. Et vos peccatores miseri ac inflati, quibus non nisi æterna debetur condemnatio, elati ac tumidi estis? Jam olim angeli per superbiam ceciderunt, & à cælo eiectioni sunt: & vos superbia illud obtinere vos posse confiditis? Parêtes nostri ob superbiam ad magnas deuoluti sunt miseras & calamitates, & ex paradiso expulsi, per quinque annorum milia à cælo exules, & in inferni carcere detenti fuere: & nec sic tamè hanc maledictam pestem, hoc mortiferum ac deterrimum vitamus peccatum? Hoc ipsum scetidum corpus nostrum de immundo conceptum semine, quod vermis quandoq; deuorandum obijcietur, nescimus vt curiosè satis ornare velim⁹, vt delicatè ac molliter satis

pascere, quid ei solatij & commodi adhibere debeamus. At animas nostras multo nobiliores, in quibus sibi DEVS habitationē constituit, quæ ex DEO genitæ, & ad sanctissimę Trinitatis imaginē conditæ sunt, rursusq; in diuinæ adducētur præsentiam maiestatis, præ fame & defectu perire sinimus. Quæso capiamus exemplum in pi-
 issimo Salvatore nostro, eiusq; sequamur vestigia in omni humilitate, paupertate, resignatione, & patiētiā: quandoquidē ipse in maxima necessitate sua nullum habuit commodum, sed totus nudus pependit in cruce, ita membris omnibus intentus & clavis adeò cruci affixus, vt nè vllum quidē membrum mouere posset, nec haberet vbi reclinaret caput suū: & in siti sua fel & acetum hausit, atq; in tanta demum paupertate emisit spiritū. Si itaq; tanta ille fecit ob peccata nostra, faciamus, obsecro, & nos aliquid pro iniquitatibus nostris.

Iesus ab Herode despectus, ad Pilatum
 reductus est. Cap. XXIII.



INC iam crudelissimi nebulones Christum ad Pilatum reduxerunt, denuoq; suas in eum accusationes acerrimē intēderunt, quò mortem illi afferrēt: rursusq; horrēdis clamoribus Pilatū obruere moliebantur, quādoquidē nullam rationem, æquitatē, vel causam aduersus Dominū proferre poterant. Ideoq; vociferando, comminando veritatem oppræssere, rationē obnubilârunt, iustitiæ obscuritatē attulere. Cæterum Pilatus cum aduerteret sola inuidiâ Iudæos adduci vt IESVM neci dare appeterēt, & Herodem nullam similiter in eo mortis causam inuenisse, nihil in-

hil intentatum reliquit, quo Dominū liberaret. Et quia ratione Iudæi placari non poterāt, sciscitatus est ex eis; si cum pro cōcesso ipsis priuilegio, ad Paschalis solēnitatis honorē dimitti vellēt. Sed oīm vna voce exortus clamor est, Barrabā se poti⁹ velle. O ingēs cæcitas, ò insatiabilis ferocitas Iudæorū, ò infelix pmutatio. Lupum elegerūt præ agno, scelestū ac odibilē nebulonē præ iusto ac innocēte homine, impiū deniq; & latronē præ vitæ authore. Sic quotquot in suis optant pseuerare peccatis, nec Deū verētur offendere, illiusq; sacra trāsgredi mādāta, & ipsi Deū abnegāt & respuūt, eliguntq; crudelissimū latronē, puta diabolū, qui peremptor est animarū omniū ipsi cōsentientiū. Quæ fuit deinde Pilat⁹, quid de iēsv faceret. Et illi fremitu horrifono clamabāt: Crucifige crucifige. Pilat⁹ respōdit: Quid em̄ mali fecit? Nullā in eo causam inuenio. Verū quò ardēs furia vestra & liuor virulētus tēperetur, & sitis cruēta nō nihil restinguatur, etiam sine causa cum castigabo corripiarūq;, vt vel sic cōpuncti, immeritā & innocentē illius mortem appetere desinatis. Tunc itaq; Pilatus Christū suis tradidit ministris & tortorib⁹, vt eū flagellarēt. Vni nūc ò anima mea gemebundo corde, & vide vt i spon sus tuus iesvs cæli gloria, immitissimis traditur manibus viliū seruulorū, quò sœuā in eo explerēt malitiā suam. Vide vt rabidis illis ac sanguinarijs canibus facultas detur & potestas purissimū, nobilissimū, & virgineū corpus illud diserpēdi, regiumq; fundēdi cruorē. Aspi ce quām spontē Dñs dominantīū, abiectis illis nebulonibus ac vilibus mancipijs sese tradit, subijcitq;, oēm in se malitiā illorū crudelemq; tyrannidē expleri sinens, factus obediēs cælesti p̄i ad mortē vsque. Nec vnq̄ aperuit os suū benedictū ad maledicēdum, vel murmurandum,

dum, conquerédumve, nec manus pro sui ultione extēdit, nec faciē mutavit ad iram seu indignationē: sed benignē totū corpus suū tortoribus exposuit. Attēdite hec quotquot estis ceruicosi, elati, superbi, religiosi, qui fīctā quandā extrinsecūs præsertis speciē pietatis ac verē religiosorū hoīm: intrinsecūs autē peritis irresignati, morosi, ac ppriē estis volūtati dediti. Quo, tum quidē re ipsa declaratis, cū aliqd vobis ponit, quod vř sit contrariū volūtati aut iudicio pprio: quāquidē ex tunc ad querimonias, impatiētiā, & murmur prumpitis: necnō verbis, aspectu, & impatiēti corporis habitu ac gestibus fundū vēstrū irresignatū & ppriā satis proditis voluntatē. Neq; em̄ naturā vēstrā sensibus deditā & necdū mortuā, cohibere aut sub religionis tegmine occulere nouistis; eō qđ nūquā vos viriliter viceritis, nec ppriā in seruitutē redegetitis voluntatē: ideoq; & dominat̄ ea vobis. Et hac de causa sępe passiōibus abūdatis, & cordis pacē nullā habetis. Neq; em̄ diuturnior est pax vēstra, quā dum vobis fit, & facere vobis permittitur, quod libēter facitis & habere desideratis. Sed quęso aduertite, quā vltro se Christus in mortē obtulerit, quātoq; cū affectu acerbū passiōis suę calicē aggressus sit, licet illū tāto perē natura illius exhorreret: vtq; inimicis suis spontē processerit obuiā, & manibus illorum vltro se tradiderit capiendū, dicēdo: Ego sum quem quęritis. Itaq; ex ipso exemplum capite, elatamq; ac rigidam ceruicem vēstram subter diuinā correctiōnem, & Dei ac superiorum vēstrorum, qui Dei erga vos vicem gerunt, mandata submittitote: certi quod quicquid contemptus, murmuris aut rebellionis vēstri ē vobis prælati acceperint, id in ipsum Deum Optimum Maximum redundare.

IESVS flagellis dirè cæditur.

Caput XXIII I.



INC iam lictores ac satellites præsidis furibundi Christum rapientes, vestibus illi ferociter detractis, cæli creaturarumq; omnium conditorè, qui cælum nubibus operit, & cunctis esse largitur, tam inuerecundè coram omni populo denuclârunt. Itaq; stabat illic speciosissimus & elegatissimus mortalium omnium, virgineo affectus pudore in innocentia simplici. O quanta crux erat honestissimo cordi illius, quod tam turpiter & inhonestè coram vilibus illis scurris assistere cogebatur. Quo enim quis plus verè virtutis habet, eo est & verecundior. Deinde tam inclementer ad columnâ eû ligauerunt, quod quèadmodum legitur, caro illius funes quibus vinctus fuit, prorsus operuit. Tanta erat teneritudo & mollieties naturæ illius. Quin & hoc scriptû reperimus, tam crudeliter eum esse ligatum, vt sanguis ex digitorum vnguibus erumperet. Id verò ea de causâ fecerunt, ne ex eorum manibus elaberetur: quandoquidè maleficum & impostorè eum habebant. Post hæc immites illæ beluæ velut leones ferocissimi, elegantissimum sacratissimumq; Christi corpus tam inhumaniter dilacerârunt, flagellis affecerunt, vulneribus vndiq; inflictis exarârunt, & tã virgis quàm alijs terribilibus, quæ inuido suo inuenire poterât corde, flagellis discerpserunt, vt totus sibiipsi dissimilis esset, vniuerso corpore eius sanguine perfuso, & cruētis scatente vulneribus. Neq; enim cutè duntaxat illius virgis disciderunt, sed etiâ sacratissimâ carnē eius inhumanis

nis discerpsere cruciatibus, adeoq; dilaniarunt, vt omne eius corpus ceu excoriatu videretur, malignis illis vulneribus vulnere, poenam poenae, doloremq; dolori. Cumq; iam alterum illius latus tam crudeliter dilacerassent, vt non nisi sanguine videre esset & vulnera, vt quidam affirmant doctores, cum soluētes, dorso ad columnam religarunt, manibus supra caput simul alligatis. Tum verò sacrum illius ventrem, quo prius columnam attigerat, necdum admodum laesum, de integro vulneribus crebris affecerunt cōscideruntq; vt prius dorso fecerant. Et hi forsitan recētes fuere carnifices, (Quatuor nanque fuisse legimus) qui suam non minùs, quàm priores, in dominum euoluere crudelitatem. Colligere hoc licet atq; probare ex Propheta dicente: A planta pedis vsq; ad verticē capitis, non est in eo sanitas. Cogitemus interim, quantus hic fuerit cruciatus, vincula iam carni illius inserta euellere, rursusq; iniicere extracta, ac denuò inhumaniter sauciari ac verberib⁹ cōfici. Sanctus Bonauētura ait, plus quàm quinq; vulnorum millia hic Christum excepisse. Nimirum adeò hic deformis & miserabilis effectus est, vt non solum ministri verberando, sed homines etiam aspiciēdo defetiscentur. Atqui nihilo minùs benignissimus Saluator noster stabat illic pleno cum affectu & ardentissima charitate, omnē hanc afflictionē & poenam nostris pro peccatis patiētissimè sufferēs, elegansq; suum ac floridum corpus caelesti patri pro salute nostra desiderabundus offerens hostiam viuam. Enimuerò nūquam tanta perpeffus est salutis nostrae causa, quin plura pati desideraret in gloriam patris, vtq; nobis incomprahēibilem cordis sui amorem testatum redderet, & re ipsa quàm euidentissimè declararet. Nihil quidem iam sanum & in-

I tegrū

tegrum in illius relictum erat corpore, & integer adhuc ac indistractus in eo perseverabat affectus maiora patiendi. Flagella tortorum totum eius corpus crudeliter lacerarant, & amor nihilo minus cor ipsius in patientia servabat illæsum. Iam ministri penè flagellando defecerant, & Christus secundum affectum necdum patiando fatigatus erat. Vbertim sanguis eius preciosus ad peccatores defluebat in terram, & spiritus eius per gratitudinem erigebatur ad patrem in cælum. Sacrum illius corpus ictibus peccatorum subiacebat, & preces cordis eius per angelos ad patrem in cælestia ferebantur. Deorsum & caro & sanguis ipsius defluebat, sed sursum gemitus tendebant & ignita desideria, quibus omnem hanc afflictionem patri pro cunctorum os ferebat salutem mortalium. Omni ex parte ad homines profluebat, & vniuersis viribus suis sursum cum digna & plena reuerentiæ laude ad sublimem cælestis patris præsentiam contendebat. Infernè homo ægrotus & æger vitæ hausit medicinam, & supernè pater in vnici sui patientia exultauit. Accepit ibi homo, per quod in æternum seruabitur, & Deus pater, vnde in æuum omne laudibus celebrabitur. Vulneratus est filius Dei in corpore suo, vt salutem hominum animæ recuperarent. Ex omnibus suis membris sanguinem emanauit, vt eundem ceu salutiferum balsamum in nostra infunderet vulnera. Botrus in vectem appensus est, vt nos de promissionis terra redderet certos atque securos. In torculari idem expressus est, vt nos suo inebriaret amore. Vas diruptum est, & oleum misericordiæ emanare cœpit. Tunicâ corporis sui purpureo fecit tingi colore, vt nos ceu sponsus singulari decore conspicuus, ad suum prouocaret amorem. Grauitè in suo perpeßus & mœrore affectus

est corpore, vt nos in spiritu exhilararet. A suo derelictus est patre, vt nos ab illo reciperemur in gratiam. Corpus eius feruenti illius sanguine maduit, vt idoneum nobis balneum prepararet, in quo ex integro ablueretur, & ab omni vitiorum macula emundaremur. Feruens illius cruor è sacro ipsius corpore ceu ex feruenti ebullijt cacabo, quo frigida nostra ac rigida corda, in suo faceret amore liquefcere. Instar aquæ effusus est, quò spūs noster in gratia sua deliciosè nataret. Nihil in omni eius corpore remansit integrum, vt nihil cæsum, nihil scædum, nihil non integrū in nostris permaneret animabus. Et quāuis tam inhumanis vndiq; correptus esset doloribus, vt ob naturæ & complexionis excellentiæ ac teneritudinē quilibet ictus cor illius penetraret: adeò nihilo minùs voluntas eius & DEO & hominibus subiecta erat, feruensq; desiderium patris exactiōi satisfaciendi, & redimendi hominem, tam immodicum in eo fuit, & amore denique sic victus erat, vt conqueri non posset. Neque enim aliud poterat, quàm amare, & ob amorem pati. O anima mea & quotquot DEVM amatis, qui Christi IESV precioso sanguine redempti, & à peccatis vestris abluti estis, venite, & interno cum dolore videte, quanta fecit Deus animabus nostris, quanta passus est pro iniquitatibus nostris. Et si ista corda vestra non compungunt, aut certè non commouent, serro ac lapidibus vos duriores arbitramini. Aspiciate, vt rex gloriæ pro vestris hic sceleribus vulneratus & deformis effectus est. Videte si dolor vllus hisce possit doloribus æquiparari. Quid vltra ab eo exigitis? Quod si & ista non sufficiunt, plura adhuc pati paratus est. Aliquid né in corpore eius putatis remansisse illæsum & integrum? En pro peccatis vestris libens etiam

mortem excipiet, sanguinemq; suum ad extremam usq;
guttulam effundi patietur. Sed & cor ipsum vestri cau-
sa cōfodi sinet, vt ipsum vobis patefaciat, nimiumq; su-
um declaret amorē. O qui vnquam immēsae huius nos
capere potest obliuio charitatis. Mirum sanē est, non
liquefieri prae flagrantissima hac dilectione corda no-
stra. Vt vnquā ab eius laude & gratiarum actiōe cessare
possumus? Vt aliquid amare velle possumus prae-
ter eū, cuius tanta est erga nos amoris intēperantia? aut qui vl-
lam aliā in curā incumbere libet, quā vt charitati huic
vicē qualēcunq; reddam⁹ amoris? Cur molestum nobis
est, vel guttulā vnā myrrhē acerbioris causa illius degu-
stare, qui sese totū propter nos in ipsum passionis pela-
gus immergi passus est? Aut qui vnquā graue nobis esse
potest illi⁹ animo cōmemorare passiōē, quā ille haud
grauatē sustinuit? O IESV dulcissime, quae cor tuū vicit
pietas, quae illud charitas absorbuit, vt p vilissimis pec-
catoribus tā acerbū, tamq; ignominiosam volueris sub-
ire passiōē? Cur nō omnino tibi pepercisti, quādo satis
vtiq; esse poterat p tuę excellētia ac dignitate psonę ob-
hois redēptionē vel vnā preciosi sanguinis guttulā effu-
disse? Cur adeo te ipsum totū abiecisti, totū exposuisti,
totū tam horredum in modū penē in nihilū redigi per-
misisti? O amabilissime IESV, tuū in hoc nobis effluētis-
simū prorsusq; immēsū, quo nos ab initio complexus
es, indicare amorē voluisti. Ideoq; te ipsum cū omni fa-
cultate tua totū pro nobis tradidisti, vt nos vicissim to-
tos tibi redderem⁹, omīq; virtute ac facultate nostra te
redamaremus. O potentissime pater, quis sum ego vilis
homūcio, indign⁹ peccator, vt p me nec vnigenito tuo
parceres? Quā preciosa, quāq; cara fuit in oculis tuis
uia mea, p qua tā insigne dedisti pignus, quā tā precioso
rede-

redemisti thesauro? Quàm me ab æterno dilexisti, vt propriũ malles vulnerari, cõteri, affligi, excruciaci, extingui filiũ, quàm me perire sineres? Et quĩ paternum hoc ferre potuit cor tuũ, ò benignissime pater, vt dilectissimũ filiũ tuũ, cõsempiternũ & coequalẽ tibi Deũ, tam inhumanis videres obrui cruciatibus, vt & hostib⁹ suis esset aspectu miserabilis? Oppressis & afflictis oĩb⁹ subuenis, furum ac latronũ misereris, opẽ illis ferẽs etiã pro suis dum patiũtur sceleribus & culpis: & quare dilecto non adfuiisti filio tuo? cur in tantis nõ eum solatus es angustijs? Cur eũ o pater pijsime reliquisti? Cur mota non sunt paterna viscera tuã super afflictioẽ graui & intolerabili, quã hic sensit ipse vnicus tuus? Quare cum ex Iudeorũ manibus nõ extraxisti? vt quid dolorẽ eius internæ infusione dulcedinis non tẽperasti, quẽadmodũ sanctis fecisti martyrib⁹ sub immanibus eorũ cruciamẽtis? Nimirũ pater clemẽtissime fecisti hoc per diuinã iustitiã, sapiẽtiam & bonitatẽ tuã, quo resignatio ac patiẽtia dilecti filij tui nobis euidẽtiũ reluceret, ne virt⁹ & meritũ passiõis eius imminueret, vt salus hoĩm strenuẽ, fortiter & perfectẽ perageret, quoq; postremò debitũ humani generis largẽ copiosẽq; exolueretur. Enũuerò vt ardentẽ nobis significares amorẽ erga nos tuũ, dilectissimo filio tuo ad vltimã vsq; sanguinis guttulã non percisti. Planẽ si mors & passio Christi ad seruandũ hominem non suffecissent, & pater cælestis & Spũs sanctus quoq; humanã potiũs assumpssissent naturã, & pro homine mortẽ subijsent, quàm eũ perire siuissẽt. Porro licet filius solus hominẽ assumpserit, mortemq; ob hominem perpeßus sit amarissimã, amor tamẽ & affectus patris & Sancti spiritus, nõ minor erga nos fuit: quãdoquidem vna est trium personarũ essentia, vnus amor, indi-

stincta operatio, vna eademq; volútas. Consilium quidem super humani generis redemptione veneranda sacratissimaq; Trinitas egit, estq; concordí ab ea finitione decretum, vt hominem redimeret; & quia in nullam magis quàm filij personam competebat naturam humanam assumere, lætus ipse tum spontè sua, tum voluntate paterna, tum suasu Sanctispiritus in terram delapsus, qui creator erat omnipotens, hominem induens, factus est creatura, cooperante ad hoc ipsum & patre & Spiritus sancto. CHRISTVS nanque per patris cooperationem de Spiritus sancto conceptus est. Et ipse ait: Ex me ipso facio nihil: sed pater in me manens, ipse facit opera. Quod autem idem patris & Sanctispiritus, qui & filij, erga nos amor sit, vel hoc ipso satis pater indicat, quòd eundem filium suum nostri causa in mortem tradidit, & CHRISTVS ipse testatur, dicens: Nam & pater amat vos. Et de Spiritus sancto Apostolus ait: Et ipse postulat pro nobis gemitibus inenarrabilibus, id est, inspirat nobis, mouet & excitat nos ad orandum, & virtutibus incumbendum. Sed & testimonium reddit spiritui nostro, quòd filij DEI simus, vt ex interno huius testimonij gaudio clamare possimus in eodem spiritu, Abba pater. Quid verò in miseranda hac lachrymarum valle beatius aut iucundius esse queat, quàm vt homo ex testimonio Sanctispiritus in conscientia percepto, DEVM possit patrem suum dicere? Si enim filij sumus, ergo & fratres & cohæredes CHRISTI. Vide quàm pro te sollicita fuerit Trinitas adoranda. Contuere, quàm te ab omni æternitate dilexerit Deus. Attendite, quæso, hæc frigidi ac obdurati filij Adam. Cogitate quàm caro vos precio compararit. Dignissimum quidem, quod cor illius concipere, & præcipuum quod diuina

uina eius potentia exhibere potuit, pro vobis obculit, quin & quotidie offert in admirabili Sacramento. Et sicut pater cælestis olim non pepercit vnigenito filio suo, sed pro peccatis hominum in mortē, & illam ignominiosissimam, puta crucis, eum obtulit: ita etiam nunc nullo non tempore æquē pro peccatis nostris eundem in dignissimo offert Eucharistiæ sacramento. Atq; sicut CHRISTVS patri factus est obediens ad mortem vsque: sic hodieq; & ad nouissimum vsque diem, non solum DEO patri, sed & cunctis hominibus, paternam voluntatem fidei cordibus amorosisq; desiderijs, diligentibus, eidemq; adhærentibus, morem gerit. Quia verò necesse non est, denuò eum mortem subire, quando facta illius mors ad peccata omnia, quæ iam facta sunt, & adhuc fient, sese extendit, nihilo minùs sacrum corpus, præclaram animam, preciosum sanguinē vnà cum meritis omnibus vitæ & passionis suæ quotidie in altaris venerabili sacramento in nostrarum remissionē culparum, memoriāq; passiōis & mortis suæ, offerre non desinit: nimirum hoc ipso nobis insinuans, si ita foret necessum, paratum sese esse adhuc quotidie venerandum corpus & sanguinem suum nostræ salutis causa neci tradere. Quo enim amore tunc Christus nos persequebat, idē etiam nū in eo erga nos perseuerat, in æuumq; oīne perseuerabit. Cuius iam, obsecro, hinc vel faxeum peccatū nō cōpungatur? Cui⁹ hoc ex amore spūs nō exultet? Cuius cor præ seruētissime charitatis huius ardore non totū liqueſcat? Cuius nō deficiat præ ingēti admiratione intellectus, vbi immensam erga nos Dei bonitatem & dilectionem contēplatur, vbi cordis attendit oculis, & conscientię trutina examinat, seu lance metitur ingentia DEI beneficia, quæ is contulit in nos

miserōs, & indies confert, q̄ certè tanta sunt, vt vix pos-
 sint esse maiora? En grata Christi brachia, ad nos susci-
 piendum semper extensa sunt. Itemq̄; vulnera eius nun-
 quam non patent, parata profluere in omnes qui id ap-
 petunt. Vexilla misericordiæ eius perpetuò explicita
 sunt, vt sub illis protegamur deliteamusq̄; cum semper
 ipse nos suscipere parat⁹ sit. Immo quod plus est, tan-
 to nostri tenetur desiderio, vt per diuinos tractus, in-
 spirationes, internasq̄; repræhensiones suas plùs nos
 roget, quàm rogetur à nobis: quandoquidem & multo
 dare nobis paratior est, quàm nos petere. Quid multis
 agimus? Certè non parum illi dolet, ita in seipsis sua ex-
 arefcere vulnera, nec posse ea manare in nōs, cum pau-
 cissimi sint, proh dolor, qui id desiderēt toto ac integro
 corde. Vnde & seuerum haud dubiè experturi sunt iudi-
 cem, qui modò benignitatē & misericordiam eius negli-
 gunt, quando tanto ipse erga homines amore flagrat,
 vt delicias suas fateatur esse cum filijs hominum. Ideoq̄;
 si coaptatis ac preparatis illi cordibus nostris, opus vo-
 luntatemq̄; suā illum intra nos exequi pateremur, pro
 largissima bonitate sua & seipso & cum omnibus donis
 suis in nos haud dubiè promanaret. Deus nanq; fons vi-
 uus est perpetuò scaturiēs, nec vnquam fluere desinēs,
 nisi cū vasa defunt. Et ipse vno amoris nexu homini vni-
 ri, deliciosumq̄; habitaculū suū ac tēplum desiderabile
 intra nos extruere vehemēter appetit. Immo adeo per
 amorē homini vniri petit, ac si suæ prorsus oblitus po-
 tentiæ & maiestatis, per omnia similis hominibus effectus
 esset. Et quo nos magis in sublime attollere, seseq̄; deij-
 cere ampliùs potuisset, atq; iam fecit? Vt suā nobis pro-
 priùs coniungere poterat diuinitatem, quàm fecit, dum
 eandē celsissimam ac immortalē nostræ mortali copu-
 lauit

lauit humanitati per naturę nostrę assumptionē? Quin
& quotidie altissimam deitatem suam, & quicquid est,
nobis præbet in cibum. Qui verò interiori seclē nobis
coniungere posset, quàm quòd cibus noster effici vo-
luit? Nihil enim adeò propē accedit ad hominem, vt ci-
bus, vtpote qui in illius transit substantiam. Sed & De-
us pater plus aliquid præstitit nobis, dum naturam no-
stram humanā, quàm fieri potuit sublimissimē, in Chri-
sto exaltauit, vltra creata omnia ad suam vsq; dexteram
eam attollendo, ita vt natura nostra olim maledicta, &
damnationi adiudicata, iam benedicta, sanctificata, & vl-
tra omnes sit beatos mirificē crecta: quæq; prius irrisui
erat dæmonibus in inferno, modò ab angelis adoretur
in cælis. Vt verò Deus maiori nos honore & gloria affi-
cere, aut abundantiorē potuisset nobis exhibere cha-
ritatem? Nimirum multo vberiorē salutem & glori-
am per Christum dominum ac saluatorem nostrū ade-
pti sumus, quàm per Adam primum parentem nostrum
perdiderimus. Quid vltra à dulcissimo domino deside-
rare possumus? Certē cuilibet homini, maximē toto ei
corde adhærenti ac diligenti, tam multus tamq; intimē
affectus est, ac si cæli terræq; & omnium quæ illis con-
tinentur oblitus, totus in illum amore deperiret. Vnde
est vox illa amantis animæ in Canticis: Dilectus meus
mihi, & ego illi. Tantus nanq; & tam immensus Dei er-
ga eiusmodi animam amor est, vt neminem ipsi præter
se diligere videatur. At verò nec omnibus his beneficijs
& dilectionis actibus Deus nos sibi attrahere, nec com-
mouere, nec ad suum potest inflammare amorem. Adeò
corda nra sensuali dilectione infecta, creaturisq; depi-
cta sunt, ac dedita bonis tēporalibus & seculi oblecta-
mentis: necnon honoribus inhiant, & naturæ cupiunt

voluptatibus obsequi & facere sat̃s. His nimirum atq̃ id genus alijs adeò occupamur, adeoque obstructi sumus, vt Deo cum dilectione sua nullus ad nos pateat accessus. Plorant hoc cælum & terra, in id loci incidisse homines, vt creaturas diligant relicto creatore: vt amore complectantur terram terræque limum, & summum atque præcipuum bonum, quod Deus ipse est, deserant: vt malint serui esse dæmonum, quàm filij Dei: vt libeat magis esse amicos seculi, quàm amatores Christi: vt denique gratius sit, esse nidum spirituum immundorum, quàm templum spiritus sancti. Ah ah diligamus, quæso, qui nos tam immenso amore complexus est: contraque modis omnibus spernamus eum cum vniuersis consilijs ac suggestionibus illius, qui hostis est implacabilis & intersector animarũ, qui in hoc solum totis incumbit viribus, vt nos secũ ad æterna locorum infernalium tormenta abducere queat.

Oratio deuota pro peccatorum venia,
resignatione & amore IESV,
SV. Cap. XXV.



Misericordissime Domine IESV
Christe, en miser ego & vilis peccator, om̃i qua possum humilitate
tuis aduolutus vestigijs, fide integra plenaq̃; erga immensam bonitatem tuam fiducia, necnon intimo de peccatis meis omnibus dolore, altis suspirijs, acerba cõtritione, lacrymisq̃; feruentibus cuncta mea tibi cõfiteor exactæ vitæ peccata. O benignissime IESV, per infinitam misericordiam tuam sis mihi, quæso, propicius, aperi mihi vi-

hi viscera pietatis tuæ, aduerte oculos diuinæ gratiæ & clementiæ tuæ ad me miserum reumq; terræ vermiculum. Ad quem enim ò Iesu dulcissime, innumeris onustus peccatis & conclusus refugiam, quàm ad te misericordia plenum? Itaq; omnia simul mala mea, omnem ingratitudinem, sensualitatem, iracundiã, inobediẽtiam, leuitatem, immortalitatem & cupiditatem meam simul in abyssum proijcio diuinæ clemetiæ & gratiæ tuæ, sacratissimãq; & cruenta vulnera tua, quæ in hoc cruciamento horribili accepisti causa salutis meæ, oro quæ te Deus meus, vt omnia hæc precioso ac mundo sanguine tuo ita diluere velis, vt nulla eorum apud te memoria perseueret. O amabilis Iesu, vnicũ solatiũ meum, en pleno ad te, te seruẽter amandi, cunctaq; quæ me à tuo possint amore abstrahere, euitandi affectu ac desiderio accedo, quo vnus tecum effici merear affectu, voluntate & amore. Enimuerò spes mea omnis, consolatio & refugium meũ tu es. Quantum me perturbant & deiiciũt peccata mea, tantũ me exhilarat & erigit immensa bonitas tua, & merita sacratissimæ passionis tuæ. Quicquid enim ego deliqui, morte tua acerbissima abolitum est. Quicquid mihi deficit, merita sanctissimæ incarnationis & passionis tuæ abundè adimplent. Et licet magna & innumera sint peccata mea, parua tamen sunt, tuæ immensæ collata misericordiæ. Vnde & confido de infinita bonitate tua, quòd nõquam me perire sines, quem creasti ad imaginem & similitudinem tuam: nec me despicias, cuius caro, sanguis & frater effici voluisti. Sed & spero minimè me abs te condemnandum esse, quem tanto redemisti labore, tam charo emisisti precio. O Iesu suauissime, in quo cõfidit anima mea, quem ex intimis opto cordis mei amare medullis, fac me experiri modò
picta

pietatem ac benignitatem tuam. Non enim ignoras fragilitatem meam. Neminem cælestis pater tuus iudicat: sed peccata mea omnia in tuo statuit arbitrio. Sanctus quoque spiritus omne iudicium tibi tradidit: & quicquid in eū deliqui, eius negligēdo gratiam, instinctibus non obtemperando, tractus non sequendo, exactionibus eius seu vocationi non faciendo satīs, eius denique amabile opus, proprietate & inquieta occupatiōe mea sæpenumerò impediendo, totum tibi commisit, totum in te reiecit. Salus mea omnis in manu tua est: quicquid ignoueris, remissum erit. Tantū si voles ò dulcis Iesu, non deerit tibi me sanandi facultas. O clementissime Iesu, miserere mei per sanctissimum nomen tuum. Quid enim aliud significat mellitum hoc nomen tuum IESVS, nisi saluatorē? Ergo bone IESV, sis mihi IESVS. Cur irasceris in folium quod vēto rapitur, & stipulā siccā persequeris? Cur obliuisceris mei, qui fragile vas testaceum sum, quod fecerunt manus tuæ? Quauis ostēderim te, sed homo sum in iniquitatibus conceptus: descendat ad me gratia tua: fluant in me vulnera tua: appropinquet balsamum salutiferum preciosi sanguinis tui ad animam meam, & saluus ero: quandoquidem paratus sum gratissimam exequi voluntatem tuam. Quid me vis facere domine? En totum me tibi offero, corp⁹, animam, cor, sensus, memoriam, intellectum, voluntatem, & quicquid sum, paratus sustinere, quicquid me facere voles in tempore & æternitate, carendo & accipiendo, dimittēdo ac patiēdo. O Iesu vnice amor meus, da mihi te amare medullitus: neq; enim aliud peto, nisi vt te perfectē diligam. Permite mihi esse amatorem tui. Iussisti quidem domine, vt te diligam toto corde: sed da etiam quod iussisti, & iube quod vis: traice, quæso,

cor

cor meum suaui iaculo igniti amoris tui, vt cunctis vitæ meæ diebus amore langueam. Presta mihi tam amare te medullitus, vt ipse à me amari vis. Fac me agnoscere Deum meum, quanto perè me amaris, vt toto vitæ meæ tempore, omni virium mearum facultate, tuæ adnitar dilectioni vicem rependere & facere satîs. O IESV bone, adeò cor meum mellifluo inebria ac imple amore tuo, vt mundus omnis mihi in nauseam & crucem acerbissimam vertatur. O IESV amabilissime, te amare, te suscipere, te comedere, te animæ meæ vlnis amplecti desidero, te in intimis conseruare pectoris mei aueo, vbi iam nemo te mihi eripiat, vbi te solo fruar, vbi tecum in pace imperturbabili requiescā. Ibi mihi potum vberem dabis ex flumine celestis diuinæq; doctrinæ tuæ: ibi me secretiores docebis semitas, quibus ad te tuto certoq; perueniatur: ibi prorsus deduces & abscondes me in mellitis vulnerib⁹ tuis, ac amabili corde tuo, donec hyems vitiorum abeat, tentationum sæua tempestas sopiatur, & fulgentissimus diuinæ gratiæ tuæ sol, fundum animæ meæ totum perlustret, cor meum penitus inflamet, & in omni faciat virtute virere. Amen.

Ie. spinis coronatur. Cap. XXVI.



Nde iam Salvatore nostro tam dirè flagellis cæso & cruentato, vt nulla pars in omni illius corpore salua permanferit, essetq; corpus illius non nisi vulnus vbertim promanans, ita vt cunctis, esset aspectu horribilis, à columna absolutum, nudum ac sanguine fluentem circumduxerunt, quærentes vestes illius: quas dum eum exuerunt, præ ira ac malitia pec-

atrium sparserant. Agè videamus nunc, quàm miserandum in modum amabilis Iesus illic incederet doloribus plenus, præ frigore tremebundus, sanguinem manans, adeò vt singula quæq; vestigia roseo suo signaret cruore. Hoc est quod Propheta, ex angelorum seu animarum amantium persona tanquam ad dominum loquente, ait: Quare ergo rubrum est indumentum tuum, & vestimenta tua sicut calcætium in torculari? Respondet Iesus: Ideo rubent vestes meæ ò spòsa mea, quia torcular calcaui solus. Aspice nunc ò anima diuino ardēs amore, aspice, inquam, intima cum compassione, vt affectus est dilectus tuus. Ipsa quidem per voluptatem peccasti, & Christus magnis cruciatibus luit pœnas tuas. Ipsa concupiscentijs carnis & sanguinis obsequuta es, & CHRISTVS carnem & sanguinem suum pro tuis erratis ac sceleribus, tam inhumanis tradidit pœnis afficienda. Porro, cùm se Dominus indueret, consilia inter se egerunt satellites diaboli, dicentes: Seductor iste regem se professus est: itaque afficiamus & coronemus eum vt regem. Moxque tota coacta cohorte in prætorium, IESVM pariter adduxerunt, vt coram omni populo ludibrio & contemptui haberetur, sicq; maiori pateret confusione. Ibi iam denuò estes, quas vix bene induerat, multa cum feroci^{ro} ei abstraxerunt, vestemque purpuream seu coccineam circumdedit. Deinde coronam è spinis contextam, loco regij diadematis, sancto illius capiti impresserunt, data ei sceptri vice arundine in manus: flexisq; genibus irridiculè eum adorârunt, dicentes: Aue rex Iudeorum. Egredimini modò filiæ Sion, videte verum Salomonem in diademate, quo coronauit eum mater sua, in die lætitiæ cordis eius. Verè dilexit nos, & languores nostros

nostros ipse tulit, infirmitatesque nostras ipse portavit. Quæso non vulgari cum compassione eamus visum, quàm horribiles hic nostris pro peccatis filius Dei cruciatus pertulerit. Alta trahamus imo ex pectore suspiria, in lachrymas erumpant cuncta membra & omnes venæ nostræ, quòd nos pœnarum istarum causa sumus. Collique scat præ dolore cor nostrum, totumque resoluat in lachrymas, quod Deum, quod creatorem nostrum execrandis nostris sceleribus tam dirè coronauerimus. Enimverò cunctæ hæ spinæ contextæ, quid aliud sunt, quàm crudelia nostra peccata, quæ coaceruauimus? His quotidie venerandum Christi caput inclementer vulneramus, multoque maiori eum dolore & contumelia afficimus, quàm qui eum tempore passionis his pœnis excruciarunt. De illis enim scriptum est: Si cognouissent eum, nunquàm dñm gloriæ crucifixissent: nos verò & no uimus regem huc omnipotentem, & illius voluntatem & iussa perspecta habemus, & tamè obedire ei recusamus, nihil pudet nos tam potenti resistere dño, eiusque iussa contemnere, cum tamen nihil ille nisi nostram petat salutem, utque ipse simus cohæredes in regno patris eius, nec non ut sanguis, passio & labor suus nobis cedant ad salutem. O quis dicendo possit consequi, quàm impati bili dominus IESVS dolore correptus fuerit, cum horribilis ei corona spinea tam inclementer imponeretur? Ut enim quidam affirmant, erat illa corona ex iuncis marinis, qui sunt peracuti & rigidi admodum: & horum quidem non paruam connexuere copiam, in pilei eam formam redigentes, ita ut aculei magna ex parte ad caput adiungerentur: tumque tanta cum violentia & crudelitate sacro Christi vertici diram hæc coronam appresserunt, ut quemadmodum D. Bernardus

dus ait, aculei cerebrum attingerēt, ipsas quoq; venas,
 nervos & ossa capitis penetrantes, adeò vt sanguis il-
 lius saerò permixtus cerebro, vbertim per faciem, per
 collum, perq; capillos deflueret. Expendat hic quisque
 secum, qualis hæc pœna fuerit. Quid si cuiquam ingens
 aliqua spina in caput infingeretur, quonam futurus esset
 animo? Et certè, vt Anselmus author est, Christi vene-
 randum caput vel mille aculeis punctum est. Impri-
 mamus, oro, cordibus nostris miserabilem hanc figu-
 ram seu speciem, vt nunquam inde recedat. Ah quàm
 deformis effectus est pulcherrimus omnium creatura-
 rum? Vt elegantissima Christi facies omni decore & spe-
 cie destituta est, vtpote ex verberibus & plagis nimijs,
 quibus ea nocte affecta erat, tumida, vnguium lacerati-
 onibus diuulsa, necnò sputis ac phlogmatib⁹ còmixtim
 in ea fluentibus, iamq; concretis, turpiter descœdata: &
 recentis deniq; sanguinis huius cerebro admixti pro-
 fluuiò irrigata, ita vt tam miseranda esset species salua-
 toris, vt hominis præ se non ferret imaginem? Reuerà
 non posset quis etiam bruto animanti non compati,
 si id ita affectum videret. Hinc dominus ad animam in
 Canticis ait: Aperi mihi cor tuum soror mea, columba
 mea, sponsa mea, & tãgat illud acerbissima passio mea:
 quia caput meum plenum est rore, & cincinni mei gut-
 tis nocturnis, id est, peccatorum: hoc est, caput meum to-
 tum madet sanguine, idq; ob peccata tua. Neque tamen
 immitissimi canes illi omni hac sanguinis effusione fa-
 tiati, non immani hoc cruciatu & stupenda Christi pa-
 tientia ad còpansionem moti sunt: quin rabidus eorum
 animus magis ad malitiam inflammatus est, ita vt de for-
 mem Christi vultum, adeò miserandum in modum affe-
 ctum, denuò conspuerent, contunderent, & quicquid
 contume-

contumeliæ, contemptus, molestiæ, aspernationis, vilipensionis, diabolico suo poterant corde concipere, agno mitissimo irrogarent. Iam caput agitabant, iam fremebant dentibus in eum præ furoris insania, vt propheta ait: quandoquidem nesciebant quid in eum afflictionis & pœnæ, quidve contumeliæ conferrent. Semper enim cor eorum diabolicū magis eū torquere cupiebat, nec cruenta illorum sitis tantis potuit expleri cruciatibus. Hinc genua flectentes, irridiculè adorabant eum, dicentes: Aue rex Iudæorum. Quia verò Christus omnia hæc mirum in modum patienter ferebat, ita vt ne semel quidem faciem suam ab eorum verberibus & sputis auerteret: tanto agitabantur furore, vt exilientes è terra, raptà è manu eius arundine, horribiles in caput eius ictus darent, quibus spinarum aculei altius sancto illius cerebro infigebantur, adeò vt hæc pœna etiam cor illius attingeret, fluēte precioso sanguine vberim per amabilem faciem atque collum. Nihilominus sedebat illic agnus innocēs pleno affectu, omnēq; hanc prorsus inhumanam afflictionem & pœnam p nostris foetidissimis peccatis ad æterni patris gloriam patientissimè tolerabat. O vos superbi, vos putidi peccatores, vobiscum (quæso) expendite, quanta sint peccata vestra, quæ tali castigatione, tam seuera correctiōe expiari oportebat. Nisi grauiter offensus fuisset æterni patris animus, nunquam filius Dei tanta pateretur. Nisi planè ad mortem fuissent vulnera vestra, nūquam pro eis abolendis Dei filius mortem subiret. Itaque in suum peccator quisq; condescēdat, ibiq; altis suspirijs, acerbisq; lachrymis se horum immanium Christi cruciatuum causam esse fateatur & agnoscat. Enimuerò vt à nobis peccatum erat, ita Christus pœnas luere voluit.

K Quando

Quādo nanq; studioſe admodū in hoc incūbunthoīes,
 vt caput ſuū ob hoīm captandā grām exornent, ſatisq;
 in hoc ſuperbiūt: idcirco Chriſtus Ieſus tā dirē in ſuo
 tort⁹ eſt capite, vt eiufmodi hoīm peccatā expiaret. Ve-
 ſtitus eſt etiā purpureo & coccineo veſtimento. Purpu-
 ra ſanguine tingit piſcium, rore cæli viuentium: ſignifi-
 catq; nobis cordis pietatem: quandoquidem hæc vir-
 tus hominis ſanguinē ad omnes illius venas diducit, ex-
 hilaratq; & illuminat cor, & accendit ſpiritū ad cōpaſ-
 ſionem & amorem. Pius corde, deliciōſe natat in gratia,
 ceu piſcis in vndis: viuitq; cor pium ex rore cæli, id eſt,
 ex influentia ſpiritus ſancti. Et hæc quidem omnia in
 Chriſto cernere licet. Ipſe nanq; tempore paſſionis ſue
 iuuenis erat formoſus, omni gratia plenus, abundē per-
 fuſus gratia & amore, vtpote qui cuncta opera ſua ex
 amoroſo, iucundo, pio & hilari fundo ad æternam pa-
 tris gloriam peregit: nec non precioſum ſanguinem ſu-
 um ad extremam vſque guttulam pro ſuarum ſalute
 creaturarum largiſſimē effudit: Cumq; Iudæi die fe-
 ſto ac ſolenni præclarum hunc piſcem neci darent, ve-
 ſtis corporis eiſ purpureo eſt tincta colore. Sic &
 quod coccinea teſtus eſt chlamyde, id eſt, veſte rubea
 bis tincta cruore vermiculorum, charitas nobis ſigni-
 ficatur, virtutibus cunctis ornatum addens, quam &
 oportet ſemper nos præcipuam ac ſuperiorem habere
 veſtem. Eſtq; diſcolor ſeu bis tincta, quod nos & Deo
 coniungat & proximis per dilectionem, haud ſecūs
 quā ignis, quæcunque incendere poteſt, ſibi copu-
 lat, in ſuamq; tranſmutat ſimilitudinē. Sic etiam
 quiſquis in ſeipſo humilis ac puſillus eligit eſſe vermi-
 culus, ſeruensq; amore erga Deum ſuum, cocco infi-
 cit veſtem ſuam, dum ad Dei gloriam, proximorumq;
 fructum

fructum & salutem, sanguinem suum absumit. Ardens namq; amor, quo feruet erga Deum, illius supremum ficiens promouere honorem, laudemq; augere, igniturq; desiderium cunctos ad præcipuam perducendi homines beatitudinem, quo Deus in omne æuum ab eis laudetur: hæc, inquam, tam magna & vehementia in eo sunt, vt eum intrinsecus liquefcere, consumi, & foras sese exerere faciat, ita vt cunctos adeò ex ardenti amore sic charitate complectatur homines, maximè quos aliqua premit miseria vel calamitas, vt inferni cruciatus pro hominibus vniuersis perpeti optaret, si sic visum esset Deo, ad illiusq; id cederet honorem: quem admodum Moses pro filiis Israel deleri voluit è libro vitæ, & Paulus optauit anathema esse pro fratribus suis. Sic igitur Christus fecit. Humiliauit sese in natura nostra subter homines vniuersos: & non se hominem dixit, sed vermem, ex limo terræ nascentem, eo quòd & ipse naturam humanam assumpserit ex præclara illa terra virgine Maria. Absumpsit autem & sanguinem & medullas ossium in amore, præcipueq; executus est opera charitatis ad gloriam Dei patris & cunctorum salutem mortalium. Hac ergo de causa Christus IESVS humilis animarum amator, vestem nuptialem purpuream coccineamq; gestauit, scilicet in argumentum atque signum euident ineffabilis pietatis, & incompræhensibilis charitatis suæ. Atque in ipso desponsationis suæ die viridem tulit coronam, rubentibus ornatam rosis, id est, roseo suo tinctam sanguine, hoc ipso significans nobis, pium se esse ac mansuetum regem, verumq; principem amoris.



IESV speculum veritatis æternæ, lux omnem illuminās hominem, lux cunctas illustrans tenebras, lux cui nullæ officiūt tenebræ, lumen quod nulla alia potest augere lux, lux ad quam lumen omne deficit, lumen omnem augens lucem, lux vnde suscipiunt omnia lumen, lux omnem creans lucem, lux omnem conseruans ac moderans lumen. O lux quam videbat Thobias, cū oculis clausis doceret filium suum viam vitæ. Lux quam videbat Isaac, intus, cū caligātibus oculis foris filio suo futura narraret. Lux, quā cuncti sunt illustrati prophetæ, vt longo pōst futura tempore occultaque cognoscerent, abditaque sacramenta & mysteria prophetarēt. Lux quæ dixisti, Fiat lux, & facta est lux. Ecce tenebrę occupant faciē cordis mei, ita vt lumē celi videre nequeā. Dic ergo & animę meæ, vt fiat lux, & fiet. Mox enim micantes radij ex te vera ac fontali lucē corusco radiabunt fulgore in abyssum cordis seu fundi mei, & nox mea in claram immutabitur diem. O lux incōpræhensibilis, ita me tua claritate illustra, vt contempler te Deum meum in teipso, me in te, & cuncta infra te. O lumen infallibile, cui nihil est absconditum, cui soli corda omnium filiorum hominum perspicua sunt: illumina, quæso, secretos cordis mei recessus, vt peccata occulta, in eis latētia, agnosce-re queam: nec illa tantū peccata, quæ ex vitioso inimici semine concepta sunt, sed & propensiones quoque animi & occultas radices, quæ noxiū hostis semē in me denuò generārūt, excitārūt, per quas opus tuum in me impe-

impeditur ac differtur, virtutes premuntur, & hortulus cordis mei, qui pro tui consolatione excolitur, tam inhonestè cōmaculatur, sitque syluestris & horridus. O fulgentissima veritas, quis sua peccata rectè intelligat? quis bene discernat quid gratum; quidve ingratum tibi sit, quid suggerat nobis spiritus tuus, quidve noster sensualis spiritus consulat? Nimirum absque te vitiosa sunt omnia, fragilia & immunda: sine te cuncta mihi tenebræ sunt: absque te deficit mihi veritas omnis, iudicium omne, scientia & discretio omnis. Dum tua abest illustratio, vanitas videtur veritas, malitia iustitia, vitium virtus. Simul enim mecum crevit ignorantia: multiplicatæ sunt iniquitates meæ super capillos capitis mei, & non potui vt viderem. Impurorum nebula cogitationum adeò obscuravit cor meum, vt lumen gratiæ tuæ contemplari nequeam. Cæcus ad infernum perducor. Ah Deus meus, da mihi vt videam: illumina interiores oculos meos, ne vnquam obdormiam in mortem, nequando dicat inimicus meus, præualui aduersus eum. Dirumpe velum ingens, quod medium se obiecit inter te Deum meum & me feruum tuum: aperi obuelatos oculos meos, vt veritatis cognoscam iter, sacrisque inhæream vestigijs tuis. O IESV sol perlucide iustitiæ, illumina me sedentem in tenebris, & in mortis vmbra degentem, dirigens pedes meos in viam pacis, per quam venire mihi liceat ad locum tabernaculi admirabilis, ad magnam domum tuam, in voce exultationis & confessionis. O fons inexhàustæ pietatis, ex quo gratia & bonitas omnis promanat: fluat, obsecro, ros pinguis largæ gratiæ tuæ in arentem animam meam, prius quam moriatur, quandoquidem aruit vt testa virtus mea.

Subueni miserę creature tuę, quã fecit oĩnipotēs bonitas tua. O fons essentię meę, ex nihilo me fecisti, & ecce reuertor in nihilũ, nisi tu me modereris atq; conserues. Quando perieram, redemisti me: sed rursus pereō, nisi succurras mihi. Tu nanq; es verbum Dei, per quod facta sunt omnia, & sine te factum est nihil, & ecce ego sine te nihil effectus sum. O IESV bone, quem non piguit ex cælo descendere, vt reparares quod corruerat, veni & ad miseram animam meam peccatis corruptam & mortuam, vt per te renascar. Sine te nanque vitam non habemus in nobis. Audiam suauem vocem tuam, per quam mortui reuiuiscunt, spiritus nequam fugantur, morbi omnes curantur, vt & spiritus meus per te sanetur, exciteturq; exultetq; præ immenso gaudio in digna laude & gratiarum actione. O speculum diuinę claritatis, purifica & adapta interiores oculos meos ad te contemplandum. Hanc enim ob causam amabilis facies tua sputis & sanguine scedata est, pugnis cæsa: ipseque totus absque specie effectus es, vt faciem cordis mei emundares, purissimoque sanguine tuo ab omni vitiosa labe expurgares. Sic & externi oculi tui tempore passionis tuę velati & aperti sunt, vt internos intelligentię meę obtutus detegeres, ab omni que nudares medio, distractione, imagine ac multiplicitate: vti nudo intellectu perspicuoque aspectu in tuam possem intendere æternam diuinitatem, & in te fontem essentię meę, vtque spiritum meum semper haberem nudum atque detectum ceu viuum quoddam ac lucidum speculum, in quo æternam possem excipere diuinę imaginis tuę similitudinem: nec vllum aliud cordis mei oculis opponerem obiectum, quàm ipsum eruentum corpus, deformem vultum, & caput tuũ spiritus

nis coronatū: simulq; per miserandam hāc & excrucia-
tam imaginē tuā, superbiam omnem & seculi vanitatem
hominūq; applausum & fauorem fortiter aspernaret.
O misericordiſſime Deus, da mihi tātā tui notitiā,
quanta mihi neceſſaria eſt ad obtinendū verū tui amo-
rem: quandoquidē diligo te, & magis magisq; amare de-
ſidero: itaq; adiuua me, vt amem te. Vulnere cor meum
iaculo amoris tui: & præſta, vt tanto cum ardore te dili-
gam, quanto ipſe à me vis amari. Neq; em̄ dulcius mihi
quicquā eſt, quā amare te deū meū: neq; acerbi⁹ quic-
quā, quā re qualibet à tuo impediri ac alienari amo-
re. Quicquid em̄ infra te eſt, magna mihi egeſtas & affli-
ctio eſt, immo & velut hoſtis capitalis, à te dulciſſimo
cordis mei dilecto me cupiens ſeparare. Sed & ſine te
mihi ipſe grauis crux ſum, & infernus intolerabilis. O
inextinguibilis ardor amoris, qui ſemper ardes, nec vn-
quam extingueris: totum me accende, totum me exure,
vt totis in me deficiam, totus per tuum transformer
amorem: totum me liquefacito, vt totum me in te amit-
tam. Abſume me Deus meus totum in ardore ſeruē-
tiſſimi amoris tui, vt mei ipſius & omnium quæ in mun-
do ſunt, perfectē oblitus, te ſummum ac excellen-
tiſſimum bonum amoris vlnis amplectar. Quæſo do-
mine, per bonitatem tuam adeò me tibi inſere ac vni,
vt vnum tecum effectus, in te vno ſempiterno peren-
niter requieſcam. Amen.

Exhibetur Chriſtus populo ſpectandus à
Præſide dicēte, Ecce homo. Cap. XXVIII.

Post hæc IESV tam inhumaniter tractato, o-
mnique in eum effuſa virulenta malitia ſua, nec
K 4 ſic



sic tamen ardēs Iudæorum furor & odium refrixit, nec
 sitis cruenta extincta est. Neq; enim cōtenti erant, Dei
 filium tam turpiter illulisse atq; habuisse cōtemptui co-
 ram omnibus illis, qui in prætoris ædibus erant, insu-
 per & foras eū produxerūt omni illi aspectandum po-
 pulo, qui ne contaminaretur, non fuerat ausus ingredi
 prætorium. Quia enim Pilatus prophanus & ethnicus
 erat, fas non habebant Iudæi illius subire tectum. Itaq;
 verebantur contaminari, si ethnici domum ingrederen-
 tur, nec tamē metuebant innoxium Christi sanguinem
 in se recipere. Paschalem edere agnum cupiebant, nec
 formidabant verum illum paschalē agnum iniuste neci
 dare. Itaq; Pilatus IESVM tam dirè excruciatum, turbę
 ferocienti spectandum exhibuit, dicens: Ecce adducō
 vobis eum foras. Videte, quā grauit̃ in eū animad-
 uersum sit, quā diris sit verberibus castigatus. Quęso
 aduertamus nunc, idq; ingēti cum compāssione, quā
 miserabiliter illic Dominus steterit, veste tectus con-
 temptibili ac deridicula, item spinea corona, sceptro
 arundineo, cruentis vulneribus, membris attritis, hor-
 ribili ac squalido corpore præ frigore tremebundo, ac
 distillante sanguinem. Aspiciamus etiam interno cum
 dolore amabilem vultum eius, in quem desiderant an-
 geli prospicere, vt est miserādum in modum immitibus
 affectum plagis & tumidum, vnguium discriptionibus
 lacerum, sanguine pariter ac cerebro mixtis infectum
 & coloratum, phlegmatibus scēdum, ita vt humanam
 penē speciem amiserit. O quem ista non mouent, ferro
 & adamante durior est. Cumq; ita Christum Pilatus po-
 pulo pręsentaret, ait: Ecce homo. Quod diuersis potest
 modis intelligi. Pater quidem cælestis ab om̃i nos eter-
 nitate dilexit, estq; hæc voluntas eius, vt ipsi in amore
 pro

pro nostro modulo respondeamus. Itaque dicit animæ
humane: Ecce homo, respice me, vt à me ipsa respiceris:
ama vt amaris, cognosce me, vt ipse te cognosco. En am
plissimum mei in te amoris testimonium fert vnigeni
tus meus, quem equidè totum pro te tradidi. Non cor
pus, non anima, non sanguis illius tanti apud me fuit,
vt eum tui causa tradere dubitarem. Immo si quid pre
ciosius, si quid melius paterno potuissim corde conci
pere, & id quoq; tibi donassem. Ecce homo, altissimam
diuinitatem meam in humanitate filij mei tibi dedi, cùm
sit vnus mecum & in me, idemq; verus ac inseparabilis
Deus, & quisquis eum recipit, me recipit. Dedi insuper
tibi Spiritum sanctum meum, vt is te mundaret, confor
taret, illustraret, veritatem omnem doceret & iustiti
am, suo inflammaret amore, solaretur item, cūctisq; do
naret charismatibus virtutibusq;. Ita em̃ complacuerat
mihi in te, & inuencras gratiam in oculis meis, simulq;
cor meum apposueram ad te, eligens te in dilectam
sponsam meam. Sic nanque decretum est mihi, habere
in te delicias & oblectationes meas, vtpotè in qua con
stitui & elegi templum, cubiculum & habitationem me
am. Ecce homo, me ipsum totum minimeq; diuisum de
di tibi: volo ergo, vt & tu tete mihi totum ac indiuisum,
totumq; esse & posse tuum reddas. Purissimo te amore
complexus sum absque vllius vel muneris vel compen
sationis tuæ intuitu: æquū proinde est, vt & tu vicissim
purè me absque mercedis cōtemplatione diligas: id est,
vt me purè ames propter memetipsum: vt sim ego mer
ces, spes & scopus tuus, diligasq; me, eò quòd ipse te di
lexerim, & vt à me diligere merearis. Et si amoris mecum
iura inire volueris, dignaq; fieri quæ à me ameris, vo
luntarium sis viuumq; oportet instrumentum, teq; à

me agi patiaris, totum te mihi offerens ac resignans absque vlla optione vel electione, sinēsq; quicquid mihi visum fuerit, tecum agere, & in tempore & in æternitate. Prorsus, inquam, ita necesse est, vt mihi operādi, tibi patiēdi & dimittēdi vices relinquas, petasq; à me medullitus, vt perficiat in te id quod ab æterno ipse cōstitui ac præordinaui, te ipsum penitus abnegās, mihiq; in te operandi faciens copiam & potestatem. Integra quoq; cum fiducia erga bonitatem meam mihi adhærebis, cuncta cum ingenti gratitudine recipiens de manu mea quacunque tibi euenire permiserō, tam aduersa quàm prospera, & tentationes, & afflictiones, & derelictionem, & angustias &c. omnino confidens in bonitate mea, mittere me ista tibi, ceu optima maximeq; salutaria tibi & vtilia, simulq; exercens te in eis. Quod si stabiliter tecum perseverās, fundum tuum obseruaueris, agnosces planē, cur ista tibi occurrere permiserim, quodq; maximè sic necessarium tibi fuerit, & in rem tuam. Cum primis verò id te curare velim, ne operationi meæ resistas obstinatione, proprietate, euagatione & negligentia seu dissolutione tua. Cæterum in qualibet afflictione, angustia & derelictione tua, quam euenire tibi permiserō, tantisper permanere ac perseverare desiderabis, quoad mihi visum fuerit, vt inde te absoluaui eripiamque: feresque crucem illam ad finem vsque mei causa. Siquidem ita tentationibus & molestijs excutiaris ac agiteris oportet, donec palea omnis cupiditatis, proprietatis, vitiosæ propensionis à te separetur, elatusque ac rigidus animus tuus istis ceu mola quadam conteratur, donec in oculis tuis instar pulueris aut cineris nihili fias, ita vt non agnoscas modò, sed & sentias

&

& miserrimum & vilissimum te esse mortalium omnium, quos mundus habet: adeoq; ab omni exuaris propria voluntate & electione, vt quicquid DEVS tecum & creaturis omnibus fecerit, ita tibi gratum sit, vt secus fieri nec optare velis, etiamsi creaturæ omnes cunctaque elementa tuo imperio subiacerent. Verum antequam huc pertingatur, hoc opus, hic labor est, multasq; huius obtinendi gratia cruces laboresque, immo & mortes spirituales subire oportebit. Prius enim quam fructum ferat, granum frumenti in terra moriatur necesse est. Nimirum hæ duæ sunt alæ fidæ admodum, quæ nos compendio celeriterque ad spiritualem perfectamque subuehant vitam, abnegatio videlicet sui, & patiens tolerantia aduersorum, seu abnegare & pati. Quisquis enim simpliciter DEO se resignare nouit, illi nec tentatio, nec afflictio, nec infirmitas, nec aduersitas vlla accidere potest, quin ei cedat ad virtutis incrementum: id quod Apostolus testatur his verbis: Scimus, inquit, quoniam diligentibus DEVM omnia cooperantur in bonum. Itaque si quis omnia æquo ferat animo, ex cunctisque sibi accidentibus sese exercendi sumat materiam, obseruato diligenter fundo suo, paternam intus vocem audiet loquentem sibi: Ecce homo: Nosce teipsum: Scito quid sis: agnosce nimiam immortificationem tuam, multipliciaq; vitia tua latentia in fundo tuo: aduerte nihil te esse, nihil habere, nihil posse ex teipso. Ideoq; sine me intra te operari. Adhæreto mihi per amorem, serua mihi fidem: & quicquid tu viribus tuis non poteris, ipse pro te faciam. Tum verò in hac cognitione sese eiusmodi homo exercebit, sublatiq; cunctis defectibus atq; crucibus suis, accedens cum eis ad
Deum

Deum, gratias illi aget, q̃ se suam fecerit nosse vilitatē: respondebitq̃; DEO, dicēs & ipse, Ecce homo. En Domine DEVS meus, miser ego sum, ineptus, infirmus, nihil valens, conceptus in peccatis, in miserijs natus, enutritus in vitijs. Contra quem ò Domine ostendis potentiam tuā? Ecce homo. Noli indignari aduersus folium quod vento rapitur. Noli ò pie Domine obliuisci inopiæ & fragilitatis meæ, nec subtrahas à me auxiliū gratiæ tuæ: quandoquidem homo sum ego & testa fragilis, immo vermis sum ego, & non homo: canalis immunditiæ plenus, per quem vltro citroq̃; sordes decurrunt. Quoniam dereliquit me resistendi virtus, & iam victus sum. Miserere mei tu Deus meus. Pugna pro me, operare in me, fac mihi vt vt volueris. En totum me tibi resigno. Noui enim naturam tuam esse bonitatem, & proprium esse tibi, misereri semper & parcere. Omnem malitiam meam projicio in infinitam bonitatē tuam. Dedisti mihi nosse vitia mea Domine, da & vincere. Euellere radicibus ex me immunditiam omnem vitiorum, & quicquid displicet tibi, rursumq̃; diuinum amorem tuum & virtutes omnes inferere mihi. Denique per hanc fragilitatis suæ agnitionem, vitiorumq̃; suorum contemplationem sæpius maiorem homo profectum faciet, si tantum bene in his sese exerceat, quàm si interim in alijs quibusdā sublimibus exercitaret. Enimvero si funditus quis emundari debet, prodant se oportet vitia in ipso latentia, tumq̃; ipse sedeat cum sancto Iob in sterquilinio & luto vitiorum suorum, idq̃; multo cum dolore & angustia, radens testa saniem & immunditiam vulnorum suorum, id est, impuras fluxusq̃; cogitationes ex sensuali corruptaq̃; natura nascētes, cū labore & dolore detergēs: faciatq̃; in his exercitium suum, ita vt graui cum labore agrum conscia

entia suæ proprio fimo & colluue stercoret, fructum
quandoque gratissimum prolaturum. Tantis per verò
in his se exerceat oportet, totiesq; his moriatur vitijs,
eaq; vincat, atque cum eis ad DEVM accedat, cun-
ctaq; vitia sua & culpas toties in eius iactet vulnera,
in eisdemq; diluat, & in diuini amoris eius flamma exu-
rat, donec sentiat ea à se penitus discessisse, ab eisdemq;
liberatum se à Deo. Potest autem hoc ipsum, Ecce ho-
mo, & ita accipi, tanquam filius ipse dicat: Ecce homo,
vide quid fecerim tibi, ab omni æternitate agnoui te in
essentia mea, quandoquidem ab æterno in me fuisti eius-
dem mecum essentia secundum ideam. Insuper & crea-
turam te feci, tam præcipuò te amore cõplectens, tamq;
excellenti donans gratia, vt ad imaginem & similitudi-
nem meam te creârim. Vtq; scires quàm generosam &
elegantem te fecerim, nihil dubitavi ipsemet accipere na-
turam tuam, imprimens ei imaginem venerandæ diuini-
tatis meæ. Factus sum caro & sanguis tuus, quo te redi-
merem. Creauì animam meam vnà cum omnibus viri-
bus eius, implens eam cunctis spiritalibus donis & cha-
rismatibus, quò cunctas virtutes probè exercerem, tu-
asq; supplerem defectus omnes, pro tuis satisfacerem
delictis, vitamq; tibi obtinerem & mererer æternam. Ec-
ce homo: Ego qui ex ventre diuino cælestis patris mei
ante omnia secula miro quodam ac ineffabili modo ge-
mitus sum, eidem patri meo semper æqualis in potentia
& gloria permanens, mortalem tuam non sum dedigna-
tus naturam assumere, trigintatres & eo amplius annos
factus seruus tuus, in multa paupertate, humilitate, la-
bore & afflictionẽ operans salutem tuam, factus etiam
sum tanquam exul à regno meo, vt tu hæres fieres: vt
hostis quoque patris mei effectus sum, ab eoq; dereli-

ctus

Etus & correctus castigatione crudeli, permisiq; in me
 eius iram deuolui, vt tu inuenires gratiam, & amicus at
 que filius DEI efficereris. Denique omne debitum tuum
 in me recepi, quiq; iudex tuus erā, ac iure æternæ te da-
 mnationis sententia ferire poteram, tactus misericor-
 dia, sub rei specie memet in mortem ignominiosissimam
 vtrò tradidi pro peccatis tuis, exponens me totum ad
 extremam vsq; sanguinis guttulam. Insuper ipsum cor-
 dis mei cruorem potandum tibi præbui ex amore puris-
 simo: factus sum vermis, non homo, cui obloquerentur
 & illuderēt omnes, opprobrium item hominum, & abie-
 ctio seu nausea plebis. Velut botrus in passiōis torcula
 ri expressus sum. Aruit tanquā testa virtus mea, & deco-
 cta est amoris igni: & quomō nix liquefcit ad solis aspe-
 ctū, ita in oculis patris mei exhaust⁹, absumpt⁹ & lique-
 factus sum salutis tuæ gratia. Ecce homo. Quid vis vt
 vltrā faciam tibi? vt maiore tibi amorē, fidē, beneuolen-
 tiā seu benignitatē exhibere poterā? Vide vt hic defor-
 mis assisto pro peccatis tuis, vt ego Dñs dominorū su-
 perne ac inferne derelictus sum, & contēptus ab oībus.
 Aspice vt cruciat⁹ spinarū istarū medullas cōfixerit cor-
 dis mei, quò spinas & tribulos euellerē vitiorū tuorū: à
 summo capitis vertice ad imas vsque pedū plantās, non
 sum nisi vulnus sanguinē manās, vt te perfecte ab omni
 læsione curarē. Quæ tu naturæ sectādo oblectamenta
 malè meritus es, ego tanta pœnarū acerbitate & amari-
 tudine dilui, adeoq; totū te laui precioso sanguine meo
 ab oīni macula vitiorū, vt mihi grat⁹ fieres & acceptus.
 Ecce homo, sit penes te iugis memoria charitatis hui⁹,
 quantoq; te studio, labore, dolore quæsierim: nec post-
 hac alieno sis in me animo: Vide si est dolor vllus, qui
 meo possit dolori æquiparari: Vide si quis vnquam reus

& flagitiosus suis pro scelerib⁹ tales luit pœnas, quales ego tuli pro peccatis tuis. Ex his verbis sancta Ecclesia mater nostra instituit, vt sacra hostia eleuetur, & cūctis ostendatur sub Missæ sacrificio, tanquam diceret: Ecce homo, excitans nos velut pia mater, vt incarnationis, natiuitatis, passionis, mortis, resurrectionis, & vniuersæ denique charitatis & beneficiorum omnium CHRISTI memores simus: quandoquidem Sacrum siue Missa in memoriam dilectionis & operum DEI, quæ nostræ causa ille peregit, instituta est. Eadē ex causa decretum est, vt in templis omnibus veritatis speculum, id est, imago sanctæ crucis Christi IESV collocetur, vt quoties templi limina subierit, contempletur homo figuram cōdītoris sui in crucis patibulo pendens: moxque ei in mentem veniat admirabilis amor iste, quem hoc ipso hominibus declarauit, adeoque se in hoc exerceat occupetque, vt quarumlibet extranearum imaginum externarumque occupationum obliuiscatur, putetq; intus se imaginem alloqui his verbis: Ecce homo, vt hic pendeo contemptus, illusus, extentus, clauis confixus, fauciatus, omni solatio destitutus, nudis brachijs ad te expansis, vt te in grātiā recipiam: capite demisso, vt pacis & reconciliationis osculum tibi præbeam: latere & corde aperto, vt te ceu electam sponsam meam in gratissimum cordis mei cubiculum introducam, ibique æterno complectar amore. Tum verò homo, tanquam amabili hac CHRISTI voce inuitatus ad accedendum ad suauissima vulnera eius, plenā se fidutiā ad DEVM conuerteret, & ad clauis confixos pedes CHRISTI, quā posset maximē submissa humilitate, aduolutus, cogitaret omnē hunc acerbū dolorē Deo ac domino

mino suo putentibus se peccatis suis inflixisse, simulq; peccata sua omnia Domino acerba cum contritione & seruētibus lachrymis humiliter confiteretur, dicendo: Ne intres modò ò misericordissime DEVS in iudicium cum inutiles & peccatore seruo tuo, quia nō iustificabitur in conspectu tuo omnis viuens. Si in angelis tuis malitia inuenta est, quanto magis immundus erit homo in delectatione conceptus, & natus in peccatis? Domine ne in furore tuo arguas me: Neq; enim spiritus sum, sed caro: non angelus, sed homo. Ecce homo. Quid est homo, Domine DEVS, vt contra eum irascatur furor tuus, cuius vita est instar venti aut fumi celeriter transeuntis? Quare ostendis potentiam tuam aduersus solium, quod vento rapitur? Simulq; hic cum omni sua infirmitate, cunctisq; vitijs sese ad Deum homo conuerteret, dicendo: Scio DEVS misericordissime, quòd idoneum valdè & purum me condidisti, non ob aliud quidem, quàm vt seruire tibi, te amarem, tibi laudes & gratias agerem, essemq; ceu instrumentum ad omnia morigerum, quo pro desiderio cordis tui delectabiliter & absque impedimēto operari posses: sed heu multis corruptus ac vitiatas peccatis, præclarum instrumentum tuum prorsus destruxi, & nullis aptum vsibus reddidi, ita vt indignus sim, in quo aliquid opereris. Totus nāq; inutilis, totus corruptus & abominabilis factus sum in peccatis, nec quicquā meruisse me scio, nisi vt gratiam tuam omnem à me amoueas, & proijcias me à facie tua. Atqui ò clemētissime DEVS, dum tuam attendo benignam lōganimitatem, & benignitatem longanimum, qua tam patiēter omnem iniuriam, contemptum, probra tibi à me illata sustinuisti, satis hinc animaduerto nō esse voluntatis tuę, vt aliquē perire sinas, nec velle te

mor-

mortem impij, sed vt conuertatur & viuat. Atque hac fi-
 dutia fretus, me ad te conuerto. O dulcissime Domine
 IESV Christe, qui ex voluntate patris, cooperante Spi-
 ritu sancto, naturam nostram nimis corruptam repara-
 sti, atque ad pristinam reduxisti puritatem, ita vt mul-
 to maior per te nobis gratia parta sit & gloria, quàm
 per primos parentes nostros amiserimus: en me ipsum
 tam subditum tibi instrumentum, quo pro voto cordis
 tui opereris, offerre cupio, quàm vlla sese vnquam tibi
 creatura obtulerit. Verum piissime Deus, non est hoc
 in mea potestate: quandoquidem ex longa iam peccàdi
 còsuetudine te penit⁹ de honestaui. Attamè qualisqualis
 hic sum, me tibi offero. Si enim totum per temetipsum
 mundum reparasti, potens es vtique & me ad illam re-
 formare puritatem, in qua à te conditus sum. Potens
 es nanque ex lapide suscitare filium Abrahæ. Dignare
 itaque per diuinum mysterium tuum reformare & que
 reficere, quod meapte malitia destruxi. Potest tertio
 verbum hoc & iuxta literam intelligi, tanquam Pilatus
 turbæ Iudæorum dicens, Ecce homo, his quasi verbis
 eos alloqui voluerit: Ecce hominem: vel nunc conqui-
 escat sanguinaria sitis vestra, vel nunc sufficiat vobis,
 cessate modò persequi sanguinem innoxium. Præter fas
 nanq; & æquitatē, contra mentē & conscientiam meam
 hominem hunc innocentem tam dirè ipse castigauī, vt
 furibundam sedarem iracundiam vestram. Sit igitur fa-
 tis factum vobis, & præstate vos homini nihil malè me-
 rito benignos. Enimuerò homo est. Compatiamini car-
 ni, sanguini & cognato vestro: transeat sæua tyrānis in-
 clementiam, odium in charitatem: misereat vos immiti-
 um pccnarum eius, quibus cum correptum cernitis.
 Neq; enim bestia est, sed homo. Non vllus vnquā latro

vel scelestus quispiā ita ad nihilum redact⁹ est, suisq; pro
 facinoribus tam indignè tractatus, vt iustus iste qui to-
 tus innocens est. Si despexistis eum, quòd se regem dixe-
 rat, iam nunc recipite eum, quem miserrimum & abie-
 ctissimū omnium videtis. Cū ergo Iudæi sæuissimi au-
 dirent pariter & viderent IESVM tam deformem corā
 astatem, ferreum eorum pectus neutiquā emollitum
 est, quin potius ad maiorem excanduit liuorem & inui-
 dentiam, adeò vt feroci animo clamarent, Tolle tolle
 eum, nec videre eū possumus, Crucifige crucifige eum,
 nihil posthac excusatiōis recipimus, reus est mortis. Vi-
 dens Pilatus nihil se proficere, sed actū agere, nec quic-
 quā valere, quicqd vel diceret vel faceret p Chro libe-
 rando, sed Iudæorū insaniam ac furorē magis ac magis
 increfcere, manus suas corā impia plebe lauit, dicens:
 Innocens ego sum ab innoxio sanguine iusti huius. Vos
 videtis. At illi incompósito ac horribili sōnitu vocife-
 rabantur, Sanguis eius super nos & super filios nostros.
 O inaudita inuidencia, O odium execrandum. Subeat
 nunc quisque secreta cordis sui, ibiq; secum meditetur;
 quanto dolore pijssimum cor IESV verba hæc confixe-
 rit, quandoquidem perspicuè videbat, quā inuido ac
 maligno corde ea Iudæi depromerent. Quā potamus
 molestum fuit pijssimo Domino, cuius natura bonitas
 est, cum inspiceret fraudulētum ac pestiferum fundum
 plebis suæ, quanta seuitia, quanto odio flagraret, quā
 sitiret sanguinem suum, vt seipsos & omnes posteros su-
 os æternæ maledictioni & horribili ultioni diuinæ addi-
 cerent, tantū vt Christum neci darent. Quā lugu-
 bri tunc fortè dñs corde secum cogitabat: Popule me-
 tis, quid feci tibi, aut quid molestus fui tibi? Præ cunctis
 vos elegi gentibus & exaltaui. Paterna vos pietate ser-
 uauit

uauī & enutriui, & impleui bonis om̃ibus, & nunc occi-
dere me vultis & crucifigere? Hinc iam Pilatus mortis
sententiam tulit in Christum, tradens eum manibus Iu-
dæorum, vt eum crucifigerent & interficerent pro vo-
to suo. Ah cuius nō exhorreat & in lachrymas proruat
cor, dum attendit vitæ authorem morti esse adiudica-
tum? filium DEI, cui pater omne dedit iudicium, spontē
se ad ignominiosam dānari mortem passum esse? O quis
sibi temperet à lachrymis, reminiscens amabilem domi-
num, agnum innocentem, cruentis traditum esse mani-
bus Iudæorum, vt suam in eò explerent voluntatem?
Quid facturi sunt, iam iudicis obtēto consensu, qui tan-
ta attentare ausi sunt iniussu præsidis? Vt suam nunc in
Christum effusuri sunt iracundiam, quam tam diu suō
gēstā runt in pectore? Nimirum quicquid malitiæ con-
cipere poterunt, in ipsum exercebūt. Acerbissima, ignō-
miniosissima, maxime cruciabili ac contemptibili mor-
te, quam quidem excogitare quīuerint, ipsum afficientē
quandoquidem ipsorum voluntati traditus est. O iudi-
cium iniquum, o iniusta sententia, o crudelis damna-
rio, o Iudex peruerse, iam dudum nullam in eo causam
inuenisti, & nunc eum morti adiudicas? Iam iam iustum
eum affirmabas, & nunc ad crucis eum mortem conde-
mnas? Paulo antē fatebaris, quod & bene noueras, Iu-
dæos odio & inuidia stimulos eum tibi obtulisse, cul-
pamque omnem ab eo abesse, & modò impijs hostium
suorum manibus, & crudelissimæ illorum voluntatē
eum tradis?

IESVS cruce oneratur.

Caput

XXIX.

L 2

Posteaquā



Osteaquam verò Christus IESVS saluator noster ad mortem damnatus est, rursus eum ministri intrò rapuerunt, vesteq; purpurea nudatum su-
is denuò vestibus induerunt, vt tanto melius in habitu proprio agnosceretur: multaq; cū festinatione ad mortem eum abduxerunt, verentes ne Pilatus aliundè persuasus aut ductus pœnitentia, sententiam reuocaret. Itaq; arrepto graui sanctæ crucis ligno, sacris illius humeris imposuerunt, longitudine, vt annotatum est, pedum quindecim. Cur autem id fecerint, ista ratio est, quòd crux ea tempestate genus tormenti esset ignominiosissimum, quo rei afficerentur. Vnde & præ confusiõis & probri metu nemo illi propinquare volebat. Christo igitur illud ita imposuerunt in grandem illius confusionem, vt suum ferret dedecus, essetq; cunctis hominibus contemptui ludibrioque, illiusq; memoria penitus ex hominũ cordibus deleteretur, nec quisquam illius vltra auderet facere mentionẽ. At verò benignissimus Dñs libetĩ ac placido animo graue illud pondus in se recepit, gestãs illud ingẽti cum desiderio ad patris gloriam pro salute mortalium: nec crucẽ modò, verũ etiã totius mundi in se peccata recepit, adq; Caluariam asportauit, vbi ea cruci affixit, occidit, pprio diluit sanguine, & morte sua acerbissima expiauit. Hoc est quod Propheta ait: Omnes nos quasi oues errauim⁹, vnusq;sq; in viam suã, id est, post concupiscẽtias & oblectationes suas, declinauit: & posuit Dñs in eo iniquitatẽ omnium nostrũ. Simul autẽ & perfectiõis quandã nobis Dñs formã reipsã hic exhibuit, vt antè verbo nos instituerat, seipsum funditus abnegans & resignãs, crucemq; suam
con

constanti perseverantia ferēs. Quisquis eius vis esse discipulus, tu quoq; fac similiter, & sequere Dñm tuum. Attamē non satis fuit Iudæis, hac eum contumelia affecisse, quia ad maius dedecus & ignomiā, mediū inter duos latrones eū deduxerunt, multoq; ampliū quā ipsos contēpsere latronēs, dum suā eum cōpellerēt ferre crucē, quod de latronibus nusquam memorię proditum est. O IESV pijsime, quæ te vicit charitas? quāto perē sitijsti salutē meam? quanto cum desiderio viā illam difficilē & molestam mei causa ambulasti, ingētiaq; hæc probra & cōtumelias propter me perpeffus es? Nimirum quo me reuocares ad vitam, author ipse vitæ ad mortē ductus es: vt nos à prauitatis itinere reduceres, ipse Dominus Sabaoth, Dominus sanctus & iustus, ad Caluariam pertract⁹ es: vt nos terrena hæc doceres bona contēnere, omnibus te rebus spoliari permisisti, nudus ascendēs in crucē ad patrē: quō angelicis nos choris infereres ac copulares, cum iniquis reputatus es: & vt denique nos à cælesti exercitu tuo honoraremur, ipse coram toto mundo contēptui ac ludibrio habitus es. Em̄ uerò nō sceleratissimus quisquā turpiori vnquā morte occubuit. Quo em̄ tēpore Christus passus est, ce lebritas Paschalis agebatur apud Iudeos, quō confluxerat ingēs populi multitudo, omēsq; certatim Christum videre cupiebant. Itaq; hic Dñs dñorum, cuius est om̄is honor & gloria, spinis incedebat coronatus, duris constrictus funibus, graui crucis pōdere prægrauatus, in latronum medio, signis dānatiōis denotatus om̄ibus, quę improbi illi excogitare poterant. Quæso gemebundis contemplemur cordibus, quā cruciabilis fuerit ista processio. Ante Dominum vilis præcedebat plebecula, ridens & cachinnans, ipsumq; anteuertere cupiens, vt

videret cruci affixum. Hincinde carnifices & ministri
eum stipabant, innumeris eum afflictionibus vexantes,
vt simul plebem omnē ad illudēdum illi & contumelias
inferēdas allicerēt & excitarēt. A tergo sequebatur tur
ba seua armatorū, puta domini & principes sacerdotū,
qui haud secūs exultabāt, atq; leones capta præda, mul
tasq; in Christum execratiōes & blasphemias congere
bant. Sic sic rex gloriæ omnibus contēptui fuit: pusilli &
magni, nobiles & ignobiles simul eū probris & iniurijs
affecerunt. Quod & dñs antè per Prophetā prædixerat
his verbis: Aduersum me loquebātur qui sedebāt in por
ta, & in me psallebāt qui bibebāt vinū, irrisui me habē
tes. Omnes vidētes me, irriserunt me: locuti sunt labijs,
& mouerūt caput. Nunc ergo intimo cū dolore visum
pergamus, quos hic cruciatus dñs ptulerit. Tametsi to
tus, vt Esaias ait, vulneribus plenus erat, & à planta pe
dis vsq; ad verticē capitis nō erat in eo sanitas, attamen
à quibusdā annotatū est, grauiter eum læsum ac singu
lari affectū vulnere in humero suo. Huic em̃ ingens cru
cis trabs imminēbat ora præacuta, quæ grande ei infli
xit vulnus, ex cunctis vulneribus vnum efficiens: qui do
lor illius pijsimū cor penetrabat. Atq; vt quidam deuo
ti doctores sentiunt, fuit hæc ex Christi grauissimis pœ
nis vna, quam ille pertulerit. vt enim quotidiano disci
mus vsu, si cui nostrum vel tenue hæreat vulnus aut vl
cusculum, vix moderatè ferim⁹ quēquam nos propiūs
accedere: quid ergo censem⁹ Dominum IESVM Chri
stum, quo cruciatu esse affectum, cum graue lignum il
lud illius inpositum impressumq; cruentis humeris, ac
maximè diro huic vulnere, tam longo ferre itinere coge
retur? Et quia crux prolixior erat, totam in humeros
reçē

recipere non potuit. Vnde factum est, vt pars extrema lapidibus quibus via strata erat, adhærens, grandem excitaret & horridum strepitum, Dominum incredibili dolore afficientem. Quando verò ex omnibus illis grauissimis pœnis & molestijs, quas tota nocte illa & die perpeſsus erat, adeò debilis & lassus effectus erat, vt totus exhaustus, & viribus esset destitutus, tam miserandum in modum incuruus & ad terram depressus, sub ingenti illa crucis mole incedebat cum immensa cordis angustia, vt singula quæque vestigia cor illius morderet. Cæterum ardentissimus eius erga nos nostramq; salutem operandi amor, supra vires eum pati vrgebat. Et reuera supra modum grauis fuit ista afflictio tam intus quàm foris, quando non crucis modò pondus, sed & peccata totius mundi in se assumpserat, quemadmodum princeps Apostolorum ait: Peccata nostra ipse pertulit in corpore suo super lignum. Nec potuit CHRISTI passio non esse vehementissima, cum peccatis omnibus secundum iustitiæ rigorem præponderaret. Hic iam suo quisque in pectore secum reputet, quantum ipse suis peccatis CHRISTI crucem exaggerarit. Deinde cum immodicè canes illi sanguinarij CHRISTI mortem accelerarent, calcibus eum & pugnis protrudebant ac protrahebant, & sine vlla miseratione tam inhumanis eum afficiebāt verberibus, ac si bestia præ manibus habuissent. Nihilo minùs agnus innocentissimus benignissimè totū se cūctis illorum ictibus ac feritati, quā excogitare poterāt, supposuit. Quis iam vltra lachrymas cohibeat, Christū ita deformē ob interiores sibi pponēs oculos, illiusq; dolores cū cōpassione reuoluēs? Eū uerò corp⁹ illi⁹ prorsus expressū erat,

& adhuc cor pati gestiebat. Sub pondere membra succumbebāt, & amor feruidus labascentē erigebat, vt pœnam ad finē vsq; perferret. Grande crucis onus ad terram eum deprimebat, & ignitum desiderium impellebat vt pergeret. Vehemēs nāq; desiderium gratissimam DEI patris voluntatē exequēdi, nostramq; absoluēdi redemptionē, adeò in eo excreuerat, vt supra naturam & humanā imbecillitatē cum pati cogeret, & per pœnas impelleret, adeò vt vel ad extremū vsq; iudicij diem pro salute hominū sic onustus incedere nihil recusasset, si sic fuisset visum patri, & ad illius cessisset honorē. Itaq; hic CHRISTVS cunctis spiritalibus hominibus speculum & formam quandam vitæ spiritualis & perfectionis proposuit. Quotquot enim ad synceram & virtutibus conspicuam vitā aspirant, hi suā cum Christo spontē leuēt crucē, fideliterq; ac perseueranter eandē ferant necesse est: atq; si ita placuerit DEO, priuari ac nudari se sinant bonis temporalibus, & quibussibet adminiculis & solatijs amicorum, interna quoq; & spiritali consolatione & gratia sensibili. Ad hæc irrideri se patiantur, & probra, detractiones, iniurias & exprobrationes pro dilecto DEO suo hilariter perferant: vtq; cum CHRISTO gratum DEO sacrificium, dilectoq; suo similes fiant, multis se afflictionibus & molestijs hominum, tentationibus dæmonum, proprijsque culpis ac defectibus suis excruciaci ferāt oportet. Et quisquis verus esse amator volet, à suo nunquā recedet dilecto, neque in cruce, neque in morte, nec in afflictione qualicunque, quæ ei possit euenire: sed cruce sua strenuē in humeros sublata, sese subter eam humiliter supponet, dicens: Sequar te dilecte mi, quôcunque ieris: nec petet absolui à cruce, sed pati eam desiderabit, quoad Domino vi-

sua

sum fuerit: sed neq; terrenam vllam nec spiritalé quæret consolationem, quæ ei crucem aut mollire, aut minuere possit: quin potius ad dilecti gloriam, ad extremum vsq; spiritum eam ferre paratus erit, nec vllam aliam hinc mercedem appetet, nisi vt ad Dei cedat honorem, & illi soli placeat. Denique qui sic crucem suam gerunt, hos ego veros Christi amatores sectatoresq; dixerim, qui non quærunt quæ sua sunt, sed quæ IESV Christi. Quemadmodum D. Paulus fidelis Christi amator, post horribiles illas immanesq; cruces, quas in sua côm memorat epistola, perpeffas, adhuc anathema fieri optabat p fratibus suis Israelitis, id est, maledici atq; separari à Deo, vt Chřo plures lucrifaceret. Moyses item pro filiis Israel deleri optabat è libro vitæ. Nimirum hæc est perfecta charitas, quæ nusquam seipsam quærit, nusquam sibi parcat, neq; in tempore, neque in æternitate, vt Dei honor augeatur. Isti sunt veri amatores ac imitatores Christi, qui Christo, quatenus possibile est, aliquam pro morte, illius vicem reddunt, exponentes etiam periculis animas suas, sicut & Christus suam pro eis animam posuit: cupiuntq; perdere semetipsos, vt Christum lucrifaciât: nec spernunt quëquam, sed ipsi contemni gaudent: ceteros magnificiunt & sanctos credunt, se verò vilipendunt ducuntq; pro nihilo: cunctis pios & benignos, solis sibi rigidos & seueros se exhibent: ex aliorum malis virtutes eliciunt, suasq; virtutes pro vitijs habent, & alios denique omnes ad sua collatos peccata, iustos & virtute præditos ex animo arbitrantur. Quis hos humiles, Christi sectatores amatoresq; dicere dubitet? qui & seipsos funditus abnegarunt, Christumq; cum sua cruce sequuntur. Veruntamen nec istud quidem sufficit, vt Christo sponso tuo

perfectè placeas, leuasse te crucem tuam. Sed si ei similis aliquo modo fieri voles, ex eas & cum ipso oportet. Sic enim de domino apud Euangelistam legis, existē eum baiulantem sibi crucem suam. Et virginibus illis Euangelicis dicitur: Ecce sponsus venit, exite obuiam ei. Quò ergo exiemus? videlicet, extra ciuitatem, extra hominum frequentiam, extra tumultus ac turbationes oēs, atq; adeo extra nosipsos, extra omnem proprietatē, seu suauitatem, voluptatem, solatium, extra omnem illicitum erga creaturas amorem, & quicquid cordibus nostris aliquam potest labem aspergere, ac denique extra omnia, in quibus nosipsos querimus plusquàm nudum Dei honorem, dilectionem ac voluntatem. Porro sic egressi, iam crucem nostram fideliter leuabimus in humeros, Christi quē vestigijs inhærebimus, id est, afflictiones & crucēs quascunque, Deo permittente nobis occursantes, vndeunque illæ veniant, siue ab hominibus, siue à maligno spiritu, siue à culpis & defectibus proprijs, libenti animo excipiemus, tollemus quē in humeros, hoc est, exercebimus nos in eis: atque ita demum fructuosæ nobis erunt. Sed iam agē ad Christum reuertamur eò, vbi ipsum dimisimus, inter ipsas putamur manus cruentas crudelium Iudæorum. Itaque CHRISTO tam miserabiliter sub ingenti sanctæ crucis mole incedente, erant pij aliquot, maximè deuotæ quædam fœminæ, quas vehementissima afficiebat compassio ad Saluatorem, & flebant acerbè nimis: quibus dominus ait: Filiæ Hierusalem, nolite flere super me, sed super vosmetipsas flete & super filios vestros: tanquā diceret: Equidem lachrymis vestris non indigeo, qui contemptibilem hanc mortem sponte mea patior tum pro gloria patris, tum vestra omnium salute, nec non peccatis

atq;

atque sceleribus vestris. Non est ergo, cur me lugeatis: sed vestra potius natorumque vestrorum, qui has mihi pœnas ingerunt, errata plangite. Ipsa nanque scelera vestra, contemptusque quem patrem meum ex vobis accipere animaduerto, grauius me premunt, quàm crux ista quam fero. Et citò quidem dolor meus omnis abibit, vester autem æuo durabit sempiterno. Si enim filij vestri in ligno viridi hæc faciunt, in arido quid fiet? Si ego qui peccatum nullum vnquam admisi, sed vireo semper & virtutibus omnigenis scœcundus sum, ex hoc nihilo minùs seculo absque vexationis & afflictionis igne, passionisque acerbitate emigrare non possum, quem illi ignem, quas flammas, quæve inferni tormenta expectare debebunt, qui aridi atque in bonis actibus steriles, virtutibus vacui, malitia pleni sunt? Hinc nimirum & diuus Gregorius ait: Dum mecum ipse passionem & mortem domini nostri IESV Christi perpendo, Iob quoque afflictionem & martyrium sancti Ioannis Baptistæ considero, prorsus exhorret cor meum ad pœnas impijs & peccatorib⁹ præparatas. Enimuerò si Deus charissimos quosque amicos suos tam dirè castigauit, quid faciet hostibus suis? Si per exiguas eorum culpas, sine quibus vita ista vix agitur, adeò puniuit, qua in illos seueritate animaduersurus est, qui vt pecora irrationalia & absque prudentia, pro suæ viuunt carnis putridæ voluptate?

Maria mœstissima parens, suum sequitur mœstissimum filium.

Cap. XXX.

Dum



Vm igitur hæc agerentur, Maria tristissima Dei mater, auidè suū quærebat videre filium, vt vel consolatorium ex eo perciperet verbū, aut aliquod ei impenderet solatium, & vltimū ei vale diceret. Sed quia propè ad eum accedere non dabatur, ob turbam sceleratorum militum, qui cum cinxerant vndique & sequebātur, vt à plerisque affirmatur, alio perrexit itinere, vt turbam anteuenteret, atq; ita suo veniret dilecto obuiam. Quanuis enim ex acerbissimo ob filij passionem concepto dolore, prorsus exhausta & viribus esset destituta, fortis nihilo minùs amor, quo erga illum seruebat, & ingens eum videndi desiderium vires ei addidit, ita vt turbam omnem filium eius ducentium præueniret. Quis, obsecro, mente concipere possit, quibus fuerit doloris & angustiae confixa aculeis, cum vnicū solamē cordis sui, quem tā incompræhensibili cōplectebatur amore, ita miserabiliter derelictum & graui insuper crucis pondere onustum videret, aspiceret etiam gratissimum vultum eius, quem toties intima cum deuotione amplexa fuerat, tam turpiter deformem & miserè affectum? contueret & venerandum caput eius, quod sæpenumerò multa cum reuerentia & ardentissimo suo appresserat cordi, horribili corona spinea crudelissimè compūctum? atq; cerneret demum Deo ac domino suo tantam irrogari iniuriam & contemptū, ipsūq; intēr latrones damnatos annumerari? Quis dubitare possit, acerbissimè gladium doloris deuotissimum pijsimumq; cor illius transfuerberasse, cum videret dilectissimum filium suum, quem suo gestarat sub pectore, ita sanguine phlegmatibusq; fœdatum,

datum,

datum, crebris affectum vulneribus, deformem insuper, & ab omni despectum abiectumq; mundo? Nihil est ambiguum, quin si nō diuina fuisset bonitate seruata roborataq;, cor illius deuotissimum præ dolore disruptum fuisset: quandoquidem adeo illius animum doloris vis immensa oppleuerat, vt velut sub graui staret pressa saxo, nec posset saltem verbum edere. Neque tamen insolitam aliquam præ se tulit deformitatem, non vllā exhibuit forinsecus impatiētiae notā: vtpote quæ se funditus Deo resignārat, totamq; se absq; electione aliqua vel optione in gratissimā illius refuderat retule ratq; voluntatem. Et quia plena erat spiritu sancto, no uerat ex prophetis moriendum esse filio suo; eaq; de causa mortale eum sumpsisse corpus, sicq; visum esse patri cælesti: atq; ideo aliud desiderare non nōrat. Vnde quemadmodum Christus Iesus vltro se patri obtulit hostiam viuam pro salute mortalium, ita & virgo beatissima, dulcissima Maria ipsa quoq; filium suum obtulit pro humani generis salute: satisq; ei gratius fuit suo destitui solatio, quàm hominum impedire redemptionem. Atqui flagrantissimus illius erga filium amor, totum se intūs cohibere non poterat, sed vt intūs cor exussit, consumpsit, liquefecit, ita forās feruentes expulit lachrymas, viuudum illius colorem obfuscauit, atq; innumera eademq; altissima extorsit suspiria, ita vt exterior illius miseranda atque tristissima habitudo, interior spiritus eius angustiam declararet. Quia verò Dei intelligebat esse voluntatem, vt vnā cum filio suo pateretur, spontē sese ad hoc obtulit; etiam mori paratissima vnā cum iesu dulcissimo filio suo pro salute ac redemptione miserorum. Continet autem dolorem suum intra sui secreta pectoris, eò qd nullam externā hominū

minum consolationem desideraret, potius appetens
 illo in dolore persistere, donec ipse cum dominus eri-
 peret ac consolaretur. Ea nanque de causa IESVM
 secuta est, vt simul cum eo suam ferret crucem: idcirco
 accessit Caluariam, vt cum eo intus spiritaliter cruci-
 fingeretur: ideo iuxta crucem astitit, vt gladius doloris
 cor eius configeret, martyrumque omnium regina ef-
 ficeretur. Excellentissimum nanque Dei donum, quo
 suos solet munerari amicos, crux est & afflictio, atque
 illud ipsum & filio suo & beatae virgini & electis ami-
 cis suis omnibus contulit. Vnde quisquis cruci & af-
 flictionibus sese opponit, Dei voluntati & donis resi-
 stat, aberratque à Deo, terga illi obijciens. Commu-
 ni siquidem amore Deus cunctos homines prosequi-
 tur, optaretque omnes ad perfectionem prouehere:
 quod tamen absque labore & dolore cruceque multi-
 plici fieri non potest: haud secus quam preciosa & ad-
 fabrè elaborata aurea patera absque igne, malleis, alijsque
 acutis & accommodis instrumentis fieri non potuit:
 sed miseri homines semper fugiunt, nec ferre aut satisfacere
 student suauissimæ Christi operationi: ideoque
 semper inepti, miseri & fragiles perseuerant. Deinde
 quum CHRISTVS ita, vt diximus, cruce misera-
 biliter onustus incederet, iamque viribus defecisset, &
 esset omnino exhaustus, quum non posset vltius pro-
 gredi, præ nimio angore corruit pronus in terram:
 quo casu multam simul expertus est crudelium illorum
 inclementiam nebulonum, dirè eum cædentium, tra-
 hentium, impellentium, vt secum quisque facile perpen-
 dere ac meditari potest. Id enim omne fecerunt ei, quod
 intus diabolus suggererat. Videntes autem impij illi ac
 sanguinarij tyranni, quæcum nec verberando, nec tra-
 hendo,

hædo, nec propellendo, seu calcando vlteriùs pmouere possent, (iam enim nihil ei remanserat virium) hominem quendam ad oppidum tendentem, post Christum ferre crucem compulerunt. Id verò non ex aliqua erga Christum compassione fecere, sed vt tanto celerius eum neci darent: & ne fortè sub manibus eorum animam efflaret, priùs quàm omnem in eum málitiam sequitiamq; suam exercuissent. Et homo iste ethnicus erat; videlicet vt hoc ipso daretur intelligi, indignos esse Iudæos, qui Christi crutem baiularent: simulq; mysterium hoc præferebat, fidem scilicet & gloriam crucis, ad gentes transituram.

Oratio ad patrem cælestem. Ca. XXXI.



Ttende nunc, obsecro, clemētissimè pater, vnigenitū filiū tuū, quanta is ppeusus est ad gloriā tuā p redēptionē nrā. Vide vt dilect⁹ vnicus tuus, tibi in gloria æqualis, par in potētia, inter latrones despectus, & ad ignominiosā crucis mortē est condēnatus. Aspice persequerantē illius obedientiā ac patiētiam, vt omnes has pcenas, amaritudines, contemptum, probra, iniurias, & vniuersos demū horribiles cruciatus suos, ingēti cū desiderio ptulerit ad honorē tuū: supraq; vires suas humanas vera cū resignatiōe absq; vllō admīniculo seipsum totū exhauferit atq; cōsumpserit, vt tuā gratissimā perficeret voluntatem. Hic est dilect⁹ filius tuus, in quo tibi multum cōplacet. Hic est verus Iacob, qui persecutionem ab Esau, populo Iudaico patiēs, humiliter per Iordanem solus perrexit cum baiulo crucis suæ, vt multis cum diuitijs & grandi hominum frequentia

quentia ad te reuertetur. Hic est Ioseph verus, charissimus filius tuus, missus à te, vt requireret fratres suos, quos inuenit in Dothaim, id est, vitijs magnis atq; peccatis, quem demum bestia deuorauit pessima, id est, pestiferum inuidiæ virus. Hic est iesvs pastor bonus, qui animam suam posuit pro ouibus suis, & perditâ ouem tam anxie perquisiuit, quam deinde multo cum sudore inuentam, ex vitiorum sordibus extractam & eductam, amicabilem suis imposuit humeris, & ad ouile reduxit. O pater misericordissime, aduerte quæso, vt dulcissimus natus tuus peccata omnia totius mundi solus portauerit in cruce sua: & qui nunquam ipse peccauit, oëm spurciâ ac sordes nostras diluit purissimo sanguine suo, ardoreq; sui flagrantissimi cōsumpsit amoris. Quæ tu iudicem constitueras, omni illi tradita iudiciaria potestate, ex amore ceu sceleratus morti adiudicatus & mortuus est, vt reos oës redimeret, debita eorum precio innocentis sanguinis sui exoluens. O pater cælestis, quàm relucet diuina imago tua in sanctissimo filio tuo? quàm bene cognoscere est per diuinum verbum tuum, pijsimum atq; paternum cor tuum? Nunc planè agnoscimus, quisquis videt filium tuum, eum & te videre, & per misericordiam dilecti filij tui, reipsa intelligimus patrem te esse miserationum & Deum totius consolationis. Ecce pater dulcissime, hic est obediens filius tuus, qui vsq; adeò sitiuit honorem tuum, vt ob zelum & amorem domus tuæ, sanguinem cordis & medullas ossium absumpserit, ac velut testa exaruerit, quò omnes pariter homines secum ad te adduceret, qui te in omne æuum amarent, tibiq; laudes & gratias agerēt. Ah quid sum ego vilis terræ vermiculus, vt mei causa non parceres vnigenito filio tuo? Quātoporè me amasti domine,

mine,quem tanto precio redemisti?Et certè si quid melius cor tuum paternū excogitare potuisset,in meæ cessisset salutis precium & vsum. Quid rependam tibi pater sanctissime,pro omī hac paterna fide, benignitate, & amore intimo,quem mihi per vnigenitū filiū tuū exhibuisti? Nimirū si vel in tot particulas cor meū tui ob amorem singulis quibusq; momentis temporis diuidi aut in puluerem redigi posset,quot sunt graminis herbulæ in terra, aut guttæ aquæ in mari, aut puluisculi arenæ in montibus vallibusq; possentq; singulæ quæq; particulæ sine cessatione tanta cum gratitudine te laudare,tam obtemperanter obsequi ac famulari,tam simpliciter obedire,tam dignè venerari ac colere,tam nudè diligere,quàm vel in votis esse queat beatis omnibus:necnon quæque tantum particula tuò pro honore pati posset,quātum ad extremum vsq; iudiciij diem pati desideratum erit,nec sic tamen satisfacerem tibi vllō modo,nec dignam rependerem vicem amorī incompræhensibili,quem mihi per vnicū tuū impendisti. O benignissime pater, altitudo diuitiarum, profundum consolationum,abyssus clementiæ, fons & fluxus gratiæ,totius boni origo, sanctitatis abyssus, paradisus deliciarum,gaudium cæli,satietas beatorum,in cuius vultum angeli desiderāt prospicere:en laudo,benedico,gratias ago,glorifico,exalto,magnifico te,& cuncta interiora mea confitentī,honorāt ac benedicūt nomē sanctum tuum:quandoquidē magna nimis est super me bonitas,clemētia,gratia & misericordia tua. Et licet vas immūdum cūm sim,multis insectū atq; cōspurcatū vitijs,te laudare non sim idoneus neq; dignus,at tamen te laudare sum astrictus & summo iure debeo. Quī verò vnquam à tuis possim cessare laudibus,cūm

tu mihi benefacere nunquam definas? Itaque dignaberis à me vilissimo laudari peccatore, quum mihi negligentissimo seruo tuo non dedigneris indies tot charismata ac dona largiri, tantamque ac verè paternam præstare fidem ac pietatem. En rursus tibi amabilissime pater, eundem vnicum ac dilectissimum filium tuum offero in vnione amoris illius, quo tu eum mihi dedisti, naturam meam eum assumere volens, & crucis denique subire patibulum. Neque omni intellectu meo quicquam possum excogitare sublimius, dignius, & quod sit acceptius maiestati tuæ. Sed & offero eundem dulcissimum natum tuum tibi in vnione amoris illius, quo ipse se tibi obtulit in summum laudis sacrificium, quando in ara crucis alto clamore & calidis lachrymis animam suam commendabat in manus tuas, & summus ipse sacerdos in sancta sanctorum ingrediebatur, antiquum tabernaculi velum detegens, ac noua consecrans sacramenta, non sanguine pecorum, non naturali ab pontifice oleo, sed à te D E O patre suo oleo exultationis vnctus, & proprio sanguine suo cuncta diluens errata populi atque delicta. Ad hæc offero tibi omnes illius grauissimos labores, ieiunia, orationes, vigilias, prædicationes, & quicquid in nostræ salutis opere peregit. Denique offero tibi innocentem mortem illius, cum vniuersis acerbissimæ passionis eius meritis: & beatissimæ ac intemeratæ semper virginis Mariæ, simulque beatorum omnium, ad æternam gloriam tuam, pro cunctis peccatis, vitijs ac negligētjs meis, pro viuis item & defunctis omnibus, pro quibus tu Deus me⁹ rogari vis, & ego orare sum obligatus, quo nomen sanctū tuū laudetur, prædicetur ac honoretur ab eis in omnia secula seculorum. Amen.

Iesus



D hunc igitur modum, vt paulò antè dictum est, Iudæi immites Christum ad Caluariam perduxerunt, locum execrabile, damnatum ac contemptibilem, plenum sœtoribus extinctorum cadauerum & ossiû mortuorum. Simulq; hinc colligere licet, Christi mortem omniû longè despectissimâ fuisse idque quatuor ex rationibus. Primò quidem, quòd crucifixio illo euo turpissimum ac ignominiosissimû mortis genus erat, quod sceleratissimis quibusque potuisset adhiberi. Secundò, quòd inter duos latrones, ceu princeps latronum, medius crucifixus est Dominus, vt & illorum operibus condemnaretur, credereturque esse par scelere, qui cõsimili pœnæ subdebatur. Tertiò, qd in putidissimo Caluariæ loco, totus nudus occidebatur, quod non nisi insigniter flagitiosis inferri solebat. Quartò, quòd in præclara Paschæ solennitate occisus est, tanquam cuius vita tam scelestâ & execrabilis esset, vt omninò necesse esset, quàm primum eum tolli è medio, vtpote qui omnibus maximè esset inuisus & onerosus. Vbi verò ad hunc Caluariæ montem peruentum est, & pius Dominus præ nimia fatigatione & crucis graui pondere anxius admodum & imbecillis esset, potum ei præbuerunt, vt moris erat facere condemnatis: non quidem dulce vinum, sed corruptum & acidum, myrrha felleq; permixtum, quo nimirû homines liuidi ac scelerati, quàm essent in Christum amaro ac virulento corde, manifestè prodiderunt, quando

ne vnū quidē membrū in eo impunitū reliquerunt. Sed & Christus dñs in cunctis membris suis pati voluit, vt nos membris omnibus læsos, perfectē sanaret. Et quia Adam per voluptatem vetiti fructus peccāuit, dñs Iesus peccatum illius per fellæ potionis cruciatum expiare voluit. Heu quantos hodie inuenire est, qui penē pro nihilo ducant Deum per gulæ vitium offendere, & spernere legem ipsius, qua cauit, ne concupiscentijs nostris indulgeamus, sed potius refrenemus ac subijciamus spiritui sensuū appetitus, ne caro vnquā aduersus spiritum rebellet, sed humiliter ei subdita sit & obsequatur. O quātus est hodieq; illorum numerus, qui putridum cadauer suū non vnus esu pomi, sed multis ac diuersis eisdemq; delicatis admodū cibis farciant, & Deum offendant: quorum Deus venter est, qui ex templo spiritus sancti, tabernas dæmonū efficiunt: q̄ præclaræ essentiæ suæ formā obliti, diuinæ imaginē similitudinis, in irrationalis pecudis similitudinē cōmutârūt: qui deniq; non verentur animam & corpus perdere, vt sensuum suorum affectibus & oblectamentis faciant sat̄is. Hi planē Christo Iesu non semel tantūm acerbam præbēt potionem, sed quotidie omnium acerbissimum fel ei bibendum porrigunt. Nimirum obliti sunt isti, sobrietatē quoddam esse præparamētum ad virtutes oēs, castitatis ac puritatis thronum, animæ purgationem, sanitatis matrem, cæli viam, aduersus carnalium tentamenta desideriorum scutum, & disciplinam vitæ Christianæ. Vt enim serpens antiquus primos parentes nostros per gulā prostrauit, ita tela illius per sobrietatem facillē elidunt. Multum nāq; natura ipsa ad malitiam & sensuū oblectamenta p̄cliuis est, & seipsam multis modis quærit: vnde necesse est, hominem spiritualē pruden-

ter hac in parte & rationabiliter sese gerere, vt dicat cū S. Iob: Antequam comedam, suspiro. Et reuerà, vt Augustinus ait, ad cibum perinde, vt ad medicamentum accedendum est, taliq; cum moderamine ac discretionē cibus ipse capiēdus est, vt nobis auxilio sit ad seruiendū Deo: atq; ea cum gratitudine, vt ex singulis quibusque moribus laus resultet benignissimi creatoris. Amen.

Iesus suis iterum nudatur vestibus.

Cap. XXXIII.



Ehinc crudelissimè domino saluatori suas detraxere vestes, turpiter eum denudantes, haud secus quàm ex materno processerat vtero. Vtī nanque Adam legem perruperat, ita Christus nostra voluit debita & peccata abolere. Vicitur est Adam vestes quærēs, vicit Christus vestibus denudatus. Itaq; quāuis Dominus IESVS & in natiuitate & in omni deinceps vita sua totus pauper fuerit, attamen in cruce perfectum nobis veræ paupertatis speculum & formam voluit exhibere, dum se ita nudum passus est fieri, vt ne filum quidem haberet reliquum, quo honestissima ac verecunda sua tegeret membra, nihil quo sacrum caput suum reclinaret: sed vtī nudus venerat in mundum, significans se nihil cum mundo habere commercij, ita & nudus indè exiuit. Ita nanque ait: Venit princeps mundi huius, & in me non inuenit quicquam, intellige suum. Enimuerò ita in flagitioso hoc vixit seculo, vt nullus vnquam vel tenuissimæ cupiditatis puluisculus ei adhæserit. Deniq; ad maiorem sui

ignominiam & dedecus, ita nudus etiam in cruce suspensus est in conspectu acerrimorum hostium & illorum suorum. Neque enim ulli mortis rei nudi in crucem agi solebant, nisi qui essent insigniter facinorosi, quique in exemplum aliorum horribili erant morte afficiendi. Adam quoque ob amissam innocentiam tegere se & vestibus operire festinauit: Christus verò nudatus est, eo quòd integram & illaeram seruârat innocentiae puritatem, nec ullo ei tegmine alio opus erat. Attende nunc o anima mea interna cum compassione & intimo dolore dulcissimum redemptorem & amatorem tuum. Aspice ut rex gloriae, qui cuncta vestit ac tegit, cælum nubibus, arbores folijs, terram herbis & floribus &c. ipsemet ad cutem usque totus despoliatur vestibus. Vide dominum dominorum factum veræ paupertatis speculum: pudeatque posthac murmurare, conquiri, & animo deiici, quum aliquid tibi subtrahitur, aut in interna vel externa relinqueris paupertate. Disce hinc pauperem, nudum, derelictum IESVM ISEQUI, contemne quicquid mundus habet, quò nudum Saluatorem nudis brachijs amplecti, & illius vicissim amplexibus stringi, ac nudo in amore illi vniri merearis. Auertere, obsecro, ut cæli pulchritudo hinc deformatur, cæli altitudo humiliatur, clarum puritatis speculum detegitur, utpote nullius tegumenti indigum, quando nulla ei inerat macula, quam tegi oporteret. Sic enim ipse de se dominus ait: Quis ex vobis arguet me de peccato? At nihilo minus nemo vnquam capere sufficiet, quàm graui intus pudicissimum cor illius dolore mordebatur, quod ingentem illam confusionem & verecundiam ferre cogeret, maxime quod ita turpiter sub purissimæ matris aspectu in cruce pendere oportebat. Obsecro, ingenti hinc cum

cum compassione attendamus, quanta cum rabie & inclementia crudelissimi canes domino vestes abstraxerint, quarum fimbria fluxu sanguinis scēminam laborantem curarat. Quis non videat, quā inhumanus fuerit dolor & cruciatus, vestem vulneribus inhærentem & sanguine concretam, tanto cum furore & crudelitæ detrahēre, cunctis haud dubiè vulneribus recrudescētibz? Secum quisque suo in corde doloris huius magnitudinem expendat. Et vt quorundam est opinio, spineam coronam à capite auulsam, eo quòd vestis exuendæ impedimento erat, rursus incredibili cum tormento sancto eius capiti impresserunt, vt non sit dolor qui huic possit comparari. Agē nunc meditare ò anima mea, quanto in cruciatu fuerit gaudium cælorum: aspice vt totum corpus eius denuò vulneratum sit, cunctis illis sacris vulneribus renouatis, & purissimo fluentibus sanguine. Contuere, vt benedictum caput eius etiam angelicis potestatibus cum tremore conspiciedum, quodque venerandus Baptista Ioannes contingere horrebat, ab immitibus illis canibus afflictum & excruciatum fuerit: dum spinæ illæ denuò impositæ, noua inflixere vulnera, ita vt vulnus vulnēri iungeretur. Aduerte, quæso, vt sanguis ille regius cerebro permixtus, ex cunctis illis vulneribus per faciem, per capillos, per collum ad terram vsque vbertim promanarit: vtque corpus illud deforme, tam miserè confissum ac lacerum, quodque non nisi vulnus fluens erat, iam vento frigoriq̃e expositum sit ac obriguerit. Et tamen agnus mansuetissimus non patienter modò, sed etiam ingenti cum desiderio omnem hunc immanem atque horribilem pertulit cruciatum.

O quàm stabat illic tremulus præ frigore, & sanguinem manans. O quantum aucta & profundius inflata sunt vulnera eius, dum ex furibunda hac vestium auulsiōe, vulnera vulneribus inserta sunt, adeò vt piissimus & omni amore amplectendus IESVS Christus dominus noster, non nisi vulnus sanguinem manans effectus sit. Hic planè fons viuus est immensæ pietatis, vnde assatim nobis profluit, quicquid desiderare volumus. Enimuerò ex sacro eius corpore preciosi sanguinis eius, qui est precium salutis ac redemptionis nostræ, riuli scaturiebant: ex ore verba sacra nostrarum cibibus mentium promanabant: ex oculis vbertim fluebant amoris lachrymæ, testes bonitatis illius: ex corde profluebat amor ardentissimus, qui omnem hanc durissimam eum pœnam subire coegit: ex cunctis denique operibus eius abundè profluxit nobis institutio, disciplina & morum constructio, quò ex passione illius non tantum nostrorum solutionem debitorum, sed etiam vitæ nostræ perfectam absolutamque normam traheremus. Quis iam ita lapidei sit cordis, vt hisce tam immensis beneficijs non moueatur, immo trahatur ad amorem? Denique nò nudatus modò, sed totus omnino despoliatus est dominus IESVS, tanquàm nunquam denuò vestiendus, sed in paupere illa nuditate nudaque pauperie moriturus. Agite nunc fideles omnes, cunctis lugeamus artubus nostris, quandoquidè dominus noster hic coràm assistit, ex mēbris omnibus sanguinē manans. Nimirū agnus innocens tam turpiter denudari ac spoliari voluit, vt nostrā tegetet deformitatē, vestēq; innocētię, olim nequā serui cuiusdā fraude amissā, nobis restitueret. O quātas ptulit pius Iesus in corde suo cruces, vidēs odiū, liuorē, fraudem,

sitimq;

litimq; cruentam Iudeorū, quantoperè festinarèt aptare crucem, & vrgerè ministros, vt Christi necem accelerarent: vtpotè quibus magna intus crux erat, quò Dominum saluatorem tam diu suos versari ante oculos videre cogerentur. Agenunc anima mea, statue Dominum Saluatorem tuum ob oculos cordis tui, videreq; tibi videaris IESVM spòsum & delicias animi tui tam miserandum in modum sanguine rubricatum, vulneribus confectum, deformem, & corde anxium, coràm astare, vt te scedā sponsam suā sibi despondeat, mundet, sanet, exornet, omniq; debito absoluat. Et quānam ferre poteris, vt dilectum cordis tui tam miserè affectum aspicias? an ne integro desiderabis corde, vt te totam faciat in lachrymas resolui, quò corpus dilecti tui vndiq; faucium lachrymis tuis abluere, & omni possis deformitate mundare? O te felicem, si medulla omnis ossium tuorum, sanguisq; cordis tui, in vnguētum distillari posset, quo vulnera cuncta sponsi tui perungerentur: ipsumq; cor tuum igne amoris decoctum, in gratissimum posset transire cibum, quo os dilecti tui, felle & aceto exacerbatum, edulcaretur. Et licet hæc re ipsa præstare non queas, pleno tamen affectu præstabis: & satis est dilecto tuo, cor potiùs quàm opera pensanti. Itaque sic lotum & perunctum sponsum tuum, ingenti cum deuotione & reuerentia quietis captandæ gratia in suauissimum DEI patris sinum tanquam amcenissimū, quem ipsa excogitare queas, lectulum repones, capite illius reuerendissimo, spinarum aculeis tam dirè compuncto, atque in cruce sine adminiculo & quiete tam diu perseueranti, ad pijsimum DEI patris pectus ceu mollissimum, quod possis inuenire, puluinar ob requiem capiendā applicato. Sed reuertamur ad dulcissimū Dominū, tam miserè

hic stantem, & immanissimis attritū pœnis. Quæso, imaginem hanc maximè miserandā, tam altè nostris impræmamus pectoribus, vt nulla vnquā obliuione è nr̃a memoria deleat̃. Sētire etiā hic licet, q̃ quidā affirmāt christum iesum (qui spiritū suū nunquā ab orandi agendiq; studio relaxabat) dum ministri circa illius mortē præparandā occuparētur, flexis humiliter ac deuotè in terram nudis cruētisq; genibus suis, corde, oculis ac manibus in cælū ad Deū patrē erectis obtulisse eidē dignissimum sacrificiū passionis suę, ad conciliandū eum humano generi, his vel similibus verbis: O pater cælestis, eterne deus, cæli, terræq;, necnon creaturarū omniū conditor, te oro, te obsecro, qui semper me audis, suscipe nunc sacrificiū & oblationē vnici filij tui, id est, acerbissimam passionē, infontemq; mortē meam, quā modò ex amore pro cunctis mūdi sceleribus & culpis pati desidero. Neq; em̃ venio ī cōspectū tuū cū sanguine alieno, id est, pecorū, sed ipsum propriū sanguinē meū fundo in preciū & satisfactionē p̃ debitis deperditi hoīs. Aspice, quæso, sancte pater humiles preces meas, laborem & dolorem meum, & ipsam hanc durissimam passionem meam, propiciusq; suscipe immeritam mortē meam, quam pro cunctorum erratis mortaliū ex ingenti amore subire concupisco ab abolendam meritam mortem Adæ præuaricatoris. Vertatūr, obsecro, ira tua in clementiam, & aperi perdito homini portam cæli, quā illius ob culpam tot annorum millibus penitus occlusisti, desq; per paternam misericordiam tuam locum in regno tuo sempiterno, vt per eum impiorum ruinæ angelorum instaurentur, impleaturq; domus tua, & nomē sanctum tuum prædicetur ac benedicatur in omnia secula seculorum. Amen.

IESVS cruci affigitur.

Caput XXXIII.



Ost hęc inhumanissimi illi carnifices
IESVM crudelissimè versus crucē ra-
puerunt: quā visam agnus innocens
ingenti cum desiderio salutauit, di-
cēs in corde suo: O crux beatissima,
tāto iam ex tēpore te amplecti cōcu-

piui: trigintatribus annis tui me tenuit desiderū, vt ho-
minum in te salutē operarer. O lignum preciosissimum,
per quod modò iustitia fiet, & soluetur debitū prāuari-
catoris. O lignū scēcundissimū, inter cūctas arbores be-
nedictū, vtpotē quod solū dignum fuisti ferre vitæ fru-
ctum, quo virulenta serpentis antiqui infectio profliga-
bitur. O arbor electissima, præ cūctis electa plantis, vt
feras seclī preciū, inserui nūc creatori tuo: suscipe cum
amore in te, qui te de nihilo creauit. Deinde agni inno-
centissimi vulneratum corpus immitissimè in crucē ri-
gidam prostrauerunt, manumq; alterā crasso quodā cla-
uo crebris ictibus cruci cruciabiliter nimis affixerunt.
O quā impatibilis hic dolor erat suauissimo redēptō-
ri, cui⁹ tā tenera ac præclara erat cōplexio, quiq; totus
iam debilis & exhaust⁹ erat pœnis illis oībus, quas antē
ptulerat. Quā intimas cordis ei⁹ medullas ict⁹ isti & af-
frixio penetrabāt? Quā fuit corde anxius, q̄ doloribus
immēsis corrept⁹, cū grādīs ille & obtusus clau⁹ vi mul-
ta per venas, neruos & ossicula, q̄ in manib⁹ cōcurrūt,
ineffabili cū cruciatu adigeretur? Secū quisq; ppendat,
quāt⁹ hic dolor fuerit. Et q̄a obtusus admodū & crassus
erat clauus, cutē simul attraxit per vulnus, quod totum
impleuit & obstruxit, vt sanguis indē effluere nō posset.
Moxq;

Moxque alteram quoque manum ad foramen in cruce effossum itidē perforādā pertraxerunt. Sed quia procul aberat foramen, & Christi corpus frigore, sanguinis fusione, & pœnis antea perpeſſis non parū cōtractum erat, manum ipsam rigido fune extenderunt, alteram interim manum summa vi retinentes, atque ita sacra Christi brachia horribili cum dolore intenderunt, donec quō volebant, manum adduxissent: quam tunc similiter ingenti clauo confoderunt. Dehinc & sacros eius pedes crudelissimè prius extentos, simulq; iunctos immani clauo confixerunt. Attende nunc ò anima mea, sponsum tuum, DEVM & creatorem tuum, vt nunc amoris conscenderit lectulum, quā latè suas extenderit vlnas, vt te amplectat, quā deniq; amicabiliter te ad se iuitarit, vtēs quasi verbis illis Cāticī Cāticorū: Veni ad me soror mea, sponsa mea, columba mea: veni, inquam, in foramina petre, id est, melliflua vulnera mea. Veni, quia paratus iam & floridus est lectulus noster, ornatus rubicūdis vulneribus & precioso sanguine meo. Itaque veni prorsus ò anima mea, & intuerē quāta pro te pertulerit Deus tuus: vide, sed cum immensa compassione, vt sacra eius extenta sunt membra, distractaq; & dilacerata, & extra suas in lōgum & latum euulsa ac exturbata iūcturas, ita vt ne vnū quidē suo adhæreat loco, & cuncta faciliè possint dinumerari. Quispiā ne esse poterit, qui hoc dolore ineffabili non moueatur ad compassionem? O quā omnia illius sacra membra & nerui, instar arcus adducta & intenta erant, & alia ad se alia attrahebant. O quā se totum pro nobis obtulit, quando nec vnum saltem membrum habuit, quod non ingenti cruciātu pariter & labore tortum fuerit & occupatum in opere salutis nostræ. Adeo nanque inhu-

mani-

maniter extēsus erat, vt mēbrū aliud alij succurrere nō
 posset, cunctis pariter incōpræhensibili dolore pœnaq;
 correptis. Nos quidem si paruo quodam simus affecti
 vulnere, vix moderatē ferimus quempiam illud etiam le
 niter attrectare velle: & manuum pedumq; Christi vul
 neribus omne totius sacri corporis eius pondus immi
 nebat. O quā miserādum in modum membra neruiq;
 omnes contrahebantur: quā cuncta illius interiora
 perturbata, læsa atque contrita erant. Vicit hæc pœna
 captum omnem & intellectum humanum, cō q̃ intole
 rabilis esset, tantoq; duraret tempore. Ait hinc venera
 bilis Beda: Christus pendens in cruce, manibus pedi
 busq; confixus, lenta morte consumptus & attritus est,
 diuq; in pœna perdurauit, non quò eum delectaret vi
 uere, sed ne passio sua citò finiretur. Huius nos acerbis
 simæ passionis aliquantulū participes efficiamur: quan
 doquidem nostra sunt peccata, quæ eam DEI filio intu
 lere: aliquam pijsimo Domino pro sua passione reddā
 mus vicem, quatenus nostra fert facultas. Id autem fa
 ciemus, si huic nos crucifixioni conformauerimus, &
 vt Paulus ait, carnem crucifixerimus cum vitijs & con
 cupiscentijs damnabilibus, eis ad sanguinem vsque resi
 stendo, adeoq; per crucis afflictionē eam attriuerimus,
 vt nō sinamus vllum regnare peccatum in nostro mor
 tali corpore, visq; nostra concupiscibilis fortiter sem
 per diuino sit affixa timori. Similiter huic nos crucifi
 xioni conformabimus, si nosipsos latē ad ipsam crucē
 extenderimus, totō eam intra nos recipiēdo attrahē
 doq; affectu, ita vt cum apostolo Andrēa dicam⁹ ex sen
 tentia: O bona crux diu desiderata, & iam concupiscen
 ti animo præparata, securus & gaudens venio ad te, ita
 vt & tu exultans suscipias me, discipulum eius qui pe
 pendis

pendit in te: quia amator tuus semper fui, & desiderauit amplecti te. Hæc autem non de externæ tantum afflictionis cruce intelligenda sunt, sed de omni tum externa, tum interna molestia & afflictione, quæ DEO permittente nobis occurrerit, siue ea sit persecutio, vexatio, aut cōtemptus ab hominibus illatus, seu charorū amissio, aut iactura rerum tēporalium, aut inimici tentatio, aut internus animi angor ob defectū profectus nostri: quas quidē cruces omnes spontē ex DEI manibus accipiētes, in eas nos extēdemus, dicendo cum S. David: Improperium expectauit cor meum & miseriam: neq; solū cruces has imponi nobis patiemur, sed vltro etiā leuabimus, & mul ipsi nos crucifigentes, irrisui ac contemptui habentes, nihilipēdētes, nudātes deniq; flagellātesq;. Quod est, quod dum ab alijs contemnemur, ipsi nos ducemus pro nihilo ac vilipēdemus, ex animoq; fatebimur, cētuplo viliores nos esse, plusq; contēptus & nihilipēsionis meruisse, quā cūcti nobis homines inferre queāt, immo indignos nos esse, q̄ à eā præstātibus creaturis despiciamur. Sed & ipsi nos pariter flagellabimus, affligemus & crucifigemus, quod est, quod crucē nostram exagrabimus, altiusq; intrō recipiemus, exercēdo nos in ea, quēadmodū diuus Iob ait: Loquar in tribulatione spūs mei, confabulabor cum amaritudine animæ meæ. verbū gratia: Cum prorsus desolati fuerimus, atq; animo afflictio & anxij corde ob peccata exactæ vitæ, ob nimias negligentias nostras, vitiaq; multiplicia, & quod tam nihil progressi simus in virtutibus, tum nō statim ad confitendū properabimus, vt ab huiusmodi molestijs releuemur: (hoc est em̄ abijcere crucē, & ipsum est cōsiliū diaboli, dicētis, Descēde de cruce, & salua teipsum) sed fortiter cū Christo in cruce fixi herēbimus, etiā augen-

do crucem nostram, ita videlicet, vt ad hanc angustiam nobiscū ipsi reputemus, quāta Dñm maiestatis iniuriā & contēptu maximis nris iniquitatibus affecerimus, q̄q; nos viles vermiculi tāto Dño sapius resistere ausi fuerim⁹ & illius p̄tergredi voluntatē, nec tā amabile ac fidū timuerim⁹ offendere patrē, tā paterno nos amore cōplectentē, totq; in nos cōgerētē bñficia. Insup & immēsam cogitabimus DEI bonitatē, q̄ tā potēs Dñs, q̄ mox suas poterat iniurias vlcisci, oēm hāc despicientiā & proteruam malitiā nostrā, tam benignē lōganimitēq; tolerārit. Et ipsa quidē elemēta sui iniuriā cōditoris ferre non poterāt, sed instar seruorū Dauidis, à Semei maledictis & cōnuicijs laceffiti, ad expetendā de sui regis iniurijs vltionem sese erexerunt: & pius Dñs cessare ea iussit, dicens: Sinite omnem hunc mihi contēptum irrogent: libens eum excipiā, forsitan cōuertētur & resipiscant. Non em̄ volo mortē peccatorū, sed vt cōuertant & viuant. Ita nimirū Dñs IESVS Christus in immanissimis illis p̄cenis in cruce pendēs, in afflictioē suā cōstantissimē perseuerauit: nec de cruce descēdere voluit ob maledicta & blasphemias Iudæorū, aut immēsitatē doloris sui: sed seipsum grauius afflixit ad omnes cruciatus suos, in animū suū reuocans & adducens vniuersam hominū ingratitudinem, omnem patris iniuriā & contēptum, & vindictā oēm in impios exercendā, quodq; passionē suā in multis tā nullus cōsequeretur effectus. Præterea cōformabimus nos dilecto nro crucifixo, vt sicuti ille à terra leuatus est in cruce, ita nos cum S. Iob dicamus: Suspendium elegit anima mea, & mortē ossa mea. cunctaque membra nostra, manus, oculos, corda, viresq; omnes erigamus ac intēdamus ad Deū, illi laudes, amorem, gratiarū actionē, honorē & reuerentiā exhibituri, quod

quò cuncta interiora nostra DEO benedicant, & omnia ossa nostra dicant: Domine, quis similis tibi? Vbi verò sic cunctis viribus nostris, totaq; virtute nostra à terra in cælum suspensi fuerimus, sitibundo affectu cælestem expectantes rorem ac dulcem Sanctispiritus influxum, dicendo cum Dauid: Sicut adipe & pinguedine repleatur anima mea, & labijs exultationis laudabit os meum, tum quidem longè aliam nos Dominus cantionem depromere docebit, quemadmodum filios Israel docuit olim in Babylone. Iubilus nāque noster vertetur in gemitum, & gaudiū in luctū, & pro canticis Sion voce lugubri cantabimus: Deus deus me⁹, quare me dereliquisti? clamabo per diem, & nō exaudies. Atq; hoc est beatum illud suspendium, quod Iob elegit, & mors quam appetijt, ita vt neq; cælum neq; terram cōtingere possimus, sed inter vtrunque maneamus suspensi. Terra nanque eiusmodi homini crux est, eamq; despexit: & cælū clausum est, ac nubes pluuias dare prohibentur. Sic idē ipse miser & desolatus Iob pendebat, cum diceret: Si ad orientem iero, non apparet: si ad occidentem, non intelligam eum. Si ad sinistram, quid agam? non apprehendam eum. Si me vertam ad dextrā, non videbo illum. Ipse verò scit viam meam, & probabit me quasi aurū, quod per ignem transit. O verè beatam hanc crucem, & sacrum suspendiū. Cumq; hac miserāda in siti, in clamādo & in cælum gemendo perseuerauerimus, sitim nostram felle & aceto leuabit, id est, pro deuotionis dulcedine, acerbās & immundas patiemur cogitationes: tumq; rursus cum Iob dicemus: Quæ prius tāgere nolebat anima mea, nunc præ angustia cibi mei sunt. Itemq;: Si dixerō, Cōsolabitur me lectulus meus, & releuabor loquēs mecum in stratu meo: terrebis me per somnia, & per visiones

siones horrore cōcuties, id est, si reuerti velimus ad exercitia nostra in lectulum abstracti quietiq; cordis nostri, vbi Deum nostrum cum anima amante per noctes quærere solebamus, & complura accipere secreta oscula, ibi nos horribilibus terrebis formis ac imaginibus, & phantasmatibus infernis tartareisq;. Cæterum tā extremè desolati, qñ nec tantillum habemus vbi caput reclinemus, vbinam nos cōtinebimus? Quanam in re consolationem accipere poterimus, præterquam vt diuus Iob ait, in cruce nostra, dicendo: Hæc mihi consolatio, vt affligens me dolore, non parcat: & qui cepit, ipse me conterat? Ita planè nosmet periclitabimur, animasque nostras illius exponemus amor, qui nostri causa suam posuit, in ipsaq; hac desolatiōe totos nos DEO resignabimus, dicendo: Domine, in manus tuas tuamq; voluntatem commendo animam meam nunc & in perpetuum. Sed redeamus nūc ad dilecti lectulum, id est, ad crucem sanctam, in qua amor noster tam miserabiliter erectus atq; distentus fuit. O quantis in angoribus posita erat dulcissima DEI mater & virgo Maria, quā singuli quiq; ictus malleorum, quos, dum filius cruci figeretur, audiuit, cor illius piissimū pulsarunt? Quā totam in se portauit crucis imaginem, eidem ipsa vicissim omnino impressa, & in eam quasi trāsformata? Nec dubiū est, quin per ingentem compassionem vnā cum filio cruci affixa fuerit, sitque passa intrinsecus, quicquid Christus foris perpeßus est. Stemus & nos paulisper cum matre piissima iuxta crucem. Bonum est nos hic parumper subsistere: quandoquidem flumina hic scatent gratiæ atque charismatum. Et nos quoque vnā cum afflicta matre MARIA (si tamen gratiæ filij sumus) in intimis animarum nostrarū, dolore & passiōe vulneremur erga inhu-

manam CHRISTI passionem: cum sit ipse frater, caro, & sanguis noster, & nostra utique sint peccata, ob quæ sic affligitur. Ascendamus & nos ardenti cum amore & deuotione in lectulum dilecti nostri, quando multo cum desiderio ille nos expectat, satisque latè nos amplexandigratia sua brachia extendit: nos osculaturus, caput inclinauit: nos quoque cunctas vires & membra nostra ad ipsum erigamus, ut cum amore amicabiliter eum amplexemur, & cum deuotione ac reuerentia nostris apprimamus cordibus, dicendo cum sponsa in Canticis Canticorum: Fasciculus myrrhæ dilectus meus mihi, inter vbera mea comorabit. Sit cor nrm gratū illi puluinar, quo sacrum suum caput, quod tam diu maximis in pœnis absque vllō sustentaculo pependit, acclinet. Quæso, non prætereamus beatum hunc sanctæ crucis lectulum, quia lectulus noster est: sed quæramus cum sponsa amoris facibus accensa, in lectulo nostro, quem diligit anima nostra. Quicquid enim in eo infirmū conspicitur, nostri causa & à nobis suscepit, eiusque infirmitas, nostra salus est & medicina. Sed nunc toto intellectu nostro præcelsum venerandi lectuli huius mysterium perscrutemur. Tanta namq; & tam immensa est gloria crucis, ut nihil in ea mysterio vacet. Primò quidem ex duobus lignis compacta est, quæ significant duo testamenta. Quicquid nanque vetus instrumentum scriptis & figuris futurum prænūciabat, id omne nouum iam reuerà impletum nunciat. Hæc porro bina ligna, firma CHRISTI fide ceu forti quodam clauo compinguntur, Christi quæ imaginis signo obsignatur. Et ipsa crux sancta, instar veri lectuli, quatuor habet angulos, ad quos sacratissima filij DEI membra extenta fuisse: quò per id nobis liquidò daretur intelligi, illum vniuersum

uerfum mortalium genus, id est, cunctos homines comuni quadam dilectione complecti, atque ex quatuor mundi angulis cunctos ad se in lectulum suum instar feruentissimi amatoris pertrahere desiderare. Pro omnibus enim mortuus est, & indiscriminatim omnes optat homines saluos facere. Quod ipsum & forma crucis illius præ se fert insinuatque. Eius nanque pars superior, angelorum eum ruinam instaurare voluisse significat: Pars inferior, patres eum ex limbo redimere: Pars dextri lateris, suos eum protegere amicos ac benedicere: Pars sinistra, trahere eum atque conuertere inimicos suos, cunctosque peccatores voluisse, designat. In extremitate superiori, celi reueratio: in inferiori, destructio inferni: in dextra, gratiæ diffusio: in sinistra, peccatorum remissio significatur. Iam verò iuxta Apostoli institutionem, etiam in nobis sentiamus, quod est in Christo IESV, id est, huic cruci iam dictæ spiritualiter nos conformemus, quò Christo in animabus nostris delectabilem præparemus lectulū, quatuor angulis instructum, quorū vnus sursum, alius deorsum, tertius intrò, quartus respiciat foras. Hi nimirum quatuor sunt vitæ semitæ, nō modò ad paradysum nos pducentes, sed tā amœno quoque nos exornantes decore, vt ipsimet DEO voluptatis paradysus efficiamur, ac instar terrestris illius paradysi, quatuor è nobis exeant flumina periucunda, in vitam vsque salientia æternam. Supremus quidem huius lectuli angulus, seu extremitas suprema, est, vt corda cunctaque nostra desideria omni cum facultate nostra expandere atque extendere debeamus ad DEVM in amore, in gratitudine, in laude, in reuerentia, in humili resignatione & obedientia seu subiectione, ita vt momentis omnibus tantum DEO laudis & ho-

noris optemus impendere, quantum creaturæ omnes in omnia seculorum secula exhibere se posse desiderabūt. Sed neq; sic sitibundo nostro desiderio satisfactum esse debebit, quin & DEVM humiliter precabimur, vt ipsemet perficere dignetur laudē suam, quā nulla perficere, nulla capere creatura potest. Infima extremitas est, vt nos ipsos tam profundē cū ingēti deijciamus, humiliemus, demergamus, ac nihili pendamus humilitate, vt non vilissimos modō ac indignissimos totius orbis nos censeamus peccatores, sed tales quoq; ab omnibus haberi, atq; eam esse de nobis omniū opinionē desideremus. Eūuerrō adeo se quisq; deijcere in ima, adeo se vilipēdere atq; abijcere deberet, vt DEVS cum vniuersis donis & charismatibus suis eū nō posset extollere: quātoq; largiorib⁹ ac copiosiorib⁹ DEI donis perfunderetur & charismatibus, tanto & se ampli⁹ nihili facere & humiliare, Deiq; bonitatem eo magis prædicare deberet & efferre laudibus, hoc ipsum impediō secum admirans, q̄ DEVS sublimis & gloriosus, tam inutilis, indigi, extremi vermiculi, vel semel meminisse, & vel aliquid saltē per eum operari dignaretur. Extrorsum versus tendēs extremitas, est, vt tā latē ad creaturas oēs simus extēti, vt complectamur omnia, veraq; cum dilectiōe cunctos in cælis, in terris, in purgatorij locis degētes, amplexemur. Et primō quidem in cælis positos beatos spiritus amabili cum fauore circumplectamur, illorum congratulando glorię, ac perinde gratias ob eam DEO referendo, ac si nosipsi ea fruēremur. Deinde animas in purgatorio detentas ita complectamur per compassionem, vt tantum illorum pœnis compatiamur & cruciatibus, ac si nosipsi ea tollerāremus, eisq; pro viribus feramus opem. Tertiō ad omnes adhuc superstites homines extenti erimus, vera

eos amplectendo charitate, nullo penitus excluso, & opitulando subueniendoq; singulis pro virili: idq; tanto cordis affectu, vt doleamus esse aliquem, qui nostra non sit ope subleuatus: tam ingenti quoque cū amore cuncta nostra peragendo opera, vt tam prodesse optemus omnibus, quā nobis ipsis: atque sic demū nos vertamus ad externa, vt semper maneamus intus, aut ad minus citra impedimentum nos rursus queamus intrò recipere, sitq; exitus noster verus ingressus. Quartò nanque (quæ est ea extremitas, quæ intrò spectat) cunctas vires nostras tam altè ad secretæ & vnicæ quieti cordis nostri solitudinis siue deserti recessus interiores vnà cum Mose minari debemus, donec omnem multiplicitatem & inquietudinem euasimus perdiderimusque, simulque cum eodem Mose ad admirandum DEI pertingamus vultum, vbi tum in silentio Dominum præstolabimur. Ibi iam internam DEI vocem, in deserto clamantem, audiemus: Parate viam Domini, rectas facite semitas eius. De hoc deserto Dominus in Osee loquitur: Ducam eam, inquit, animam videlicet amantem, in solitudinem, & ibi loquar ad cor eius. Hi sunt quatuor anguli seu cornua quatuor sanctæ crucis & lectuli amoris. Et reuerà quisquis suum ita instruxit

ac præparauit lectulum, CHRISTVM amatorem suum cum anima amante fidenter inuitare poterit ac dicere: Veni dilecte mi: lectulus enim noster floridus.

Oratio ad IESVM crucifixum.

Caput XXXV.

N 3 O IESV



IESV paradifus deliciarum, clavis
David, qui claudis, & nemo aperit:
aperis, & nemo claudit: expāde bra-
chia diuinæ clemētiae & grātiæ tuæ,
& me miseram suscipe creaturā tu-
am, ad te anxie confugientem. Ge-
mens & tremēs ceu ouis, compluri

bus eisdēq; sæuissimis vndiq; cinctus lupis, ad te venio
pastorem bonum, qui animam tuā posuisti pro ouibus
tuis. Aperi mihi sacra vulnera tua, vt in eis deliteā, pro-
tegarq; à telis igneis inimici. Amplectere me, vt pia so-
let mater ægrum filium suum, in visceribus ac membris
misericordiæ tuæ, quæ ex amore purissimo mei causa in
cruce tam dirè extendi & clavis affigi voluisti, adeò vt
cuncta extra suas euellerētur iuncturas, atq; ita suis ef-
fent exturbata sedibus ac locis, vt omnia facilè nume-
rarētur: sicq; ad vitæ arborem manibus pedibusq; hor-
ribili cum dolore affixus es, vt chirographū antiqui de-
biti (quod protoparentes nōstri confecerant, extēden-
do manus suas ad fructum vetitum arboris scientiæ bo-
ni & mali) tuo innocente aboleres sanguine, pecca-
tumq; cruci figeres & obliterares. Occide etiam in me
pñia carnis desideria, & quicquid est in me propriæ vo-
luntatis, superbiæ ac vitiosæ propensionis. Extingue in
me vitia cuncta, & quicquid displicet oculis sanctitatis
tuæ: rursusq; excita in me bonum atque constan-
tem spiritum, voluntatemq; cunctas exercendi vir-
tutes. Erige vires meas omnes per amorem, vt te Deum
creatorem ac saluatorē meum toto corde diligam, lau-
dem, grātiā agam & honorem, nec vllum cellet mem-
brum meum benedicere & magnificare nomē sanctum
zuū. Reforma ac repara me instrumentū tuū, quod ipse
destru

destruxi, adeoq; tibi redde subditum, accōmodum, mo-
 rigeruinq; vt tam liberè, delectabiliter & expedite absq;
 vllō impedimēto eo operari queas ad æternā gloriā tu-
 am, quā in mortali vnquā creatura esse nō potest. Ego
 em̃ corruptiōis venā ex radice peccati prope nitens nō
 strorū traxerim⁹, ad oēm malitiā pelices sum⁹. Nō po-
 test virus hoc serpētīnū & vitiosa ppriū hui⁹ p̃p̃tate
 crucis tuæ diuinū curari mysteriū. Quid tibi o æternā
 piētia, natura hūana in prima sua adhæsit vitate posi-
 ta, secūq; manēs, stabilis pseuerare nō potuit, sed lapsa
 est, quāto min⁹ ego iam corruptus & vitiat⁹, me meis
 non potero viribus supra me attollere? Nec potero qui
 dem absq; ingenti misericordia tua ad primam repara-
 ri innocētiam meam, sed ero tanquā abortiuum, à ma-
 tre sua, perenni cū dolore proiectū, in quo labor om̃is
 & dolor partus absq; fructū sustinetur. O IESV bone, si
 tantū me dilexisti iam perditū, vt tuo precioso me san-
 guine redimeres, mortemq; turpissimā mei causa sub-
 ires: quāto magis iam me neutiquam perire fines, & in-
 anem in me esse omnem laborem atque dolorem tuum?
 O clementissime DEVS, en totus omni facultate mea ti-
 bi seruire & obsequi desidero. Sed qui hanc volunta-
 tem bonam & desiderium cōtulisti, etiam pij operis da-
 re debebis effectum. A te nanque est omne bonum no-
 strum, & non tantū velle tribuis & operari, sed cor-
 dis etiam præparationem & desiderium bonam habē-
 di voluntatem. Quid em̃ à meipso habeo? quid verò ex
 originalis peccati traduce, nisi corruptionem omnem
 & ad mala quæque pronitatem, trahere potui? Vnde si
 quid aliud in me est, tuum hoc opus est Domine, idque
 ex te totius boni fonte promanat, qui iustus & sanctus
 es in cunctis operibus tuis.

200 EXERCITIORVM DE VITA
IESVS cum cruce subleuatur.
Caput XXXVI.



Taque vbi iam cruci Dominum affixerant, mox cum immitissimi carnifices magno cū furore cum cruce subleuārent, ipsamq; crucē sanctam ferocissimē in petrā excisam impegerūt, & decidere permiserūt, ita vt hoc casu cūcta Christi membra atque interiora, inhumano quodā dolore concuterētur colliderēturq;, vtpotē quæ antea plus satis intēsa fuerāt. Hic iam manuū pedūq; sacra vulnera instar fontium eruperūt, largiterq; manare cœperūt. Nimirū hæc quatuor sunt paradisi flumina, quæ ex loco voluptatis egrediētia, irrigāt oēm terrā. O sitiētes oīes venite ad aquas, haurite nūc cum gaudio de fontibus saluatoris. Sugite modò mel de petrā, oleūq; & vinū de saxo durissimo. Emitte absq; argēto & absq; vllā cōmutatiōe vinū & lac. Emuerò hic est lapis angularis, firm⁹ & incōmutabilis, à Iudæis quidē reprobat⁹, sed elect⁹ à gētibus, quē Iacob, pater cælestis, crexit in signū græ & clemētiæ, in titulū pacis, perfusum misericordiæ oleo. Venite quotquot deū amatis, ascēdamus in montē dñi: qñquidē fecundus admodū est & pinguis & delicijs abundās. Fluuius nanque voluptatis è medio paradisi, id est, sauciato Christi latere egrediēs, totū cum perfudit. Hæc reuerà est terrā promissionis, lacte & melle manans. Hic iam botrus in veste suspensus ostenditur. Hic planè est petra bis virga percussa, quæ non modò aquas viuas, sed etiam olei riuos emanauit: adeò vt quotquot ad hunc montem accedunt, sanctificentur, dicantque cum ani-

ma amante: Oleum effusum nomen tuum. Hic etiam est vas oleo gratiæ plenum, à patre in terras missum, vt curaretur indè homo æger, qui ab Hierusalem descédens in Iericho, inciderat in latrones, ab eis mortiferis affectus plagis: in quo etiam precium salutis nostræ continebatur. Quod quidem vas non solum pluribus in locis perforatum est, sed fundum quoque illius excussum, ita vt cuilibet haurire liceat quatum libet. Et hoc Christus de seipso testatur, dicens: Sicut aqua effusus sum. Quauis autem exiguum sit vas, plenum tamen est, vt pote benedictum à Deo, ita vt nunquam liquor olei huius deficiat, quam diu vasa supererunt vacua, quibus excipiat. Ea verò de causa Christus erectus est, vt inimicus cum omni virtute sua prosterneretur. Sublatus est & exaltatus à terra, vt nos traheret post se ab omni terrena cupiditate. In sublime leuatus est, vt nos oues errantes procul intuens, oculis gratiæ & misericordiæ suæ annuendo ad se reduceret. Est præterea subleuatus in aera, vt eum à dæmonibus expurgaret, quemadmodum terram mundauerat effusione preciosi sanguinis sui, simulq; iter ad cælum tutum nobis efficeret. Est etiam altera extremitate sursum erectus, remanente altera in terra, atq; ita suspensus inter vtrumq; vt terram cælo, id est, homines angelis sociaret, inter vtrosq; pace confirmata, nobisq; re ipsa ostenderet æternum se inter patrem atq; hominem fore conciliatorem pacificatoremq;. Vnde ceu murum solidum sese opposuit pro domo Israel aduersus iram Dei, excipiens ipse in se tela omnia furoris atq; ultionis diuinæ, ita vt mortiferis sit confectus vulneribus. Nunc igitur fideles omnes vestrum contemplantini Saluatorem, regem ac ducem pro vobis dimicantem, atq; à vestris vos eripientem hostibus, & in

pristinā asserentem libertatem. Jam victorię signū, crucis tropheum erectum est, sub quo nobis militandum est, quodq; nos ab omnibus tuebitur obstaculis & impedimētis. Itaq; gaudeamus, exultemus, gloriemur in cruce sancta domini nostri IESV Christi. Hic est baculus, quo fortis ille aduersarius percussus est. Hanc crucem ita elegit CHRISTVS, vt omni armorum genere contempto, hac sola suum voluerit elidere hostem. Hanc vsq; adeo amauit, vt illius perquirendæ causa descenderit in terras: quandoquidem cæli huiusmodi ligni genus non proferunt: nihilq; veritus sit migrare è gloria & gaudijs suis, extra regnum suum exul fieri, atq; omnem denique ignominiam, pœnam, molestiamq; subire, quò hanc posset amplecti, quemadmodum Paulus ait: Aspiciamus in authorem fidei & consummatorem IESVM, qui proposito sibi gaudio sustinuit crucem, cōfusione contempta, immo & afflictione omni, quæ indè illi accidere potuisset. Quòd autem non intra oppidum vel domū, sed foris in cāpo crucifix⁹ est dñs, id nobis significat, non soli domui Israeliticæ redimendæ eū venisse, neq; pro Iudaico tantum populo mortuum esse, sed pro mundo vniuerso. Sic & in Canticis, vbi ait: Ego flos campi & liliū conualliū, nō horti se lilium humano studio satum & adultum vocat: quandoquidem ex terra inculta, id est, intacto virginis matris utero processit. Est etiam agnus sine macula, & candens lilium, quod nobis lachrymarum protulit vallis, cum noua benedictione primū fructum suum Deo offerens, quæ prius maledicta non nisi spinas & tribulos proferebat. Hinc verò animaduertere licet, dominum benignitatem suam dedisse nobis: cum terra nostra ediderit fructum suum, & veritas orta sit ex eadem terra nostra. Hic planè

est elegans liliū conuallis nostræ, albedine micans, totum orbem suo splendore illustrans, virtutisquæ suæ odore adimplens, ex quo aurei procedunt ramuli, id est, diuinitas ipsa, sub candidis purissimæ humanitatis eius folijs delitescens. Exultet nunc terra nostra tam specioso ornata fructu: cesset à gemitibus vallis nostra lachrymosa: neque enim vltra dicetur vallis derelictionis, sterilitatis, maledictionis, sed fertilitatis, & solum pingue, atque ager plenus, cui benedixit dominus. Quæ enim prius infecta erat, serpentinum gustando virus, nunc preciosi sanguinis CHRISTI balsamo repurgata est, atque rore cælesti per sancti spiritus infusionem fecundata, ita vt iam non vnum duntaxat, sed numerosa ediderit lilia, inter quæ anima amans dilectum suum obambulare & pasci dicit. Quot nanque in terris sunt homines mundi cordis & DEVM amantis, tot nostra vallis lilia produxit. Atque in his delectabiliter sponsus pascitur: hic iucundè satis obambulat: hic summo cum desiderio obuersatur: hic esse, deliciæ eius sunt: atque hic demum est cibus eius quo libens vescitur, vt scilicet paterna voluntas impleatur. At verò quæ omnium horum liliorum comparatio est ad liliū illud singulare, ex cuius semine cætera pullulârunt, suamque formam, decorem, odoremque mutuata sunt? Cuius nimirum, odore serpentes & corruptio omnis fugatur. Itaque instar apīs sedulæ huc studiosè aduolemus, de vulnere ad vulnus transeuntes, nec aliundè nobis pabula carparamus, cum hæc melle scateant. Quid enim aliud sunt sacra illa mellitaque CHRISTI verba, quæ in cruce deprompsit, quàm flores mellisui ex caule lilij, id est, sancta cruce nascentes? Quæ quidem si nos studiosè

teramus,

teramus, mel indè fugere poterimus. Sic etiam Dominus IESVS diuinum illud lumen est, quod pater cælestis in terram misit, quod diu quidem sub humilis humanitatis eius modio latuit, sed nunc demum in crucis candelabrum sublatum est, vt quotquot sub ecclesiæ domo sunt, hinc illuminentur. Sciderunt hunc modium Iudæi compluribus in locis, & cœpit hoc lumē per rimas eius effundi, ita vt domus quædam tenebrosa illi proxima, ex radijs illius omninò illustrata, in hanc proruperit vocem: Domine, memeto mei cum veneris in regnum tuum. Quòd si tanta luminis huius vis fuit & efficacia per rimas emicantis, quid factura erat, si modius omnis penitus contritus fuisset, & absque medio suum potuisset splendorem spargere? Videre utiq; fuisset, non vnum, sed complures illuminatos, suaq; tundentes petora, clamantes item atque lugentes, gementes etiam & dicentes: Verè hic homo filius Dei erat. Sicut enim post mortē Ioseph filios Israel multiplicatos legimus, ita & post Christi necem auctus est credentium numerus. Sed reuertamur ad vulneratum Christi corp⁹, atq; sensibili quodam compansionis affectu, quali fuerit cruciatu circumdatus, videamus; vtpote cui ne vnum quidem supererat membrum, quod nò extra locum suum ineffabili cum dolore auulsum esset. O quantoperè dolebant brachia tam dirè extenta? quàm pungebant cor illius vulnerum tormenta, quæ totius corporis pondus tamdiu portauerant? Quantis erat correpta angoribus sancta illius anima, quæ omni confortatione ac illuminatione destituta, omnem hanc crucem & pœnam suo in pondere sustinuit? Planè iam libra quàm potuit maximè onusta fuit, & lanx eius altera cuncta mundi peccata sustulit. Quòd si aliqua penes nos amoris scintilla,

tilla, si qua compaſſionis viſcera reſident, non poterimus non compati creatori & Saluatori noſtro, quem hic noſtros ob oculos tam miſerè noſtris pro ſceſſeribus pendere videmus. Quis enim vel bruto animanti ſic affecto non compatiatur? Et quidem piſſſimus Ieſus non ſolùm intolerabilibus illic pependit in pœnis, vt nos ad lachrymas compunctionemq; moueret: verum etiam cum omnibus amoris argumentis atq; indiſſis, vt nos ſimiliter ad amorem accenderet & prouocaret. Eſtq; ſublatus in altum, vt poſſet videri ab omnibus: latè ſua extendit brachia, vt nos omnes amplecteretur. Duris rigidisq; ad crucem clauis affixus eſt, vt nos longanimitè ad pœnitentiam præſtolaretur. Ex omni corpore ſuo manauit ſanguinem, vt largiter nobis potendam præberet præcipuam ſui precioli ſanguinis medicinam. Ingentia vaſtaq; ſuſcepit vulnera, vt acceſſum ſemper patulum, ſecurumq; latibulum & quietem ab omni haberemus tentationum afflictionumque impulſu. Latus ſuum confodi permifit, quò viam nobis ad cor ſuum patefaceret. Voce magna clamauit, vt audiretur ab omnibus. Fleuit acerbè, vt vniuerſos nos ad compunctionem, deuotionem, compaſſionemq; moueret. Demifit caput, quo pacis nobis recôciliationisq; & amoris præberet oſculum. Quis igit poſthac tã impij, tam peruerſi ſit cordis, tam in vitijs obduratus, vt cuncta hæc amoris ſigna eum non excitent, non inflammēt ad reddendam vicem quantam poterit, & quidem omni ſcultate ſua amoris huic prorsus incôpræhenſibili? Quis non totum ſe ad illum cōuertat, quem ita ad ſe conuerſum videt, maximè ſi attendat, quis ſit ille, qui hunc exigit, & à quo exigit, amorem? Mirum certè eſt, ſi quis hæc dignè perpendat, non verti intra ipſum præ admiratione

ratione ingenti cor illius, non totum amore liquefieri. Quis verò desperet veniam consequi, vbi cuncta hæc cernit documenta & signa misericordiæ? Quotquot igitur à serpente pestifero morfi, sauciati, infecti sumus, sub crucem domini *IESV* confugiamus. Non iam aspiciamus serpentem illum æneum stipiti hærentem, sed *IESVM* verum Dei filium in cruce pendentem, qui salutarem nobis porriget balsamum preciosi sanguinis sui. Dicamus voce lugubri cum diuo Bernardo: Quid commisisti dulcissime puer? Quid fecisti amantissime iuuenis? Quæ tua noxa? quæ tuæ causa damnationis? Ego certè tui sum causa doloris: quod perpetravit seruus nequam, dominus soluit: quod commisit iniustus, soluit iustus. O nate Dei, quò tua descendit humilitas, qui factus es obediens pro me Deo vsque ad mortem, mortem autem crucis? Me ad illicita traxit concupiscentia: te pro me sancta charitas traxit ad crucem. Ego pomum accepi, tu clavis laniaris. Ego pomi dulcedinem, tu sellis gustas amaritudinem. Mihi misero congaudet Eua: tibi crucifixo plorans compatitur Maria. Ego caput meum superbè crexi ad lignum vetitum: tu sanctissimum caput tuum spinarum aculeis submisisti. O *IESV* salus æterna in te credentium, redemptor in te sperantium, crux tua sit mihi secunda protectio contra omnes hostes meos. Vulnera tua sint mihi certum refugium in omni tentatione: & absconde me in illis, donec peccati transeat concupiscentia & æstus vitiorum. Innocens sanguis tuus ex sacris manibus tuis emanans, sordiditatem diluat vitiosorum actuum meorum: manusque meas & omnia mēbra mea fursus erigo ad te in deuotione, oratione, amore, laude, gratiarum actione, & executione gratissimæ voluntatis.

tatis tuæ. Vulnere quoque pedum tuorum, errata abstergât peruersorum itinerum meorum, & dirige posthac pedes meos in viâ salutis æternæ, nec aberrare me permittas à semitis mandatorum tuorum. Amen.

IESVS inter latrones annumeratus est.

Cap. XXXVII.



IST præterea dominus noster IESVS Christus cum sceleratis reputatus, atque inter duos latrones medius, ceu princeps latronum, suspensus est. Fecit hoc impietas Iudaica, vt CHRISTVS, qui in seipso innocentissimus erat, scelerum illorum particeps fieret: credereturque ab omnibus similis illis esse in moribus, cum quibus eadem damnatione plexus erat: vt sic per alienam malitiam infamis fieret, qui ex sese iustissimus erat. Sed nihil refugit humilis IESVS inter illos pendere, pro quibus mori desiderabat. Et ipse quidem cum sceleratis annumeratus est in terris, vt nos angelorum gregibus in cælis infereremur. Obliterata est aliquandiu apud homines opinio nominis eius, vt nomina nostra æternò adscriberentur in libro vitæ. Inter latrones suspensus est, non quidem confors malitiæ eorum, sed vt suæ eos diuinitatis participes faceret. Pependit, inquam, inter eos, non vt socius homicidij, sed vt vitæ medicina: fuitque inter sceleratos medius, non vt nequam, sed vt iudex, significans omnem sibi & in cælis & in terris traditam esse potestatem.

potestatem, iudicemq; se constitutum viuorum ac mortuorum. Ideoq; iudiciariam sanctæ crucis conscendit sedem in impiorum medium, alterũ misericorditer donando vita, alterũ iustè æternæ mortis feriendo sententia, ostendens pariter vitæ mortisq; penes se esse imperium: simulq; iudicij futuri quandam exhibens formam, in quo bonos quidem à dextris, impios verò à sinistris collocabit.

De glorioso crucis Christi titulo.

Cap. XXXVIII.



Ilatus etiam more Romanorũ, causam necis Christi scripto in tabulam redegit, eamq; supra crucem triplici idiomate affigi iussit, his verbis: IESVS NAZARENVS REX IVDÆORVM. Et licet homo ethnicus esset Pilatus, hunc tamen titulum ex sancti spiritus digestis instinctu, ad ignominiam quidem & dedecus Iudæorum, gloriam verò & triumphum Christi. Quanuis enim gens illa impia uiuentem Christum suum noluit agnoscere regem, in passione tamẽ illius ex verissimo eius titulo vel inuiti eum agnoscere compulsi sunt, & coram omni orbe confiteri. Ex hoc autem titulo & ingens crudelitas Iudeorum, & Christi iustitia declaratur, dum impij illi regẽ suum tam probrosa affecere morte, nullam aliam habentes causam, nisi qd rex esset. Patet etiam hinc, infontem fuisse Christi mortem, quando nulla alia necis eius causa inscripta fuit, sed nec inscribi potuit. Occultè siquidem virtus omnipotentis Dei in corde infidelis operabatur, vt aliter scribere non posset, quàm ei diuinitus inspiraretur.

spiraretur : & nec mutare quidem, licet id à Iudæis exigeretur. Non enim audire Pilatum Iudæi volebant, quum diceret nullam se in domino causam reperire : vnde nec ipse eis morem gerere voluit, sed ait : Quod scripsi, scripsi. Atque hoc ipso vltus est se de Iudæis, ita vt culpa & malitia oīs in eos redundârit. Per hūc quoq; titulum discretus est dominus à latronib⁹, vt totus aduerteret orbis, quòd non pro aliquo scelere suo, sed ex amore purissimo preciosam animam suam morti exposuerit pro amicis suis. Et per ipsa quidem quatuor huius tituli vocabula, declarata sunt arcana sanctæ crucis mysteria. In prima nanque dictione, quæ est IESVS, id est, Seruator, causa nobis virtusque crucis exprimitur : quandoquidem per sanctam crucem seruamur omnes atque sanamur : & sicut per inobediētiae lignum perditī sumus, ita per lignum obediētiae conseruamur. Atq; ea de causa crucis mortē elegit dominus. Per secundam dictionem, quæ est NAZARENVS, id est, flos seu floridus, id nobis ostenditur, CHRISTVM non velut prauum, aridum ac sterile lignum pependisse in cruce, sed tanquam vnam in vite, seu florem in frutice, quum ipse sit flos dignissimus virgæ Iesse, in quo sanctus spiritus quieuit : ipse quoque instar botri expressus sit, delectabilem preciosi sanguinis sui potionem nobis largiter administrans. Per tertium verbum, quod est REX, immensa nobis potestas & imperium CHRISTI significatur, quæ, per crucis est victoriam consequutus, quemadmodum Paulus ait : CHRISTVS factus est obediens vsque ad mortem, mortem autem crucis. Propter quod & DEVS exaltauit eum, & donauit illi nomen, quod est super omne nomen. Quarto denique vocabulo, pu-

ta, Iudæorum, id declaratum est, non solum eum Iudæorum fuisse regem, sed & credentium omnium. Iudæi nanque confitentem significat. Atque inde Dominus ait: Qui me confessus fuerit coram hominibus, confitebor & ego eum coram patre meo. Et certe quotquot eum hic suum nolunt fateri regem, olim eum iustum iudicem & condemnantem sentient, quemadmodum ipse in Euangelio dicit: Veruntamen inimicos meos illos, qui noluerunt me regnare super se, adducite huc, & interficite ante me. Cæterum titulus hic non ex latere, neque sub cruce, sed supra crucem positus est. Quamvis enim humanæ carnis fragilitas in cruce torquebatur, eratque contemptui, sed supra crucem regia eius maiestas sublata erat: ibique regni eius emicuit gloria, quod quidem non in tempore, neque ab ullo homine adeptus est, sed per diuinam potentiam suam ab omni æternitate possedit. Erat præterea hic titulus non unus tantum gentis idiomate, sed tribus præcipuis linguis digestus, utpote Græca, Latina & Hebraica. Hebræi quidem, qui & Iudæi, ea tempestate, tanquam in lege domini instituti, omnium erant religiosissimi. Græci verò omnium sapientissimi habebantur. Latini, id est, Romani, penes quos summa erat rerum potestas, totique orbi dominabantur, longè omnium potentissimi ducebantur. Testata sunt autem tria hæc idiomata in crucis Christi titulo concurrentia, totius eum religionis, sapientiæ atque potentiæ regem dominumque fuisse: quandoquidem totius orbis imperium, sapientia omnis, universaque religio & sanctitas, verum eum fuisse regem Iudæorum, id est, credentium, cunctamque potentiam, sapientiam, sanctitatem, ab eo ceu fonte promanare testantur. Legerunt autem hunc titulum, ut Euangelista

ait,

ait, multi Iudæorum. Legamus igitur eum & nos ceu ve-
 ri Iudæi, id est, confessores Christi, nō vt illi cum asper-
 natione, sed deuota meditatione, semper eum nostris
 imprimendo cordibus, & velut scutum gerendo cōtra
 tentamenta omnia. Hic nanq; titulus est triumphalis vi-
 ctoriæ, omnem inimici potentiam crucis Christi virtu-
 te contritam designans. Confiteamur IESVM, id est,
 verum orbis redemptorem, agnum sine macula, pecca-
 ta mundi tollentem eum esse, humiliter eum precando,
 vt curare animas nostras atq; ex omni vitiorum labe
 expurgare velit. Fateamur & Nazarenū eum esse, id est,
 floridū, orādo vt in omni nos virtute virere atq; p̄gredi
 faciat. Confiteamur tertio, verum eum esse regē Iudæo-
 rum, id est, credentium, cū omnis ei potestas data sit
 in cælo & in terra. In eo nanque exultant cælestes spi-
 ritus, multaq; cum reuerentia eum adorant, tremen-
 tes atq; pauentes immensam eius potentiam, admiran-
 tes illius incompræhensibilem sapientiam, infinitā lau-
 dantes bonitatem, fatentes omnipotētem eum esse De-
 um, ante quem in suas ruunt facies agmina cæli, ponē-
 tia coronas suas, quamq; ab eo acceperē gloriam, in
 eum refundentes, confitendo omnem ex eo hōnorem
 & gloriam processisse, & in eum esse referenda. Itaque
 si hoc pacto hunc legemus titulum, veri Iudæi erimus
 & filij Abrahæ, & Christus erit rex & seruator noster,
 & ipse regnabit super nos, nosq; tuebitur & post hæc
 in suum assumet regnum, faciens nos cohæredes suos
 in regno patris sui.

IESVS eos, qui ipsum crucifixerant,
 vestit. Cap. XXXIX.

O 2 Dehinc



Ehinc carnifices, qui Christum in crucem tulerant, qui quatuor fuerent, vestes Christi satis abiectas partiti sunt, singulis singulas tribuentes partes. In tunicâ autê, q̃ incon-
futilis esset, sortem miserunt. Apparet hinc immensa Christi humilitas, quòd quum dominus esset gloriæ, vilissimis scurris traditus est, quorum tanta erat inopia, vt vestes CHRISTI exiguè precij & simplices tam sollicitè & exactè distribuerent. O quò se cæli altitudo deiecit: O ineffabilis patientia Christi, qui hæc suos vidit ob oculos, & tam æquanimiter tulit. Nimirû hic est agnus innocens, qui pro mundi peccatis oblatu, aduersum sui irrisores, seque tondentes & verberantes, sacrum os suum non aperuit, sed benignissimè veste sua ipsos sui occisores contextit. Cæterum per vestem hanc in quatuor diuisam partes, fides potest accipi, in quatuor orbis fines diffusa, vt omnes ex Domini IESU crucifixione exhilarentur, fiantque illius participes, vt credendo in Christum, Christo vestiri ac indui mereantur, quemadmodum sol terram vestit & exornat, lignumq; ignem induit. Tunica verò inconsutilis, atque ideo nec diuisa, vinculum indissolubilis significat amoris, & vestem nuptialem æquè indissolubilem charitatis: quæ quidem est præcipua vestis, omnem operiens ignominiam & turpitudinem vitiorum. Hæc vestis non scinditur ab hominibus, sed sortitò datur. Quod nobis incomprehensibilia declarat iudicia Dei, qui nouit qui sint sui, quos elegerit, quos non elegerit, qui vestiendi sint, qui in sua dimittendi nuditate. Et electis quidem charitatis præbet vestimentum per sancti spiritus infusionem.

Potest

Potest autem hinc ista trahi spiritalis institutio, quod qui verus Christi amator imitatorque esse velit, eum adeo cum CHRISTO denudandum esse despoliandumque omni adminiculo seu fulcimento, ut ne pilum quidem rerum suarum sibi retineat, nec quicquam ubi caput suum reclinet: & quemadmodum Esaias ait, in paupertatis & desolationis camino expurgetur, ut aurum in igne probatur, & granum frumenti crebris ictibus & concussibus à palea separatur. Ita, inquam, prorsus denudari & exui eiusmodi oportet cunctis spiritalibus tegementis, quæ diuturna per exercitia adeo iam induit, ut sibi aliquid quasi videri possit, vel quod suis ista studiis & diligentia sit adeptus, donec sibi ipsi atque suis in oculis totus vilescat & nihilifiat, possitque Deo tam tranquillo animo citraque electionem ullam servire in penuria, desolatione afflictioneque, ut in delicijs, consolatione & gaudio: atque hæc ipsa indumenta, quæ sua esse putat, & quasi iure possidere hæreditario, suis in oculis alearum iactu ad alias transeant, id est, omnis eius honesta religiosaque vita, & vestes spirituales, quibus se ornatum credit, & in suam cedere gloriam, ab alijs lacerentur, contumelia, contemptu, atque probris afficiantur, & ipse ceu impostor & hypocrita habeatur, cunctaque eius vita fallax & hypocrisi obnoxia iudicetur. Atque ita una cum Christo, cum nequam & sceleratis reputabitur. Sic discipuli & amici CHRISTI persecutiones perpessi sunt, & omnes eorum sanctissimi conatus & opera adeo ducta sunt pro nihilo, ut quidam eorum dicat: Puto quod DEVS nos apostolos nouissimos ostendit, tanquam morti destinatos: quia spectaculum facti sumus mundo & angelis & hominibus. Maledici-

mur, & benedicimus: persecutionē patimur, & sustine-
mus: blasphemamur, & obsecramus: tanquā purgamēta
hui⁹ mundi facti sumus, omniū peripsēma vsq; adhuc.
Sic sic præclarū tritici granū aliquādiu in terra occul-
tetur varijs tempestatibus atterendum, moriaturque
in seipso oportet, si in fructum prodire debeat. Nam
Abel esse renuit, quem Cain malitia nō exercet. Quā
verò beata est huiusmodi Cain exercitatio vexatioq;?
Quā perspicuē ex hoc concussu frumentum à palea
dinoscitur? Quā multæ manent incognitæ super-
bæ mentes, dum nullis tétationibus & contemptu pul-
santur, quæ utique satīs sese proderent, si bene tange-
rentur? Vnde Propheta ait: Tange montes, & fumi-
gabunt. Et Isaac ad Iacob: Accede, inquit, huc, ut tan-
gam te fili mi, vtrū tu sis filius meus Esau, an non. At
redeamus nunc ad crucem Domini nostri, multa cum
deuotione compassioneque aspiciendo creatorem &
seruatorem nostrum, tam miserabiliter tantis in cru-
ciatibus pendentem, omnibus amicis, rebus & solatio
destitutum, supernè ac infernè derelictum, pœnis omni-
bus & foris & intus obrutum, despoliatum omnibus;
quæ illius poterant mitigare dolores, & accedentibus
ei, quæcunque illos exaggerare possent. Attendamus,
obsecro, regem hunc miserandum & desolatum vn-
dique. Coronam quidem gerit & regalem titulum: sed
vbi eius satellites? vbi castra? vbi palatia? Enimvero
hic sub diuo pendet. Vbi purpura? vbi auro micantes
vestes? vbi status qui regiam deceat magnificentiam?
vbi demum corpus & sanguis eius? Nimirum absum-
ptum & excoctum est corpus omne amoris incendio,
sicut ipse ait: Zelus domus tuæ comedit me. Sangui-
nem eius peccatores hauserunt. Quid nobis det, obse-
cro,

ero, qui nec tantillum habet reliquum, vbi caput acci-
 net, non tectum, non peculium, non hæreditatem, non
 vestes? iam ablata sunt omnia. At nihilo minùs acceda-
 mus ad hunc myrrhæ montem, & cum turture geme-
 bunda in palmam crucis conscendamus, quærentes si
 quem possimus fructum capere. Et reuerà satùs su-
 perque inuenire licebit, si non desit inquirendi seduli-
 tas. Adhuc linguam habet, quo verbum depromat con-
 solatorium, verbum salutis & institutionis. Quòd si id
 non sufficit nobis, quo latro ille sic contentus fuit,
 adhuc paulo altiùs ascendamus. Enimuerò & cor ad-
 huc integrum habet: illo pro nobis patrem suum pre-
 cabitur. Habet & conscientiam deuotione, gratia &
 amore plenam: dabit nobis merum illud, quod dile-
 cto suo præbuit discipulo, in eius pectore quiescenti.
 Sed & hoc si parum nobis satisfacit, en libens suum pa-
 tietur latus configi, cor scindi & aperiri, porrigetque
 nobis sanguinem amore ardentissimi cordis sui, potum
 suauissimum, maximeque delectabilem suæ diuinæ cha-
 ritatis. Denique & sanctam animam suam dabit, gratia
 & meritis plenam, cunctisq; ornatam virtutibus. Quid
 verò vlteriùs ab hoc dulcissimo Deo ac domino no-
 stro exigere poterimus? En dat quicquid habet, quic-
 quid est, quicquid præstare potest. Itaque & nos sic illi
 vicissim totos demus,

IESVS blasphemij impetitur.

Cap. XL.

Sederunt autem non procul à cruce ministri, Chri-
 stum custodientes, & rei exitum sustinentes. Et nos
 quoq; expectemus, non vt illi ex inuidia, mortem

O 4 Chri.

Christi, sed cum dolore finem præstolemur salutis nostræ à Christo, nec recedamus à cruce, quando omnis salus nostra in cruce posita est. Dicit anima quædam amore flagrans: Sub umbra illius quem desideraueram, sedi, & fructus eius dulcis gutturi meo. Et quid possit amanti animæ esse suauius, quàm vt post distractiones, labores, perturbationes multas, in hac ei lachrymarum valle, velit nolit, occurrentes, eamque fatigantes, sub hac salutiferæ crucis umbra respiret, sese reficiat, sensusque dispersos colligat, animamque exhaustam delectabili arboris huius fructu confortet, & ex sacri torrente lateris dilecti sui, reuerà lacte & melle manantis, abundè satiatur? Expectabat plebs Iudaica exitum rei: & nos perseueremus vsque in finem, nec à pœnitentiæ cruce declinemus, quoad salus nostra in ea peragatur: qui enim perseuerauerit vsque in finem, hic saluus erit: ipsamque pœnitentiam pariter cum vita finiamus. Exitum præstolabantur Iudei, quòd necdum sanguine, crudelitate, torquendo suum expleissent animum. Et quia anguino suo pectore nullum poterant tormenti genus concipere, quo corpus illius cruciarèt, ad extremum manibus deficientibus, linguis suis dominum excruciare cœperunt. O malitia ineffabilis. O lior inauditus. O intemperas crudelitas. Itaque ceu furiosi ac dæmoniacy caput sacrilegum exagitabant, contra illum sputa egerentes, dicentesque: Vah qui destruis templum Dei, & in tribus diebus excitas illud. Proh immensam obcecationem tuam Iudæe impie. Nō credis, quod ante oculos corā cernis? Iam nunc templum destruitur, & quidem à teipso: sed sustine triduum, & excitatum videbis. O ineffabilis perversitas & impietas Iudeorum, qui in id totis incubebant viribus, vt quemadmodum corpus eius attriuerant, peneque;

neq; in nihilum redegerât, ita & gloriosum eius nomen penitus obliterarent. Sed quanto id fecere studiosius, tanto plûs Christum exaltârunt, maioremq; illius nomini addidere splendoré & gloriam. Putabant quidem posse se illud per mortem turpissimam delere penitus, sed potiùs in sublime tulerunt, velut iudicem in thronum suum. Suis ipsi manibus columnam statuerunt, in quam regiæ maiestatis eius titulus sublatuſ est: & non modò suam intra nationem nomen illius non potuere suppressere, sed multo magis in omnes diuulgauere nationes, extuleruntq;: ita vt quibus antea ignotus erat **CHRISTVS**, iam legere possint & cognoscere, regem verum cum esse Israelis. Itaque ipsis suis insultationibus **CHRISTVM** honorârunt, & vel inuiti laudibus cumulârunt. Adeò nanque impietate & malitia pleni erant, vt si qd de eo sciuisſent mali, haud dubiè obiecturi fuissent: sed quia in auro purissimo, toties afflictionis & crucis igne probato, nullas poterât inuenire sordes, ipsas eius virtutes, gloriosa miracula, diuinumq; ei nomen exprobrârunt. O Iudæi cæcissimi, quàm iustum declaratis dominû, dũ nihil habetis, quod vestra ei posset improbare malitia, quàm quod honestum, sanctû, diuinumq; est, puta quòd mortuos ad vitam reuocauit, quòd egros sanitati restituit, q̃ mira operatus est, q̃ denique est filius **DEI**? Et id quidẽ nos fide tenemus indubitata. Nisi enim verus **DEVS** esset, non posset vtique hæc signa facere. Sed his tantis signis vos fidem commodare noluiſtis. Iam verò prorsus amens vos cepit improbitas vestra, vt vel inuiti confiteamini, Alios saluos fecit. Quin & obijcitis ei, quòd rex Israel est. Id verò nos ex eius titulo satìs animaduertimus. Et vos olim videbitis seuere vos iudicantem, & æternis ignibus addicentẽ, quem

vos modò morti crucis adiudicastis. Exprobratis etiam ei, q̃ Deum habeat patrē. Id quidē & vos intra triduum comprobabitis, cum Deus pater illum à morte excitàrit, & ipse Christus ad patrem in cælum conscenderit. Sed nunc secum quisque perpendat, multaq; cum compassiōe & dolore meditetur, qua piissimum Christi cor fuerit pœna affectum, cum ipse, cuius natura bonitas est, virulentam illam atque obstinatam cerneret malitiam Judæorum, simulq; per diuinā suā nosset sapiētiam, quàm improbo liuidoq; ex corde probra hæc blasphemiasq; euomerēt. Et reuerà si quid insuper in eum conuiciorum aut iniuriæ conferre potuissent, neutiquam sibi temperassent. Dicere tunc secum poterat pius Dominus in animo suo: Popule meus, quid feci tibi, aut quid molestus fui tibi? Cur adeò crudeli, adeò furibundo es animo in Deum creatorem tuum? Cur adeò lapideus & saxeus es, vt calidus sanguis meus, quem instar aquæ in terram decurrere cernis, quo & saxa scinduntur, ferreum pectus tuum emollire, non in illud pertinere, nec ipsum calefacere possit? En elementa insensilia & irracionales creaturæ, signa quædam tristitiæ præ se ferunt, suo compatientes creatori: & tu, quem singulari diuinitatis meæ cognitione illustraui, legem spiritalesque ceremonias docui, tot beneficijs affecti, contra DEVM tuum erigeris, cuncta illius beneficia oblitus. Equidem propter te Aegyptum multis plagis attriui: tu ediuerso me flagellis cecidisti. Mirabiliter te ex Aegypto eduxi, mare rubrum sub tuis siccaui vestigijs, hostes tuos nullo tuo labore prostravi: tu verò me Pilato tradidisti, & necē meam studiosissimè molitus es. In deserto quadraginta annis manna te pavi: tu contrà fel & acetum potum mihi dedisti. Duxi te per desertum, per
diem

diem nube te protegens ab æstu, & noctibus illuminans .
 per columnâ ignis: nō sunt attrita vestimenta tua: & tu
 me cruce onustum, ad mortem duxisti: spoliatumque
 vestibus, nudum in crucem tulisti. Regali te sceptro ho-
 noravi: tu verò spinis me coronasti, sceptroque arun-
 dineo illusum cecidisti. Quid faciam tibi, vt vel tandem
 cesset malitia tua? Corpus & sanguineam meum tradidi
 tibi, & floridam elegantemque naturam meam abs te
 penè conteri permisi. Trigintatres annos pro tui con-
 uersione laboravi, & me audire noluisti. Vel nunc, ob-
 secro, emolliat te acerbissima passio, numerosa vulne-
 ra, & feruentes lachrymæ meæ, quem verba mea con-
 uertere non potuerunt: calefaciat te feruidus sanguis
 meus, quem tot mea miracula trahere non potuere.
 Sed miseri isti ad hæc ceu canes rabidi vociferati sunt:
 Si filius DEI es, descende de cruce. O IESV leo in-
 uictissime, non morem geras, non fallacibus eorum di-
 ctis fidem adhibeas. Qui enim à mortuis resurgenti
 credere noluerunt, ne nunc quidem fidem commodar-
 ent de cruce descendenti. Noli IESV bone descen-
 dere: sed perfice opus salutis nostræ in cruce, quando
 tota salus nostra in tua morte sita est: ferto interim pa-
 tienter blasphemias & opprobria eorum: & doce nos
 charitatis ac patientiæ viam, orando pro inimicis tuis.
 Declarârunt hic Iudæi filios & discipulos se esse diabo-
 li, sequêdo patrem suum, qui iam antè Christo dixerat:
 Si filius DEI es, mitte te deorsum. Quin IESV bone
 ne descendas: sed potius preces cordis tui sursum ten-
 dant pro nobis ad patrē. Innocēs hic sanguis tuus con-
 ciliet nobis patrē, & de cruce interpelllet pro nobis: atq;
 demū etiam ipse ascende ad patrē in cælum, preparâdo
 .no-

nobis locum, & cæli aditus patefaciendo. Et nunc benignissime pater cælestis, aspice laceratum pallium Ioseph dilecti filij tui, quem ille reliquit in manibus improbæ scæminæ, id est, gentis adulterinæ Iudæorum, suam malens vestem amittere, quàm innocentiam: potiusq; eligens sui corporis nudari pallio, atque in mortis detrudi carcerē, q̃ illius dictis fallacibus consentire. Simul autem & principes sacerdotum cum senioribus ijsdem dominum blasphemijs & conuicijs insectati sunt, dicentes: Alios saluos fecit, seipsum nō potest saluum facere. Si rex Israel est, descendat nunc de cruce. At verò Christus blasphemias istas nihil moratus est, sed tulit patienter, perfectæ volens exequi opera charitatis, seque seruare nolens, vt seruaret plurimos: vltroq; se morti offerens, vt alios sanaret: & in illis demum horribilibus eligens durare pœnis, quō cunctos homines ex æternis eriperet cruciatibus. Satis hinc aduerti potest, quàm fideliter Dominus IESVS nostram sit operatus salutem, quando nec ob pœnarum acerbicatem, nec Iudæorum calumnias & probra, nec matris dolores immēsos, nec vllam denique ob causam vel ad momentum nostræ intermisit salutis opus, quod iam tum in cruce agebat. Et nos cōtrā quàm sæpe leuibusq; ex causis à seruitio DEI, ab orationis, ieiunij, vigiliarum, & actuum pœnitentiæ studio auocamur? quàm facillē charitatem lædimus, dum pro verbulo vno patientiam abijcimus, non attendentes, quanta probra, conuicia, contumelias & contemptum rex gloriæ ab ipsa electa sua gente perpeffus sit? Et certē vehementissimē hinc suo in corde cruciatur. Acerbicatem internæ huius afflictionis suæ miserabiliter per Prophetam conqueritur, dicens: Et quidem si inimicus meus maledixisset mihi, sustinuissem vtique.

Sed

Sed homo pacis meæ, in quo sperabā, qui edebat panes meos, magnificauit super me supplantationem, & leuauit contra me calcaneum suum. O quantoperè agno illi mansuetissimo dolebat, quod peculiaris ille populus eius indè eum blasphemabat, & maledicti ac contumeliæ locoponebat, vnde eum laudari potius & amari, ei quæ gratias agi oportebat, quæis qui veruserat DEVS, pro salutè hominum tam indigna occumbere morte nihil recusauit. Neque tamen in solum DEI filium impij illi has coniecere blasphemias, sed insuper linguas suas tanquam prompta diaboli instrumenta, in patris iniuriā blasphemiam quæ; laxârunt, dicètes: Confidit in DEO: liberet nunc eum, si vult: dixit enim, Quia filius DEI sum. O gēs scelerata & impia, quò te malignus adduxit spiritus, vt patrī misericordiæ suam obijcias bonitatem? Itā ne iniuria tibi ab illo facta est, quòd paternum suum laxans sinum, diuitias gratiæ suæ effudit, vnicum suum mittens in terram, naturam humanam assumètem ex genere tuo, quò oues deperditas domus tuæ requireret & sanaret, eundem demum tua pro salute morti obijciens, soluēs grauissimum debitum tuum preciosissimo sanguine dilecti filij sui? Et hisce pro beneficijs tu in eum blasphemias euomis, tanquam qui non possit opem ferre filio suo, qui olim defunctos omnes vnico verbo reuocabit ad vitam, qui quæ; & cælum & terram verbo condidit. Quàm, putam⁹, graui Dominus IESVS cruce laborârit, cum tales in patrem suum blasphemias, & conuicia & iniurias dici audiret, aduertens pariter quantoperè patrem ad iram commouerent, quam quæ; horrible eis immineret iudicium? Nimirum cuncta eius viscera ad miserationem mota sunt erga furiosam gentis suæ cæcitatem, clamauit quæ; voce lugubri ad patrem: Pater, ignosce illis, quia nesciunt

nesciunt quid faciunt. O incompræhensibilis bonitas Christi. Fecit hîc, quod antè docuerat, vt amemus inimicos, & oremus pro illis qui nos persequuntur, quodq; iam de eo Propheta prædixerat: Pro eo vt me diligeret, detrahebant mihi: ego autè orabam. Maledicebant illi, & ipse benedicebat: & licet tanta esset eorum malitia, vt excusationem non admitteret, nihilo minùs, quantum potuit, excusauit eos apud patrem, dicēs: Pater, ignosce illis, quia nesciunt quid faciūt. O virtus admirabilis orationis huius, tantis in angustijs tantoq; ex amore fusæ. Quàdo em̃ alij ob pœnarū vehemētiā etiā charissimos quosq; amicos suos facile obliuioi traderet, nec possēt orare vel pro seipsis, tum Chrs̃s pro suis hostibus precatus est. Neq; tñ hęc illius precatio pro illis dūtaxat fusa est, qui tūc eū manibus crucifigebāt, & linguis blasphemabāt: verū etiā pro omnibus illis, qui dñm IESVM prauis suis actibus denuò crucifigūt, & sceleribus suis blasphemant. Hî tales se vera nesciūt quid agant, cum sint quintuplici cæcitate correpti. Primò nanq; nesciunt, quàm dirè iusti iudicis potentiā exasperent, tam potētis Dñi iussa contēnendo. Secundò ignorāt, quàm benignū offendāt patrē, quàm fidū deferāt protectorē, cuius perdāt amicitia. Tertiò nō nōrūt, quàm turpiter elegātes atq; præclaras suas deformēt animas, factas ad imaginē DEI. Quartò minimè cōpertum habēt, quàm horribiles tartarcosq; mereātur cruciatus. Quintò latet eos, quātam gloriā, cælestiaq; amittant gaudia. Ex hoc articulo ista potest trahi institutio, vt in crucibus illis, quas DEUS nobis occurrere finit, fixi perseueremus, & cū S. Andrea apostolo nō patiamur nos deponi ab hominibus, sed constanter permaneamus in cruce, donec ipse nos Dñs absoluat & liberet. Neq; etiā vel ob crucis grauitatem,

tem, vel hoim oblocutiões & ludibria, aut pro captādo releuamine solatiōve, è cruce assumpta descēdam⁹. Hoc nāq; esset cōsentire diabolo, qui semp nostris insuffurat aurib⁹, Descēde de cruce, & saluū te fac. Quidā deserūt crucē exiguæ cuiusdā afflictiois, abijcientes patientiam suam, & pro verbulo vno aut leui quadā aduersitate cessant sacris Christi inhærere vestigijs, quæ calcare cœperāt. Alij sacre religionis iam inchoatæ relinquūt crucem, ob tentationē modicā. Alij crucē pœnitentiæ postponūt ob leuissimā quandā seculi delectationē, & vt breuissimi captēt solatia tēporis. Hi Christi deseruē re vesti-
gia, & sese diabolo subdidere, clamāti semper in cordibus hominū, vt de cruce descendāt, seipsos saluos faciant, suas expleant voluptates, sua venenē oblectamēta, naturæ suæ affectibus indulgeant, animū interim vanis quibusdā solatijs ac delectatiōibus recreēt. Non est, inquit, in rem tuam, durā agere pœnitentiā, religionis seruare rigore, & mori quotidie tibi ipsi. Num tete occideris? Descēde ocys de cruce, & serua temetipsum.

Confessio & oratio deuota pro peccatis.

Caput XL.



IESV abyssē inexhaustæ pietatis, cuius natura bonitas, cui proprium est misereri semper ac parcere, en peccator ego maxim⁹, cuius peccata vincunt numero arenam maris, tuis me confixis pro-
sterno pedibus, immensam tuam attendendo bonitatem, multamque misericordiam, quam tuis impendisti tortoribus, qui te cruci suffixerunt, simul confidens, quod
&

& mihi gratiam eandem minimè denegabis. Atque hac de causa ingenti cum amore tuâ stringo crucē sanctā brachijs meis, omniq; cum humilitate, deuotione & reuerentia adoro te DEVM ac Dominum & Saluatorem meum in cruce pendentē, spinis coronatum, clauis confossum, cum distentis membris, sanguine perfusum, vulneribus confectum, contemptum, irrisum, derelictum, pœnis omnibus plenum & foris & intus, fellis denique & aceti potiōe cruciatum. O IESV æterna dulcedo, ego peccator putridus, cum acerbo dolore cordis mei, confiteor tibi magnam culpam meam, quòd causa sum acerbissimæ passionis tuæ, & hos tantos cruciatus tuos grauius meis sceleribus tibi inflixi. Enimuerò multo à me grauiora passus es, quàm ab illis qui te crucifixerunt: quandoquidem iniuria illa & contemptus, quæ præuidebas à me inferenda patri tuo, multo tibi vehementiùs dolebant, quàm sœua illa vulnera corporis tui. Neque verò semel tantum te crucifixi, sed toto vitæ meæ tempore. De illis scriptum est: Quoniam si cognouissent, nūquam Dominum gloriæ crucifixissent: ego verò nequam pessimus & cognoui te, & tamen vicibus innumeris crucifixi, sauciaui, irrisi, & ipsum fudi sanguinem tuum. Cur namq; tam abundè preciosus sanguis tuus tuo erupit ex corpore, nisi quia instar botri graui es pondere meorum expressus vitiorū? Vnde tot tibi vulnera, nisi ex innumeris meis sceleribus? Quia enim ipse mea auxi peccata, tu quoque pœnas tuas multiplicasti. Quid verò aliud est fel & acetum quod hausisti, quàm acerbiprauiq; actus mei, quos obtuli ori tuo? A quo tot es passus ludibria, vt à me, dum te regem quidem Israel, immo & cæli & terræ confiteor, nec tamen tam venerandum colendumq; veritus sum Dominū exasperare, sacra spernendo

nendo iussa tua? Et quid aliud feci tibi? quàm quòd cum ipsis te sacrilegis Iudæis blasphemavi, dicèdo: Descende de cruce: nec posthac vnquam peccato consentiam, aut tuam prætergrediar voluntatem, moxq; denuò te crucifixi? Attamen neque post tanta peccata atque iniuriam qua te affeci, de gratia & misericordia tua vlla ratione despero, sed plena cum fidutia confiteor tibi errata mea, quandoquidem tot in te relucent signa clementiæ. Enim crò pedes rigidis confixi sunt clavis, ne se à me auerterent, sed ad pœnitentiam longanimitèr præstolarentur. Brachia, vt me complectâtur, expansa sunt: caput, vt me exosculetur, audiatq; preces meas supplices, demissum: Cor mihi patefactum est, ad illudq; me inuitas, noui mihi mustri pollicens potum, vnde cor exhilaratur, dum ais: Venite ad me omnes qui laboratis in cultura vineæ vestræ, vt mihi lectulum iucundum præparetis. Venite ad me, quotquot contra vitia vestra certamen inistis certando viriliter, & mundum hunc vitijs deditum euadere conamini. Venite ad me qui laboratis & onerati estis sarcina vitiorum, pœnitentiæ onere, afflictionis cruce, & ego reficiam & pascam vos: daboq; vobis potum ex præclarissima anima mea: vinum rubrum, quod miscui vobis: eo q̃ merum, id est, si dilutum nõ esset, fortius esset, quàm vt ferre possetis. Ad hæc non eam tantùm bone IESV, quam in tuos declaras amicos, dilectionem attendo, sed illam quoque, quam exhibes inimicis tuis, benignitatem contemplor, q̃ tã amicè oras pro his qui te cruci fixerūt & blasphemijs insectantur. Quæso pijssime Domine, profit hæc oratio tuâ miseræ animæ meæ. Quauis enim te crucifixi, non tamè ea id à me malitia factum est, qua ab impijs Iudæis: sed humana quadam victus fragilitate, id feci.

Neq; idcirco peccaui, vt te contumelia afficerẽ, sed vt obsequeretur sensibus meis. Quicquid ergo in te delectationis assensu peccaui, pœnitentiæ acerbitate corrigam, & calidis diluam vndis lachrymarũ. Equidẽ clamo ad te, non vt Iudæi, Si filius Dei es, saluũ fac temetipsum: sed quia omnipotẽs es Dei filius, saluũ fac me seruũ tuũ. Nec te à cruce auoco, sed oro vt respicias me oculis misericordiæ tuæ, corde anxio tua sub cruce prostratum. Non te clavis perterebro, nõ latus lancea configo: sed cor tuum humilibus faucio precibus, ignitorumq; iaculis desideriorum & pij amoris. Vel vna (obsecro) guttula ex patente latere tuo, in vulneratam atque ægram stillet animam meam, & saluus ero. O rex gloriose cœli ac terræ, memento (quæso) mei. Iam enim venisti in regnum tuum. O verissime fili Dei, qui sedes modò à dextris patris tui, memor sis miseræ animæ meæ, quæ in huius mundi carcere captiua detinetur. Fac me audire clementiæ verbum, verbum illud consolatorium, quo latronem erigebas, dicens: Hodie mecum eris in paradiso. Quod vtique confestim fiet, si à me abstuleris medium vitiorum. Tum enim mox tibi mea iungetur anima, atque in te requiescet, qui es paradisos spiritualium deliciarum, requies & plena satietas beatorum. In te namque æternam habemus quietem & essentiam, ceu in paradiso voluptatis, vnde nihil nos excludit præter medium peccatorum. Tolle itaque peccatum, qui es agnus sine macula auferens peccata mundi, & ero vnitus tibi, & in paradiso verissimè erò.

Excitatio animæ ad laudandum Deum.

Caput XLII.

Nunc



VNCigitur ô anima mea, & quot= quot redēpti estis precioso sanguine Christi, agedum interna cū compassione atque deuotione feruenti beatam cōscendamus palmā crucis, pulcherrimē onustam vitæ fructu. Ceu apis sedula de vulnere fe-

ramur ad vulnus, quandoquidem melle scatēt. Perscrutemur ac expendamus subtiliter sacra CHRISTI verba, quæ in cruce protulit: totum enim medicinale & bonum est, quicquid ex hac beata manat arbore. Denique tota salus, sanitas, vita & gloria nostra, in cruce sita est Domini Saluatoris: & sicut Apostolus ait, Si cōpatimur, & conregnabimus. Et ne tam immensis intueniamur ingrati beneficijs, cælum & terram & quicquid horum ambitu cōtinetur, excitemus, vocemusq; in auxilium, ad laudādum ac benedicendū Deum, & gratias agēdum. Inuitemus ea ad contuēdum admirandū hoc spectaculū, dicēdo: Magnificate Dñm mecū, quia mirabilia fecit in nobis. Laudate & benedicite mecū simul Dñm, quia misericordia eius magna est super nos. O vos angelici spiritus, mecum (quæso) ad montē Caluariæ ascendite, & aspiciate regem vestrum Salomonem in throno suo, & diademate quo coronauit eum mater sua. Ploremus coram Dño qui fecit nos, qm̄ ipse est dñs Deus noster. O mortales omēs & quęq; membra Christi, lachrymosis, obsecro, oculis vestrum contēplamini redēptorem, ligno qui pēdet ab alto. Videte si vllus dolor eius possit doloribus æquiparari: agnoscite scelerū vestrorum immanitatē, quę tali oportuit satisfactiōe expiari. In partes omēs Christi versate corpus, & nō nisi vulnera inuenietis & sanguinē. Clamate ad eū voce lugubri:

O IESV nostra redemptio, amor & desiderium: quæ te vincit clementia, vt ferres nostra crimina, crudelē mortem patiens, vt nos à morte tolleres, morte vtique sempiterna? Et tu cælestis & omnipotens DEVS pater, respice de sublimi sanctuario tuo ad innocentem filium tuum Ioseph, venditum, atq; iniuria traditū manibus hominum sanguinariorū, & in turpissimū inortis genus. Vide vtrū hæc tunica sit filij tui, an non. Nimirū fera pessima deuorauit eum. Sanguis peccatorū nostrorū aspersus est super vestimēta eius, & omnia indumēta honestissimæ famæ ac opinionis eius indè inquinata sunt. Aspice sanctum puerū tuum cum sceleratis condēnatum, regium filium tuum spinis coronatū. Cōtuere insontes manus eius, quibus nihil vnquā mali admissum est, sanguinem stillantes: sacros pedes eius nunquam à iustitiæ semita auersos, crudeli cōfixos clauo: latus nudum ac inerme, acūta confossum lancea: pulcherrimam faciē, in quam desiderant angeli prospicere, prorsus deturpatā & omni specie destitutam: cor denique benedictum, quod nulla vnquā impuræ cogitationis macula attigit, internæ afflictionis prælo cōpressum. Vide pater amātissime dulcissimū filium tuū totū, quātusquātus est, in crucis cithara extensum, cunctisq; te mēbris suis benedictē: vnde obnixè oro DEVS meus, vt ignoscas mihi per passionē filij tui, quicquid mēbris meis in te peccādo admisi. Aduerte pater benignissime in vnigenito filio tuo, vti propicius esse debeas seruo tuo. Quoties in conspectu tuo roseus ille filij tui sanguis refulget, toties ab omnibus me ablue maculis peccatorū: & quoties patētia cernis eiuſdem filij tui vulnera, toties sinū mihi aperi paternæ clementiæ tuæ. Attende nunc pijssime pater obedientissimum filium tuū, non instar Isaac dicentē, liga mihi manus

nus ac pedes, ne tibi rebellis efficiar: sed ipsum vltro su-
 os extendentē pedes & brachia, clavisq; ea configi libé-
 tissimē permittentē. Aspice, quæso, non iam serpentem
 æneū pro salute Israelis hærentē stipiti: sed ipsum vni-
 cum tuū, pro cunctorū salute mortaliū in cruce pēden-
 tem. Non iam Moses palmas tetēdit in celū, vt tonitrua,
 fulgura, & cetera Aegypti plagæ cessarēt, sed dilectus fi-
 lius tuus cruēta brachia sua ad te amicabiliter extēdit,
 vt cesset ira tua ab vniuerso hominum genere. Nec iam
 manus Moysis, Aaron & Hur sustentant, vt possit orare
 perseverantiū pro Israēle: sed clavi rudes ac horridi, ma-
 nus atque pedes vnigeniti filij tui ad crucē fortiter affi-
 xerunt, vt nos longanimiter expectet ad pœnitentiam,
 & in gratiā recipiat, nec possit iratus auertere se à preci-
 bus nostris. Iam planē fidelis Dauid citharam corporis
 sui quā maxime intēdit, suauissimam tibi edens melo-
 diam, & gratissimā quæ vnquam tibi cantata sit, conci-
 nens cantionē: Pater, inquit, ignosce illis, quia nesci-
 unt quid faciunt. Hic est Pontifex summus, qui per pro-
 prium sanguinē intrauit in sancta sanctorū, offerens se-
 metipsum hostiam pacificam pro peccatis totius muni-
 di. Hic est agnus insons, qui nos abluit precioso sangui-
 ne suo, qui peccatum nunquam fecit, sed peccata omnia
 mundi tulit. Ex huius ergo passionis thesauro mutuò
 accipio precium debiti mei, & illius merita omnia nu-
 mero tibi pro omni debito meo. Quicquid enim ipse fe-
 cit, in mea utiq; natura & p me operatus est. O clemen-
 tissime pater, si peccata mea omnia in statera appendēs,
 posita eregione passione filij tui, vincuntur prorsus il-
 la ab ista. Quod enim tantum sit facinus, quod non di-
 luerit innoxius sanguis filij tui? Quæ tam effrenis ac ef-
 ferata elatio, inobedientia, & cupiditas, quam tāta non

aboleat humilitas, obediētia, paupertas? Hæc est ergo conciliatio mea. O benignissime pater, suscipe actus dilecti filij tui, & da veniam erratis nequam serui tui: quâdoquidem sanguis insons Abel fratris nostri, clamat ad te de cruce, non ultionem postulans, sed gratiam & misericordiam, dicendo: Pater, ignosce illis, quia nesciunt quid faciunt.

IESVS latronem seruauit.

Caput XLIII.



VI cum IESV crucifixi erant latrones, & ipsi in eum blasphemias contulerunt. At aliquâto postis qui pendebat ad Christum dextrâ, ut vidit ingentē eius patiētiam & benignitatem, quod patrē suū pro illis, qui tot in eum probra coniiciebāt, tam diris afficiebant cruciatibus, tam amicabiliter deprecaretur, prorsus immutatus est, & cepit eū dolor vehemēs ac pœnitentia scelerū suorū. Et id quidē re ipsa prodidit, castigans verbis socium suum in blasphemijs perseuerātem, atque dicens: Neque tu times Deum, cum sis morti proximus. Qui licet ex obstinata malitia homines non verearis, & pœnas corporis ducas pro nihilo, attamen metuendus tibi erat Deus, & quidem in extremo penē vitæ articulo: cum potestatem ille habeat & corpus & animam tuam perdendi in gehennam ignis. Et licet nos paribus plectamur pœnis, longē tamen diuersissima est ratio meritorum: & nos quidem iustē: nam digna factis recipimus. Hic verō nihil mali gessit. Vnde, obsecro, latroni huic tam cita correctio? Qui dudum blasphemus erat, nunc confessor est & prædicator, discernens bonum

num à malo, & peccatorem repræhendens, atque excusans innocentem: quiq; paulò antè latro erat infidelis, nunc est cōfessor Dei omnipotētis. O bone IESV, hæc repentina mutatio est dextræ tuæ, ad quam ille pende-
 bat. Hæc intus tetigit eum, & euestigiò mutauit in virum al-
 terum. Declarasti hic dñe diuinam potentiã tuam, quã-
 do citò ex lapide fecisti filium Abrahæ. Hanc subitam fi-
 dei lucem non aliundè vtiq; accepit, quàm ex citimo lu-
 mine illo in crucis candelabro posito, quod hic in tene-
 bris lucēs, noctē p̄fligauit. Id verò qd aliud erat, nisi qd
 Dñs IESVS, ex immensa solaq; bonitate sua oculis mise-
 ricordiæ suæ cum respexit, nihil planè meriti in eo repe-
 riens, nisi qd bonitati suæ ita placuit facere? Sicut enim
 Deus ex mera bonitate sua dat electis suis, quod nulli
 decet: ita malis largit̄, quod ex æquitate iustitiæ suę illis
 debetur. Vnde & Dauid ait, Saluum me fecit, quoniã vo-
 luit me. Ideoq; latro iste priusquam Dominus cor illi
 us gratiæ & amoris sui radijs contingeret, vnà cum al-
 tero CHRISTVM blasphemauit, re ipsa comprobans, &
 quid dudum ex se, & paulopòst gratiæ in ipso operatio-
 ne, fuerit. Priùs quidem fecit vt alter, quandoquidem &
 ipse erat iræ filius: at vbi Christi preciosus sanguis pre-
 cium redemptionis nostræ effunditur, patriq; in nostri
 abolitionem debiti penditur, oportune satis in bonũ su-
 um eleemosynã petijt à deo, quam & celerrimè adeptus
 est. Quid enim eleemosyna vna de immenso illo thesau-
 ro minuat? Aut quĩ pijsissimus Dominus, cui misereri
 proprium est, denegare illi potuisset? Itaque & plus
 dedit, quàm ille petierat. Quĩ verò latro iste immen-
 sum ignis iuxta se ardentis æstum declinare potuisset?
 Nimirum hic ighis erat à patre è cælo missus in ter-
 ram: qui diu quidem arserat, sed iam denuò ligno cru-

cis excitatus atq; fatus, & misericordiæ perfusus oleo, probris item & blasphemijs ceu flatu quodam ludæorum agitatus, flammam dabat in celum, quibus latro hic totus accensus & igneus effectus est, & charitas eius facta est fortis vt mors: adeo suorum immemor cruciatuum, totus erga Dñm compassione moueretur, vidēs pœnarum eius immanitatem, diceretq;: Equidē pœnas meas haud grauitus fero, vtpotē meritis plus satīs: at innocentē hunc & nihil habentē culpæ, ita præter æquū & bonū cernere excruciarī, id verò ipsis doloribus meis mihi dolet vehemēti⁹. O fides admirabilis latronis huius. Spreuit pœnas omēs, quæ illi inferri possent, nō veritus est furentē populū, aduersus IESVM ceu canes rabidos vociferatē, non attēdit principes sacerdotum, nec ministros deniq; omēs cū varijs illic tormētorum armorumq; generibus astantes pertimuit: sed in cōspectu illorum omniū Christum animo imperterritus confessus est, verum DEI filiū & dominū totius vniuersi, simulq; confudit Iudæos, confitens nihil Dominum malī egisse, atque ita iniuria ab eis crucifixum. O fides admiranda, ò ingens constantia, ò incompræhensibilis charitas latronis huius, quæ omnem ex eo timorem propulsarat. videlicet bene potus & quasi ebrius erat musto illo recenti, in crucis torculari ex suauissimo botro Christo IESV expresso, ideoq; citra pudorem Christum coram omni populo confessus est. Ab ipso statim passionis exordio Apostoli discipuliq; omnes in fugam versi sint, Christūq; deseruerūt: ipse D. Petrus vnus ancillæ voce perterritus, Christum negauit, at latro ne in morte quidē reliquit Dñm, sed corā omni illa armorum frequentia cæli Dominum confessus est. Quis hominis huius virtutes dignē celebret? quis vel effari eas possit?

possit? Quis eum fidem, virtutumque omnium distinctam cognitionem tam citò edocuit, nisi patris sapientia Christus IESVS, qui iuxta eum pendeat in cruce? Quem Iudæi ex patriarcharum promissis, prophetarum oraculis & confirmationibus, scripturarum institutione, significationibus figurarum, vel nō potuerunt vel scire noluerunt, eum latro didicit per pœnitentiam. Confessus est Christum Dei filium, quem coram videbat miseris, penuria, & cruciatibus plenum, ex humana fragilitate morientem: & tunc confessus est, quando eum apostoli, qui signa & portenta eius eximiaque miracula conspexerant, abnegârunt. Iam clavi manus & pedes immobiliter cruci tenebant affixos, nec quicquā ei supererat liberum, præter cor & linguam: & totum obtulit Deo, quicquid in se liberum habuit, ita ut iuxta scripturam corde crederet ad iustitiam, & ore Christum confiteretur ad salutem. O infinita prorsus & inscrutabilis misericordia Dei: qualis hic actus est in crucem, & qualis indè abscedit? non quò mutationem hanc cruci eius ascribamus, sed bonitati & potentiae Christi crucifixi. Venit ad patibulum, alieno pollutus sanguine: & indè ablatum est, mundatum sanguine Christi. Venit cō adhuc malè affectus ex crudelitate & ira inflammatus, totusq; mitis corde, compassione compunctus, totus amore succensus est, ita ut plus alienos quàm proprios plangeret cruciatus. Solum vnum ei superfuit membrum, & nouissima hora venit ad opera vincę explenda: & tamen tam studiosè labori incubuit, ut ante alios suum absoluerit pensum, & primus mercedem reportauerit. Fecit nimirum, ceu verè iustus, in principio sese accusans, & confitens errata sua, dum ait: Et nos quidem iuste; nam digna factis recipimus. Secundò

Christum excusauit, & iustum professus est, dicens: Hic verò nihil mali gessit. Tertiò, fraternam exhibuit charitatem, socium repræhendens, dum ait: Neq; tu times Deum &c. Quarto, cum vniuersis mèbris suis, amicabili vultu, deuoto corde, humili spiritu ad Christum se conuertit, seruenter orâdo in hunc modum: Dñe, memento mei cùm veneris in regnum tuũ. Qua prece Christum p̃fessus est cæli dñm, atq; ita & Deum verũ: quando solius Dei cælum est. Nihil quidem in Christo, nisi paupertatē, dolores atq; liuores, eumq; iam morti proximum, cernebat, quæ sunt omnia signa Deo ac domino prorsus contraria: & tamen cōstanter ait, Memento mei dñe, cùm veneris in regnum tuum. Multam itaque in hac prece iustitiam, humilitatem & resignationē præ se tulit, dum pro parua sui memoria dūtaxat petijt, indignũ se agnoscens, qui grande quippiam peteret. Neq; verò corporis salutem precatus est, quandoquidem vltro voluit mortem oppetere pro peccatis suis: eratque ei optatius mori cum Christo, quàm diutius viuere: nec orauit etiam à pœnīs inferni vel purgatorijs seruari à domino, nec cælorum regnum petijt, sed penitus se in diuinam resignauit voluntatem, totumq; Christo obtulit, quicquid demum ille secum agere vellet. Itaq; nihil nisi gratiam & misericordiã humiliter precatus est, quemadmodum orabat & Dauid, dicēs: Fac cum seruo tuo secundum misericordiã tuam. Vnde quia humiliter ac sapienter orauit, æterna sapientia corda precantium contemplans, eum exaudiuit, apertisq; largissimis gratiæ suæ thesauris, multo plũs ei contulit, quàm ille petere ausus esset. O incompræhensibilis bonitas Dei, quàm bene hic declarasti nolle te mortem peccatoris, sed vt conuertatur & viuat. Præstitisti hic
& re

& re ipsa implesti, quod olim per Prophetā tuum promiseras, dicens: Quacunque hora peccator ingemuerit pro peccatis suis, iniquitatum eius non recordabor amplius. Non quidem multos ei imposuisti seueræ pœnitentiæ annos, aut purgatorij pœnas pro peccatorum expiatione satisfactione: sed tanquam iam penitus remalefactorum illius cepisset obliuio, nec quicquam in eo præter virtutes eius spectares, ita ad eum dixisti: Hodie mecum eris in paradiso. O immensa misericordia Dei: malorum omnium, quæ admodum numerosa erant in latrone isto, pijsimus Dominus tam misericorditer oblitus est, & ignouit pœnitenti: bonūq; quod in eo certè exiguum erat, tam eximia ac præclara mercede dignatus est. Non enim indiget bonorum nostrorum opulentissimus atque pijsimus Deus: sed cor petit ad se conuersum, humile ac resignatū, quale in hoc ipso latrone reperit. Ipse nanque ait: Conuertimini ad me, & conuertar ad vos. Quando ergo latro iste tam fortiter efficaciterq; se ad Deum conuerterat, mox quoq; illius non admissa tantū, sed etiam exaudita supplicatio est. Neq; enim repulit precem eius Dominus, dicendo: En grauissimis hic pœdeo in pœnis, coramq; matrem meam maximè afflictam tantis hinc in angustijs stare video, cui tamē ne verbum quidem adhuc locutus sum, ita ut modò exaudire te mihi non sit integrum. Nihil, inquam, huiusmodi factū est latroni à Domino, quin potius mox precantē exaudiuit, respōditq; dulcissimum verbum: Amen dico tibi, hodie mecū eris in paradiso. O pijsima bonitas, o incōprehensibilis misericordia Dei. O magna latronis prudētia. Videbat patere thesauros dñi sui, & penitus pfusos esse. Quis igitur vetaret eum accipere, quantū erat debitum suū, ut
satis-

satisfaceret domino suo? Atque ò damnanda nequam
 latronis duritia, quem nec focij castigatio, nec patien-
 tia Christi, nec tot amoris & clementiæ signa in Chri-
 sto relucetia, emollire & conuertere potuerunt. Cer-
 nebat quidem abundare eleemosynas ad ostium diuitis,
 plus dari quàm peteretur, & superbior obstinatorque
 fuit, quàm vt petere vellet. Videbat dari vitam, cælo-
 rum regnum distribui, nec animum adhibere voluit vt
 desideraret: itaque nec erit illi: blasphemias & maledi-
 cta potiùs elegit, & venient ei, & quidem in omne æuum.
 Nouum hunc fructum & primum botrum, quem do-
 minus IESVS ex infœcundo solo nostro multo sudore,
 multaquæ preciosi sanguinis sui irrigatione in ligno
 crucis suæ obtinuit, cælesti patri suo ceu preciosum
 munus ingenti cum gaudio per legatos cælestes ange-
 los sanctos misit. Quòd si gaudium est angelis Dei su-
 per vno peccatore pœnitentiam agente: quæ illic læ-
 titia, quæ exultatio de huius est latronis concepta sa-
 lute, quem iam penè desperauerant, & se perdidisse ar-
 bitrabantur? Quanto, putamus, cum gaudio pater cæ-
 lestis primitias has frugum passionis filij sui suscepit?
 Atqui ad Christum ipsum, tametsi potuerit & ipse ali-
 quid ex hac conuersione captare gaudij, multo tamen
 maior indè afflictio redijt: quando quidem per diuinam
 sapientiam suam facillè preuidit, latronem hunc multis
 fore damnationis ansam, qui omnem vitam suam in
 vitijs transigere statuunt, sperantes nihilo minùs, se
 cum hoc latrone in ipso mortis articulo veniam con-
 secuturos & gratiam: quod quidè longè stolidissimum
 est. Neque enim vsquam in scripturis legitur, cuiquam
 alij itidem euenisse. Sanè qui Deum nunquam nisi ne-
 cessitate compulsi quæsierunt, verendum est, vt cum

in necessitate minimè paratum inueniant. Interim tamen nemo plùs satùs confidit Deo: nec ab eo quisquam vnquam derelictus est, qui toto se ad eum corde conuerteret, & ei pia cum fiducia inniteretur.

Iesus afflictam matrem suam alloquitur.

Cap. XLIII.



Tabat etiam iuxta crucem IESV sanctissima mater eius, semperque virgo Maria, nò ad aliquod pœnarum subleuamen aut temperamentum, sed haud mediocrem augmentationem. Nam si qua potuisset creatura aliquid adferre solatij dño in cruce pendenti, nulla ad id tam fuisset idonea, vt beatissima mater eius. Sed quia definitum erat Christo, morte acerbissima occumbere, & absque vlla consolatione & releuamine vera cum resignatione ipsam suam passionem claudere, nihil ei materna præsentia solatij prestitit, sed potius auxit dolores eius, quãdo & mœstitiã illius suis pariter pœnis iunxit, & vberiore indè hausit materiam acerbissimi cruciatus. Quis iam, bone IESV, meditando consequi possit, quo fueris intus dolore affectus, cùm (qui corda nosti omnium) cuncta matris viscera & membra, per internam compassionem tecum pariter in cruce extensa & clauis confixa videres, corque eius longè pijsimum & verè maternum pectus, doloris acutissimi gladio transuerberatum, vultum in pallorẽ versum, & animi angustias declarantem, & absque morte penè emortuum? Cùm aspiceres feruentes lachrymas ceu dulcissimos riuulos quosdam per gratissimas genas eius & faciem vbertim cursumq;

simque manantes, ceu testes illius erga te doloris pariter & amoris: audires etiam gemitus miserabiles dolorum illius pondere expressos: quum præterea cer-neres eandem deuotissimam genitricem tuam, prorsus amoris æstu liquefactam, omninoque resolutam in lachrymas, ac penitus deficientem, utpote passionis tuæ cruciatu eam deuastante exhaustam & absumptam: reuerà tunc nouam ex afflictione crucem in te recepisti. Solus nanque pondus & grauitatem afflictionum eius, hominibus vniuersis incompræhensibilem, compassionis lance trutinasti. Et id quidem maximè exaggerauit dolores passionis tuæ, quòd non modò in corpore tuo, sed etiam in materno pectore crucifixus eras: quando & illius crux tua erat, & tua vicissim illius. O quàm amara fuit IESV dulcissime passio tua: magnus quidem fuit dolor externus, sed internus ex matris conceptus angoribus & pressuris, multo vehementior. Hic planè doloris gladius totam eam penetrauit, quando ipsa regina martyrum in ea parte quæ impassibilis est, id est, anima sua horribiliter atque lætaliter transfixa est, crucisque mortem ubi immortalis erat, sustinuit, tanto grauiorem internam experta mortem, quanto longiùs mors externa ab ea recessit. Quis o mater pijsima, immensos animi tui angores, internamque afflictionem tuam aut effari, aut mente concipere dignè queat? Quem enim sine dolore ceu mater benedicta genuisti, experts maledictionis Eux primæ parentis nostræ, & pro molestissimi laboris angustijs, spiritus iubilo perfusa, simulque ad tui recreationem, suauissimam auribus hauriens melodiam angelorum, laudantium filium tuum, cum nunc tanta cum crudelitate & tyrannide tuis in oculis occidit

tidiconspexisti. Vt iam dolor ille, quem tunc feliciter euasisti, multipliciter erectus est, quando beatum & singularem filium tuum tam horridis cernebas in pœnis in cruce pendentem coram sœua illa rabiosaq; plebe, quæ quicquid mente effingere poterat, in eum conuiciorum, afflictionum, & contemptus conferebat: quum videres eum, quem in castissimis pudicissimi vteri tui visceribus absque vlllo grauamine gestâras, tam inhumaniter in cruce distentum, clavisque perterebratum: quum item aspiceres sacra illius brachia, quibus te toties amicabiliter strinxerat, tam immobiliter intentâ, roseoque perfusa cruore, caput quoque venerandum acutis punctum spinis, & totum corpus nō nisi vulnus fluens; nec tamen interim vulnera illius tergere & inungere dabatur. Quum præterea, quem sæpenuerò quietis captandæ gratiâ tuo virgineo in sinu collocâras, iam ne tantillum quidem habere conspiceres, vbi sacrum caput inclinaret: quemque dulcissimo sanctissimorum vberum tuorum lacte foueras, nunc felle & acetô cruciari. O quàm passionis prælo maternum cor tuum compressum est, quando speciosissimum vultum eius tam miserabiliter deturpatum, ita vt. nulla ei esse species, nihil vnde nosci potuisset, castissimis oculis contuebaris. Quantoperè tunc o mater dulcissima, afflictionum vnda animam tuam peruagata est atq; percurrit, immo & demersit penitus. Enimuerò si deuotus quispiam absque ineffabili dolore & compassione dilecti filij tui passionem animo reuolueret non potest, quæ te crux, quæ afflictio inuasit, quæ ipsa eius mater eras, & hanc oculis coram intuebare? Si plerisq; Dei amicis Deūq; amantibus haud secus dolet filij tui passio, quàm si ipsi eam sustinerēt, perque in-
timant

timam compassionem intus cum eodem filio tuo crucifiguntur, quàm dirè, quàm lætaliter ipsa intus crucifixa es, cùm non modò externas pariter & internas filij tui pœnas tecum in deuotissimo corde tuo expenderes ac trutinares, sed ipsis etiam corporalibus cernereres oculis? Quid est enim cuiuslibet hominis erga filium tuum amor, tuo collatus amor? Neq; verò vlla vnquam mater adeò suam dilexit prolem, vt tu filium tuum. Quòd si D. Paulus multum vtique amans ex feruenti amore, multaq; erga natum tuum compassione dixit, Christo confixus sum cruci, & stigmata IESV circumfero in corpore meo: quanto magis tu vnà cum ipso crucifixa es, cunctaq; illius vulnera intus suscepisti, facta ceu simulacrum quoddam & effigies filij tui crucifixi? Si præterea Deum feruenter amantes, adeò Dei gloriam & querunt & sitiunt, vt quoties Deum offendi, aut aliquam ei inferri iniuriam animaduertunt, ita intus affligant, tantoq; ex crucientur dolore, ac si mortiferum aliquod vulnus accepissent: quanto perè tu mater fidissima præ cunctis mortalibus Deum feruentissimè amans, afflicta fuisti, cum charissimum eundemq; vnicum filium tuum, immo & Deum ac dominum tuum, tam infandis cernereres affici blasphemijs, contemptu atque ludibrijs? Si postremo Iudei illi simulatores & hypocritæ, audita blasphemia, vestes suas consciderunt, tanquam in doloris argumētum: quomodo scissum est præ dolore pijsimū cor tuum, cum omnes illas execrabiles atque horredas aduersum filium tuum blasphemias, iniurias atq; contemptum iaculari & aspiceres & audires? Sic enim Dominus ait: Scindite corda vestra, & non vestimenta vestra. Et quidem hac ipsa die syncerissimum cor tuum non semel, sed plus centies scissum est. Neq; aliquid sub

tuo

tuo aspectu filio molestia illata est, quod non fecuerit cor tuum. Et qui stare poteras? Dicit enim Euangelista: Stabat iuxta crucem IESV mater eius. Vnde tanta tibi fortitudo? Non utiq; ferreum aut faxeum habuisti corpus, ut hodie toties doloris gladio conficereris, toties crucifigereris, vulnerarerisq; vnà cum filio tuo: ac nihilo secius fixo & constanti animo & corpore perstares. Forsitan truces illi atque horridi clauī & te pariter ita detinebant in cruce filij tui, ut collabi non posses. At verò multo fortius amor potentissimus, ipsa quoque morte fortior, te sustinuit, ut cadere nequires. Itaque stabas ceu fidei columna immobilis, ut læna insuperabilis, quæ raptis catulis ad nullius occursum minasve expauescit. Nec quicquam veritates sæuitiam Iudæorum, equorum fremitus, & strepitum armorum, utpote vnà cum filio mori paratissima. Neque eum negare poteras, quemadmodum Petrus: non fugere, ut ceteri apostoli: non dubitare, ut discipuli: non aliquod pati ostendiculum, ut plurimi: quandoquidem optimè noueras, & qua ratione & quem conceperas genuerasq;. Ideoq; assistebas iuxta crucem eius, cuius diuinitatem in spiritu adorabas. Stabas planè ut turris fortissima, in quam rex peregrè proficiscens, preciosissimum fidei thesaurum abdiderat. Stabas, inquam, iuxta crucis arborem, ut hominis redemptioni per dolorem acerbissimum cooperareris, aspiciendo vitæ fructum: quemadmodum Eua olim hominem perdidit, stando deletabiliter iuxta arborem, mortis fructum contemplando. Et quia dolor omnis & compassio ex amore nascēs, pro amoris modo magnus est, amor autem tuus modum excessit, idcirco & dolor tuus prorsus immensus fuit. Et quia IESVM dilectum filium tuum, verum quoq;

Q noueras

noueras esse filium DEI, amor tuus ad diuinitatem;
 & erga humanitatem dilectio, velut ingentia duo saxa
 cor tuum penitus expresserunt, atque lætalibus coar-
 ctarunt angustijs, dum IESVM Dei filium in hu-
 mana natura è tuis castissimis conceptum visceribus,
 tam horribilibus ac indignis tractari modis, tamque
 crudeliter occidi cerneres. Nimirum hi duo fure
 sæuissimi mucrones, animam tuam omni afflictione
 & dolore crudeliùs transfuerberantes. Enimuero, vt
 sponsa vehementer amans, diuinoque ardens amore,
 dolebas acriter grauissimos contemptus & iniurias,
 quas sponso tuo, DEO ac domino tuo, irrogari to-
 ram intuebaris: & vt fidissima & syncerissima parens,
 dolebas itidem vehementissimè horribiles pœnas &
 turpissimam mortem, quam eundem dulcissimum fi-
 lium tuum obire conspiciebas. Quando verò eius-
 dem filij tui passio tanta erat, vt secundum iustitiæ ri-
 gorem cuncta mundi scelera, quæ innumera sunt &
 infinita, suo pondere eam vincere oporteret, ideoque
 & ipsa immensa prorsus & infinita fuit: & quia dolor
 tuus illius cruciatibus respondebat; fuit eapropter
 & crux tua & afflictio incompræhensibilis ac immen-
 sa, & merita infinita. Porro quandoquidem ita con-
 stitutum erat à DEO, vt beatissima virgo Maria me-
 dia esset & conciliatrix DEI & hominis peccatoris;
 eam ob rem idem ipse tanta eam animi ægritudine ac
 mœrore corripere permisit, vt tanta essent afflictionis
 eius merita, quanta vt essent, talem decebat concilia-
 tricem, quæ & sufficere posset omnibus, & ex immen-
 sis meritorum suorum thesauris, omnibus opem fer-
 re. Decebat etiam vt eadem virgo sanctissima & do-
 mina nostra, quam DEVS omnipotens matrem vo-
 luit

luit esse filiorum gratiæ, tam tristes solueret funeri filij sui exequias, quàm omnes gratiæ filij simul peragere & possent, & iure meritoque deberent. Tanta igitur eius crux, tanta afflictio erat, vt tametsi inuenire quippiam consolatorium in filij passione potuisset, suis leuandis doloribus accommodum, mox ab ipso amaritudinis impetu atque profluuiio fuerit absorbendum, haud secus quàm si gutta suauissimi vini in mare falsissimum mittatur. Iam verò duo hic videre erat altaria, cælesti patri præparata: vnum in CHRISTI corpore, alterum in corde virginis matris. Christus quidem carnem suam & sanguinem obtulit, Maria animam suam. Et certè optabat mater dulcissima sanguinem suum miscere sanguini filij sui, vt cum ipso simul humanæ redemptionis officium cœqueretur: sed priuilegium hoc solius erat Pontificis, vt cum sanguine intraret in Sancta Sanctorum. Vnde tametsi sacrificium suum sanguine pro D N O foris fundendo virgo beata perficere non potuerit, intus nihilo minùs eum feruentissimo amoris atque doloris igne detoxit & absumpsit. Et certè obtulit D E O gratum sacrificium, quemadmodum Propheta ait, cor contritum & spiritum afflictum, siue (vt textus habet) contribulatum, lócoque sanguinis profusas obtulit lachrymas, & instat suauissimi fumi thuris accensi, gemitus illius in cælum ferebantur. Atq; hoc pacto sacrificium suum pro cunctis gratiæ filiis, quorum ipsa mater est, secit ac immolauit. Et est utique exaudita à D E O pro sua reuerentia. Nunc ergo o anima mea, & quotquot estis quibus in votis est esse gratiæ filios, aspiciate nunc Christum patrem vestrum anxij partus laboribus correptum, videte vt sua vos morte ad vitam reuocârit, ac velut fidissi-

mus pelicanus suo vos sanguine tanquam pullos suos denuò generârit, excitârit, aluerit. Contemplamini & grauissimè afflicta matrem vestram Mariâ, nouos partus dolores vestri causa experientem, vt vos gratiæ filij efficeremini. Per patrè vestrum habetis vitam, per matrè præstatur vobis gratia. Nunc igitur cõpatimini parentibus vestris, quos tam anxijs cernitis laborare doloribus pro salute vestra, si tamen gratiæ filij estis. O quoties mœstissima illa mater oculos suos ad contemplandũ deforme sui pignoris corpus attollebat, quos tamen mox lachrymis affluentes demittere cogeatur. Videbat corpus sauciũ, quod tamè vngere non licebat: venas sanguinè manantes, quas obuoluere nõ dabatur: membra crudeliter extensa, quæ soluere ac laxare non poterat. Contuebatur eum purpurea vellitum chlamyde, quæ ipsa eum non induerat: quam verò ab ea acceperat vestem, eam distractam, conscissam, attritamq; cernebat. Ad hæc sacrum eius caput ad mortem inclinari conspiciebat, mēbraq; omnia iam ipsam suspirare mortem ceu laxamentum atq; leuamen pœnarum suarum: ita vt piissimum cor illius velut vna crucis prælo exprimeretur, adeò vt cum filio suo potuerit ex sententia dicere: Tristis est vsque ad mortem anima mea. Interea cernens hæc dulcissimus filius eius, qui hactenus sese continuerat, vt fortissima illius patesceret fides, ingens fidelitas, inuicta patientia, gloriosa passio, & ante omnia intemperans atque immodicus amor, & ne gloriam crucis eius imminueret, deinceps vltra se cohibere non potuit, sed piissima atq; cõsolatoria eam voce affatus, ait: Mulier, ecce filius tuus: tanquã diceret: Dulcissima, charissima, fidelissima parès, noui dolorẽ ac mœrorem tuum, scio quanta mei amore patiaris:

cerno

cerno quantis correptum sit angoribus deuotissimum cor tuum, dum me dilectum filium tuum tantis conspicias in pœnis, dum me charissimo pignore tuo, in quo sita est omnis spes & consolatio tua, ita miserabiliter spoliaris. Sed quid ego tibi solatij præstem mater dulcissima, mea fidissima parens? necesse est consummari passionem meam, prorsus moriendum est mihi: iam tempus est vt vadam ad eum, qui me misit. Itaque dilectissimum meum discipulum tibi relinquo, qui mei loco tibi filius sit, qui te consoletur, te custodiat, tui curam gerat, & vt pius filius tibi matri suæ subditum ac morigerum se præbeat. Hæc verò domini IESV verba quantoperè putamus pijsimum mœstissimæ matris cor scidisse, cum audiret se penitus destituendâ? quodq; pro filio Dei filius hominis, pro creatore creatura, pro magistro discipulus, & seruus deniq; pro domino sibi assignaretur? Quàm tunc ingens domini amor totam eam liquefecit, quando secum ipsa reputabat, quantam pro se ille curam gereret ac sollicitudinem, plusque ex dolore matris per compassionem, quàm suo ipsius affligeretur? Iam enim mors illi in foribus aderat, & tamen adhuc pro matre erat sollicitus. Iam mors vorax cuncta illius membra penè rigida effecerat, sed amore recalescebant, ad compassionemque mouebantur. Totum se ad illam consolandam intendit, tanquam omnem suum dolorem oblitus esset, & sola eum matris afflictio cruciaret. Denique vt potuit, membra sua omnia ad illius consolationem conuertit: primò quidem inclinando caput, ceu vltimum vale dicens, & discedendi petens copiam: roseos quoq; oculos suos, adhuc calidis affluentes lachrymis, amicabilem ad eam aduertendo: postremò labia mortis pallore obducta

aperiendo illi, atque dicendo: Mulier, non tantum mea mater, sed generaliter mulier, ob ingentem fecunditatem tuam, (quemadmodum & olim DEVS ad Abrahæ coniugem dixit, quod non amplius Sarai, sed Sara diceretur) quia matrem multarum gètium te constitui. Itaque mulier, ecce filius tuus. Iste Ioannes erit filius tuus, cuius nomen si veritas, gratiam sonat: estq; hoc modò tibi à me còcessum priuilegium, vt sis perennis & æterna gratiæ mater, ob merita certè maxima afflictionis tuæ, nec vnquam gratiæ lacte destituentur vbera tua, quo singulos quosque alas & nutrias, qui deuotis ea prefferint precibus. Eapropter fecundissima mulier, ecce filius tuus, neque plores iam tanquam lignum aridum, & velut deserta ac sterilis & absque liberis mater. Quin potiùs exultes, quæ es omnium quæ vnquam fuerint fecundissima parens, & præcunctis scæminis benedicta. Nam & per hosce, quos modò pateris dolores atque labores, proles edes innumerabilesq; mater omnium, qui per gratiam meam in me sunt credituri. Hos omnes ceu proprios filios tuos in sinu maternæ gratiæ tuæ consouebis atq; tueri, dans eis ex castissimis vberibus tuis gratiæ lac, quandoquidem gratiam ipsa inuenisti apud DEVM. Enimuerò accurrent omnes ad te sitibundi, ac dicent: Monstra te esse matrem. Itaque mulier, ecce non vnus tantum filius, sed filij tui: hinc iam capiat te obliuio doloris tui. Sit hæc consolatio tua, sit laboris temperamentum & alleuiatio. O Maria mater gratiæ, mater misericordiæ, in omni nos virtute corrobora, à malis nos præserua, & ab hostibus nos protege animarum nostrarum. Deinde & ad discipulum dominus ait: Ecce mater tua. Quod quidem non vni, nec soli Ioanni dictum

dictum est, sed cunctis iam conuersis peccatoribus, quibus cum primis gratia necessaria est, & velut infantes absque lacte gratiæ moriuntur. Neque enim perseuerare quisquam aut progredi potest absque gratiæ nutrimento. O Maria verissima gratiæ mater & misericordiæ. Cui enim vnquam sinum gratiæ tuæ præclusisti? cui pietatis tuæ subtraxisti vbera? Sileat ille laudes tuas, qui se queritur apud te passum repulsam, & gratia defraudatum. Laudamus virginitatem, humilitatem miramur, prædicamus iustitiam: sed misericordia miseris sapit dulcius, misericordiam amplectimur charius, recordamur sæpius, crebrius inuocamus. Quamobrem quotquot gratiæ sumus indigentes, simul iuxta crucem, & cum beatissima Maria intus per compassionem crucifigamur. Certè piissimus Dominus, qui se totum & omnia impendit, non nos consolationis ac muneris expertes à cruce abire patietur. Et licet grauissimis sit pœnis obrutus, attamen nostri curam geret. Quauis iam pergat ad patrem, sed nō relinquet nos orphānos: at suo nos cōmendabit patri, & alium nobis mittet paracletum, sanctū spiritum suum. Quin & virginem intemeratam nobis matrem dabit, dicens: Ecce mater vestra. Quàm hoc suaue, quàm consolatorium verbum est infirmis omnibus, tam fidelem, tam benignam, tam misericordem habere matrem, quæ ex illis quæ passa est, didicit cōpassionem? Nimirum impleuit in se ea quæ decrant, & accōmoda erant passioni Christi, quò hominibus vniuersis suis meritis optularetur. O igitur exigua erga Deū spem & fidutiā nostrā. Ipsum misericordiæ patrē, parentē habemus, patente nos sinu expectantē, quo filij sui nos efficiat heredes in superno illo atq; cælesti regno suo. Filius quoq; aduo-

catus est noster, suo nos labore atque dolore in patris reducens gratiam. Spiritum sanctum in hac lachrymarum valle consolatorem habemus, ne aut deiciamur animo, aut tædio frangamur. Corpus præterea venerabile, preciosumque CHRISTI sanguinem in cibum accepimus, ne deficiamus in via, & futuræ beatitudinis pignus, ne dubitemus, aut desperatione vincamur. Ad extremum Maria nobis conciliatrix & pacis instauratrix est apud Deum. Et quid tanta mater à suo non obtineat filio? Quid verò magis consolatorium à Christo nobis dici poterat, quam hoc ipsum, Ecce mater tua? tanquam diceret, Ecce mater vestra misericordiæ plena, ut vos filios suos nunquam non suscipiat: plena item & gratiæ, ut vos pascat, foueat, exaltetque.

Sol obscuratus est.

Cap. XLV.



Orrò à sexta hora, tenebræ factæ sunt super vniuersam terram, vsq; ad horam nonam, quæ nobiscum duodecima est, quando sol altissimus est, qui tunc retraxit lumen suum, ceu lugubrem fumens vestem, compassionemque & dolorem erga suum, ut potuit, exhibens conditorē, tantis tunc angustijs compræhensum & cruciatibus: ac si pater, cuius natura impassibilis est, nec vllum recipit mœrorem aut lachrymas, sui loco creaturâ suam luctû agere, iustaq; & officia funebria filij sui exequi iusserit, sociumque se adiungere virgini intemeratæ, quæ sola tum CHRISTI plangebatur passio-nē, atq; in hunc modû querelas fundebat ad patrē: Itā ne pijsime pater sola ego mater sum? an ne & tu etern⁹ es genitor filij tui, qui ita hic miserabiliter afflictus pendet?

det? Cur ergo me solam plorare permittis, atque intolera-
bilem hunc sentire dolorem, qui utique mihi soli non
debetur? Nónne ipse iam antè testatus es, dilectum húc
& gratissimum esse filium tuum? Quibus verò indicijs
hunc in eum amorem demonstras? Neque enim hic pen-
det vt filius DEI, non vt regis filius, non vt amicus DEI,
immo ne vt pauper quidè seruus DEI: sed vt sceleratus,
vt mortis reus, táquam derelictus & humiliatus à DEO.
Ergó ne & tu cum deseruisti, què discipuli reliquerunt?
Què illius in te culpa, vt sic eum suis traderes hostibus?
An quia potens es Dñs, nec vllius egens, idcirco nulla
te afflicti tangit miseratio? quia spiritus es, ideò insensi-
lis es? quia in cælo habitas, non te mouet quid agatur in
terris? An denique quia in gloria es, non aspicias, non at-
tendis contèptum, iniuriã, contumelias, afflictionem, &
pòstremo mortè perhorrendam vnigeniti filij tui? Non
cernis æquissime iudex, vt malitia Iudæorum debac-
chatur in dilectum filium tuum, qui se vt agnus insons
discerpi, vulnerari, crucifigi, occidi, & sanguinem suum
preciosissimum velut aquam effundi permittit? Tangat
te pijsime pater miseratio & compassio erga miserabi-
lem hunc filium tuum: cum natura tua bonitas, tibi què
maximè proprium sit misereri, maximè miseris, oppres-
sis, & iniuriam patientibus: simulq; veni in auxilium mi-
hi mcestissimæ illius genitrici, quam tantis cernis in an-
guistijs, & solam vnà cum filio tuo illius calcare torcu-
lar. His vero tristissimis querimonijs pijsimæ matris
hoc similive modò patrem cælestem respondisse, cogi-
tare licebit: Noli queri de me electissima filia mea, quòd
te paulisper dereliqui: quod equidè ex ingenita mihi bo-
nitate feci ad augmentum gloriæ meritorum què tuo-
rum, vt afflictio tua filij mei passioni cõsona sit, quam

Q 5 ille

ille vtique perfecta cum resignatiōe sui ad finem vsque
 perpeti debuit. Nec est quod putes, non ascendisse ad
 me preces, gemitus, lachrymas tuas. Iam demum re ipsa
 experire, utrū me compatiar filio meo. Quauis enim
 in naturam meam nullus dolor, nulla cadat afflictio,
 agam tamen per creaturas meas, quod diuinitati meæ
 non cōgruit. En totū excitabo cōmoueboq; mundum
 ad mœrorem, profundēdasq; ob filiū meū lachrymas,
 vt creaturæ omnes tecum pariter lugubres celebrent
 exequias dilectissimi filij mei. Enimucrō totus hic à me
 conditus orbis, & quotquot in eo degunt creaturæ, mi
 hi obsequuntur & morem gerunt: hi duntaxat obdura
 ti peccatores, sese mihi opponunt: quandoquidem li
 beri eis à me arbitrij est concessa facultas. Tu itaque sol
 splendoris tui amœnitatem retrahendo, totum hunc
 mœrore affice orbem, & iunge te socium beatissimę vir
 gini matri in plangēdo filio meo. Tu quoq; terra con
 tremisce, & ad tantā exhorresce malitiam, crudelita
 tem, & facinora hominum impiorum, quos tuis susti
 nes humeris: horri tibi sit iniuria & cōtemptus, quæ
 mihi inferuntur. Admirare patientiam, benignitatem
 ac longanimitatem meam, quòd hæc tam diu patior:
 concutere fortiter & indignam te agnosce, quæ pre
 ciosum filij mei sanguinem imbibas. Et vos saxa duris
 sima, Iudeorum & peccatorum omnium duritiem casti
 gate & arguite, quos tam diu non emolliunt cruciatus
 filij mei, nec cor suum adhibent, vt cognoscant, & sint
 capaces gratiæ meæ. O crudelissima mors, vitæ deuor
 atrix, quæ nec vnico pepercisti nato meo. Redibit hæc
 malitia in caput tuum, capieris ipsa laqueo, quem vnico
 meo tetendisti: occidēis planè ab illo, quem absorptu
 ram te sperabas. Iniusta & iniqua sunt iudicia tua: filium
 meum

meum cum cæteris terræ peccatoribus deuorasti, eo quod terrenum gerebat indumentum & quandam peccatoris similitudinem, cum tamen esset absque peccato. Itaque innocens illius mors in te redundabit: elidentur vires tuæ, & dominatu tuo deijcieris, quod eo præter fas & rationem abusa sis: quando peccatores tantum tui orant iuris, non etiam innocentes: & peccata corrigere debebas, non iustum opprimere. Tu verò iustum & bonum cum impijs attriuiisti. Zelum quidem iustitiæ habuisti, sed non secundum scientiam rectamque rationem. Vltio igitur, quam iniuria in filium meum exercuisti, yniuersum hominum genus à meritis eximet poenis. Et ut noueris victam te esse, perque vitam omnem tibi priorem ereptam esse potestatem, dominiumque: tuum recidisse in nihilum, iam nunc deprome mortuos, quos hætenus multis seculis tenuisti. Enimuerò filius meus crucis suæ armis atque potentia eos victor obtinuit, atque in libertatem vindicauit. Quantus interim, putamus, & quidem nouus dolor Dei matrem inuasit, cū clemēta atque insensiles creaturas tanta cerneret mœroris atque erga filium suum compassionis edere argumenta. Quàm tunc recentes lachrymæ, superiori consolatione fotæ, denuò ceu dulces riuuli largiter manare cœperunt, tot se iam mœroris habere socios aduercentes? Sol verò luminis sui occuluit claritatem, eò quod CHRISTVS verus iustitiæ sol, per totum iam mūdum occiderat & obscuratus erat, lumenque fidei admodum defecerat, præterquam in virgine matre, & latrone confitente. Est etiam obscuratus sol, quod passionem acerbissimam, contemptum, probra & iniuriam, quæ homines ferocissimi suo interebant creatori, æquanimiter aspicere non posset.

Deus

Deus meus, Deus meus, vt quid dereliquisti me? Caput XLVI.



Ost hæc nonam circiter horam dñs IESVS voce magna clamauit: Deus meus, Deus meus, vt quid dereliquisti me? Dixit hæc, inquam, voce magna, vt posset facile audiri ab omnibus, simulque verbo hoc admirabili mētis nostræ somnū discuteret, admirariq; eam & obstupescere faceret, dum tam immensam cerneret erga nos bonitatē Dei. Ait ergo: Deus meus, Deus meus, vt quid dereliquisti me? Videlicet ob vilissimos peccatores, ob nequam & ingratos seruos, ob scelestos & immorigeros præuicinatores, dilectissimū filium ac obedientissimū puerum tuum dereliquisti. Vt vasa iræ, inimici tui in filios transirent adoptionis, proprium cecidisti filium tuum, & tanquam peccatorem nesci tradidisti. O Deus me⁹, cur (quæso) dereliquisti me? Vnde tibi laudes gratesq; agere, vnde te æternò amare deberent hōmines, puta q̃ pro eorum redemptione me charissimū natum tuum morti obtulisti, totumq; libentissimè impendisti, hinc blasphemiarū atq; cōuiciorum probroꝝq; aduersum te materiam sumunt, dicentes: Filium DEI se nominat, & sperauit in Dño: liberet eum nunc si vult. Cur Deus meus pro tam vilibus atq; adulterinis mercibus tam preciosum voluisti thesaurū fundere? Potest autem & ita accipi hoc verbū, q̃ Christus illud aduersum eos protulerit, qui passionis eius gloriam imminuere conantur, dicentes non tam acerbā, neque tam tetrīs fuisse cruciatibus subditam Christi passionem, ob ingens, quod ex diuinitate habuit, administratum

culum ac fulcimentum. Quod qui aiunt atque sentiunt, illius se nouerint renouare passionē, eumq; denuo crucifigere. Et ut opinionis huius demonstraret errorē, clamauit voce magna Dominus, & ait: Deus meus, Deus meus, ut quid dereliquisti me? tāquam si ipsi suæ, cum qua vna erat persona, (vna nāque eademq; est patris & filij diuinitas) eadem hæc verba naturæ diceret diuinæ, suum ipsemet diuinum stupēs amorem, q̄ adeo sese deiecerat, attituerat, submiseratq; quiq; fert opem omnibus, ipsum se vsque adeo reliquerat, pœnis omnibus totum exposuerat, solo ductus & victus amore. Sed & iste verbi huius sensus erit neutiquā absurdus, q̄ Christus ex immenso ac vehemētissimo ipsum dolore locutus sit, ac si spiritus & interior eius homo seuerā in se pro cunctis peccatoribus recipiens sententiā DEI, simulq; perspicuē contemplans, perfectēq; sentiens & metiens in seipso intolerabile passionis suæ pondus, eapropter voce lugubri ad patrem ita dixerit, velut pias fundēs querimonias, q̄ in horribiles illos cruciatus atque pœnas demersus esset, ac si paterna illius bonitas ita hominū esset exasperata peccatis, ut per feruorē iustitię, indiscretæ vnitatis, quam natura passibilis cum impassibili diuina habebat, prorsus oblita foret, adeoq; ex feruido iustitiæ zelo naturam passibilem immitium crudelitati atq; malignitati hominū totam obtulisset, tradidissetq; atterendam & redigendam in nihilum. Ideoq; sic ait: Deus meus, Deus meus, ut quid dereliquisti me? Est præterea adhuc interior quidam huius verbi sensus, quasi Christus iuxta partem sensitiuam seu sensualitatē a suo se queratur patre derelictum. Quotquot enim pro illius honore decertant, & patienter mundi huius aduersa ferunt, eorum per diuinę influxum consolationis suę
adeo

adeò Deus pijsſimus cruceſ & afflictiões moderatur ac temperat, vt hac gratia ſenſibili omnẽ penẽ illorum crucem reddat inſenſibilem: at verò dilectiſſimũ filium ſuum prorsus omnis reliquit ſolatij expertem, adeoque omni priuauit cõſolatione ac lumine, vt in humana natura ſua tantum perpeſſus ſit, quantum æterna ſapiẽtia pro iuſtitie exactiõẽ ſtatuerat atq; definierat, quantũq; pro iuſtitie ratione ac modo pro tot peccatis ſatis erat. Et noſtra quidem ſalus tanto præclariũſ perfectiũſque reparata eſt, quanto abſque vllõ lumine in vera reſignatione ac derelictione peracta atq; conſummata eſt. Eñ uerò quo virtus fortiũſ patitur abſque vllõ releuamine aut adminiculo, hoc opus indẽ naſcẽs præclariũſ eſt. Ceterum Chriſti paſſio adeò omni fuit illuminatiõẽ deſtituta, adeoq; grauis & crudelis, vt nulla hũc cuiuſlibet ſancti paſſio ſit vlla ex parte æquiparanda. Ea namque præcipua paſſionis Chriſti ratio erat, q̃ apertiffimẽ intelligeret, quanta iniuria, quĩve contemptus præſtantiffimæ diuinitati ſuæ per humani generis peccata inferendus eſſet. Quanto verò hæc Chriſti cognitio omnium ſimul & cæleſtium & terreſtrium notione ſublimior atque ſubtilior erat, tanto & mœror atque anguſtia illius grauior atque cumulatior fuit. Immo, quod maxime mirum eſt, quicquid afflictiõum ſancti omnes, qui ſunt membra Chriſti, experti ſunt, id multo abundantiũſ in capite atq; omnis doloris origine fuit: quod tamen ſpiritualiter atque rationabiliter intelligi velim. Quotquot enim vnquã fuere ſancti, nihil ampliũſ paſſi ſunt, quàm per Chrm eis ceu mēbris ſuis vnitũ, in eos manauit, iſq; ſuas eis cõmunicauit afflictiões. Et reuerà magis ille in eis, quàm ipſimet, paſſus eſt. Eñ uerò bonorũ ille omnium, ex amore ingēti erga membra ſua, mira cum

compassione in se afflictiones attraxit, multoq; sensit in-
 terius & cruciabilius, quam aliqui sanctorum: immo quãti
vel ipsa beatissima virgo MARIA Dei mater dulcissima su-
 um ipsi acerrimè senserit dolorè ac animi ægitudine.
 Si namq; naturalis aliquis parès tãto filiũ suũ amore com-
 plectitur, vt per paternã cõpassionẽ, illius adẽo in se do-
 lores trahat, vt haud secº illi doleat, quàm si ipse eos pa-
 teretur: quæ crux, quæ cõpassio Christi fuit, dum mem-
 bra illius affligerentur, maximè qui ex amore pro illius
 nomine passi sunt? Nimirum euidenter hoc suis testa-
 tus est membris, quantũ videlicet illorũ torqueatur do-
 loribº, ac pœnis intimè compatiatur, dum omne eorũ
 debitum in se recepit, luens ipse pœnas omnes, quas illi
 meruerant, vt ipsi abirent immunes. Idem hoc satis su-
perq; ea illius ad diuum Paulum verba confirmat, qui
bus ait: Saule Saule, quid me persequeris? Ea nanque
 quam in discipulos, id est, membra Dñi Paulus perfec-
 tionem excitarat, nõ minùs illi grauis erat, quàm si ipse
 eam sustinuisset. Vnde & amicis atque membris suis ait:
 Qui vos tangit, quasi qui tangat pupillam oculi mei.
 Quid verò membra patiantur, cui tale non compati-
 tur caput, cuius natura bonitas est, cuiq; proprium est
 misereri semper & parcere? Cæterum post Dominum
 omnium maximè desolata fuit beatissima virgo MA-
 RIA, vtpotè quam præ cæteris suæ fecerat mœstitiæ
 ac derelictionis participem, vt quatenus possibile fo-
 ret, crux illius suæ esset cruci & afflictioni conformis;
 simulq; pro tali morte, & tam dilecto filio tantũ sen-
 taret mœrorem, quantum & gratum erat Deo, & talem
 decebat genitricem: ita vt verissimè de ea Esaias dixerit:
Vt mulierẽ derelictã & mœrentem spũ vocauit te Dñs.
 Sic de Domini derelictione in illius persona Helias ait:
 Zelo

Zelo zelatus sum pro dño deo exercituū, ga dereliquerunt pactū dñi filij Israel: altaria tua destruxerūt, & prophetas tuos occiderūt gladio, & derelictus sum ego solus, & querūt animā meā, vt auferāt eā. Poteſt in ſuper & ita accipi Chriſti verbū, tanquā Chrs illud ex agnitiōe contēplatiōe q; puriſſimę ſuę innocētię & perfectę iuſtitię dixerit, admirās ſeuērā ſententiā Dei patris, atq; ex admiratiōis vehemētia in iſta voce lamētabili proruperit verba: Deus me⁹, cuius natura bonitas eſt, cui eſt propriū miſereri, & ſubuenire oppreſſo ac innoxio, vt quid (id eſt, quā ob cauſam) p acerbā mortē cōſumi me permififti, totū me hoſtiū meorū manib⁹ offerēs, eorūq; crudeliſſimę tradens voluntati, qui nunquā vel ad momentū à iuſtitię declinaui tramite, ſed pro diuina exa-ctiōe ac volūtate tua virtutes omēs perfectiſſimē operatus ſum? ac ſi diceret: Equidē nullā in me cauſam inuenio, nec vllā agnoſco culpā, cur me vel ad momentū deſerere debeas, quādoquidē & digno te iuſtitię ſamulatu ſemper colui ac veneratus ſum. Attamē ſi temet per me clarificare, hominibusq; paternā bonitatē, diuinam miſericordiā, & immēſum amorē p mei derelictionē vis declarare ac reddere teſtata, fiat voluntas tua, totū me in tuas commēdo manus. Deniq; & hunc licebit verbi huius ſenſum accipere, qđ de vtraq; humanitatis Chriſti natura dictum ſit: ideoq; bis Dñs dixerit: Deus meus, De⁹ me⁹: velut ſi vtraq; pars ſuas detulerit querelas ad Deum. Et primò quidem rationalis ſiue interior dixerit natura, tum ex immēſo angore, tum etiam erga partem ſenſitiuam naturali affectione, amore, compaſſioneq; Deus meus, cur in tam horribili me dolore & anguſtia intolerabili ab omni releuamine & ſolatio me reliquiſti? Secundò vero & ſenſitiua portio ex ineffabili-

um dolore pœnarû dixerit, deus meus, cur in hisce tam immanib⁹ me tormētis & cruciatibus reliquisti? Quā ob causam purissimū organū, quo tam iucūde, delectabiliter ac mirificè operat⁹ es, quodq; in oībus maximè fuit morigerū, quasi cum furore à te abiiecisti? Certè cū externę tum internę afflictiois & crucis Christi magnitudinē nemo satis p̄ter ipsum Ch̄m nouit. Vnde factū est, vt nemo satis illi cōpati potuerit. Et tñ p̄terquā q̄ ipse in seipso grauissimè torqueret, ad dolores suos omnes, insuper & dolores angoresq; cunctorū ei cōpatiētium experiri atq; perferre coactus est. Quod em̄ pleriq; nō ex gratia, sed natura, leuiter ferūt etiam aspera multa, sit hoc, quod duri, ferrei ac insensiles sunt, atq; eapropter eiusmodi obdurata ac saxeae pectora neq; cū sua neq; aliorū afflictioēs vllo vel dolore vel cōpassu notāgātur. Christus verò cū esset oīm pijsimū ac misericordissimū, natura item & ingenio seu cōplexione mitissimū ac nobilissimū, sibijsi maximè cōpassus est, qñqui dē pœnarū ei⁹ acerbitatē & pōdus nemo recti⁹, atq; ipse, metiri ac nosse potuit. Vnde gemin⁹ hic dolor atq; pressura passionis & cōpassiois Christi, velut duo maris fluctus sœua tēpestate exagitati, cōtra se inuicē insurgētes atq; certātes, Ch̄m totū adeò & foris & intūs cōcussit, attriuit, torisit, excruciauit, vt oēm vincat intellectum. Quod quidē ita esse, etiā in suæ passionis exordio declarauit, cum natura sensitiua atq; rationalis, ceu torrentes duo magno cuntes impetu sese mutuò impeterēt, adeoq; Dñm affligerēt, vt prę nimio angore sanguinem paritèr sudaret & vndā. Et quomodo tunc natura sensitiua ex cōpassione ingenti clamabat: Pater mi, si possibile est, transeat à me calix iste: ita & nunc dicit, Deus meus, vt quid dereliquisti me? Vtq; tum rationalis por-

itio aiebat, Si non potest transire hic calix, nisi bibam illum, fiat volútas tua: ita eadē ipsa & nunc clamat: Pater, in manus tuas commēdo spiritum meum. Quod & ipsum non minimū attulit pondus ad dolores Christi, q̄ ad vltimum vsque spiritum perfectum atq; viuum abiq; stupore vel extinctione habuit sensum in cunctis membris suis, vt̄i faciliē indē liquet, q̄ voce magna clamans, suum tradidit spiritum. Atque ita ad vltimū vsque vitæ punctum, in membris itidem omnibus passus est.

IESVS suam queritur sitim.

Caput XLVII.



Inc iam pijsſimus dominus, præ nimia pœnarū & angustiae acerbitate, ac immodica sanguinis pfusione, adeo exhaustus est & exaruit, vt diceret, Sitio. Quod quidem vt breue verbum, ita mysterijs plenū est. Et primò potest id iuxta literā accipi. Ita enim à natura cōparatū est, vt quotquot extremū agunt spiritū, sitiant & potum desiderēt. Quantam verò ariditatē & siccitatē fons viuus expertus est, adeo nūc exhaustus & amoris ardētissimi seruore exiccatus, vt dicat, Tanquā aqua effusus sum: itemq;, Aruit tāquā testa virtus mea? Neq; em̄ oēm suum duntaxat fudit sanguinē, & quicquid habuit humoris lachrymando emisit, sed & ipsas medullas ossium & vniuersum cordis sanguinem nostri causa, amoris incēdio & flamma prorsus absumpsit. Atq; ita meritò se sitire dicit. Potest secundò etiā spiritaliter intelligi, velut Ch̄rus generatim dixerit omnibus, Sitio, videlicet salutē vestrā. Vnde Bernardus ait: Sitio, inq̄t Ch̄s, nō doleo. O Dñe quid sitis? Fidem

vestram, gaudiū vestrū: plus animarum vestrarū quā
 corporis mei cruciatus me tenet: & si nō mei, saltē vestri
 miseremini. Et iterū: O bone IESV, coronā spineā susti-
 nes: de tua cruce & de vulnerib⁹ tuis taces, & p sola siti
 clamas, dicēs: Sitio. Quid ergo sitis? Certē solā redēptiō
 nē hominis, & gaudiū humanæ salutis. Fuit hęc Chři si-
 tis vel cētuplo acrior ac vehemētior siti illius naturalī.
 Habuit p̄terea & aliā sitim, puta ampli⁹ patiendi, atq; ex-
 pressius euidentiusq; suū nobis immēsum demonstrandū
 amorē, ac si diceret homini: Aspice vt tuæ salutis gratiā
 exhaustus & cōsumptus sum. Vide quā horribiles sim
 perpeſsus dolores & cruciat⁹. Sæua hominū crudelitas
 totum me penē redegit in nihilū: ebiberunt oēm sangui-
 nē meū peccatores terræ, & tñ adhuc sitio. Nōdū satis-
 factū est cordi meo, minimē expletū est desiderīū meū,
 amoris mei flāma neūtiqūa restincta est. Etem si & mihi
 possibile ac patri gratū foret vel millies ob vestrū omni-
 um denuō me salutē & conuerſionē crucifigi, vel etiā
 ad extremū vsq; iudicij diem in hisce miserijs ac dolori-
 bus hic pendere, facerē id utiq; libentissimē, tm vt immē-
 sum vobis cordis mei amorē testatū reddere, saxa q; pe-
 ctora vestra emollire, & ad me vicissim amādum accēde-
 re possem. Itaq; tam sitibundus hic pēdeo iuxta fontē
 cordiū vestrōrū, vt animaduertā deuotas animas huc
 accurrētes ad hauriēdū ex immēso passiōis meę puteo:
 Igit puella cui ego dixero, Da mihi pauxillū aquæ ad bi-
 bendum de hydriā cōscientię tuę, aquā scilicet deuotiō-
 nis, cōpassiōis, lachrymarū & amoris mutui: & illa si in-
 clinauerit ad me hydriā suā, & respōderit, Bibe Domi-
 ne mi: quin & camelis, id est, seruis tuis, qui quotidie pro
 te portant in corpore, & noctū diuq; tuo iugo vincti te-
 nētur, similiter hauriā aquā fraternę charitatis, ipsa est

R

puella

puella, quam præparauit Dominus filio Dñi mei, vt sit sponsa verbi diuini, meæ humanitati vniti: ipsaq; velut sponsa digna erit vnà cum spóso suo quietis æternę ingredi cubiculũ, sui sponsi vocibus inuitata, dicẽtis: Veni benedicta spósa mea, posside regnũ patris mei. Sitiui em̃, & dedisti mihi potũ. Iam tertio idẽ hoc verbũ patri accõmodare licebit, tanquã Christus suo dixerit patri: Pater, manifestaui nomẽ tuũ hoĩbus: opus cõsummaui, quod dedisti mihi vt faciã, in ipsoq; opere tuo totũ mei corporis absumpsi instrumẽtum: totus exhaustus & attritus sum: at nihilo minũs plũs adhuc tuo pro honore & agere & pati sitio. Ideo naq; sic extẽsus hic pendeo in amoris latitudinẽ, q̃ æternũ cupiã esse sacrificiũ, tibi in odorem suauissimũ laudemq; perennẽ, & homini in reconciliationẽ æternamq; salutẽ. Atq; ita fortis hic Samson dixerit: Tu Dñe dedisti in manu serui tui salutẽ hãc maximã atq; victoriã, & en siti moriar. ac si diceret: Executus sum, mi pater, gratissimã voluntatẽ tuã: & pro exactione tua humanæ salutis opus absolui, & tamẽ adhuc sitio. Etem̃ peccata, quib⁹ offensus es, infinita sunt: itaq; volo vt & charitas & merita passionis meę, quibus placãdus es, infinita sint. Et sicut ego memet nunc offero pro salute omniũ hostiã pacificã, viuũq; sacrificiũ, ita cũcti te per me placare possint homines, me tibi offerẽdo hostiã placatiõis ad æternã gloriã tuã, in meæ passionis memoriã, & cunctorũ defectuũ suorũ supplementũ. Quã verò, putamus, gratũ fuit patri hoc amoris desideriiũ. Quid em̃ aliud fuit hęc sitis, quàm dulcis quædã & deliciosa patris refocillatio recreatioq; & medicinalis atq; beata hominum reparatio? Quidve aliud æstuatissima hæc nobis sitis loquit, quàm flagrantissimũ amoris Chři incendiũ? ex quo vtiq; immẽso ac penẽ in-

tem

temperanti amore cuncta sua fecit opera. Nimirū hoc est dignissimū nræ redēptionis sacrificiū, hæc est hostia pacifica, quæ vsq; ad vltimū diē à bonis omnib⁹ per Spiritū sanctū altissimo patri in memoriā filij, sempiternāq; adorandæ Trinitatis gloriā & admirabilē humanæ salutis profectū & fructū offeretur. Hic planè est thesaurus immēsus cōciliationis nostræ, qui nunquā in terris deficiet, cū omne vincat mūdi debitū. Hic est amor immēsus, cælis sublimior, quia angelorū ruinā instauravit: inferno pfundior, qñquidē animas indè liberauit: terra longior & latior, cū sit absq; fine, & omni creato intellectui incōprehēibilis. O quàm acris & vehemēs hæc sitis dñi fuit. Neque em̄ semel tm̄ dixit, Sitio, sed adhuc sine cessatiōe intus nobis dicit, Sitio: mulier, da mihi bibere. Tanta est, inquā, & tam ingēs illius sitis, vt non à filijs Israel tm̄, sed etiā à Samaritanis potū petat. Et singulis quibusq; suā queritur sitim. Quid verò sitis IESV bone? Hic est, inquit, potus & cibus meus, vt homines faciāt voluntatē patris mei. Patris aut̄ voluntas est sanctificatio vestra & salus, vt sanctas reddatis animas vestras, ambulādo in pceptis meis, veræ agēdo pœnitentiæ opera, vosp̄ ipsos cunctis exornādo virtutibus, vt ceu sponsa bene preparata & culta, digni sitis ad meā venire cœnā in regnū patris mei, mecumq; vt spōsa electa dormire in conclavi cordis paterni. O quāto cū desiderio oēs eò Christi secū perducere exoptat. Hoc est quod ipse ait: Vbi cunq; sum ego, illic & minister meus erit. Itemq;: Pater, volo vt quēadmodū nos vnū sumus, ita & ipsi vnū sint. O quām incōpræhēibilis hæc Chri sitis erat. O quāto perē trigintatres annos huius gratia defudauit. Hac de causa & medullas & cordis sui sanguinem consumpsit. Vide quid pijsimus dominus dicat patri suo: Zelus do-

mus tuæ comedit me. Planè vel millies potiùs crucifigi se passus fuisset, quàm sua ex culpa vllam fuisset perire animâ. O quàm cruciabiliter hæc eû sitis intus afflixit, dum se & fecisse omnia quæcunq; poterat, & vel cētuplo plùs quàm fuisset opus, & tamen tam paucos se conuertisse & esse lucraturû. Iam corpus eius omne detritû erat, sanguis omnis effusus, nihil quod ageret restabat, adeoq; fateri cogebatur & dicere, Consummatum est: & tamen cunctis laboribus atque doloribus suis non maiorem patri suo fructum, atque lucrum fecerat. Et reuerà plùs eum omni sua afflictione cruciauit, quòd in tam duro certamine nō augustiorem esset victoriam adeptus, tamque raris spolijs ad patrem suum victor rediret. Vnde quotquot eum non reficiunt, illius exequendo voluntatem, & quicquid illi gratum atque honorificum est studiosè agendo, cunctisque quæ ratio illi displicere dicat, viriliter fortiterq; resistèdo, audièt quādoque cum damnatis: Sitiui, & non dedistis mihi potum. Ite maledicti in ignem æternum. Quartò est & interior huius verbi sensus, quòd CHRIS TVS illud ex amore intrò trahente ad omnes protulerit homines, suam nobis æstuantissimam declarans dilectionem, & proprium cor ceu thalamum deliciosum referans, in quo quiescamus suauiter: simulq; in ipsum nos inuitans, dicendo, Sitio vos. Vt enim potus, quem bibimus, sensibili cum delectatione per guttur mittitur, descenditq; suauiter vsque ad intima nostra, transiens in nostri corporis substantiam & naturam: ita & CHRIS TVS homines vniuersos ex ardentissima sui amoris siti in sese bibendo quasi recipere, dulciter glutire, sibi que incorporare, & in secretum amantissimi cordis sui cubiculum cum spiritalibus abducere delicijs concupiscit. Vnde & ait:

Cum

Cum exaltatus fuero à terra, omnia trahã ad meipsum, id est, quotquot se à me trahi permiserint, seseq; ut instrumenta morigera mihi subiecerint, pro mea me secum gratissima voluntate operari sinentes. Porro qui tractui CHRISTI resistunt, qui per amoris CHRISTI flammam & ardorem eliquari se non patiuntur, ut ita possint ab illo bibi, nec se ab illo in eius viscera absorberi sinunt, hi illius non leuant sitim, sed poculum ei amarum porrigunt, opera scilicet suæ propriæ voluntatis. Quæ mox ubi gustarit Dominus, euomit ea. Quinto, ita hoc potest verbum accipi, quod illud Dominus suæ dixerit matri grauissimè afflicta, & iuxta crucem assistenti, tanquam diceret: *O mea dulcissima mater, aspice ad quantam inopiam & DEI & tuus filius redactus est.* Equidem mare, fontes & humida cuncta creauit. Ego nubi- bus impero, & pluuias fundunt. Ego angelis cælestis voluptatis potum præbeo, & sanctis æternæ poculum beatitudinis: amicis meis adhuc in terra agentibus potum interne cõsolationis, & discipulis meis diuinæ potionis sapientia, cunctisq; demum peccatoribus poculum redemptionis: & tamè non est quisquã, qui in acerrima siti mea refrigeret linguam meam. O quanto perè verbum istud, deuotissimum maximeque oppressum intemeratæ virginis cor scidit ac penetrauit, dum vnigenitum filium suum, quem virgineis suis fouerat vberibus, tanta in necessitate suam audiret queri sitim, nec tamen posset ei opitulari. Forsitan ita ei respondere potuit: *O fili dulcissime, adeo tota mœrore ac impatibili sum angore correpta, ut tibi opem ferre non possim.* Adeo tecum ineffabilem per compassionem cruci fixa sum, ut me mouere nequeam. Iam viribus cunctis destituta sum, quod te vnicum cordis mei solatium meos ante

oculos tam iniuste cruciari, tam turpiter sperni, tam crudeliter occidi video: nec licet mori tecum, nec auxilium aliquod impendere valeo: hæc prorsus intus me liquefaciunt: hæc medullas deuastant animæ meæ. Vides ipse fili mi amantissime, totam me amoris tui ardore liquefactam, ac instar vñe grauissimo tuæ passionis pōdere expressam. Itaq; totam me trahe in te, bibe me, absorbe me, in tuum me corpus trajce, vt tota tibi sim refrigerium atq; refocillatio in hac grauissima siti tua. Sextò deniq; cum ex hoc verbo sensum elicere poterimus, qd Christus & pijsimæ matri suæ & bonis omnibus ingentē consolationē, pariter & laboris, quē propter ipsum tum agendo tum patiēdo ferunt, leuamentum præstiterit. Quolibet enim exiguus labor vel afflictio sit, Christo tamē instar dulcis cuiusdam potionis grata prorsus & sapida fuit. In ipsa nanque cruce positus, cum ingenti delectatione compassionem omnem, necessitiam, deuotionem, gemitus, & lachrymas in passiōis eius meditatione exercēda ebibit: & quicquid persecutionum, angustiarum, afflictionū eius pro honore tolerabitur, omnem pœnitētiæ rigorem, ieiunia, p̄ces, vigilias, cunctas naturæ mortificationes, vniuersa obediētiæ & charitatis opera, & quicquid demum actuum virtuosorum ad nouissimum vsq; iudicij diem illius pro honore perageretur, cūcta hæc Dñs iesvs miro quodam modo hausit, & cū ingēti siti absorbuit atq; suo corpori sociauit, suisq; iunxit atq; vniuit opibus, necnō feruenti suo sanguine purgauit, atq; in igne diuini sui excoxit amoris, suis quoque meritis & actibus perfecit & absoluit, quicquid imperfectum in his atque defectui obnoxium erat, atque ita demum in æterni patris conspectum obtulit, illiq; grata ac placita fecit.

Iesus

Iesus in cruce fel & acetū hausit. Ca. XLVIII.



Ostquam verò dñs Iesus hoc de sua siti ptulerat verbum, quidam spongiā felle & aceto impletā Christi sacro ori obtulit. Et hæc quidē dñs iuxta Davidis vaticiniū gustare voluit, quo in cunctis suis membris ac sensibus torqueret: vtq; Ad peccatum, quod per gustus delectationē admissum erat, per hunc acerbū & molestissimum gustū corrigeret. Hinc verò primò Iudæorū insatiabilē liuorē, duritiā & amaritudinē aduertere licet, q̃ cuncta hæc tormenta, sanguinis profusiones, & immanissimi cruciatus, q̃bus dominū affecerāt, cruentā eorū necdū expleuerint sitim. Iam in ipso eum mortis articulo positū videbant, nec tamen ab illius cruciamētis sibi temperabāt. Statutum quidē fuerat à Salomone, vt damnati aromatico ac dulci potu reficerent, quò suas obliuioni pœnas darēt: sed isti scelestissimi vinū hoc ipsi biberunt, & Christo acerbissimā confecere potionem, quā virulento suo corde poterant excogitare. Erant nanq; reuerā acida ac fellicea vasa, odij ac liuoris plena, nec poterant indē nisi fel & acetū depromere. O quāto perē pijsimū affligebat dominū, cui⁹ natura bonitas est, dum venenatū atq; amarulentū aspiceret fundū, inextinguibilem crudelitatis ardorē, & faxeā atq; obstinatā malitiam Iudæorū: q̃ hī quos tot annorū curriculis in eremo manna celi paue- rat, omnem in se saporis suauitatē habente, quosq; tam paterno fuerat cōplexus amore, & tot tamq; mirificis affecerat beneficijs, in extrema sua ac maxima necessitate talē nihil vererent porrigere potionem. Nimirum

R 5 hæc

hæc eorū inuidia & inclemētia plūs dñm torſit, quàm ipſa potus amaritudo. Quo em̃ quiſpiā plūs virtutiſ habet, eo illi magis dolet, dū malitiā cernit & crudelitātē: quātōq; id euidentius animaduertit, eo indē grauius in corde torquet. Cæterū, quod ad ſpiritale attinet ſenſum, nō in cruce tantū à Iudæis dñs Ieſus huiuſcemodi acerbā potionē cruciatus eſt, ſed indices adhuc æquē ſelle & aceto affligitur ab illis, qui eum peccatis & ſcelēribus ſuis exaſperare non verentur: præcipuē verō à Chriſtianis om̃ibus, qui veritatis quidē iter ac Dei voluntatem explorata habent, nec tamen faciunt quod deberent. De his queritur ipſe, dicens: Ego plantaui te vineā electā, & ſepiui te fidei muro: & edificauī turrim ſublimis contemplationis meæ in medio tui, & lapides elegi ex te, id eſt, martyres ſanctos atq; doctores, qui in Eccleſiæ fundamēto ſunt collocati, quiq; viam vitæ & veritatis tete verbis & factis docuerunt. Quid eſt quod vltra debui facere tibi vineæ meæ, & nō feci tibi? Quomodo ergo conuerſa es in amaritudinem, in qua excolenda tantum operæ ac ſtudiij poſui, quam tam excellenti mihi precio comparaui? Expectaui vt faceres vuas dulces feruentis amoris, fructus bonorum operum: & tū mihi proſers ſel & acetum, ſpinas ac tribulos. Nunc porrō videamus, quale quiſq; Chriſto vinum offerat, quos ei ex ſua vinea reddat fructus. Dicit ſcriptura: Bonus homo de bono theſauro cordis ſui ꝑfert bonum: & malus homo de malo theſauro ꝑfert malum. Igitur alij Chriſto inſtar Iudæorum vinum præbent ſelle mixtum. Hi ſunt peccatores magni, quibus adhuc voluntas adiacet malē agendi: qui tametiſ bona faciunt opera, ſunt tamen ſelle amariffimo infecta om̃ia, & corrupti ac vitioſi trahunt vasis ſaporem: quē mox

vbi Christi contigerint palatum, euomuntur ab eo. De his Moses dicit in Cantico Deuteronomij: Vua eorum vua fellis, & fel draconū vinum eorū. Et S. Petrus ad Simonē Magum loquēs: In felle amaritudinis video te esse, & cor tuū non est rectū corā Deo. Alij vinū quidem Christo porrigunt, sed corruptū, acerbū ac acidū, verumq; in acetum. Et hi sunt homines dissoluti ac leues, qui à mortiferis peccatis abstinent: sed à quotidianis ac venialibus sicut minimè sibi cauent, ita eis abundant ac sæpissimè in ea labūtur. Quod indè accidit, q̃ fundum suum non obseruant, nec sancti spiritus monitis & increpationibus auscultāt: quinimò intus cæci sunt atq; surdi. Isti Deum scisso ac diuiso quærunt corde. Neq; enim totos sese auerterunt ab omnibus, quæ medium inter ipsos & Deum efficiunt: & licet subinde quiddam intus accipiant luminis, ratioq̃ de quibusdam testetur Deum se illis offendere, eiq; displicere, neq; sic tamen ea deferere volunt: creduntq; se Deo pariter & mundo posse famulari. Hi vt plurimū tepidi sunt ac torpidi, & corde vagi atque distracti: hærentq; in tepido quodā legēdi aliquid vel meditandi, aut eiusmodi quipiam agendi exercitio. Id verò tāto iam egere tēpore, vt prorsus consenuerit, peracueritq; Et hoc ergo vinum Christus similiter euomit, sicuti in Apocalypsi dicit: Vtinā calidus esses aut frigidus: sed quia tepidus es, incipiā te euomere ex ore meo! Et de his alibi dicit: Sicut acetū dentibus, & sumus oculis, sic piger his qui miserunt eum in via. Tertiò, alij Christo vinū offerunt è vinea sua: sed quemadmodum Esaias ait, vinum eorum mistum est aqua. Hi tamē aliquanto meliores sunt, magisq; suæ salutis inuigilant: sed opera eorum admodum peruersa quadā ac aliena intētionē abūdant, vtpote, verbī gratia,

gratia, facta vel ex timore, vel ob mercedē, vel ex cōsuetudine, vel vt placeāt hominibus, vel ob aliquod priuatū cōmodum suū, vel vt consolationem, aut alia Dei dona consequant: vel ob alia eiusmodi, in quib⁹ plūs sese, quàm purū Dei honorem quærūt, & vt illius satisfaciant volūtati. Hi vinū suum, vt dixi, aqua miscēt, alij plūs, alij minūs, vt nō admodū Christo indē potare libeat. Quartò demū alij sunt, qⁱ Christo Iesu purissimū atq; suauissimū præbent vinum. Hi sunt homines bene mortui ac resignati, qui in cunctis suis operibus solum Dei spectāt honorē, nec vspiā seipsos quærunt. Isti veri sunt filij Dei, qⁱ naturalis suæ generationis obliti sunt, quò Deū patrē habere mereant: acceperūtq; spiritum Dei in signū atq; argumentū, q^{od} sint filij Dei, in quo & clamant, Abba pater, quod nemo vtiq; ex spiritus testimonio & sentētia dicere potest, nisi sit filius Dei. Hi nec mortē verent, nec infernū, nec hostē, nec homines, neq; lucra, neq; damna. Totos nanq; se Deo dederunt ac funditūs resignārūt, & gratū est eis quicquid illis facere volet Deus & in tēpore & in æternitate: quādoquidem oēm iam timorē seruilē, & mercenaria prēmia perruperunt viceruntq; in præclarā spiritus assumpti atq; trās-lati libertatē. Adeoq; quęcunq; infra Deū sunt, oīa censtercora spreuerunt, quò Christū lucrifaciāt, & ipsum habere præmiū sint idonei. Iamq; mūdo & naturæ siue carni penitus mortui sunt: ideoq; viuunt in eis Christus, & cuncta eorum opera agit cū eis. Ipse fodit, plantat, rigat, euellit, dat incrementū: & ipsi velut bonū ac subditum instrumentū, & ager obtēperans, Deū suum intra se atq; secū opus peragere sinunt. Itaq; sunt velut hortus irriguus, & ager plenus, cui benedixit dñs: feruntq; vinum longē suauissimum, lætificans cor Iesu Christi.

Enim-

Enimuerò à naturali sua ac infœcunda radice abscissi, atq; præclaræ illi vineæ, quæ de corde paterno pcedit, atq; ex illius pectore sumit alimoniã, insiti sunt. Deniq; hi Christum adeò inebriant, vt quicquid velint, facile impetrent ab eo, ita vt ipse fateatur: Factus sum quasi vir ebrius, & quasi homo madidus à vino.

Consummatum est. Cap. XLIX.



Einde vbi Christus felleū hunc degustarat potū, sextū locutus est verbum, videlicet, Cōsummatum est: significans in passione sua impletas esse prophetias oēs, figuras, mysteria, scripturas, sacrificia atq; promissã, quæ de ipso prædicta scripta q; erāt.

Hic verus est filius Dei, cui pater cælestis grandē parauit cœnã in regno æternæ beatitudinis suæ: misitq; seruum suū, id est, humanã atq; seruilē Christi naturam, vt vocaret inuitatos ad nuptias. Christus nanq; secūdum assumptū hominē nedum seruus fuit, sed seruorū seruus, atq; oībus nobis trigintatrib⁹ atq; eo ampli⁹ annis multo cū labore ac dolore humilimē seruiuit. Quod & ipse per Esaiã prophetã dicit: Seruire me fecisti in peccatis tuis. Et reuerà toto vitæ suæ spatio studiosissimē in hoc incubuit, vt cūctos ad hãc cœnã inuitaret cōciconando, miracula faciēdo, eundo de loco ad locū, clamādo atq; annūciando propè adesse regnū cælorū, & vt illi se quisq; ppararet. At venire noluerūt. Quod audiēs paterfamilias, dixit seruo suo: Cōpelle intrare, vt impleat⁹ domus mea. Itaq; seruus hic secū ita cogitauit: Quonã pacto hoīes istos subtiliter & absq; violētia cogere potero vt veniant, quo & rebellio retundat⁹, & libero

bero! nihilo minùs arbitrio suum maneat ius atq; facultas? Etem si vinculis ferreis, duris item verberibus atq; flagellis eos venire compello, asinos habebo, non homines. Itaque intra sese ait: Aduerto hominis conditionem, quam amor deditus est: talem ea propter ei exhibebo dilectionem, quæ omnem eius intellectum superet: immo qua nulla possit maior esse. Quòd si hanc homo attendere volet, ita se illius sentiet nexibus irretitum, ut æstum atque ardorem eius euadere nequeat, totumque se ad DEVM conuertere, Deumque vicissim amare cogetur. Quoquò enim se verterit, semper illi immensa beneficia, infinita bonitas, & admirabilis DEI charitas occurrent: simulque exactio huic amor reddendi vicem adeò in eo conualefcet, adeoque eum vrgebit & impellet, ut ei obniti nequeat: sentietque suauiter se compelli ut sequatur. Hoc igitur peracto, fidelis hic seruus & prudens dominus IESVS Christus suo dixit domino ac patri: Consummatum est: opus consummaui, quod dedisti mihi, ut faceré. Quid ampliùs facere potui, atq; feci? Ne vnum quidem membrum mihi superest, quod non labore atq; doloribus fatigatum atq; turbatum sit: venæ meæ exaruerunt, sanguis omnis effusus est: medullæ absumptæ: guttur meum clamando iam raucet. Tantâ hominibus ostendi dilectionem, ut non humanum, non lapideum, non brutum, sed prorsus diabolicum atq; desperatum cor sit, quod ex huius consideratione nihil moueatur. Cæterum verbum hoc dñi Iesu, nō gaudij, sed mœroris est. Neq; em ita hoc dixit dñs, quasi iam pœnas oēs euasisset. Sed consummatum est, inquit, qcquid scilicet ab æterna veritate, ut pateret, definitum atq; præfixum erat. Jam verò quicquid hætenus pœnarum paulatim atq; particulatim

latim ei illatū est, totū simul immēso cū dolore patitur. Haftenus gradatim modò in hoc, modò in illo mēbro tortus fuit: iam in om̃ibus simul membris dolores fert intolerabiles. O quantoperè brachia illa sic extēsa dolebant, quæ tandiu in pœnis perdurauerāt. Quàm sēua illa manuū pedumq; vulnera intimas secabant cordis eius medullas, quandoquidem omne illis totius corporis pōdus imminēbat. Quis, oro, tā adamātino erit pectore, quē tales nō moucāt cruciatus? O quàm breuia in cruce dñs Iesus verba ptulit, & quàm grauida sacramētis. Iam reuerà impletū est, quod habet lib. 3. Esdræ, cap. 1. Et consummata sunt, quæ pertinebant ad sacrificium dñi. Significauit aut hoc verbo dñs gloriosam passionis suæ victoriā, debellatū expugnatumq; esse hostē antiquū, serpentē inuidū: quæ & ratio causaq; erat illi patiendi. Ideo nanq; humanæ naturæ vestē induit, vt eisdem armis hostē vinceret cōfunderetq;, quibus ille hominem se vicisse gloriabatur. Hæc, inquā, præcipua erat intentio & scopus passionis eius: atq; id iam fatetur esse consummatum. O quot admiranda breue hoc & subtile dictum mysteria, victoriasq; comprehendit. Consummatum est, inquit. Quicquid æterna sapientia constituerat, quicquid iustitia rigida p singulis quibusq; exigebat, quicquid charitas amanter poscebat; quicquid erat promissum patribus, quicquid mysteria, figure, ceremoniæ & scriptura præsignârāt, quicqd ad nrām redemptionē erat accōmodum ac necessariū, qcquid nrīs abolēdis debitis erat conducibile, quæcūq; ad nrās explendas refarciendasq; negligētias conferebant, quicquid gloriosum atq; amicabile esse poterat ad sublimē demonstrandū amorē, quæq; p nostra spiritali institutione ac informatiōe desiderare potuissem; qcqd deniq; honestum

honestū atq; cōgruum erat glorioso mirificæ redēpti-
onis nŕæ triūpho celebrando atq; victoriæ, cūcta hæc
isto sunt determinata verbo, Cōsummatū est. Quid igitur
adhuc superest, nisi vt & in hoc glorioso certamine
ipsam quoq; vitā suā finiat atq; cōsummet? & quia nihil
ei agendū restat, preciosam animam suā in patris offe-
rat manus, quādo bonū certamē certauit, cursum vitæ
suæ in omni sanctitate p̄fectissimè cōsummauit? Ideoq;
iustū est coronam eum suæ victoriæ adipisci, quā cæle-
stis pater dabit ei in ipsa exaltationis eius die. Denique
hoc verbo Christus oēm laborē, afflictionē & mœstiti-
am suam pro electis om̄ibus obtulit, quēadmodū Apo-
stolus ait: Qui in diebus carnis suæ preces supplicatio-
nesq; ad eum, qui possit illū saluū facere à morte, cum
clamore valido & lachrymis offerēs, exauditus est pro
sua reuerentia: Si enim sanguis hircorum & taurorum,
& cinis vitulæ aspersus, inquinatos sanctificat ad emū-
dationem carnis: quanto magis sanguis Christi, qui per
spiritū sctm̄ semetipsum obtulit immaculatū Deo, emū-
dabit conscientia nostrā ab operib⁹ mortuis, ad seruien-
dū Deo viuēti, in nouitate scilicet ac puritate spiritus?

Pater, in manus tuas commendo spiritum
meum. Cap. L.



Exhinc secundo dñs Iesus voce ma-
gna clamauit, dicens: Pater, in manus
tuas cōmendo spiritū meū. O quot-
quot dñm Iesum Christum diligitis,
adeſte, obsecro, & tota deuotione &
compaſſione illius diſceſſum attēda-
mus: videamus quis illic mœror, quē angustia, quis cru-
ciatus & preſſura fuerit, cū anima illa excellētissima,
à dile-

à dignissimo illo atq; sacratissimo corpore, in quo trigintatribus annis tā dulciter, pacificè, iucundè & sanctè, haud sec⁹ quàm duo amātes in lectulo vno, quicuerat, iam iamq; discedere cogeret. Quàm ægrè se diuelli ab inuicè patiebant, inter quæ nulla vnquā discordia, lis nulla, dissidiū nullū, nec vlla fuerat suborta simultas? O quàm grauis & ineffabilis illa crux erat, quādo sanctum illud corp⁹, tā fidum amicū, tam pacificū patrē familiās, tam piū deniq; cogebat præceptorē & magistrum dimittere. Quanto itidē cum mœrore præclara ac nitida illa anima à tam fideli seruo auellebatur, cuius tam mō rigerū erat experta famulatū, qui nusquā sibi pepercerat, nō frigus, non æstū, non famem, non sitim declinārat: quiq; & labores & dolores tam benignè semper & æquanimiter tolerārat. O quàm ingēs, quàm immensa fuit hæc crux & afflictio. Vt em̃ Philosophus ait, oīum terribiliū maximè terribilis mors est, ob amorē naturālē mutuāq; affectionē, q̃ etiā maxima est, animæ & corporis. Quanto igit̃ maior ille cruciatus fuit atq; dolor, dum à sese diuellerent anima illa sanctissima, & sacratissimū Christi corpus, inter quæ tam mira semp concordia, tā stupenda dilectio fuit? Itaq; intima cū cōpassione & anxio mœrore miserāda hæc separatio nostra semper in meditatione verset̃. Christi siquidē mors, nostra vita est. Contēplemur oīni cū deuotione, sacrum illud corpus nostrę salutis organū quātis fuerit correptum pœnis, cū oēs illius iam venæ exaruerāt, nec qcquam haberet nutrimēti, neruiq; oēs contracti essent: cūctaq; dñi membra ceu vltimū vale faciētia, cum pressura infabili ad mortē sese accōmodarent. Ah quis sine cordis cōpunctione, dolore, cōpassione gratissimum Christi vultū cōspicere queat totū verti in pallorē ac mortis

S

imagi-

imaginé, deficere oculos, & adhuc lachrymas fundere; sacrú demitti caput, & cúcta deniq; illius mébra, quem operib⁹ non poterant, nutibus ac signis nobis amorem ostendere? Quæso, cópatiamur illi, quia caro nostra & sanguis est: & nra utiq; non illius peccata sunt, p quibus turpé hác oppetit morté. O quotquot hætenus tepido ac frigido corde crucé Iesu præteristis, quos omnes isti horribiles cruciatus, miserabiles lachrymæ, & feruidus Christi sanguis instar aque pfusus, emollire nō potuer, vel vox ista acris ac valida, & terribilis eius clamor corda vestra scindat ac penetret. Quæ cælum, terram; inferos tremore concussit, quæ saxa scidit, vetusta aperuit monumenta, mortuos excitauit, & vestra lapidea molliat pectora, antiqua conscientie vestræ sepulchra detegat, plena scætorib⁹ ossium mortuorú, id est, vitiosorú actuum, & emortuos ad vitam reuocet spiritus vestros. Hæc etem ea ipsa vox est, quæ olim clamauit, Adá ubi es? quid fecisti? quæ Lazarum eduxit ab inferis, dicens: Lazare, veni foras, surge de sepulchro vitiorum tuorum, & sine te absolui à nexibus tuis. Et re vera non tam pœnarum immanitas, quàm magnitudo peccatorum dominum in hanc vocem prorumpere fecit. Clamauit etiam, vt ostenderet penes se mortis esse vitæque imperium, seu viuorum ac mortuorum. Quauis enim totus esset exhaustus & viribus destitutus, supraq; vires humanas in ipsis mortis acerrimis pœnis tam diu perdurasset, attamen cohibuit mortem, ne suam in se vim posset exercere, donec sibi gratum esset. Clamauit fortiter, vt homines terrenos, qui nil nisi terram quærunt, tremore ac timore concuteret, faceretq; eos meditari atq; attendere, quàm nudus & inops ipse dominus dominorum ex hac vita migrârit. Clamauit terribiliter,

tibiliter, vt luxuriosos omnes, qui in suis sordibus cō-
 sensuerunt, & vt canes mortui teterrimū spargunt ſœ-
 torem, atque vt iumenta computruerunt in stercore
 suo, ipso suo clamore excitaret, vt surgant quandoque
 miseri à libidine, cupiditate, voluptate ac sensuum ob-
 lectamentis, conspiciaturque, vti filius DEI, qui nul-
 lam vnquam contraxit licet tenuissimæ sordis macu-
 lam, ad patrem suum venerit, quoq; labore, dolore &
 cruciatu ex hac discesserit luce, & qua deniq; angustia,
 quāq; ineffabili cum afflictioe ad paternū pertigerit re-
 gnum. Et tamen ipsi suæ obsequendo carnis volupta-
 tibus, naturæq; affectibus ac desiderijs laxando habe-
 nas, nihilo minùs beatos se fore atque cælum conscen-
 suros arbitrantur. Ad hæc clamauit alta voce domi-
 nus, vt pigros ac tepidos omnes moueret ad deuotio-
 nem, & ad amorem accenderet. Quia & clamauit vocē
 magna, in signum gloriosæ victoriæ suæ, quam fuerat
 adeptus, dum aduersum crudelissimum atq; sortem ad-
 uersarium singulare initurus certamen, in mundi hui-
 us arenam campumque descendit, eundemque in Cal-
 uariæ monte profligans, spolijs omnibus exuit denu-
 dauitq;. Hæc, inquā, victoriā atq; triūphum gloriosum
 Chrs alta voce insigni triūpho ꝑclamauit, necnō præ-
 clara cum victoria atq; admirabili triūpho à loco cer-
 taminis abscedens, collecto vniuerso meritōrū suorum
 exercitu, ad locū deliciosissimū maximeq; delectabilem
 ipsum Dei p̄fis cor atq; sinū abiit, in illud & sese & oēs
 suos ceu locū tutissimū cōmendās, dicēdo: Pater, in ma-
 nus tuas cōmendo sp̄m meū. Ex his aut verbis animad-
 uertere licet, verbū æternū dñm nostrū Iesum Christū
 ceu hamū p̄scatoriū vel rete amplū charitatis missum à
 celesti p̄re in hoc mare magnū seculi hui⁹, ad capiēdum

nō pisces, sed hoīes rationales. Misit verò hoc rete Deus pater in dextrā, vbi copiosam se nouerat multitudinē constricturū. Ipsum audi dicentē: Verbū meū, quod egrediet de ore meo, nō reuertet ad me vacuū, sed faciet quēcūq; volui, & p̄sperabit in his ad q̄ misi illud. Porro rete hoc trahit iā a patre, ex mari salissimo ad paterni cordis quietissimū littus, plenū electis hoībus, operib⁹ charitatis, p̄nitētia, patiētia, humilitate, obedientia, exercitijs spūalibus, meritis, virtutibusq;. Siquidem Chrs cūctas in se traxit afflictioēs & opera virtuosā bonorū oīm. Nā quemadmodū Paul⁹ ait, viuo aut iā non ego, viuit verò in me Chrs: itidē Christus viuit in bonis omībus, qui mūdo mortui sunt, Christoq; sese tāquam instrumēta morigera subdiderunt. In his, inquam, viuit Chrs, patit & operat. Quicqd eū in cūctis hoībus boni est, totū sunt opera Dei. Sentiēs igit Chrs tractū patris, modo quodā admirabili collegit in se electos oēs cū vniuersis eorū operibus, eosq; patri suo cōmendauit, dicēs: Pater, hi tui sunt: hæc sunt spolia, quæ gladio crucis meæ victor obtinui, hæc vasa sunt, quæ precio sanguinis mei cōparaui: hi fructus sunt laborū meorū. Serua eos in noīe tuo, quos dedisti mihi. Non rogo vt tollas eos mecū à mūdo, sed vt serues eos à malo. Ita ergo Chrs sese cū oībus suis paternis cōmendauit manibus. Agē eapropter anima fidelis & deuota, attēde summo studio ingressum & exitum sponsi tui Iesu, sequere eum affectu & desiderio ad hoc vsq; conclaue & lectulum deliciosum, tibi ab eodē in corde paterno præparatum. O felicem illū, qui posset modò dissolui cū Christo, mori cum latrone, & audire à dño verbum illud solatiij plenū: Hodie mecum eris in paradiso. Quod tamen non datum sit nobis, quicquid tamen hic laborando,

do, vigilando, ieiunando, orando consequi possumus, cum Christo patri mittamus, refundamus in fontē, unde ad nos promanauit: nihil apud nos penitus resideat per vanā cōplacētiam: nihil maneat apud homines, aliquam laudē vel honorē aut præmium appetendo: sed quicquid Deus noster in nobis operari dignatus est, illius rursus manibus cōmendemus, dicendo: Ex nobis ipsis nihil fumus. Ipse fecit nos, & non ipsi nos. Omnia bona per ipsum facta sunt, & sine ipso factum est nihil. Vbi igit ille secum aufert quæ fecit ipse, nos pfectò nihil fumus. Deniq; cōmendauit Chrs animā suam in manus patris, vt demonstraret nobis scādere nūc post eum animas piorum bonorumq; hominum in sinum patris æterni, quas omnes antea ad infernū descēdere oportebat: quandoquidem viam ipse nobis aperuit, & sacra eius anima iter reddendo tutum atque securum, ducem se nobis præbuit ad regna cælorum.

Iesus emisit spiritum.

Cap. LI.



Ostea quā dñs Iesus iam dictū ptulerat verbū, inclinato capite tradidit spiritū. Inclinauit caput tū ad matrē, tum ad hoīes vniuersos, tanquā vltimū vale dicēs, extremāq; petēs copiā discedēdi, & osculū pa-

cis offerēs. Attēde hic anima fidelis ineffabilem Dei tui amorē, vt ad finē vsq; nos dilexerit. Aduerte, vt dempta iam omī loquēdi facultate, ac morte cūcta illius mēbra, vita erepta, occupāte, ipsa nihilo minūs mēbra, quæ poterāt, dilectionis argumēta dedisse. Vide hic verū Iacob extēsis brachijs filios suos benedicentē, collectisq; pedibus in lectulum crucis, ad patrē remigrantem. Aspice

S 3

gratissi-

gratissima Chri mēbra iā emortua, nihilo feciūs eūdem
 nobis, quē adhuc viuētia habebāt, demōstrare amorem
 ac beneuolentiā. Extensa manēt brachia, vt nos cōple-
 ctant: oculi demissi, vt nos aspiciāt: submissum caput,
 quō nos osculet: patētia atq; hiātia vulnera, vt in ea no-
 bis ingredi atq; cōfugere liceat. Ipsū quoq; caput, quod
 antē ad patrē sustulerat, sese illi cū lachrymis offerēdo,
 modō ad nos p amorē inclinauit, nræ cū p̄e recōcilia-
 tionis nobis afferēs optatissimū nunciū, atq; in placati-
 onis signū prābēs osculū pacis. Ad hęc inclinauit ca-
 put ver^o terrā, 'declinādo ā glorioso illo crucis titulo,
 ostēdens se gloriā oēm & honorē floccipendere, totāq;
 vitā suā in abiecta & humili se velle claudere pauperta-
 te, nec quicquā sibi mūdi hui⁹ pati adhērescere: hāc no-
 bis in ipso vitę suę termino tradēs institutionem, vt vbi
 honore aliquo aut laude afficimur ab hoībus, ad terrā
 nos submittere debeam⁹, nihilifaciēdo nos ipsos, atq; ita
 intra nos cogitando: Quid supbis terra & cinis? Sic igit
 vita in cruce occubuit, vt nobis de ligno crucis vitę fru-
 ctū porrigeret. Sic sic excellentissimū hoc preciū p no-
 bis fufum est, & abolita sunt debita nrā. Et q̄a optima fi-
 de patris legationē gesserat, expedieratq; ad eundē re-
 uersus est, in manus illius suū cōmendans spiritū: ac si di-
 ceret: In me dulcissime pater cūctorū debita mortaliū
 reiecasti: & ipse tuo p honore libens ea in me recepi. Fa-
 ctus sum velut exul ā regno meo, veditus in exteris re-
 gionibus. Captus p̄terea sum & despectus, plagis, vulne-
 rib⁹ & morte deniq; turpissima affectus. Passus sum, irā
 tuā ex me vltionē capere, vt meis placatus cruciamētis,
 pœnis & dolorib⁹, hoīem recipias in gratiā tuā. Satisfe-
 ci amoris postulationi & iustitiæ, nec non misericordiæ
 supplicationē executus sum. Me ipsum totū exposui ac
 obtuli:

obtuli: tibi meā voluntatē, Iudæis corp⁹, peccatoribus sanguinē, carnificibus vestes, discipulo amātissimā matre: nec iam quicquā habeo reliquū nisi afflictū, oppressum, atq; anxiū spiritū meū. Sub celo quidem locus nullus est, qui me dignus sit, præter cor pijsimæ & mœstissimæ matris meæ: sed & ipsa tot angoribus atq; pressuris obruta est, vt plūs capere nō possit: & certē afflictus spiritus meus, plūs ei molestiæ & grauaminis quā solatiū afferret. Itaq; ad tē cōfugio, quādo dolorē & mœsticiam meam solus diuinæ cōsolationis tuæ torrēs absorbere potest: & anxiū hūc spiritū meū in tuas cōmendare manus. Irā tuam satīs superq;, pater benignissime, in me declarasti, & grauiter sudare ac laborare me fecisti in alieno opere: debiti, quod ipse non confeceram, à me solutionem exegisti, & in grauissimis cruciatibus meis me solum reliquisti. Iam tandem castigato vnico filio tuo, sis, quæso, misericordiæ memori: aperi mihi pater: viscera tua, & accipe spiritum meum.

Velum templi scissum est. Cap. LII.



Inc porrò velum tēpli scissum est, terra tremuit, saxa diruta, sol est obscuratus. Facta sunt hæc mira atq; portenta, vt cælum & terra Iudæorū arguerēt incredulitatē, pariterq; infideles oēs, tamq; euidentibus signis Christū crucifixū, suū

Deum ac dñm testarentur. Ad terribilē nanq; sui conditoris vocē contremuerunt ingemueruntq; creaturæ oēs, optātes & ipsæ pariter occubere cū creatore suo, tanquā tēderet eas vltrā tā rebellib⁹ & ingratis hoībus famulari, & paratę essent decertare p opifice suo, illi⁹q;

iniurias vindicare. Atq; in huius indignatiōis argumen-
tum, sol mutauit colorē suum, terra cōtremuit, atq; ir-
rationales creaturæ, tanquā vindictæ appetētes, omēs
ob suū cōmote sunt conditorē. Vide hic quāta est illius
potentia, virtus & maiestas, qui dudū tam impotens, im-
becillis & abiect⁹ videbat. Exhibuit signum in celo, si-
gnificans se verū cæli dñm. Præstitit signū & in terra,
edicēs atq; denūciāns hanc suā esse creaturā, sibiq; sub-
ditā & obtemperantē. Ostendit etiā signum in templo,
demōstrans se supra legē, supra cæremonias & cuncta
esse sacrificia, penesq; se authoritatē esse legē abrogan-
di, sicut erat & statuēdi potestas. Ideoq; scidit velum, vt
nuda patefceret veritas, quæ sub literæ velamine atque
integumētis latuerat: simulq; re ipsa declararet myste-
ria, figuras, vaticinia cūcta impleta atq; detecta, quādo
ipse veritas æterna, ob quē scripta erant omīa, se ipsum
in cruce toti reddidit orbi manifestum. Quin & sancta
sanctorū scisso velo detexit, ostendens omē illud sacri-
ficatorū genus, quod pecorū sanguine celebrabat, anti-
quatū & abolitū esse, nec quicquam habere sanctitatis.
Christus nanq; summus sacerdos per propriū sangui-
nem introiuit in sancta iam detecta, atq; se ipsum extra
oppidū in crucis altari p omī plebe propitiū obtulit,
factus cōmune quoddā & perenne sacrificiū patri suo
pro hominibus vniuersis, ipsum petētibus. Nūc igit
cōpatiamur, obsecro, Deo creatoriq; nostro: aut certē saxa durissima & duriora ipsa
nos condénabunt, q̃ ipsa cōpassa fuerint suo condito-
ri. Deuotis agedū lachrymis ac pijs gemitibus nrā tun-
damus pectora, dicēdo: O quid fecimus? quid egim⁹? Hic
verus erat filius Dei, quē p peccatis nrīs crucifiximus.
Ipsam nostrarū iniquitatū magnitudinem, personę of-
fensæ

fenſe potētia & dignitate metiamur. Nō em̃ patriarchā,
 nō prophetā, nō vulgare aliquē regē Iſraeliticæ plebis
 contēpſimus: ſed I E S V M Chriſtū filiū DEI, regē regum,
 denuō crucifiximus, illius ſudimus cruorē, & noſtrorū
 graui pondere peccatorū ceu vnam expreſſimus. Omni
 capropter cū mœrore, deuotione, cōpaſſione illius ce-
 lebremus exequias, qui noſtras ob culpas occiſus eſt,
 quemq; ipſi nos occidiſſe fatemur. Si fieri poteſt, plore-
 mus membris om̃ibus, quādoquidem inſenſiles eō nos
 prouocāt creaturæ. O quis capere ſufficiat, quāto cum
 dolore & tormento nexus ille diſſolutus ſit, quem Spi-
 riſsanctus cōpegerat, quo p̃clara illa aīa cum venerādo
 Chriſti corpore ceu amans cū amante per amorē colli-
 gata erat. Quis ſatis admirari poſſit obſcurā illam luci-
 diſſimorū Chriſti luminū eclipsim, quæ ſuo aſpectu ter-
 ram illuſtrabant, ſuisq; radijs ceu gemina quædā mican-
 tia ſidera firmamenti mundum illuminabant: iam verò
 p̃ atrū mortis mediū p̃ſus obſcurati ſunt. Certè mirū
 non erat, tenebras vniuerſam terræ faciem occupaffe,
 quando ſol iuſtitix ablatus erat è terra, ſuosq; cōpreſſe
 rat oculos. O admirabile organū, ò cithara delectabi-
 lis, ò ſuauiſſima buccina, viuā vox Chriſti I E S V, cuius
 dulciſſima melodia exhilarauit patrē, & angelos gaudio
 affecit immenſo: cuius beatiffimus ſonus viuos docuit,
 excitauit mortuos, curauit ægrotos, refecit eſurientes,
 fugauit dæmones, torpidos ac ſomniculoſos excitat &
 alacres reddit: quis, quæſo, noxium hoc tibi indixit ſilen-
 tium, vt nos mellifluis tuis deſtituti verbis, & voce ſua-
 uiſſima ac iucundiffima priuati, in mortis iam ſomnum
 miſerabiliter prolapſi ſimus? O glorioſum Chriſti pe-
 ctus, ò diuinū tricliniū, ò arca cæleſtis: in quo ſunt oēs
 theſauri ſapientix & ſciētix abſcōditi, & oēs virtutum

atq; charismatū diuitiæ cōtinent, quod inspiras in faciem creaturarū vitæ spiritū, quis te vita priuauit. O manus benedictæ, summi artificis organa, quæ solo contactu morbos oēs depulistis, quibus data est mūdo benedictio, quis vos tā inhumaniter cruci affigere ausus fuit, oblitus salutis illius magnæ, quæ per vos facta est? O IESV Christe, agne māsuetissime, vnde hæc tibi tā horrida in manibus tuis vulnera? Rēspōdet per Prophetā, His cōfectus sum in domo eorū qui diligebāt me, id est, qui me iure meritoq; diligere debebāt, aut qui me diligere videbātur. O sacri pedes dñi IESV, columnæ templi diuini, in iustitię basibus fundatæ, politissimè decoratæ capitellis charitatis, qui nunquā à veritatis itinere deuiaſtis: sed om̃ibus sup̃emæ perfectiōis viam p̃cedendo demōstrastis, cunctisq; æterna pro institutiōe geminæ reliquistis vestigia dilectiōis, quis vos tam rigidos, tam inflexibiles reddidit? quis vulnerare vos nihil verit̃ est, apud quos feruentissima illa amatrix beata Magdalena, tam vberè est adepta gr̃tiā, sub quib⁹ mare stetit, & consolidatū p̃buit iter calcātib⁹? Elemēta ipsa reuerētiam vobis, vt dignū erat, impēderūt, & sæui hoīes vos suffixere in cruce. O gloriosissimū corp⁹ Ch̃i IESV, preciosum Dei ciboriū, quo sacratissimæ semperq; venerādæ Trinitatis tēplum mirificè sacrat, vtpotè per Sācti spiritus mysteriū de excellētissima purissimæ p̃stantissimæq; virginis matris natura fabricato, virtutum oīm ornatu decore, quis te ita miserādum in modū destruxit, p̃strauit, & ad terrā vsq; humiliauit? O spurcissima Iudæorū synagoga, quæ toties ab amicabilib⁹ legitimi mariti tui Dei Opt. Max. amplexibus turpiter ac impudenter te subduxisti, & à viris alienis fallacium idolorum es polluta,

luta, etiam hunc pulcherrimum Ioseph oculis lubricis aspexisti, & ut purum hominem complecti & tractare voluisti, non credens eum DEI filium. Sed Ioseph hic incontaminatus & innocens, pestiferæ voci tuæ neutiquam morem gessit, nec fallacibus dictis tuis fidē commodauit, neque ad te de cruce descendit: sed in inuiolatæ argumentum innocentie suæ, discissum pallium suum reliquit in manibus tuis, nudusque extra sordidum synagogæ vestræ cubiculum profugit ad patrem, malens pallij, id est, corporis sui iacturam facere, quàm animam suam commaculare. O Hierusalem & Israelitæ omnes, qui per fidei lumen ad DEI cognitionem perigistis, & insuper Dominum ac regem vestrum iniquis operibus crucifixistis, fundite lachrymas, plorate ac ingemiscite: quandoquidem quæ prius pacis erat locus, nunc est vallis malitiæ, & campus certaminis ac dissensionis: quæ antè ciuitas sancta erat, nunc est deterrima spelunca latronum: qui quondam electus eratis populus, nunc abiecti estis & execrabiles, ac homicidæ coram DEO. En sanguis innoxius fratris vestri, quem in vos recepistis, ac tyrannica crudelitate fudistis, dat altos è terra clamores ad patrem cēlestem aduersum vos. Aspergite cinere capita vestra, lugubrem sumite habitum: quando in vobis occisus est plebis Israeliticæ Seruator: deficient ac tabescant præ lachrymis oculi vestri: quoniamquidem summi regis filium vnicum repulistis. Respice nunc homo faciem Chri dñi tui, quam angeli ineffabili cum delectatione cōtemplantur, prorsus deformem, squalore palloreq; obsitam, nec speciem ullam præferentem. Versa iam huc atq; illuc sacrū Christi corpus, ab ipso summo capitis vertice vsq; ad imam pedis

pedis plantā nō inuenies nisi vulnera & sanguinem: simulq; deformē hanc tui redēptoris speciē imprime cor di tuo: sit hęc miseranda facies tuos semper ob oculos, adeoq; tuis hęc fixa hæreat sensibus cogitatusque, vt vanorum omnium penitus obliuiscaris.

Iesus lancea confoditur.

Cap. LIII.



Ost hęc ob instantē Paschalē solennitatem, qua indecēs erat, extincta corpora manere in cruce, petierūt Iudæi à Pilato, vt crucifixorū crura frāgerētur ac tollerent: obtētaq; licētia, primò latronū crura fregerunt. Ad IESVM aut cum venissent, vt viderūt eum iam mortuū, nō fregerūt eius crura: sed vnus militū, Longin⁹ nomine, lācea latus eius dextrum aperuit, & cōtinuō exiuit sanguis & aqua. O dirā inclementiā Iudæorū, o cruentā candemq; inextinguibilē sitim, quæ tāto fuso sanguine necdū restincta est. Quæ in viuū adhuc corp⁹ illius tormēta plusquā tyrānica congestistis, qui nō pepercistis extincto iam cadaueri? Fecerunt hoc Iudæi ex fallacia & nequitia singulari. Nouerant enī, qđ dedecus illatum defuncto, tanquā adhuc viuenti factū habeatur: & persuadere hoc ipso volebant omnibus, tantū esse scelus ac facinus seruatoris, qđ in viuo corpore dignè castigari nequiuerit, itaq; necesse fuerit in corpus extinctū cruciādo desæuire. Ad hęc Pontificū captabāt gratiā, quibus certa mortis eius iudicia referre cupiebāt. Cæterū quāuis nihil hinc corpus dominicū doloris persenserit, quippè quod emortuū atq; insensibile erat, alia tñ ratione quadā hinc dñs afflīct⁹ est: vt adhuc quotidie patitur & crucifigitur à multis, qui per

per sacra eius iurāt vulnera & passionē, grauib⁹q; sceleribus suis maiori cū iniuria & cōuicijs afficiūt, quā qui cū corporaliter crucifixerunt. Multo nāq; graui⁹ accipit contēptum diuinæ maiestati suæ, qua vnū est cū patre ac Spiritu sancto, irrogatū: quā externos illos cruciatus, corpori eius tēpore passiōis illatos. At quis cogitādo cōsequi possit, quā dirē lancea hæc deuotissimā piē m̃ris MARIAE animā cōfixerit ac sauciārit: cuius vtiq; aīa & cor in dilecti filij, qui erat totus amor & thesaurus illius, corpore demorabatur? Si enim Augustin⁹ credim⁹, magis est anima vbi amat, quā vbi animat. Dicit hoc etiā D. Bernardus: Reuerā mater dulcissima doloris gladius scidit animā tuā, qñ lācea crudelis filij tui cōfixit latus. Nō em̃ sua illic, sed tua poti⁹ anima erat. Itaq; p̃cipua es m̃tyrū oīm: qñquidē immēsus intern⁹ dolor tuus, externa m̃tyrū vicit cruciamēta. Est hui⁹ figura quædā in Saul, qui elect⁹ pri⁹s à Deo, sed postea p̃ suis scelerib⁹ repudiatus est, qui nobis Iudaicū populum designat. Hic Dauid lācea cōfodere voluit: sed Dauid, per quē Christi animā accipimus, fugit per exitum mortis: & lancea perlata est in parietē, id est, latus corporis Christi, quod vasto affecit vulnere. Itidem & de Absalone legimus p̃ntē cū ex arbore, trib⁹ lāceis esse cōfixum. Qui & ipse Ch̃m nobis referre potest, p̃ filijs hominū forma speciosum. Nā & hic tribus lāceis cōfossus est. Prima fuit dolor ingēs ob extēniā suam afflictionē. Secunda m̃ceror immēsus, quē ex cōpassionē erga pijsimā matrē suā conceperat. Tertia, crux internā ob nimīā ingratitudinē nostrā, quodq; p̃videret acerbissimā passionē immensosq; labores & cruciamēta suā in bona hominū parte nullū habitura effectū. O quāto (proh dolor) hodieq; reperire est, qui instar Iudæorum Domi

Dominū persequantur, & crucifixū insuper dirē vulne-
rent. Faciunt hoc, qui posteaquā semel mortiferis Do-
minum peccatis crucifixe, atque insuper signa exper-
ti sunt, postquā terra ipsorū ad vocē & inspirationē DEI
contremuit, & saxeum pectus emollitū est, necnō spur-
cissimū consciētiae ipsorū sepulchrū apertum est, ossaq;
putētia per contritionē & confessionē indē eiecta sunt:
post vermes corrodentes per absolutionē remissionēq;
profligatos, post cælestis gratiæ pceptā illustrationem:
quādo sua tundētes pectora, dixerūt: Quid fecimus? re-
uerā hic erat fili⁹ DEI, quē nos crucifixim⁹, denuō Chri-
stū vulnerāt & ludibrijs probrisq; indignis psequūtur.
An verō nō hoc irridere est, confiteri illius potētiam &
maiestatē, & tam leuiter, tā potētis ac sublimis dñi iussa
spernere, atq; illi⁹ resistere voluntati? Porro notabiliter
de hac lancea Euāgelista ait, non q̄ Christum vulnerā-
rit, sed quod latus eius aperuerit, significans vitæ nobis
ostium patefactum. Sacri nanq; lateris Christi vulnus,
porta est sacramentorum, sine quibus nulli nostrum pa-
tet accessus ad beatā vitā. Vnde etiam addit Euāgelista,
Et continuō exiuit sanguis & aqua. Facilē autem hinc
animaduertere licet, tamen si natura CHRISTI mortalis
fuerit, in quibusdam tamen cæt̄is admodum dissimi-
lem fuisse. In alijs nanque, vbi animam fuderint, sanguis
coalescit: at ex CHRISTI latere non sine miraculo cœ-
ex fonte viuo, re vera sanguis & aqua manauit, indicās
vium eum fontem esse, vnde omnium nostrū vita pro-
fluxit, de quo legitur apud Zachariam: In die illa erit
fons patens domui David, & habitantibus Hierusalem
in ablutionem peccatoris & menstruatae. Idque nobis
sanguis & aqua de CHRISTI latere manantia, significā-
runt. Sanguine nanque, qui est precium redemptionis

nostræ, abluimur à peccatis: & aqua, quæ est figura baptismi nostri, ab vniuersis originalis peccati maculis expurgamur: quemadmodum per Ezechielem Dominus ait: Effundâ super vos aquâ mûdam, & mundabimini ab omnibus inquinamentis vestris. Est etiâ apertum Christi latus haud procul à corde, vt nobis accessum aditumq; ad cor suum patefaceret. Vnde Augustinus ait: Aspice ostium in arcæ latere, per quod ingrediuntur creaturæ omnes, quæ à diluuiio seruantur. Contuere originem tuam, patrè tuum, qui te regenerauit ad vitam. Sicut enim ex Adæ dormientis formata est Eua mater nostra, ita ex latere Christi in cruce morientis Ecclesia sumpsit exordium. Denique apertum est Christi latus, & continuo inde sacramenta fluxere. Patet hinc amor erga nos Christi incompræhensibilis: dum se totum pro nobis impendit: nihil abscondit in corde suo, quin totum nobis contulerit. Quid ultra nobis facere potuit atque fecit? Ipsum nobis cor suum tanquam secretissimum cubiculum suum reuerauit, vt nos in illud ceu electam sponsam suam introducat. Sunt namq; deliciae eius esse nobiscum, & in silentio tranquillitate, ac tranquillo silentio apud nos quiescere. Dedit, inquam, nobis cor suum dirè vulneratum, vt in eo comoremur, donec penitus expurgati & mundi suoq; cordi conformes, idonei ac digni simus vnà cum ipso in patris æterni cor diuinum abduci. Dat planè nobis cor suum, vt sit nostra habitatio: vicissimque repetit nostrum, vt sit suum habitaculum. Præbet, inquam, nobis cor suum ceu lectulum purpurei sanguinis sui rubentibus ornatum rosis: reposcitque cor nostrum, lectulum sibi candidis mundorum operum lilijs decoratum. Quis illi negare auit, quod tam profusa nobis liberalitate contulit? Ecce inuitat nos in mellifluâ vulnera, atque ama-

simas, ita ut nō aquā modō, verū etiam scriptura teste,
oleū ex hoc saxo durissimo sugere liceat. Hinc prophe-
ta Hieremias ait: Relinquitte ciuitates, id est, populares
strepitus ac perturbationes, & habitate in petra habita-
tores Moab: & estote quasi colūba, nidificās in summo
ore foraminis, id est, parulo latere Christi. Hic est lapis,
quem Iacob patriarcha erexit in titulū, fuditq; oleum
desuper, in signum abūdantis misericordiæ ac pietatis.
Quid nobis hac in petra deesse queat? Nimirū à cunctis
hostibus nostris tuti hīc sumus atq; securi: serpens an-
tiquus & tortuosus ille coluber huc accedere non va-
let. Sublati hīc sumus à terra, & in via cæli positi: tentet
mundus, mineat hostis, queraat caro: nō est certē q̃ formi-
demus, quādo supra petrā fundati sumus. Nusquā tam
securi sumus, ut in vulneribus seruatoris. Ego verō (D.
Bernardus ait, mutuatus quēdā ex Augustino) fidenter
quod ex me deest, vsurpo mihi ex visceribus dñi, quoniam
am misericordia affluūt: nec desunt foramina, per quæ
effluant: Foderunt manus & pedes, latusq; lancea per-
forauerunt: & per has rimas licet mihi sugere mel de pe-
tra, oleumq; de saxo durissimo: id est, gustare & videre,
quā suauis est dñs. Cogitabat cogitationes pacis, & ego
nesciebam. At clauis referās, clauus penetrās factus est
mihi, ut videā voluntatē dñi. Quidni videam per for-
amen? Clamat clauus, clamat vulnus, q̃ verē Deus sit in
Christo mundū reconcilians sibi. Ferrū pertransijt ani-
mam eius: appropinquauit cor illius, ut nō iam nō sciat
cōpati infirmitatibus meis. Patet arcanū cordis per fo-
ramina corporis: patet magnū illud pietatis sacramen-
tū: patēt viscera misericordiæ Dei nostri, in quibus vi-
sitauit nos oriens ex alto. Quidni viscera per vulnera
pateāt? In quo enī clarius, quā in vulneribus tuis elu-

T

xisset,

xisset, q̄ tu dñe suavis & mitis & multæ misericordiæ? Augustinus quoq;: Lóginus, inquit, aperuit mihi latus Christi lancca, & ego intraui. Hic fidenter habito, hic me iucundè reficio, hic quiesco suauiter, hic pascor delectabiliter. At quis tunc mœror, quis dolor inuasit venerandá Dei genitricé & virginé Mariá, cum vnicū solatiū, & om̄e cordis sui oblectamentū mortuū vidit in cruce pēdere? O quàm vox illa horribilis pijsimū illius cor penetrauit, quādo dilectissimus idemq; vnigenitus filius eius voce magna clamās, suū efflabat sp̄m? Vt tūc anima illi⁹ præ flagrantissimo amoris Christi igne instar cere liquefacta est, & vt cera itidē sigilli, defuncti videlicet & crucifixi filij sui miserandā in se imaginē recepit? Sūt nāq; p̄fecti amoris tres cōditiones siue effectus vel opera. Primū opus est, q̄ amantē fortiter rapit extra se ipsum. Eten̄ fortis est, vt mors, dilectio: & sicut mors violenter aīam auellit à corpore, ita p̄fectus amor hoīem prorsus à seipso abstrahit, adeò vt totus in se deficiat. Alterū amoris opus est, q̄ attrahit, siue intrò trahit. Vt em̄ primò amantē extra sese abstrahit, ita secundò eum iungit & vnit dilecto, trahitq; eum ad dilectū seu in dilectum: quēadmodum dñs animæ amanti dicit: Perpetua charitate dilexi te, ideo attraxi te miserans. Idq; tam verè facit charitas, vt amans non sit vbi stat vel ambulat, sed vbi amat. Vbi nāq; est thesaurus noster, ibi est & cor nostrum. Et Augustinus dicit: Talis est quisq;, quale id quod amat. Qui terrena diligūt, vermes sunt & non homines. Qui voluptates carnis amant, bestię sunt rationis expertes. Qui cælestia diligūt, angeli sunt: quia conuersatio eorū in celis est. Qui Deū p̄fecto cōplectuntur amore, Deus sūt, sicut Dauid ait: Ego dixi, dii estis, & filij excelsi oēs. Quod em̄ Deus est per naturam, id ipse

ipsi efficiuntur per gratiam & amorem transformantur.
 Enimvero tertium amoris opus est, ipsa transformatio:
 quod & precipuum ac maxime proprium illius opus est,
 ut amantem conformem ac similem reddat dilecto: ut
 ignis ferrum omnemque materiam, in quam agere potest,
 in se transmutat. Vnde etiam Deus, qui amor est increa-
 tus, ex immenso largifluoque amore hominem fecit ad
 imaginem & similitudinem suam: rursumque, eodem im-
 pellente amore celsissima illa ac amore flagrantissima
 diuinitas, adeo se deiecit & humiliavit, ut formam &
 similitudinem induerit hominis, quem tanto opere ama-
 bat. Sic & beatissima virgo Maria Iesum dilectum filium
 suum, ut talem decebat matrem, prorsus medullitus dile-
 xit, vicitque omnes amando: eapropter vi amoris & effica-
 cia tota extra se abstracta, & in Christum dilectum suum
 rapta fuit, adeoque ab eo transformata, ut omnino illi si-
 milima fuerit. Tota namque instar mollis cere in extin-
 ctam atque crucifixam illam filij sui imaginem impressa
 est, eiisque assimilata, cum eodem pariter vnigenito suo cru-
 cifixam, sauciata, occisa, & omni ex parte dire cruciata,
 ita ut iam non in seipsa, sed in Christo dilecto suo viue-
 ret, & ille vicissim in ea. Etenim si virtus amoris Chri-
 sti adeo Paulum absorbit, ut diceret, Vivo autem iam
 non ego, vivit vero in me Christus. Itemque, Christo con-
 fixus sum cruci, & stigmata Iesu porto in corpore meo:
 quanto magis id beatissimae virginis euenisse credendum
 est, cuius utique amor mortalium omnium sic vicit amo-
 rem, ut rivulum aliquem vastissimum mare? Quis igitur
 acerrimos illos capiat dolores & cruciatus, quos
 mater moerensissima sensit, quum lancea CHRISTI
 venerandum latus horrido conficeret vulnere? Planè
 hic est gladius doloris, de quo Simeon ille iustus olim sue

rat vaticinatus. O beatos illos, qui huius sunt vulneris participes: quorum corda beata amoris Chri lancea sic configit, vt deinceps perēni ferueant charitatis ardore.

Iesus de cruce deponitur. Cap. LIII.



Ideamus nūc quā tristes exequias, quāq; lugubres ceteriq; seruatoris amici ad defunctū Christi corpus celebrāt. O quāto cū desiderio ac deuotione virgo pijsima Christi filij sui crucē amplexa est, sanguinē illū & aquā ex illius latere manantia reuerēter excipiens. O quoties sua ad eū extēdit brachia, cupiēs etiā exterioribus mēbris suis eū excipere & cōplecti, vt eū iā animo suo impresserat insculpserratq;. O quāta cū deuotione, quāq; amāter Christi corpus emortuū, iam depositū à cruce, maternis suis est amplexabrachijs, suoq; appressit pectori? Tum verò quā oīa illius viscera noua sunt cōpassione cōcussa? Vt anima eius, ceu cera igni admotā, amore est liquefacta, ipsaq; tota soluta in lachrymas? O quāto tota illius pruit in faciē ita deformem ac mirē deturpatā, insatiabiliter eam exosculans, & calidis suis lachrymis nō lauans modò, sed etiam vbertim irrigans? Sed & feruentissima Christi amatrix Magdalena, quāto deuotē ad pedes illius corruit, apud quos tantam olim erat gratiam cōsecuta, denuoq; eos lachrymis suis abluuit, sacrisq; vulneribus affigens oscula, eandem defuncto quam adhuc superstiti illius corpori humanitatem exhibens & amorem? Quāto deniq; omnes Christi amicos qui illic aderant, vehemens occupauit compassio, & ingens accendit ardor amoris, haud secūs quā feruentis-

uentissimus ignis propè astantes. O quàm tristes erupere in lachrymas per Christi corpus ex illorum oculis vbertim manantes. Quos gemitus, quæ suspiria ediderè in cælum. Quàm tristitia funeri illi iusta exoluerunt. Nul lum illic audire cantum erat, sed gemitus tantùm & lachrymas atq; lamenta. O quàm veneranda illa parens, per singula quæq; membra ac vulnera discurrens, eadem scrutata & osculata est, plorans super singula, & lachrymis ea lauans: quin & singula quæq; cordi suo inscribens, doloresq; membrorum singulorum expendēs ac trutinans secum in corde suo, & ad singula dāns gemitus incompræhensibiles: simulq; pro voto animi sui de sanguine ac medullis cordis sui vnguētum in ardenti suo amore conficiens, eodemq; cuncta illius vulnera plagasq; perungens. O quàm tūc feruentes lachrymullæ per dulcissimam illius piæ matris faciem ceu riuuli amœnissimi decurrerunt, alię alias anteuertere & quasi certatim Christi corpus contingere gestientes. Immo, vt B. ait Augustinus, quis illic angelorum sibi temperare potuit à lachrymis, cū regem & dominum suum tam fœda ac tūrpi morte absumptum videret? cū contra naturam naturæ conditorem, Deum immortalem in humana natura mortem oppetisse conspiceret? Vt luminosa illa Cherubin ac ardētia Seraphim ad ineffabilem hanc obstupere charitatem, quum vitam ex amore occubuisse cernerent, vt mortui redirent ad vitam? Enimuerò sacratissimum Christi corpus tam inhumaniter cōscissum, dilaniatum, extinctū, pijsissimamq; virginem matrem tam anxie illud amplectētem, illiusq; cruore tinctam, atque adeò miserandum in modum lachrymas vbertim fundentem, vt sibi temperare non posset, beati illi cælestesq; spiritus coram intuebantur.

Quid verò D. Ioānes? quā putam? mœstissimæ matri suæ se lachrymando ac mœrēdo cōformauit, sociumq; fidissimū adhibuit? quā piē, quā suauiter eā consolās hortabatur, vt modū poneret parūper tātis lachrymis, tā immēso dolori? O quā & ipse se vehemētissimo spiritus cū angore & pressura ad sacrū Christi pectus prouoluit, in quo dudū tā suauiter requieuerat, piarum refundēs vndā lachrymarū in fontē illū, vnde aquā sapientiæ salutaris potārat. Dehinc Ioseph, Ioānes, & cæteri amici Iesu beatā virginē obnixē rogabant, vt corpus Dñi pmitteret ad sepeliendū cōponi ac preparari: quandoquidē sol tēdebat ad occasum. Tū verò pia mater voce lamentabili respondit: Misere mini mei, misere mini mei saltem vos amici mei: nec tam citò me auellatis à dilecto filio meo: ne mihi, quēso, tam celeriter auferre velitis, quem meis gestauī visceribus: finite me vel mortuo frui, quem viuum habere non potui. Liceat mihi, obsecro, extincto illius corpori amorem impendere ac beneuolentiam, quam in passione minimē dabatur. Irrigem nunc lachrymis meis, cui in acerrima licet siti illius nec aquæ guttam porrigere sinebar. Exattem interim animum meum flendo, gemendo, quæ non potui dulcissima illius præsentia refoueri. Nolite, obsecro, nolite matrē auellere à filio suo: ne mihi tam citò subtrahere velitis, quem tam diu desiderauī, aut certè vnā cum amantissimo nato meo me sepelite. Itaq; nō parua eos angustia tenebat. Dies nanq; ad occasum decliuor, corpus eos sepulturæ tradere vrgebat: & nihilo minùs matris mœstissimæ acerbissimos dolores, vt dignū erat, vehementer miserabantur. Neq; enim iam minùs afflictam nouis doloribus obruere volebant. Quamobrem dabant interim amoris eius operandi locum, flagrantissimamq;

simamq; sitim suam eam paulisper explere patiebantur. Hinc porro S. Ioânes suauibus eam ac prudentibus deliniuit verbis, rogans vt filium suū sepeliri permetteret: & ipsa non utiq; sine dolore cōsensit. Atqui ò quàm deuotè, quàm afflicte sui prosequēbat filij lamentabile funus, illius sacrū tenēdo caput, oculis fixis in faciē eius, eādēq; innumeris deosculādo vicibus, suisq; lachrymis irrigādo. Vnde, quæso, mœstissima parēs oēs illas, quas hodie fudit, habere lachrymas potuit? Qui pijssimū cor illius intolerabilē hāc angustia & pressurā ferre quiuit? Nimirū fecit hoc amor ardētissimus, ipsa quoq; morte fortior. O quali cū dolore ac gemitu tā charum, tā preciosum reliquit thesaurū. Quām verò amāter illius est amplexa sepulchrum, tanquā si nō quidē lingua, (Quī em̄ potuisset tātis cordis correpta angorib⁹?) sed mēte diceret: O sacrū monumentum: O felix tumba, O saxū preciosum, ò præclarum margaritū, ò admirabile ciboriū, quām insignē thesaurū, quām excellēs brauiū, quām immensum cōplecteris dñm. O vas electū, ò felix creatura, quæ digna es tuū excipere conditorē, hospitioq; recipere regē glorię: pone iā natiuū rigore & asperitatē tuā, ac mitesce, vt teneros dilecti filij tui artus reuerēter cōplectaris. O arca gloriosa, ò excellēs Dei templū, præ creaturis oībus mihi similimū. Vt em̄ ipsa à deo electa sum, quæ in castis visceribus meis eius filium gestarem, ita & te elegit, vt venerandū Christi corpus excipias, gloriosum beatissimę trinitatis organū, quo Deus tam mirificè operatus est, inæstimabilē mūdi thesaurū, bonumq; præcipuum, cēlū terramq; sua vincēs præstātia ac dignitate. Et quō tu nouū es, nec vllius adhuc corporis contactu fœdatum: ita & ipsa à creaturarum omniū attractu mūda sum & immunis. Sicuti ex te clau-

so, seruator orbis surget rediuuius, ita ex meo cōcluso
 vtero mundi salus p̄cessit. Ac demū vt̄ tu saxū es soli-
 dū ac immobile, ita & ego incōmutabilis ac inuicta in fi-
 de omniq; virtute permāsi. Habet etiā dominicū hoc
 monumentum formā quandam & effigiē spiritualis illius
 monumēti, quod virgo beata amantissimo filio suo, suo
 in corde parārat. Vt em̄ sepulehrū hoc ferris acutis ex-
 cisum atq; politū est, ita gloriosa virgo acutissimo do-
 loris gladio in intimis animę suę locū accōmodum ex-
 cidi permisit, monumentū vtq; tā afflicto & ex crucia-
 to corpori congruū valde, quū diligat Dñs cor humile
 & contritum siue angustijs oppressum. Et sicuti in hoc
 sepulchro nondū quisquam positus fuerat, ita virginis
 matris cor deuotissimum nullus vnquam peregrinus
 creaturarum amor vel affectus saltem tenuissimē con-
 taminārat. Ipsa nanque porta illa clausa est, nulli vn-
 quā patefacta, per quā solus princeps & rex Israel p̄ces-
 sit. Erat pręterea monumentum hoc in horto: quando-
 quidem virgo intemerata hortus conclusus est dilecti,
 discretionis seu prudentiæ sepe cinctus, vtpote quæ
 tanto fuit lumine ac discretionē perfusa, vt nullum vn-
 quam malum ne sub virtutis quidem tegmine in ei⁹ po-
 tuerit hortum obrepere: nec vel tantilla hortus eius pa-
 tebat ex parte, qua serpens ille liuidus ac impurus ocu-
 los vel semel inferre potuisset: qui tamen paradisi glo-
 riam non ingredi modò, sed etiam conspurcare ausus
 fuerat. Quin & fœcundus adeoq; omnigenis virtutum
 herbis consitus fuit, vt nullus in eo vacaret locus, vbi
 quoduis lotium emergere quiuisset. Ad singularē nanq;
 almę virginis huius gloriam, creuit in ea flos campi &
 liliū conuallium, flos excellens ac aromaticus Iesse,
 in quo requieuit spiritus sanctus, & rosa Iericho amœ-
 nissima:

nissima: adeoque in signum euidens diuinę ac singularis benedictiōis eius pullulauit ex ea vinea beatissima, cuius palmites ad superna feruntur, cuius odor viris omne & omnes pellit serpentes: cuius vinum cor lætificat & accendit, ac iuxta Prophetam, virgines germinat. Habuit etiam sanctissima mater puram sindonē, id est, simplicis obedientię, innocentię ac intergerrimę vestem virginitatis. Nec defuit ei aloë amarissimi doloris, ac myrrha afflictionis intolerabilis. Habuit denique preciosissimum balsamum, vnguenta speciesque virtutum omnium. Atque ita demū Christum filium suum obuoluit, punxit, atque in sacratissimo sui pectoris monumento sepeliuit. Iam verò etiā hoc mēte rulinemus, quanto cum mœre afflictā mater à monumēto discesserit. Quām hæc ei perpetua fuit cogitatio, quem amisisset, quām inestimabile pignus sub lapide condi siuisset. O quā miserandum in modum à sancto Ioanne cæterisq; amicis suis à sepulchro abducta fuit, quippe quæ tota penē exhausta atque absumpta erat. Reuerā quisquis huic ita affectæ, ita mœrenti, ita grauiter laborati virgini ac matri, immo & domine nostrę non compatitur, non est viuens gratiæ filius, sed abortiuū, insensile ac mortuum, & indignus planē, qui lac gratiæ ex maternis eius sugat vberibus. Sed & nos quoque cum eadem virgine matre, vt iam dictū est, Chrm IESVM nostris in cordibus sepeliāmus, vt & resurgat in nobis, & nos per ipsum & in ipso ab vniuersis operibus mortuis resurgamus, vnaq; cum illo ad paternam vsque gloriam felicissimē conscendamus, ipso nos adiuuante, qui est benedictus in secula.

Amen.

T 5 Oratio

Oratio deuotissima pro conformitate sacra-
tissima vitæ ac crucifixæ imaginis Ie-
su Christi. Cap. LV.



Incôpræhensibilis vnitas, O adorā-
da Trinitas Deus, obsecro te per as-
sumptā, eandemq; crucifixam domi-
ni nostri iesu Christi humanitatem,
inclina abyssum diuinitatis tuæ ad
abyssum vilitatis meę, omniq; pro-
fligatā malitiā mea, crea in me cor
mundum, & spiritum rectum innoua in visceribus meis.
O iesu bone, per immensum illū amorem, qui te ex pa-
terni cordis sinu traxit in vterum virginis illibatæ, per
humanæ naturæ assumptionem, in qua mihi seruiuisti,
meq; ab æterna morte liberaſti, trahe me extra meipsum
in te Deum meum, recuperetq; mihi hæc charitas tuā
Deus gratiam tuam, & perficiat atq; augeat in me quic-
quid deficit mihi, collapsa erigat, destructa restauret, &
me sanctissimæ vitæ & amabili conuersationi tuæ con-
formet, vniatq; te in me, meq; includat in te, atq; in ta-
bulis carnalibus cordis mei, & cūctis moribus meis san-
ctam omniq; virtute cōspiciuam vitam ac morum tuo-
rum exaret honestatem. Absolue Deus meus spiritum
meum à cūctis reb⁹ inferioribus, rege animam meam,
& simul cum corpore meo sancta ac iusta opera opera-
re. Per sanctam natiuitatem tuam purifica me in nouam
vitam. Per sanctam cōuersationem tuam in cūctis me
perſice virtutibus. Per sacram doctrinam tuam, illumi-
natis mentis meæ oculis, doce me compendiarīam se-
mitam veritatis. Per humilem pedum discipulorum tuo-
rum, immo & ipsius proditoris tui ablutionem, quic-
quid in me vitiosæ est propensionis & pedes prauorum
affectuum

affectuum meorum munda purificaque, & serua eos ne denuò sordibus inquinentur. Per cœnaculi præparationem, excellentissimi Sacramenti institutionē, in quo teipsum ex amore ineffabili æternum dedisti cibum atque potum, adapta ac instrue commodum tibi locum in meipso per teipsum, faciasq; intra me cœnaculum tuū omnigenis illud virtutum aromatis floribusque exornans, vt idoneum sit te ad te intra se recipere, idq; ex tuis dignissimis meritis ac præparatione gratuita atq; condigna: velisq; ipse & domus & paterfamilias, sacerdos & sacrificiū, dator & susceptor esse, & me totū immuta atq; consume ardentissimo amore tuo, transforma; & vni me in dilectione tua, vt mihi ipsi moriar, tibi verò soli viuam: & sis hinc ipse laus tua coram sanctissimo patre tuo in cœlis & in terris: mihiq; præsta Iesu vita atque dulcedo mea, vt huic charitati tuæ nunquam ingratus inueniar. Per immensam humilitatem tuam, qua à proprio te discipulo vendi passus es, da mihi Deus meus, vt pro nulla vnquam re caduca, aut inanis gloriæ flatu verè inani te Deum meum vendam, omnemq; mei contemptum pro benedicti tui nominis honore pia mansuetudine ferre contendam, & vt meipsum tibi pro regno cœlorum nunquam non venāli, semper diuendā exhibeamque, ac me totum diuino quodam commercio tibi tradam: quandoquidem tu dicis: Præbe fili mi cor tuum mihi. Pro te ex amore vulneratus sum, præbe mihi cor tuum, & saluus ero: da mihi cor tuum, & me habeto præmiū. Per intensissimam tuam tristitiā, pressurā atq; pauorem, deuotam orationē, humilem voluntatis tuæ resignationē, & sanguineū sudorē, fac vt in omni aduersitate ac tentatiōe ad te semp recurrā, in te solo confidā, meipsum relinquā, et tibi me totū offerā ac resignē.

Per

Per admirabilem illam charitatem tuam, qua te à Iuda nō solū prodi, sed etiā hostibus tuis tradi permisisti, largire mihi bonę IESV, ne te vnquam vel in meipso vel in proximis meis tradam, neque hostibus meis amoris officia obsequiaque prestare recusem. Per amorem illum, quo à scelestis ac impijs hominibus capi ac ligari voluisti, absolue me à meorum nexibus peccatorū, rursusq; constringe me funiculis mandatorum consiliorumque tuorum, atque vnione gratissimæ voluntatis tuæ: vt sic cūcta mei corporis mēbra & vniuersæ aīæ vires ppetuò in diuinæ maiestatis tuę p̄sentia perseuerēt, ne vnquam ad lubricam carnis sectandam libertatem mea culpa laxentur. Per ardentissimam dilectionem tuam, qua mei causa opprobria multa & confusiones ferre voluisti & inhumaniter crudeliterque tractari, miserere peccatricis ac reę animæ meę, ab omniq; eam exonera graui sarcina vitiorum, quibus heu diuinam imaginem tuam tam turpiter deformauī, sanctumque nomen tuum in meipso iniurijs atque contemptu affeci. Da mihi, obsecro, pijsime IESV ob honorem sancti nominis tui probra cūcta omnemque mihi occurrentem confusio- nem spontè animoq; lubenti perferre. Per charitatem illam inestimabilem, qua pro me diris non horruisti verberibus cædi, ignoscemihi clementissime IESV, quòd te heu sæpenuerò prauorum actuum meorum manibus verberaui, & da mihi, vt te semper ore ac corde confitear, cūcta que opera mea per puram intétionem cum gratissima consonent voluntate tua, iuxtaque eam fiant: & imago vultus tui in me illæsa perseueret. Per spūta illa teterrima atque execrāda, quibus propter me ab impijs Iudæis venerādā atque dulcissimam faciem tuam descedari voluisti, remitte mihi benigne IESV,

tp faciem meam in conscientia mea (quam tu inhabitas, & in qua lucidissimū vultum atq; imaginē tuam perspicuē radiare oportebat) innumeris cogitationibus malis, ac impuris desiderijs contaminavi, necnon sacratissimum corpus tuum sordidis phlegmatibus commaculatæ consciētiae meæ absque reuerētia excepi, simulq; dona mihi vt elegantissimam imaginis tuę faciem nullis vnquam intra me immundis actibus cogitatibusq; defœdem. Per amorem illum, quo meæ salutis causa gloriosum vultum tuum, in quem desiderant angeli prospicere, sordido linteo obuclari passus es, vt imago diuinī vultus tui, quæ in intimis mentis meæ operta & obfuscata erat, rursus in me detegeretur, puritasque coruscæ lucis tuę denuò in me suboriretur, claresceretq; illumina me intrinsecus iucundo lumine cælestis gratiæ tuę, & da vt facies tua nunquam in me posthac obnubiletur: sed omne potius ignorantiae atq; peccati velamen aufer à corde meo. O IESV patientissime, qui mea p salute à iudice ad iudicē ductus es, impertire mihi, obsecro, lumē veritatis, moderare oēs actus meos, in struere rationem meam iuxta gratissimam voluntatem tuam, docens eam lumine tuo, vt in regia virtutum via progredi debeat, de virtute eūdō in virtutem. O IESV agnemitissime, qui ppter me crudelissimè ligari, ac per omne formosissimum corpus tuum horribiliter flagellari voluisti, eò quod ipse corpore ac vniuersis membris meis ad peccata & noxias delectationes abusus eram, largire mihi vt cuncta membra meā corporalibus exponam subijciamque cruciamētis, & paternæ castigatiōis tuę flagella patienter accipiam, nec vnquam te flagellem peccatis & vitijs meis. O IESV benignissime, qui mei amore spialis coronari voluisti, vt imaginē tuā in mente

mea peccando læsam restaurares curaresq; vtpote cui totam vniuisti beatissimam Trinitatem tuam: (paterna namq; virtute meam sustentas memoriam: filij sapientia, lumen est intellectus mei, & per sanctispiritus amorem meam occupas & inhabitas voluntatem, ita vt absq; te nihil retinere, nihil intelligere, nihil prorsus boni agere possim, sed totum hoc sit per sanctissimam Trinitatem tuam, quæ cælum suum intra me cõstituit, cuius regnũ est anima mea: quam etiam ob causam irridiculè te adorari vt regem permisisti, & venerandam faciem tuam putentibus commaculati sputis hoĩm impiorum, vt scilicet sacrosanctum vultum tuum intra me fœdatum repurgares ablueresq;.) Per hæc igitur da mihi, vt te verũ Deum meum in spiritu & veritate adorem, te regẽ meũ congrua veneratione salutem, & vt regnum tuũ in me stabiliatur, fundetur ac perseueret, vt in beata æternitate coronam vitæ percipere merear. O clementissime IESV, qui pro generis humani salute crudellem mortis sententiam innocens excepisti, eò q̃ ipse iudicia iustitię tuę non pertimuerim, præsta vt te semper videam iudicem sedere in anima mea, quæ est tribunal tuum, quò omnes meas cogitatiões, verba & opera in iudiciũ adducas coram teste conscientia mea, quæ me de cūctis vitijs meis acriter mordeat ac repræhendat, vt in extremo iudicio secunda appaream cõsciẽtia, & iniqua hoĩm iudicia equanimiter sciam. O Iesu ouis mansuetissima, qui mei causa graui crucis onere pressus es, da vt pœnitentię crucẽ libens amplectar, cunctasq; cruces per humanitatem tuam in vnionẽ amoris diuinitatis tuæ subleuẽ, vbi me ab omni sarcina exoneres, & sentire me facias, re vera suauẽ esse iugum tuum, & onus tuum leue: quod etiam gratius tibi & iucundius est, quàm si meis crucibus in impatientis

tientis naturæ meæ sensu hæream atq; persistam. O mi-
 sericordissime Iesu, qui pprijs es despoliatus vestibus,
 eò q primam innocentie vestem perdiderim, & in saxo
 rigido es sedere iussus, veto aspero vrente lacerum cor-
 pus tuum, teq; crucis præparationem expectante, da vt
 veterem hoïem meum pura peccatorû meorû cõfessio-
 ne deponam & exuam, & in conspectu tuo virtutum in-
 duar vestimentis, ne nudus inueniar, necnô à cunctis re-
 bus caducis ac temporarijs saluti meæ repugnantibus
 denudatus, in petra Christo, id est, in teipso fundari me-
 rear ac stabiliri. O dulcissime Dñe IESV Christe, qui tã
 inhumaniter ad crucẽ extendi voluisti, vt numerari pos-
 sent omnia ossa tua, præsta vt cuncta membra, omnesq;
 corporis & aîæ meæ vires, in dignissima tui laude sem-
 per intentas & erectas, tibi amanter vniam, naturaque
 mea sic tuo hæreat fixa amoris, vt nunquam à tuis rece-
 dam mādatis, sed clavis timoris tui cruci tuæ perpetuò
 affixus maneam. O inuictissime IESV, qui in cruce sub-
 leuari voluisti, vt traheres ad te animas oēs, trahere me to-
 tum in te, vt à cūctis terrenis affectib⁹ ac desiderijs sub-
 latus, mente semper in cælestibus verfer, ibiq; stabiliter
 cõmorer in intimis tuis IESV. vita, spes & salus mea, quĩ
 es cælũ deliciarũ, spes & perfugiũ peccatorũ, omniũq;
 oppressorum atq; afflictorũ cordium. O IESV benignis-
 sime, obsecro te per dolorum acerbicatem, quos pro me
 in cruce perpeßus es, & maximè quãdo nobilissima ani-
 ma tua egressa est de corpore tuo, miserere animæ meæ
 in exitu suo, suscipe eam in manus tuas, & da illi prodes-
 se merita sanctissimæ humanitatis tuæ, quò in me
 pacem, gaudium & delectationem habeas
 in tempore & in omni æter-
 nitate. Amen.

IN EXER-

IN EXERCI

TIA QVAEDAM ALIA, DIVINA
prorsus, & quæ compendio ho
minem in Deum trāsformare
queant, Authore D. Nico
lao Eschio, magnæ apud
Brabantos existimatio
nis & pietatis viro,

F. LAURENTII SVRII AD PIVM LECTOREM
PRAEFATIO.



A quæ sequuntur
exercitia, amice le
ctor, cuīdam cele
bris opinionis viro
diuinitus reuelata,
facili compēdio ho
minem bona ac fer
uenti volūntate prę
ditum, ad familiārē
Dei amicitiam sta
bilemquē vnionem, & ad ipsum perfectiōis api
cem perducunt: idquē ita, vt neminem grauent,
nemina

nemini, quo minus quæ sui sunt status ac muneris, exequi possit, vllum præstent impedimentum: quin potius mirum in modum hominem releuent, & aptum atq; idoneum efficiant ad externa internaq; omnia, cum Deo & in Deo prosperè administranda. Vnde cùm implacabili in nos odio stimulus pestifer serpens, non desinat pios ab ijs quæ possint illis saluti esse, innumeris penè machinationibus, dolis ac molestijs auocare, id nobis monendus es Christiane lector, vt ne qua illius fraude ab hisce tete exercitijs, reuerà diuinis atq; vtilissimis, retrahi patiaris: sed contemptis omnibus quæ ille animo tuo ingerere possit, Dei clemētiā precibus continuis pulses, vt horum tibi exercitiorum cultum, gustum, fructum, effectus largiatur. Quod vt impetrare sis idoneus, curādum tibi erit, vt perpetuò tibi ipsi obseruando inuigiles, & vt ab orationis studio nunquam discedas. Nam sine his duobus, puta orationis laborisq; instātia, nihil hinc obtinebis. *ad hoc usque* Sed & hoc cum primis necessarium est, vt bene sis à vitijs expurgatus: & vt sciens ac prudens nullum intra consciētiam peccatum retineas, cuius te verè non pœniteat, quodq; vel confessus non sis, aut confiteri nolis. *ad hoc à vitijs* Ad hęc

V

nulli

nullius vnquam vultū, nec vllas rerum laben-
 tiū vanitates fixè contueberis: sed oculis de-
 missis semper, magis ad Deum intra te præsente,
 quàm foras ad creaturas respicies. Nūquam
 etiam vanus aut levis eris, sed amās pias & dul-
 ces lachrymas, & luctū sanctum ex amore na-
 scentem, pro tuis cæterorumq; hominum pec-
 catis. Deinde quolibet die inuocato humili-
 ter Spiritu sancto, sine quo nihil poteris, manè
 vna hora, ac vesperi similiter te ipsum in ob-
 scuro & solitario loco includes, ibique in te-
 ipsum introgressus, Deum tuum tibi re vera
 præsente attēdes: atque ita in quolibet horum
 exercitiorū octo vel decē, aut duodecim, plu-
 res etiā paucioresve dies deuotè orādo ac me-
 ditando versaberis, quēadmodū tum res ipsa,
 tum tuę personę ratio exigere videbitur: atq;
 interim missa facies alia voluntaria exercitia,
 quę tibi ipsi cōstituiisti, vt sic tota die ac nocte
 id, in quo laboras, exercitiū memorię tuę ac
 desiderio propositū sit, aīoq; infixū. Tum etiā
 sensus tuos intra te colliges, viresq; aīę cūctis
 imaginib' nudatas, tam profundè in Deū tuū
 defiges, imprimes, immerges, vt ex nulla crea-
 tura aliqd mediū patiaris. Quod ita fiet, si qua-
 dam

^{signation}
 dā animi equabilitate, placidè, & absq; cordis ^{in pino}
 immoderata solitudine & affectu q̄ faciēda
 sunt facias, seruata semper cordis libertate, vt
 ne illud ea occupent & lacerent, sed simplici-
 ter cuncta referant in Deum, cui vtique per-
 ire nihil potest. Porro in hisipfis exercitijs, ^{si curam}
^{stare} falli noles, necesse est, vt humili ac simplici
 obedientia viro alicui bene experto, si talis
 haberi possit, tete submittas, qui te in his di-
 rigat, à quo in rebus dubijs consilium petas,
 cuius ductum sequaris, cuius ita foris, vt DEI
 intus, monitis obtemperes, ne fortè, quod est ^{ob dīg. dīg. dīg. dīg.}
^{admodum} admodum perniciosum, propria subnixus ac ^{ingratis}
 fretus voluntate, à maligno spiritu, id quod ^{fidere}
 facilè accidere potest, in errores ac pericula
 tuæ salutis abducaris. Interim rogandus ti- ^{siq. rēto p. foris}
 bi erit DEVS, vt eiusmodi, quem fortè ele-
 geris, hominē sua gratia illustret, quò in omni
 bus ita, vt est maximè saluti tuę utile & accom-
 modum, te regat instituatq̄ue. Cæterum cun-
 cta tua exercitia cum perfecta facies cordis
 in DEVM subleuatione, conuersioneque,
 ignitis quoque suspirijs, & amoroso omnium
 animæ virium effluxu in DEVM, non in-
 terim anxie nimis cum aliqua tristi mora pec-

cata tua præterita, vel præsentēs tentationes commemorando, sed quasi negligēdo ea nec aduertendo saltem, aut certè in inferiori homine cum aspernatione relinquendo. Hæc enim vna omnium facilima ratio est tentationes superandi, vt quoties eas persenseris, semper amorosè cor ad Deum tuū sustollas. Alioqui medium præstant. Enimuerò & venialia peccata cuncta multo faciliùs, efficiùs, perfectiùs amorosa quadam & feruenti mentis ad Deum conuersione applicationeq; delentur, quàm si ad ea etiam cum contritione respiciatur. Sed hoc occultum quoddam exercitium est, paucis cognitum, ac minùs vsitatum. Conferet autem non parum ad Dei ac tui ipsius cognitionem vnus alteriùsve capituli attenta profundaq; ruminatio, siue ex Augustini Meditationibus ac Soliloquijs, siue aliorū id genus pijs opusculis. Ad cætera exercitia maxime proderunt ea quę apud Henricum Harphium pluribus locis magna Sanctispiritus gratia tractantur. Porro vbi plùs solito gratia te destitutum senseris, intentis meditationibus amissum cordis gaudium reuocabis, vt diuina ad mentem beneficia reducas, Deumq; medullitus laudes, instar Helisæi Psalter sibi adhi-

adhibentis, aut etiam cum Dauide cogites, bonum tibi esse adhærere Deo, huic vni vaces, hunc ardenter sitias, assiduè mediteris, huius præsentiam vigilando, obseruando, vbertim flendo suspires. Enimuerò si ad Dei contemplationem præparari velis, primò vitia omnia deferas oportet, terrena quæque fastidias & calces, sancti spiritus visitationem sitibundo cordis affectu desideres, gratiam hanc contemplationis à Deo continuè preceris, ad amorem vnientem ceu Exercitiorum omnium finem iugiter aspires, atque in his omnibus, donec ea adipiscaris, magna contentione labores, carnis curam etiam in licitis & concessis ob studium diuini amoris sæpe reijcias ac repellas, certus quòd quo

amâris ardentius, eo Deum Optimum Maximum propriis contemplabere.

V A L E.

V 3 DE

DE VIA PURGATI-
TIVA.

Vt cognoscas Deum.

Exercitiũ I.



Rimò exercebis te in forti, perfecta & profunda cognitiõe Domini Dei tui, quantum per gratiam Dei obtinere potueris. Hanc autẽ cognitionem magis impetrare conaberis feruidis desiderijs & deuotis orationibus, quàm arduis studijs & laboribus externis. Dei enim donũ est singulare & preciosum

valdè. Quapropter sæpenumerò humili & profundo corde ipsummet Deũ tuum desiderabis possidere: orabisq; vt tibi manifestare dignetur seipsum, suamq; voluntatem beneplacentẽ & perfectam. Attende eius æternam & infinitam potentiam, sapientiam, bonitatem, & incompræhensibilẽ amorem. ¶ Considera quid sit Dominus DEVS tuus, Quis, Qualis & Quantus: Nempe Deus altissimus super omnia, summa veritas, æterna & immutabilis bonitas, vera & sempiterna substãtia, & charitas infinita, qui in seipso adeò existit magnus & ineffabilis, vt multo meliùs & veriùs cognoscatur per ablationem seu abnegationem omnium perfectionũ & dignitatum, quæ de eo cogitari & dici queant, (vt est potentia, sapiẽtia, bonitas & similia) quàm per eorundem affirmationem. ¶ Expende insuper, quòd Deus est verus, proprius, naturalis locus, sedes, centrũ, & vita animæ tuæ, in quo aĩa tua per suã ideam ab æterno quieuit, à quo tempore creatiõis effluxit, & in quem redire debet,

Quid sit
Deus.

Deus est cẽ-
trũ animæ.

bet, & in eo & per eum quiescere. Alioquin in æternum peribit.

¶ Sanctam quoq; Trinitatē deuotissimè adorabis & laudabis, hoc vel simili modo: O sanctissima Trinitas, tua dulcissima vnitas per amorem fluat, obsecro, in me, & in omnes creaturas te laudare valentes. Contemplan- te patrem esse summū, æternum, ineffabile & incompre- hensibile bonū, qui ex seipso profert bonū æternum si- bi coequale & cōsubstātialem, quod est eius vnicus filius: qui duo infinita charitate & cōplacencia sese inuicē dili- gunt: & hæc charitas Spūs sanctus est. Assuesce sæpius, immo & assiduè ad dulcissimū Deū tuū, talemq; ac tan- tum Dominum aspirare & dicere: O Dñe Deus meus & oīa, ostende mihi teipsum, & sufficit mihi. O dulcissi- me deus, infunde mihi lumen tuum, accende cor meum amore tuo, conforta infirmitatē corporis mei præsenti- tia tua. Et similia multa, prout vnctio docebit. Medita- re etiam quomodo ex ipso, p ipsum, & in ipso sunt oīa, cui omnis honor & gloria sit in secula seculorū. Amen.

Sācta Trī-
nitas.

Omnia
ex Deo.

I.
Essentia
Dei.

¶ Cæterum cum ex notitia & clara cognitiōe Domi- ni Dei creatoris nostri, omnia bona in animam proma- nent, quæ diabolus nobis inuidens, tota malitiæ suæ vir- tute nititur impedire, & nos excēcare: atq; ediuerso ex eius ignorātia, omnis tentatio, amaritudo & damnatio in nobis suboriantur. Hinc danda tibi opa est, vt Domi- ni Dei tui omni tempore dulciter & amorosè recorde- ris, & saltē hæc tria, videlicet ei⁹ essentiā siue bonitatem, præsentiā & dilectionem, assiduè ob oculos mētis ger- ras. Primò attende infinitam eius nobilitatem, sublimi- tatem, iustitiam, pulchritudinem, potentiā, sapientiam, bonitatem, charitatem, dulcedinem, liberalitatē, miseri- cordiam, & alias innumeras eius perfectiones, quæ re-

vera adeò in immensum omnem creatû intellectum vincunt, vt quicquid de his creature simul omnes capere aut dicere possint, minus sit, quàm gutta vna ad vniuersum mare. Et hic tantus Dominus animam tuam ad suam similitudinè nobilissimè creauit, sui ipsi per amorem capace. Cui tres nobiles vires indidit, vt ipsum non solum in futura, sed etiam in præsentì vita per intellectum fide & contemplatione cognosceres, per voluntatem tuam eligeres et amares, & per memoriam in coquiesceres & vnitus maneres, illique fideliter adhereres, & eius comparatione omnia alia pro nihilo duceres. Certè nisi à diabolo excæcatus esses, tanta in illum complacentia & dilectione rapereris, vt præ gaudio & admiratione deficeres: læta quoq; & tristia non curares neque animaduertes, nec ad momentum quidem te ab intuitu & amore summi istius boni disiungi patereris.

II.
Præsentia
Dei.

¶ Secundò, vide ingenti cum lætitia & gratitudine, vt idem tantus ac talis Dominus, ex eterna charitate sua multo interiùs veriusque sese tibi vbique locorum, & maximè in anima tua præsentem exhibeat, quàm sis ipse tibi, vt te in esse cõseruet, regat, faciatq; saluû ac beatum: atque ideo magna tibi indicta est necessitas probitatis, si dissimulare nolis, quum agas omnia coram oculis cuncta cernentis. Vide, inquam, charissimum Deum creatorem & amatorem tuum, tibi perpetuò præsentem & intentum: & ambula sicut casta sponsa, cum magno timore & reuerètia, pudore & humilitate, obedientia & patientia, coram oculis altissimæ maiestatis eius: indefinenter te præparans, vt illi placeas: & suspirans, vt illum toto corde diligere, & amplecti valeas. O quanta gratiarum affluètia hinc tibi accresceret, si ita ageres.

¶ Vide tertio, vt idem tantus Dominus, tam immensa & æterna charitate, cōstanti gratuitaq; dilectione perpetuò ad te conuersus est, vt omnem etiam angelicum vincat intellectum & desiderium: tanta eius erga immundum vermiculum dignatio, qua tibi intēdit, adeoq; tui curam gerit, ac si nulla alia, vel in cælis vel in terris creatura superesset, & à tot & tantis mali & periculis animæ & corporis te eripuit & defendit, totq; & tantis beneficijs gratis te præuenit, ornat & prosequitur, omni momento temporis, licet ingratissimū, vt vel exiguam illorum partem numerare nunquam sufficias. Ex hac etiam charitate liberrimam tibi vel momentis singulis se accedendi copiam præbet, adeò vt vel solo pio desiderio ipsum summum valeas bonum obtinere & possidere, ipsiq; vniuersas necessitates tuas, velut amico oīm fidelissimo, securissimè pandere. ¶ Inter infinita aut præconia, quæ de Deo tuo scribenda atq; pensanda forent, iuuabit te vel maximè, vt indefinenter mediteris Dei creatoris & redemptoris tui bonitatem, pulchritudinem, pietatem, misericordiam, dulcedinem, amabilitatem, charitatemq; perennem & infinitam: vt per eas velut per ignitos quosdam carbones, in cor tuum congerendos, ipse in easdem virtutes transformeris, & ad reddendam qualemcunque amoris vicē perpetuò accendaris. O si supradicta tria fideliter & indefinēter exerceres, quàm dulciter manē ad Deum tuum euigilares, quàm citò ab omnibus vitijs & passionibus, amaritudine quoq; & omni tentatione liberareris, & amore conditoris totus inebriatus, in virum alium mutareris: immo totus in Deum transformeris: quia nullū isto sanctius & fructuosius inuenitur exercitium, quod D. Augustini & aliorum Dei amicorū corda iaculo amo-

III.
Dilectio
Dei ad nos.

ris medullitus interdum transfixit, quum illuminatis oculis attenderent stupenda amoris insignia, præsertim in incarnatione, vita, & passione illius, cæteraque innumera beneficia à tanto Domino sibi impensa, iustoque perpenderent iudicio charitatem illam nimiam, qua tantus Dominus sese nascens dedit nobis socium, conuescens in edulium, moriens in precium, & regnans seruat in præmium.

Vt cognoscas teipsum. Exercitium II.



Creatio.

Lapsus.

ECVNDò exercebis te in profunda cognitione tui ipsius. Attende ergo quàm nobiliter anima tua à DEO creata sit ex nihilo, ad imaginem & similitudinem illius. Et quàm misera, sœda, & abominabilis facta sit per peccatum originale. Et quòd indè redemptus sis

per ineffabilem amorem & durissimam satisfactionem IESV Christi. Postea teipsum iterum & sæpius maculasti, & auersionem à summo bono fecisti, per tuam propriam voluntatem & actualia peccata: & factus es turpior & vilior quauis irrationali creatura. Eia attēde in quanta mala per peccata tua propria lapsus sis: quodq; ex teipso nunquam indè resurgere valebis, sed in solo DEO poteris omnia. Nam per veram amoris ad Deum & omnes virtutes conuersionē, licebit utiq; redire ad vnionem Dei.

Cur creatus.

¶ Attende te idcirco à DEO creatum, vt̃i semper eum ipsum diligere, contemplari, frui, possidere debeas, quodque hic positus sis à DEO, vt ipsi fideliter seruias & gratias agas: ipsumque laudes, benedicas & honores: eius quoque gratissimam voluntatem in te & in
omni-

omnibus creaturis agnoscas & exequaris.

¶ Considera te hîc secundum animam esse in terra In exilio
aliena exulê & peregrinum, multis laqueis & hostibus viuus.
circûdatum, & mille periculis expositum: qui si in Deo
mâseris, nemo te lædere poterit. Attende quàm incom
præhensibiliter nobilis, pulchra, sapiens, à Deo sit con
dita anima tua ad ipsius imaginem & similitudinem: fa
ctus es nihilo minùs secûdum corpus de limo terræ in
firmus, miser, vilis & egenus, ad omnia peccata & vitia
pronus, tendensque semper ad interitum. Itaque vide,
ne propter vilissimi corporis tui viles & scædas, citoq;
transcûtes voluptates, nobilissimam animam tuam co
gas seruire corpori, & ita ipsam cum corpore perdas,
& æternis ignibus addicas.

¶ Considera diligenter omnes cogitationes, verba
& opera tua, an finis & scopus omnium virium & sen
suum tuorum semper ad Deum tendat, vel ad teipsum,
siue ad creaturas: & videbis te nunquam satîs teipsum
humiliare & emendare posse. His addere licebit quicquid
tibi ad tui ipsius & proprii nihili tui cognitionem con- Quid, qua
ferre poterit. ¶ Attende sapiùs, quid, qualis, vnde, & lis, vnde &
vbi sis, & quò abiturus. Vide hoc triplex nihilum tuum, vbi.
videlicet quòd per infinita grauissimaq; peccata tua ni
hil factus sis, & in inferno inferiori, si De⁹ voluerit, per
petuò torquendus, velut vas scetidum & cibus ignium.
Secundò, quòd ex intima corruptione virium & sensu
um tuorû per pronitatem ad omne malum (quod cõmit
teres, nisi Deus te præseruaret) factus es abyssus tene
brosa, vas aptum in contumeliam, genitus per immun
ditiam, viuens in concupiscentia, moriturus in angus
tia. Tertiò, q̃ comparatione domini nostri Iesu Chri
sti, tu & omnia nihil sunt, & ex nihilo producta, & ad
nihil-

Ama con-
temni.

nihilum reditura, nisi continuè à Deo conseruarentur.

¶ Quapropter desidera contemni, despici & ignora-
ri ab omnibus hominibus, absque tamen tua culpa &
mundo gaudente: tu teipsum cum Christo afflige, & ti-
me semp & ubiq; Deum filiali timore. Humilima quoq;
profer, cogita & age, semper credens instare aduentum
sponsi tui cælestis, dicentis: Ecce sponsus venit, exite
obuiam ei. sicq; in tuum semper resiliens nihilum, cum
stupore admiraberis, quòd Deus te patitur creaturam
tam fœdam & ingratam, ad momentum coram oculis
suis versari.

Matt. 25.

Examina
te vt no-
scas teipsū

¶ Clamabisq; humiliter ad dominum ex abyssu mi-
seriæ tuæ, inuocās abyssum misericordiæ illius cum fre-
quenti perlustratione conscientiæ tuæ, quo sua singu-
lari (qua ad hoc indiges) gratia tribuat tibi clarè dino-
scere omnia tua vitia, passiõesq; & propensiones vi-
tiosas, & peccata vniuersa, quæ in viribus & sensibus
tuis intus & foris hærent, & abscondita latent, animam
tuam miserè obcæcantia, & ad interitum trahentia: vt
vel sic discas nosse teipsum. Nec tamē, etiam si multum
profeceris, ad prauitatis tuæ videndum finem penetra-
re valebis. Adeò prauum est cor hominis & inscrutabi-
le, teste propheta Hieremia 17. cap.

Vt per pœnitentiā purgeris à peccatis,

Exercitium III.

Vt cogno-
scas pecca-
torū enor-
mitatem.



Ertiò exercebis te in generali con-
tritione, confessione & emendatio-
ne om̃ium peccatorum tuorum, de-
flens ea ex vero amore Dei, & pro-
fundo odio tuijpsius & omnis pec-
cati. Vt autem ad perfectū tuijpsius
odium pertingere valeas, persuade
tibi

tibi nullam in mundo creaturam esse, quæ tantam Deo iniuriam & cōtemptum irrogârit, atq; tu. Quapropter omni pœna & contumelia mundi & inferni te dignum iudicabis, pro multis grauibûsq; peccatis tuis, negligentia quoque multiplici & ingratitude tua. Cuius rei gratia voluntatem tuam adeo obfirmabis in Deo, vt paratus sis pati omnem iniuriam, contumeliam, irrisionem, improprium & vilipensionem, quam omnes creaturæ voluerint aut potuerint tibi inferre. Immo etiam te resignabis ad sufferendum omnes pœnas inferni pro peccatis tuis.

Resignatio
ad pœnâ.

¶ Et vt ad purum pro peccatis tuis dolorem peruenias, statue te coram iustissimo vultu Dei, bis in die, cogitans te mortem æternam meruisse, & citò iudicium tuum in te pronunciandum esse: sperans nihilo minùs, per orationem & laborem contritionis, veniam & gratiam apud misericordem Deum inuenire: doleasq; lamentabiliter, quòd summę potestati, sapientiæ & bonitati Dei tantam iniuriam & contemptum exhibuisti, qui omni honore & laude dignissimus est: dicens hoc, vel simili modo: O domine Deus meus, omnipotens creator & redemptor animæ meæ, ecce ego sum peccator ille vilissimus & miserrimus, qui infinitam bonitatem, sanctitatem & charitatem tuam innumerabiliter & grauissimè offendi, infinita mala commisi, & bona omisi. Hinc te ipsum seuerè discutere, iudicare & punire curabis, ne à domino iudiceris: attendendo qualiter dominum Deum fidelissimum patrem tuum in decem præceptis, & in septem peccatis mortalibus, & in nouem peccatis alienis, & in septē operibus misericordiæ tam spiritalibus quàm corporalibus contempseris offenderisq;. Deniq; de omnibus generatim peccatis tuis,

Vt deplo-
res pecca-
ta tua.

&

Petitio ve-
niæ.

& de quolibet speciatim, assumas mœrorem intimum,
& tantum dolorem, quantum delectationis in peccatis
persensisti, ex vera contritione & profundo corde di-
cens: O Domine, obsecro te per sanctissimam tui con-
ceptionem, natiuitatem, conuersionem, durissi-
mum laborem, & omnem sacratissimi sanguinis tui ef-
fusionem, & per omnem amaram passionem, & acerbis-
simam mortem tuam, remitte mihi omnia peccata mea.
Obsecro quoque gloriosam virginem misericordię ma-
trem, cum omnibus sanctis, per omnia quæ propter
DEVM sustinuerunt, vt DEVM pro te interpellent,
quò & veniam dare cunctis erratis tuis, & ita in seipso
confirmare dignetur, vt nunquam ad peccata redeas.
Enimuerò tantum peccatorum odium tibi necessarium
est, vt potius mortem obire velis, quàm rursus vlli pec-
cato consentire. Caue autem ne pusillanimis fias, sed
confide infinitæ misericordiæ DEI, qui paratus est in
gratiam te recipere, & originali puritati restituere, si
illi pro modulo tuo satisfeceris pro peccatis tuis.

II.

Vt offeras
te totū ad
emendati-
onem.

Secundò offeres DEO pro peccatis tuis animam
tuam & corpus, & quicquid habes, desiderando ea oīa
consumere, & quasi in nihilum redigere pro hono-
re eius. Et vt efficacius animam tuam totam cum viri-
bus suis DEO immolare valeas, ita cogitabis: O Do-
mine, iam nolo deinceps quicquam gestare in memo-
ria mea, nisi te DEVM, meam originem, in quo ab æter-
no fui, & ex quo emanavi: neque aliud cognoscere in
intellectu meo, quàm te solum Deum meum, & omnes
creaturas in te: neque aliud velle aut desiderare in vo-
luntate mea, quàm solius gratissimæ voluntatis tuæ
executionē. Corpus quoq; tuum Deo offeres hostiam
viuā & perpetuam, quemadmodum in veteri testamēto
sacrifi-

sacrificaturi ligna ponebāt in altari, & hostiā desuper
 supposito igne cremabant in holocaustum: ita & tu in
 altari cordis tui ligna, id est, peccata tua colliges: & ho-
 stiam, id est, corpus tuum offeres, quod spiritualiter mo-
 riatur necesse est: orabisque seruenter dominum in
 hunc modum: O domine, accende holocaustum meū,
 vt totum comburatur & absumatur in amore tuo, vt
 tibi grata & accepta hostia fiat ad æternum honorem
 tuum. Offeres etiam Deo temporalem sustentationem
 tui, desiderando rebus huic necessarijs non aliter vti,
 quam ad æternum Dei honorem, & animę tuę salutem,
 nullam in ea tui ipsius oblectationem & cōmodum spe-
 ctans. Quin & desiderabis omnibus, si Deo placuerit,
 necessarijs spoliari, pauperque & nudus inueniri, sicut
 ipse pauper & egenus fuit. ¶ Tertiō pœnā corporale
 cū discretionē assumes, ex magno amore, iuxta magni-
 tudinē peccatorū tuorū: statue ergo te coram cruēto
 corpore Chři Iesu in cruce pendente, & vndiq; vulne-
 ribus atq; doloribus propter peccata tua repleto, & in
 corde dicito: O dñe, si tuę grātissimæ placitū esset vo-
 luntati, cēties mē crucifigi permitterē p peccatis meis.
 Parat⁹ sum in quolibet articulo corporis mei pati sin-
 gularē pœnā ad honorē noīs tui. Hinc ppone quæli-
 bet membra corporis tui, quib⁹ ad peccatū vsus es, de-
 cætero tradere & consumere ad summum Dei hono-
 rem: teq; ad hoc compellere & vrgere, quantumuis du-
 rum & molestum tibi fuerit, vt Deo pro peccatis tuis
 vicem qualemcunque reddere valeas in pœnitentia &
 afflictione, quam Deo vnā cum pœnis & laboribus sta-
 tus tui, in vnione sanctissimæ passionis suę, cum mul-
 tis lachrymis, si eas habere potueris, quotidie offerre
 curabis: teq; nō satis dolere, toto corde dolebis & pœ-
 nitebis, te ipsum pro meritis tuis sub omnibus homini-
 bus

3

III.
 Pœnā tibi
 inflige.

bus in inferno inferiori collocando, ꝓ filium Dei rursus crucifixeris, & toties conculcaueris, & sanguinem testamenti in quo sanctificatus es, pollutum duxeris, & spiritui gratiæ contumeliam feceris.

Puncta ꝓ
clara co-
gnitione
peccatorū
tuorum.

Porro si clariùs videre volueris abominationes tuas, sicuti in iustissimo Dei iudicio, nisi eas hic deleueris, à te requirentur, matura discussione expende, qualiter, quoties, & quantum offendisti & contemptu affecisti dominum Deum tuum circa decē eius præcepta, duodecim consilia euangelica, duodecim articulos fidei, præcepta & statuta ecclesiæ catholicæ, vota & instituta ordinis, status, & vocationis tuæ: septem peccata mortalia, septem dona spiritus sancti, septem opera misericordiæ corporalia & spiritualia, nouē peccata aliena, septem sacramenta ecclesiæ, gratias & inspiratiōes bonas, incarnationis, passionis, & alia beneficia Dei, donaq; naturæ, fortunæ, gratiæ & gloriæ, virtutes theologicas, & morales: per tres potentias animæ tuæ, per quinque sensus & membra corporis tui, in omni ætate, loco, statu: & officio in quibus vixisti: cogitatione, locutione, opere, omissione, temporis perditione & ingratitude, contra Deum, sanctosq; & angelos eius: Et contra omnes cuiuscunq; status proximos tuos, videlicet contra iustos Dei amicos, infirmos quoque & peccatores, contra benefactores & amicos, contra superiores, æquales & inferiores, viuos & defunctos, animasq; purgandas: & contra creaturas omnes, teipsum quoq; id est, animam & corpus tuum, quomodo his omnibus abusus es, in contumeliam creatoris, in iniuriam proximi, & in damnationem animæ tuæ, ita quòd nullum sit momentum vitæ tuæ, nec vllum Dei donum & beneficium, neq; vllum opus bonum, in quo Deum

toto

toto corde purè, yt debueras, quæsiuisti: quin potiùs subtili quodam proprij amoris, commodi, voluntatis aut delectationis veneno illud commaculasti, & quasi continuè peccasti, toto vitæ tuæ tempore, saltem omissione, aut imperfecta expletionem omnium, ad quæ tenebaris, si secundum iustitiam suam Deus iudicare vellet, etiam si commissione nihil vnquam mali perpetrasses. Igitur dum misericorditer expectat, præuenias faciem eius in confessione, lauando per singulas peccatorum noctes lectum conscientiae tuæ lachrymis tuis, ne intret in iudicium cum seruo suo: quia non iustificabitur in conspectu eius omnis viuens. Clariorem horum omnium explicationem pete ex libris, si non suppetit memoria. Vide saltem profunda consideratione, quàm ineffabiliter deliqueris tam commissione, quàm omissione, circa duo illa præcepta, Diliges dominum Deum tuum ex toto corde tuo &c. Et proximum tuum sicut teipsum: qualiter illa impleueris, & indè reliqua peccata tua collige, deplange & emenda, recogitando **DEO** omnes annos tuos in amaritudine animæ tuæ, donec in te descendere dignetur spiritus adoptionis filiorum, testimonium perhibens spiritui tuo, quòd filius sis Dei: audiasque mellisuiam eius vocem, quòd verè Deus pater in te complacet sibi. Vanum est enim tibi aliquam consolationem quærere, siue ad contemplationem surgere, nisi priùs manducaueris hunc panem doloris, & in te spiritus adoptionis filiorum delapsus sit.

De mortificatione quinque sensuum.

Exercitium

III.

X

Quarto

Reforma-
tio.Introuer-
sio.

Oratio.

Vartò te exercebis in crucifigendis
& mortificadis quinq; sensib⁹ tuis,
qui valde debilitati sunt per lapsum
primi parétis, & deinde multo am-
pliùs per tua ppria peccata, & sen-
suù tuorù abusiones. Vt autè reduci
possint ad primæuâ simplicitatē, in
qua fuerūt ante lapsum Ade, necesse est vt sensus tuos,
scilicet visum, auditū, gustū, loquelā, odoratū, tactū, in
crucifixa humanitate Iesu, iuxta eius exemplū, tanta vi
includas & refrenes, quasi iā defunctus & mūdo totus
mortuus esses: discasq; cōtinuē in teipsum intrò respi-
cere, sicut hacten⁹ foras respexisti: tradasq; te in discipli-
nā dulcis Iesu, eligēs illū in magistrū, & te totum illi ad
obediendū in oībus cogens & resignās, ita vt tuū velle
& nolle pfectē à te abijcias, & dño Deo charissimo ma-
gistro tuo in omībus placere & strictē obedire satagas.
Hinc nihil tibi ampliùs agere licebit quātumlibet exigu-
um, absq; ipsius pmissu. Nā ad quodlibet verbū, quod lo-
qui voles, ad quanq; buccellam quam sumpturus es, ad
quēcunq; oculi aspectū, & ad cuiusuis mēbri siue arti-
culi motionē specialiter licētia corde ab eo tibi petēda
erit. Quā si intus teste cōscientia, seipsam nō quærente,
obtinueris, tum demū licebit id agere vel dicere, & aliās
nō. Necessaria quoq; & debita opa tua, licet de se nota
sint Deo placere, singula tamē noua intētionē ad laudē
Dei perages & offeres, in vnione sanctissimorū operum
& meritorū suorū, ad salutē omniū hominū. Inter di-
cendum aut vel agendū aliquid foris, cōtinuē vnq; oculo
respicias intus teipsum, aduertasq; qñ tacēdū aut ces-
sandū fuerit, vt tunc statim taceas & cesses. ¶ Quapro-
pter assuescas cōtinuē aut omī hora Deū medullitus &
seruen-

feruenter obsecrare per seipsum, & per oēs perfectiones & miserationes, quę in ipso sunt, immo q̄ ipse est, & p̄ sanctā humanitatē suā, & per sanctos quinq; sensus suos, q̄ tā fortiter obediebāt rationi, & ab anima sua absorpti, & dirisimis pœnis pro salute nostra afflicti crāt, quasi sensus nō habuisset, vt sensualitatē tuā, quā habuisti, habes, & habere poteris, absorbere dignetur in merita sanctissimorū sensuum suorū, sensusq; tuos ita absorbere, vnire & sanctificare in sanctissima anima sua, quasi sensus non haberes, qui sensualitati locū dare possent. Et in hac inclusionē & vnione ita cruci affixus maneat in dño Iesu, vt nunquā indē egrediaris, ambulās reuerēter honestis & maturis moribus & gestibus corporis & sensuū, semp̄ & ubiq; in cōspectu Dei præsētis: Et oī custodia dñm Deū tuū, & quinq; sensus tuos, cū tota aīa tua custodias: sicq; agas, vt putes te nihil videre, audire, sentire, olfacere, gustare, tangere, edere vel bibere, nisi dñm Deū tuū, & in oībus purē Deū, & nō teipsum quęras, & creaturis ppter Deū & in Deo, cū timore & reuerētia, vtaris. Et curā tuijpsius & oīm rerū in oī etiā necessitate & periculo, cū plena fiducia, in ipsi⁹ fidelissimam prouidentiam iactes, qui oīa suauiter disponet, & pugnabit pro te, reputesq; omnia creata extra Deum, penitus esse nihil. Et sic recipies mirabiles illuminationes & influxus à Deo tuo, si pro illi⁹ amore teipsum & omnia perfectē crucifigere, abnegare, & relinquere non dubitāris.

¶ Istud exercitiū est fundamētū spiritualis vitæ, quod oportet valde diu exercere, donec assuescas teipsum in omnibus vincere & abnegare, teq; & Deū obseruare & custodire, cū non sit maior labor, quā Deū, eiusque voluntatem gratam ac placitam perpetuò obseruare.

324 EXERCITIORVM D. NICO.
DE VIA ILLVMINI-
NATIVA.

Vt tres animæ vires reformes. Exercit. V:

corruptio
virium.



Vintò exercète in profunda & omnimoda circuncisione, reformatione & mortificatione virium animæ tuæ, videlicet intellectus, voluntatis, & memoriæ, quæ valde debilitatæ & corruptæ sunt per lapsum primi parentis: à quo posteaquam per mortem filij DEI

Oratio.

Iesu Christi redempti sumus, eas rursus à Deo abalienauimus per nostra propria & actualia peccata. Vt autem restitui possint in gradum pristinum, in quem Dñs noster Iesus Christus eas reduxit, & cuius gratia animæ ab initio donatæ suere, necesse est, vt Deum continuè toto corde obsecrare, firmâq; fidutiâ pulsare non cesses, vt per merita sanctissimarum virium benedictæ & crucifixæ humanitatis suæ purificare, reformare, regere & illuminare dignetur vires animæ tuæ, vt stabili cognitione, amore & cogitatione semper fluere possis in Deum, & omnia alia cognoscere, illisq; vt in Deo.

Intellectus.

¶ Vt autè id muneris obtineas, intellectus tuus multo & cōtinuo tibi labore acuendus est, ad intelligendū sublimiter & pfundè, qd Deus sit, & habeat. Cumq; hoc pacto cognoueris esse eū optimū, nobilissimū, sanctissimū, tū accedēs voluntas amare conabitur eum, quæ optimum intelligentia sua depræhendit. Sed voluntatem ipsam circuncidere, abstrahere & crucifigere oportebit ab omnibus extra Deum, vt Deum solum toto & nudo

Voluntas.

nudo corde diligas & desideres, cæteraq; omnia ppter Deum & in Deo. Deinde voluntatem tuam fortissima vnione adeò diuinæ conformabis voluntati, vt si illi placeret infernum in te creare, aut in inferno te ponere, paratum te exhibeas pro sua æterna gloria & honore, tuisq; peccatis, ad sufferendum illum per suam gratiam. Tertiò, memoriam tuam expedies atque idoneam Memoria. reddes ad fruendum in ea in æternum domino D E O tuo, absque omni medio: Hæc enim instar thalami munda seruanda est ab omnibus imaginibus & extraneis cogitationibus, & ornanda sanctis meditationibus & virtutibus crucifixæ vitæ Christi, vt Deus in ea perpetuò & indefinenter valeat quiescere, quoties, & quando, & quam diu visum ipsi erit. Hinc eadem ipsa assuefacienda est amorosis iisdemq; perpetuis ferè desiderijs & affectionibus sanctis erga dominum Deum suum, vt ipse solus purè in ea, & ipsa in solo Deo suo, nudè semper includi ac circumferri queat.

¶ Cæterum, in hoc exercitio diutiùs versaberis, Deum tuum pro auxilio, vt dixi, frequentius obsecrando. Id ipsum quoq; per sacratissimas gloriosæ virginis matris vires & sanctorum, deuotè efflagitabis. Quòd si tam citò non impetraueris, (quum aliqui homines sint naturæ viscosæ atq; tenacis, & phantasmatibus deditæ) noli tædio vinci, noli cessare: tantummodo perseuera, & domino fortiter confide, qui nusquam deseruit sperantes in se, quia summè bonus est, qui & in simplicitate cordis meliùs inuenitur, quia vnus est: qui etiam per amorem & sancta desideria citiùs obtinetur, quia Deus ipse amor infinitus est.

De XII. mortificationibus. Exercit. VI

X 3

Sextò



Extò exercebis te in plena mortificatione & abnegatione omnium, quæ tibi aliquod impedimentum vel obstaculum præbere possent, quo minus appropinques & amorose coniungaris ac vnieris Deo, hoc est, oñum quæ Deus non est, non vult, neque

amat: quæ satis explicant per D. Henricum Herp, in XII. mortificationibus suis, in quibus meditatio & oratio, te diligenter exercebis, attendendo circa qualibet sanctissimum exemplar crucifixi Iesu, illudque cordi tuo imprimendo, quousque inferiores animæ tuæ vires nullum decetero impedimentum præstent superioribus, quo liberius fluere possint ad

I
Amor re-
rum tem-
poralium.

Deum, & in Deum. ¶ Harum prima est perfecta mortificatio omnis affectus, sollicitudinis & amoris ad res caducas & fragiles, ut eas quieto corde resignare noueris in dei beneplacitum, siue ea dederit, siue abstulerit: ut non desideres illa retinere, aut erogare, nisi pure ad Dei honorem: immo & omnia optabis relinquere, ut cor tuum imperturbatum ac nudum, Deo semper valeas offerre, & inter quosuis casus secundum superiorem saltem rationem, quietus permanere. Hinc non solum superflua quæque & curiosa, tibi sunt abijicienda: sed etiam

Paupertas

1
2
3

in his quæ tibi necessaria videntur, nullo affectu requiescere licebit, si noles esse propriarius coram Deo: Immo ipsa etiam naturæ necessaria, cum tedio & nausea suscipere conaberis, ut eo melius pauperi Christo conformari, & intra nuda ipsius brachia euolare queas. ¶ Secunda est mortificatio omnium affectuum propriæ questionis, qua multi seipsum nimis amant, & in omnibus bonis quæ agunt, & malis quæ vitant, ex seruilis amore suam spectant & aucupant utilitatem, consolationem & honorem, tam in externis, quam internis Dei donis & bonis: suum quoque damnum, confusionem & punitionem

II
Amor sui.

omnem

onem euadere quærunt, tã in præfenti feculo, quàm in futuro. Sua quoq; opera & exercitia reputât magna, caduntq; ex donis Dei in superbîâ, auaritiâ, & gulâ spiritualé. Verùm cõtra hæc grauiffima pericula, studebis ex filiali amore, intétione recta, Dei in oïbus honoré, gratiâ & beneplacitû purè q̄rere : et intétioe simplici instituire atq; dirigere & referre opa tua ad placédû & corâ Deo fruendû semp, quiescendûq; in eo cû oïbus virib⁹ tuis, absq; multiplicitate, in amoroso quodâ effluxu, & amâti inclinatioe interni spūs in Deû, illuminatâ diuina cognitiõe, fide, spe & charitate: quãdoquidem hoc est fundamentû vitæ spūalis. Intétione quoq; deiformi studebis etiâ occultâ cõsolationé spūs nō quærere, sed oēm derelictioné & aduersitaté dēsiderare, vt viuū cum Deo fieri, ipsoq; Deo cum Deo perfrui merearis.

Intentio
recta.

1
Simplex.

2

3
Deiformis

¶ Tertia est mortificatio oïm affectuū pprie sensualitatis, vltra rationabilé necessitaté, i delectatiõe cibi, potus, vestiū, & aliarū rerū: in voluptate cogitationū, verborū, gestuū, & fabulationū cū hoïb⁹, ex sensualis amore: in appetitu habēdi curiosa, vidēdi pulchra, audiendi noua, & fruēdi vbiq; sensuū vanitate. Hæc & oïa naturæ solatia mortificabis per plenā auersioné ab oïbus, in quib⁹ sensualitas solet quiescere, quia deuotioné & spiritualia exercitia insipida reddūt & difficilia: cauebisq; tota virtute, ne aliqué affectum ad quoduis solatiū vel peccatū, licet minimū, in corde retineas, quē nō funditus extirpare coneris. Ita em̄ expedit, vt sensualitas simpliciter moriā, ne tota cõgeries bonorū operū pessum eat. ¶ Quarta est mortificatio oīs affectus amoris secularis (qui vt hoïbus placeat, & ab illis cōmodum vel honorem accipiat, seu vt illis nō displiceat, neq; ab illis confusiōe aut dānum sustineat, multa admittit seu ad-

III.

Amor delectationis
sensualis.

III.

Amor secularis ad hō
mines.

mittere paratus est vitia & peccata, & plura facit virtu

Naturalis. tū opera) & amoris naturalis ad cōsanguineos: & acqui

2 siti amoris ad amicos, p̄ eorū beneficijs: ita vt sine per-
sonarū acceptione, in oībus hoībus, & etiā in hostibus

Acquisit⁹. tuis, solū Deū, Deiq; imaginē, gratiā, & virtutes purē dī

3 ligas, & nulli⁹ vitia palpes, ames aut dissimules: sed oīm
salutē toto corde sitias, oīm quoq; inordinatū amorem
qui tibi inquietudinē, distractionē & desiderium ad ali-
cuius hoīs præsentiā vel amicitīā habendam generat, &
cor tuū imaginibus depingit, præsertim tēpore oratio-
nis, aut quando te ad Deum conuertis, tanquam ve-
nenum diuini amoris cor tuum maculans & inficiens,
penitus enecabis, solum Deum amando, & eius amore
omnibus creaturis renunciando, vt diuina imagine de-
pingaris, eiusque amore sursum traharis, & in eius abyf

V. so absorbearis. ¶ Quinta est mortificatio omnis affe

Cogitatio ctus & societatis rerū creaturarum & cogitationum ina-
nes ociose nium, quæ homini multipliciter incidere solēt, ex dese-

1 ctu feruoris, instar maris fluctuātis, licet affectui nō in-

Noxiæ. hæreāt: cogitationum quoq; noxiarū, quæ cū oblecta-

2 tione sensuali intrō admittunt, quæ licet ad consensum

peccati mortalis nō perueniant, cor tñ maculant, Sp̄m

sanctum contristant, & ingens animæ damnum inferūt.

Porro tā istæ, quàm priores cogitatiōes, ex nostra ori-

untur incuria & immortificatione, q̄ cor nostrum non

studemus ad sanctas cogitationes etiam vi quadam co-

gere, sed illud ad superflua & noxia permittimus eua-

gari, non curantes tempus fructuosē deducere. Ideoq;

dum nos introuertere volumus, cor innumeris distra-

Distrahen ctionibus inuenimus oneratum, quæ nostrum profe-
tes. ctū dissipant. Non solūm igit̄ has quas prēdiximus, sed

3 etiam licitas quasdā cogitationes siue de tēporali cura

licita,

licita, siue de scrupulis conscientię, siue de secretis & curiosis persequentiis, abscindere oportet per impressionem imaginis Iesu in cruce pendentis, eiusque Imago cruce profundissimę humilitatis, paupertatis, mansuetudinis cunctarum & omnium virtutum in exteriori homine: & imaginis infinitę charitatis eius, qua omnia creauit, & te sic redemit, in interiori homine tuo, vt cogitationes tuę transierant in affectiões, & cognitio in amorem. Etenim amor operatur mortificationem naturę, vitam spiritus, operationem superiorum virium, influxum in Deum, & secessum ab omni creatura. Facies quoque affectuosam conuersionem ad omnimodam solitudinem, non tantum secundum corpus, sed multo amplius secundum cor & affectiones, & ad simplicem cordis quietem, quę maximę nutrit amorosum in Deum effluxum. Nam solitudo, silentium, & arcta cordis custodia, sunt fundamentum proficiętis vitę.

¶ Sexta est mortificatio omnis curę quę non est de iusta necessitate, vtilitate aut obedientia: omnium quoque passionum, immoderatę lætitię, tristitię, spei, timoris, amoris, odij & pudoris, vt nihil extra Deum in corde tuo quiescat, & omnia externa opera tua & occupationes, quas à te postulat necessitas, absque multiplici- tate & sollicitudine cordis perficias, cum resignato & eleuato intellectu & affectu in Deum. Enimvero per distrahentem occupationem cordis etiam in licitis, obscuratur intellectus & tepescit affectus, vt omne spirituale exercitium tibi desipiat, & inferiores vires orationis tempore colligere vix aut ægrę possis. Quapropter si vis omnes tentationes facilius vincere, stude omni tempore ferre internum & eleuatum animum & desiderium in Deum, semper magis sequendo internum amoris

VI.

Curę &

passiones,

Anus eleua-

tus quan-

ta possit.

X v ris

ris exercitium, quàm externa opera virtutum. Ad quod tamen nemo peruenire potest, nisi affectus eius expeditus sit ab omni re infra Deum existente, & adeò in Deum raptus sit, vt seipsum contemnere sciat in omnibus propter amorem Dei. Nam purus amor facit spiritum purum, simplicem, & ab omnibus liberum, vt sine labore sese recipere possit in Deum, Vbi nãq; amor, ibi est oculus memoriæ, & cor affectus.

VII.

Amaritudo
cordis.

1

2

3

4

5

Suauitas
Dei.

¶ Septima est mortificatio omnis amaritudinis cordis, quæ varijs ex causis oriri solet: Primò ex præsumptione propriorum meritorum, qua nonnulli proni fiunt ad temerè iudicandum & aspernandum cæteros, falsa iustitia pleni, quæ indignatiõem parit, nõ compassiõnem. Secundò ex immortificatis eorum desiderijs, quæ inflammant eos ad murmurandum contra superiores suos, & alios qui eorum vitijs non acquiescunt, sed resistunt. Tertiò ex rancore & odio propter aliquas præcedentes offensiones, propter quas facta illorum, quos odiunt, peruertere cupiunt, & inuenire in illis quod vituperent. Quartò ex inuidia, qua alienas virtutes, quibus ipsi carent, extinguere vel obscurare quærunt, vt illis præferri aut æquari possint. Quintò ex mala & exasperata conscientia, qua instar basilisci alios lædere cupiunt, & secum ad peccata trahere, quibus gratiam Dei invident, & ex malitia qua ipsi pleni sunt, omnia in peius interpretantur, & peccant in Spiritum sanctum. Has & omnes alias amaritudines tam perfectè vinci & consumi necesse est in suauitate diuini amoris, vt etiam persecutores & inimicos nostros tam pleno cordis amplectamur affectu, ac si nostri optimi forèt amici, vt & reuerà sunt, quandoquidem ad grandia nos merita perducunt.

¶ Octaua

¶ Octaua est mortificatio omnium affectuum vanæ gloriæ, propriæ complacentiæ, honoris atq; superbiæ, de teipso, de tuis verbis & operib⁹, gratijs & donis, idq; per claram cognitionem tuæ vtilitatis, & desiderium omnis contemptus, vt soli Deo placere possis. Hinc oia bona soli diuinæ gratiæ, filiali fidelitate adscribes, reputans te omnibus illis indignum, & cunctis viuenti bus vilio rem, propter magnitudinem, turpitudinem & multitudinem peccatorum tuorum & ingrati tudinis tuæ: Secundo, propter infinita peccata, quæ incidisses, nisi sola Dei miseratio te præseruasset: tertio, quia non est peccator in mundo, si tantas gratias & occasiones benefaciendi habuisset vt tu, qui non fide lius Deo serui uisset, quàm tu. Sicq; Deo, cuius est omne bonum, eris gratus ex vna parte, & teipsum valde humiliabis ex alte ra. His bene expensis, secundo loco desiderabis toto cor de ab omnibus contemni, illudi, conculcari, & omnem confu sionem amore Dei pleno affectu suscipias: Quia hæc est via compendiosa ad maxima merita, qua tamen paucissimi ingredi volunt.

¶ Nona est mortificatio omnium affectuum, ob lectationum internarum spiritualium & sensualium, in gratia, deuotione, dilectione & dulcedine sensibili, in viribus inferioribus animæ: quæ quidem non sunt vera sanctitas vel charitas, sed sunt quædam DEI dona, nobis vt fortiùs moriamur, non vt in illis quiescamus, in subsidium infirmitatis nostræ data. Porro quantum tibi ipsi in istis duodecim punctis moreris, tan tum habes veri amoris, nec quicquam amplius. Immo omnia, quæ à Deo desiderare potes, nec refers ad nudâ tui mortificationem propter amorem Dei, permixta sunt cum natura, seipsam serè in omnibus etiam in

VIII.

Amor ho noris & gloriæ.

I.

Vt humi lieris.

1

2

3

II

Vt deside res conte mni.

IX.

Amor cõ solationis internæ.

Deo & in diuinis quærente adeò subtiliter, vt repulsa ab vna parte, mox occultè reuertatur ad alterà, priusquam id ipsi depræhendere valeamus. Et ideo paucissimi seipso verè agnoscunt, & perfectè euincunt. Deinde secundo loco morieris omni curiosæ inuestigationi, speculationi, cognitioni, & visioni intellectus, in rebus & scientijs tum diuinis, tum humanis, in quibus miserè tempus & laborem suum multi perdunt, semper discen-
 tes, & nunquam ad scientiã veritatis peruenientes: quã vita perfectè Christiana, non in alta scientia, sed in profunda humilitate, sancta simplicitate, & ardenti amore Dei fundetur, quo semper anhelare debemus ad moriendum nobis in omni derelictione, vt Deo perfectè vni-
 ri, & ab illo absorberi valeamus.

2.
 Amor cu-
 riosæ inue-
 stigatiõis.

X.
 Scrupulo-
 sitas.

Amor sui.

Confiden-
 tia sancta.

¶ Decima est mortificatio omnis scrupulositatis cor-
 dis, per plenam confidentiam erga diuinã bonitatem. Hæc scrupulositas interdum vexat nonnullos propter inordinatum amorem sui, quo magis timent Dei vindi-
 ctam, infernum & iustitiam, quàm ament eius bonitatẽ. Et ideo ex seruili timore sua cuncta agunt bona, & vitat mala. Quapropter non emendant fideliter defectus suos, ob quorũ aculeos & remorsum anguntur, nec Deo plenè confidere possunt. Cum enim amor eorum ad De-
 um modicus sit, paruam generat confidentiã: sicut ediuersò amor magnus magnam parit fidutiam. O beata spes, dummodo ex ea non tepescas, sed ad maiorem tui mortificationem, & omnium aduersitatum tolerantiam & gratitudinem exciteris.

XI.
 Impatien-
 tia.

¶ Vndecima est mortificatio omnis impatiẽtiæ cor-
 dis, in omni externa aduersitate, infamia, derisione, con-
 tumelia, damno rerum, infirmitate & pœna corporis,
 persecutione & derelictiõe mentis, quẽ tibi permissio-

ne

ne diuina accidere possit, quibus Deus chariores suos
 amicos p̄bare solet: idq; ex maxima charitate, p̄ ipso-
 rum æterna salute. In quibus & ipse dominus Iesus mul-
 tipliciter probatus est, qui mansueto corde omnem sus-
 tinuit contumeliã, irrisiõem, verbera, sputa, flagella
 & crucis tormenta: quin & pro inimicis suis orauit, nec
 poterant tanta illi tormenta inferre, quin multo plura
 desideraret pati ob patris honorem, & animarum salu-
 tem. Igitur hæc omnia tibi quoq; toleranda sunt in pri-
 mis, ne corde, verbo, aut opere vllum p̄ te feras rancore
 rem siue vindictam: secundò, ne amaritudinem siue tri-
 stitiam, quæ ex p̄prio oritur amore, in corde geras: sed
 grauioribus te malis dignum arbitrans, omnia humili-
 ter sufferas, teq; ad omnem futuram aduersitatem vo-
 luntariè offeras: & tertio, vt per patientiam affectionis,
 quo conformeris dominicæ passioni, omnia aduersa cū
 magno desiderio expectes & suscipias, plura semper to-
 lerare paratus. Hinc magnam obtinebis diuini amoris
 abundantiam, cunctas aîæ tuæ vires penetrantem: adeò
 vt dolorem nõ sentias, sed persecutores tuos, velut in-
 timos amicos magno amore prosequaris.

1. Patientia
 oris.

2. Cordis:

3. Affectiõis:

¶ Duodecima est p̄fecta mortificatio omnis p̄prie
 voluntatis, cum plena tui resignatiõe ad omnem inter-
 nam derelictionem & pressurãm sustinendam, pro amo-
 re Dei. Quia igitur nihil homo preciosius habet libero
 arbitrio, ex cuius abusu mox omnia pullulãt vitia, ideo
 si illud Deo resignauerit, protinus subuerso hoc funda-
 mento, corruiunt omnia vitiorum germina. Porro im-
 perfectos liuat vouere alicui obedientiam, & se tradere
 alterius voluntati. Perfectis autem necesse est habere vo-
 luntatem submittendi se alijs, quando Deo placuerit:
 Omnibus autem hominibus expedit beneplacitam Dei
 voluntatem.

XII:

Voluntat
 propria:

1.
Obedien-
tia voti.

2.
Cōformi-
tatis.

3.
Vnionis

Matt. 26.

Vnio viri-
um cum
Deo.

indefinenter intrinsecus obferuare & exequi. Obedien-
tia igitur voti, debet eſſe foris in operibus: & obedien-
tia conformitatis, intus in prompta voluntate confor-
mandi ſe volūtati ſuperioris ſui: idque purè pro amore
Dei, abſq; vllō reſpectu gratiæ humanæ, ita vt indè ex-
optet potiùs abijci & contemni, quàm laudari aut mu-
neris quippiam capere. Tertia autem obedientia, quæ
dicitur vnionis cum Deo, tam perfectè vnit volunta-
tem noſtram diuinæ voluntati, vt vna iam ſit voluntas
effecta: ita vt quicquid Deus circa nos fieri permittit,
etiam in omni interna preſſura & deſolatiōe, totum ex
cōſtitutione immenſi amoris & miſericordiæ Dei pro-
uenire fateamur, & ſummo ſuſcipiamus affectu, quan-
tumvis etiam arduum, ignominioſum aut moleſtum ſit,
in tempore & æternitate, iuxta exemplar dulcis IESV,
qui ab agonia in horto uſq; ad mortem crucis, omni af-
fluentia ſenſibilis gratiæ, quaſi inimicus Dei fuiſſet, vn-
diq; deſtitutus erat, ſlās in maximis pœnis, in nudo dū-
taxat eſſentiali amore perfectè reſignatus.

¶ His duodecim mortificationibus adeptis, iā ſpon-
tè abſque vllō medio vires animæ noſtræ fluere pote-
runt & quieſcere in Deo ſua origine. Verùm vt clariùs
diſcoſcas, qualiter verum amorem & ſtabilem vnionem
inter Deum & animæ tuæ vires poſſidere queas, videli-
cet in ornatu vitæ actiuæ per humilitatem, obedienti-
am, cæterasque virtutes morales, & in eiufdem profe-
ctu, per fidem, ſpem & dilectionem: atq; in vita contem-
platiua ſpirituali, per ignitas aſpirationes, & dona Spi-
ritus ſancti, aliaque pia exercitia, obſerua diligen-
ter quæ in ſubiectis breuiter expli-
cata offendes.

Exerciti-

Exercitium cruciforme ad vul- nera Domini Iesu.

De odio omnium peccatorum, & acquisitione virtutum oīm D. Iesu. Exer. VII.



Optimò exerceas tete in vero cōstan-
tiq; odio oīm peccatorum, ita vt nun-
quam illa admittere velis, quantum-
uis etiam minuta fuerint, pro quocū-
que damno, vel scandalo, siue torme-
to euadendo. Omne nanq; vitiū extir-

Peccata.

patum sit oportet, antequam succedat virtus, & ante-
quam in cor Iesu ad vnionem spiritus intrare permitta-
ris. Nihil ergo ita odies, sicut peccatum etiam exiguum,
quia diuidit inter Deum & animam tuam.

¶ Secundò exercebis te in assidua perquisitione &
amore oīm & singularum virtutum, quanlibet mirę ac
multiplices fuerint: Immo si scires singulas guttas ma-
ris esse virtutes, laborādum tibi foret pro ijs oībus ob-
tinendis, pro summo Dei honore. Enimuerò totū cor-
pus tuum Christo crucifixo semper & vbiq; quantū ti-
bi possibile fuerit, conformando, virtutibus exornes &
crucifigas oportet, iuxta exemplar corporis Christi Ie-
su, qui semp crucifixus vixit, & crucifixus ex hoc seculo
migrare voluit, idq; ex suo infinito ad nos amore, q sem-
per in eo recens fuit, instar amoris noui sponsi. Idcirco
noster amor semper recens esse debet erga ipsum, instar
nouī amoris, quem gerit fidelis spōsa erga amantissimū
sponsū. Et ex isto amore fugere & in nos attrahere
debemus ex illius corpore, has qnq; nobilissimas virtu-
tes cū filiabus suis, easq; ita fortiter imprimere in aīam
&

& corpus nostrum, vt instar stellarum semper reluceant ex nobis.

I.

Humilitas

¶ Primam virtutē, videlicet veram humilitatē, portabis in pedibus tuis: rogabisque dominum Iesum per vulnera sanctissimorum pedum suorum, & per infinitā humilitatem suam quam semper exhibuit, præsertim in assumpta humanitate, vt tibi concedat in omnibus tam humilem existere, quantum eius gratissima voluntas à te exigit. Hanc autem humilitatis virtutem tum demū perfectē adeptus eris, quum semper ingemiscis, plangis & contristaris, quoties tibi beneficium aliquod aut honor exhibetur, quo te nimirum indignum recognoscas: & quum perfectum in te desiderium omnis contemptus perseverat, inter omnia scandala, iniurias, contumelias, pœnas & dolores, quæ tibi irrogantur, quibus te dignissimum iudicabis.

Obediētia

¶ Humilitas deinde parit tres filias, videlicet Obediētiā, Patientiā, Custodiā linguæ. Verus obediēs, non solum obedit suo superiori, & promissis seu votis suis, sed etiam omnibus creaturis. Verus patiens, portat & suffert omnia pro honore & amore Dei, quātumvis aspera sint, quæ Deus ipsi euenire permittit. Etenim attendit, quā patienter Dominus Iesus omnes suas cru-

Patientia.

ees pertulerit nostra salute. Humilis interdum non multa loquitur, quanvis sit sapiens & eruditus, quia locutione non omnia obtinentur, meliusque fuerit bene vivere & paucis dicere quod nōris. Et ideo verus humilis parum loquitur, obediens & patiens est, atque custodit linguam suam.

Custodia linguæ.

II.

Sapientia.

¶ Secunda principalis virtus est vera sapientia, in omnibus cogitationibus, verbis, & operibus tuis exercenda: quæ tam fortiter ac rationabiliter te gubernabit, vt
nihil

nihil liceat tibi cogitare, loqui, neq; agere, quantumvis etiam paruum sit, vt est articulũ aliquem corporis mouere, nisi ex vera ratione & permisso Dei. Hanc sapientiæ virtutem portabis in capite tuo, imprimesq; caput tuum in transfixum caput IESV Christi, obsecrando eum per dolorem sanctissimi capitis sui, vt tuum caput sua diuina sapientia exornare velit, quantum ipsi visum erit & sciuerit tibi necessarium fore, pro suo summo honore, tuæque & proximi tui salute. Enimuerò sapientia hæc maximè necessaria est ad omnem spiritualem vitam, ordine ac iuxta rationem instituendam & consummandam.

¶ Sapientia generat tres filias, videlicet Timorem Domini, Discretionem, & Simplicitatem. Sapiens Deum nunquam offendit: quia qui peccat, sapiens non est: & vbiq; vera habitat sapientia, ibi etiam timor domini inuenitur. Et hoc timore oportet nos semper ornatos esse, more filiali, non seruili. Indè suapte sponte sequitur Discretio, quæ medium virtutis modumq; & mensuram in omnibus seruare cõtendit, ne quid nimis, minusque iusto agens, Deum offendat. Sancta autem simplicitas est, omnem duplicitatem & multiplicitatem & curiositatem vitare, & vni summo bono inhærere, & omnia bona & mala immediatè à Deo, & non à creaturis recipere, & rursus in Deum referre, sapienterque in omnibus voluntatem & ordinationem Dei obseruare, Deoque & omnibus creaturis propter Deum obedire, simpliciter & perfectè omnia in Deo resignato animo faciendo, cum suauitate, non cum impetu: quia Deus omnia operatur, si ei locum demus. Absq; simplicitate, sapientia esset nimis curiosa & superba. Vbi autem verus Timor, prudens discretio, & pura simplicitas possidentur,

Timor domini.

Discretio.

Simplicitas.

Y tur,

tur, error aut peccatum haud facillè subrepere poterit.

III. ¶ Tertia principalis virtus est vera Charitas D E I.
Charitas. Hanc virtutem portabis in corde tuo: attendensq; trās-
fixum cor Iesu Christi, cor tuum in illud imprimes, ob-
secrabisq; eundem per amorē diuini cordis sui, & p hu-
manum transfixum cor suum, vt per eadem largiri tibi
dignetur perfectum sui amorem.

¶ Charitas Dei parit has tres filias: fidem, Spem, &
in omnibus virtutibus Perseuerantiam. Sed hinc omnis
nostra exoritur defectio, qua non perseueramus, eo q̃
Perseuerā- charitas nostra satis magna non est, quæ perseueran-
tia. tiam parere possit. Nam qui ex vera charitate rem ag-
Fides. greditur, quantumuis arduam & mirabilem, non cessa-
Spes. bit donec eam obtinuerit: quia charitas gignit fidē qua
mira operari possumus, sicuti etiam per spem firmam in
Deum, qua habitamus confidentes in adiutorio altissi-
mi, non in nostris viribus.

III. ¶ Quarta virtus principalis, est Iustitia, quam por-
Iustitia. tabis in manu tua dextera: attendesque dexteram Iesu
Christi, quomodo propter iustitiam clavis affixa fuit
cruci: obsecrans ipsum feruenter per acerbissimam pœ-
nam, quam sustinuit in vulnere manus suæ dextræ pro-
pter iustitiam, & per amorem qui ipsum hanc sustinere
coëgit, vt tibi dare dignetur veram iustitiā in omnibus
operibus tuis: vt reddas Deo, quæ illi debentur, videli-
cet omnem honorem & gloriam & gratiarum actiōem,
in omnibus cogitationibus, verbis & operibus tuis: si-
militer tuo superiori, & æquali, & inferiori, quæ illis
debentur: & corpori tuo in cibo, potu, vestibus &
alijs necessarijs, non plūs, nec minūs, quàm tenearis.

¶ Iustitia parit tres filias, Misericordiam, Veri-
tatem, & Gratitude. Iustitia est mirabilis virtus,
quæ

quæ dat vnicuique quod illi debetur, & parit misericordiam. Vera misericordia primùm miseretur animæ proximi, vt si verbi gratia, pauper eleemosynam à te petierit, principio ipsi, si oportunè potueris, & fructum speres, cognouerisque illum aliquo vitio laborare aut periclitari, spiritualem eleemosynam impertiri teneris pro cibo animæ, quæ primo loco tibi pascenda est, vbi defectum vel penuriam patitur, quæ melior est corpore. Iustitia etiam veritatem parit, quæ in omnibus DEVM quærit. Parit etiam gratitudinem. Nec em̃ fieri potest, quin iustus gratias agat Deo, & omnibus qui ipsi viam monstrârunt ad Deum, & cooperati sunt pro salute animæ suæ.

Misericordia.

Veritas.

¶ Quinta virtus est, vera & diuina fortitudo in omnibus virtutibus adimplendis, & in omnibus vitijs eradicandis. Vera fortitudo nihil curat, neque timet diabolum, nec homines, neque mundum, neque propriam carnem, sed confidenter procedens & pertransiens, facillè contemnere potest omnia, propter DEVM, à quo fortitudinem illam accepit. Quum autem tentatio aliqua hominem appræhenderit, quæ penè in ruinam impellitur, tum diuina fortitudo homini succurrit, suggeritque dicens: Quidnam vis agere? Vis Deum tuum offendere? Quorsum tendis? Vbi & sicuti iam bene es, ita permaneas, ne deteriora tibi contingant. Hanc veræ fortitudinis virtutem portabis in sinistra manu tua: attendensque sinistram manum Iesu Christi, ipsum obsecrabis per dolorè hui⁹ vulneris sui, & per mirabilem fortitudinem, quam in omnibus operibus suis exhibuit, vt veram tibi fortitudinem infundere dignetur, quanta tibi necessaria est pro eius summo honore & tua salute.

V.

Fortitudo.

Y 2

¶ Forti-

¶ Fortitudo has tres generat filias, videlicet Castitatem, Sobrietatem, Paupertatem. Homo fortis nusquam heret neque moratur, sed fortiter pertransit vniuersa quæ in mundo sunt, quasi ad eum non pertineret: neque veretur aquam adire & ignem, diuino adiutorio fretus, donec obtinuerit quod desiderat. Homo fortis facilè in omnibus contentus est, etiam frusto panis, vestitu simplici, & vili supellectili: quandoquidem studet æquabiliter Deo omni tempore adhærere. Idcirco castitatem generat, quia omnem immunditiam Deo exosam, detestatur. Sobrietatem quoque parit, quia nullam sciens admittit superfluitatem. Paupertatem autem producit, quia nullam omnino rem mundi vult possidere. Et re vera paupertas voluntaria, mirabile & optimum est medium ad Deum possidendum.

Castitas.

Sobrietas.

Paupertas

¶ Et has, quas prædiximus, virtutes oēs domini nostri Iesu Christi, per totam vitam tuam ab ipso postulare, & tuo corpori & animæ imprimere debes: conformando te in his virtutibus domino Deo tuo pro te crucifixo, quantum tibi possibile fuerit: semper & vbique imaginem crucifixæ vitæ & mortis suæ, in ipsis quas prædiximus, virtutibus, aut saltem in quinque illarum præcipuis, contemplando & imitando, teque in eius cruce extendendo & configendo: ita vt quôcunque te vertas, ad dextram siue ad sinistram, semper vnā ex virtutibus I E S V, in ea, quam tunc attendis, parte corporis tui, videas collocatam, & tibi imitandam. Neque enim Dominus Iesus vllum suæ mortis vult facere participem, qui propter ipsum carnem cum vitijs & concupiscentijs suis crucifigere & mori recusauerit. Porro quanuis nostræ vilissimæ carnis crucifixio &

more

mors nihil penitus sit comparatione crucis & mortis Dei nostri, dignatur tamen mitissimus Dominus ex infinita pietate sua, gratas habere modicas cruces, quas amore sui sponte tollimus, aut ipsius promissione, per internas derelictiones & tentationes, aut per externas iniurias, pressuras & dolores nobis impositas portamus. Nam æquè gratum illi est, vndecunque super nos cruces ceciderint, modò propter ipsum nostræ propriæ voluntati siue cupiditati moriamur.

¶ Illud verò VII. exercitium, vnà cum XIII. exercitio sequenti, postquam semel diligenter peregeris, & bene imbiberis, deinceps vsque ad finem vitæ tuæ non deferes. Quinimò habitualiter in animo tuo omni loco & tempore circunferes: & semel in die deuotè exercebis: & tempore tentationis aut ariditatis, pro scuto & excitamento feruoris arripere non negliges: vt sic CHRISTVM induere, in ipsum transformari, & per eius humanitatem in diuinitatem intrare merearis: vt tu decæterò maneat in Deo, & DEVS in te. Inspice igitur & fac omnia secundum exemplar, quod tibi in monte Caluariæ monstratum est, à monte montium, sancto sanctorum, summo sacerdote Christo Iesu, imprimendo perfectissimas virtutes eius exteriori homini, & infinitam charitatem eius tuo homini interiori.

Exod. 25.

Exercitium VII. iam dictum, in orationis formulam practicè redactum, mente tamen exercendum,

Y 3 pro

tionem, ita vt nunquam fatiger in abnegando meam propriam voluntatem, in subdendo carnem spiritui, & in obseruando & adimplendo humiliter tuum beneplacitum intus, & in obediendo non solum superioribus meis, sed etiam omnibus creaturis, quantum licuerit foris: ita vt nihil vnquam cum proprietate & adhæſione faciam, sed perpetua quadam mentis submissione ad pedes tuos iacens, nihil de me & creaturis omnibus in tempore & æternitate desiderem, nisi tuam sanctissimam nosse & exequi voluntatem, dicendo semper in desiderio animæ: Domine, quid me vis facere? omni mea volūtate in tuam voluntatem transfusa penitus, amissa, & ad nihilum redacta.

¶ Da quoque mihi imitari tuam stupendam patientiam & mansuetudinem, qua omnem paupertatem, contumeliam, pœnam & dolorem, de manu paternæ prouidentię tuæ, æquali & grato animo suscipiam, & maioribus malis me dignissimum agnoscens, grauiora semper pati desiderem, & adeò longanimitè, ex desiderio conformitatis crucifixæ vitæ & mortis tuæ, ea omnia sufferam, vt nihil in me notetur humanum, sed sit vita mea tecum abscondita in Deo.

Patientia.

¶ Da mihi tui exemplo humilem taciturnitatem, qua intus tua verba diligenter auscultans, foris ab omni ocioso, mendaci, & noxio verbo loquendo vel audiendo, strictè abſtineam: & sola necessaria & utilia paucis humiliter dicam, magisq; curem bono exemplo docere, quàm verbo.

*Custodia
linguæ.*

¶ AD CAPVT IESV.

Y 4 Odul-

Sapientia. Dulcissime Domine Iesu Christe, obsecro te per acerbissimum dolorem vulnerati capitis tui, & infinitum amorem qui hūc te subire coēgit, imprime caput meum in spinis compūctū caput tuum: & exorna caput meum tua diuina sapientia, quantum mihi expedit pro tua gloria, & mea salute: (Nam hæc virtus mihi ad spiritualem vitam maximē necessaria est) & per eandem me foris & intus ita gubernare digneris, vt nihil vnquam cogitem, dicam, agam, aut patiar quantumuis exiguum, nisi expensis primū illius circumstantijs & fine, ex illuminata per te ratiōe, & interna tua licentia, hoc tibi placitum cognouero. Intellectum quoq; meum per eandem clara tuę bonitatis & voluntatis, & eregione mei ipsius & omnium rerum vilitatis ac nihili cognitione illustra. Et affectum meum tuę dilectiōis & dulcedinis gustu, insatiabili quoq; te honorandi & me contemnendi desiderio inebria: & terrena omnia mihi in amaritudinem conuerte, meq; furdū, cæcum, & mutum ad omnia, quæ tu non es, potenter effice, tanquam mox ex hoc seculo migraturum.

Timor domini. ¶ Da mihi filialem tui timorem, perpetuumq; odiū omnis peccati etiam minimi, strictamq; mei interioris & exterioris hominis custodiam: vt semper vno oculo introuerso, verba & opera mea præcogitem, & ante singula tuum diuinum auxilium deuotus inuocem: & mox vbi aliqd rationi contrarium deprehendero, statim cessem, ne gratiam tuam amittam, aut oculos tuę pietatis offendam.

Discretio. ¶ Da mihi clarā spirituum discretionē, qua oēs laqueos diaboli, pprias quoq; naturę quæsitioēs, errores & excessus lympidè cognoscere & vitare, & vniuersa q̄ mihi incūbūt, prudēter aduertere, rectè discernere, & suis de-

bitis

bitis modo, ordine, tépore exequi valeam:& inter plus & minus, medium virtutis attingam.

¶ Da mihi sanctam paruulorum simplicitatem, qua Simplici-
ab omni duplicitate & multiplicitate, curiosa quoque tas.
perscrutatione in intellectu, proprio amore & quæsti-
one in volûtate ac cogitationibus, curis & imaginibus
in memoria denudatus, clausisq; & introuersis sensibus
& viribus meis, sedulus meipsum inhabitator effectus,
simplici cogitatione & desiderio, vni tibi simplici Deo
adhæream, reuerenterq; in præsentia tua ambulem, so-
licitus seruare vnitatem spiritus in vinculo pacis. Et sic
omnes cogitationes, verba & opera mea diligenter ob-
seruem, & ex simplici sub te & alijs hominibus obedien-
tia, absq; adhæsiōe, in te & per te perficiam. Et omnia
accidentia bona & mala, de manu prouidentia tuæ im-
mediate suscipiam, & referam in te:& ad singula me sta-
tim in meum nihilum intrò recipiam, & tibi primùm ex
illis laudem debitam offeram: deinde attendens quid
per ea à me fieri velis, siue quorsum hæc mihi seruiant,
aut me moueât, videlicet vt orem, aut gratias tibi agam
pro alijs, aut pro me, propter bona data, aut mala per-
missa siue ablata: vel vt meipsum humiliem, custodiam,
& resignem, aut certè vt agnoscam & emêdem culpam,
infirmi-
tatem, aut negligentiam: siue vt aliud quippiam
faciã: (nam sine causa nihil mihi aut ulli creaturæ per-
mittis accidere) hæc, inquam, vigilanter aduertens, ali-
quam ex singulis euentibus virtutem hauriam, & tuam
voluntatem in omnibus sapienter & simpliciter adim-
pleam, omnem propriam quæstionem semper & vbiq;
repudiando.

¶ AD COR IESV.

Y 5

O dul-

Charitas.

O Dulcissime dñe Iesu Christe, obsecro te per ardentissimum diuini cordis tui amorē, & per humanum transfixum cor tuum, & pressuras eius, imprime cor meum in transfixum cor tuum, & reple illud perfectissima charitate, quæ omnem priuatum amorem erga meipsum & creaturas, in me funditus occidat: & sagitta tui igniti amoris adeò vulneret & accendat, vt te dulcissimum dominum Deū meum ex toto corde, ex tota anima, ex tota mente, & ex omnibus viribus meis, purè propter bonitatem tuam, absq; vlla retributionis contemplatione perfectissimè diligere, magna dimittere, operari & pati valeam ex amore propter te, & in his perseuerare vsq; in finem. Et flammigeris infinitisq; desiderijs & orationib⁹, pro perfecta mei abnegatione & amorosa tecum vnione obtinendis, ad te indefinèter suspirem, clamem & pulsem: teq; semper cogitem, te loquar, te esuriam & sitiam, te quæram & inueniam, donec totus in te trāsformatus, vnus tecum spiritus fiam, in te perpetuò manēs, & tu in me. Da mihi quoq; eadem charitate diligere om̃em hominem in te, & propter te, sicut meipsum.

Fides.

Intentio.

¶ Da mihi fidē viuā & fortē, quæ mira & grādia operet pro honore tuo: atq; intentionē rectā fidei lumine illustratā, quæ in cunctis agendis siue tolerandis, simplicem puræ mentis oculū, ad tuā gloriā & beneplacitum dirigat, & omnem quæstionem naturæ ad seipsam reflexe, protinus rescindat reijciatq;.

Spes.

¶ Da mihi firmā ad te spem & confidētiā, qua anima mea supra omnem labentiū rerum vicissitudinem in te leuata, vniuersos motus suos absq; solitudine & imaginum attractione, adeò purè in te manens exequatur, vt amorosum in te influxum nunquam impediat vel amittat,

amittat, sed etiam inter aduersa & pericula quæcunq; plena fiducia, tuam prouidentiam longanimitè expectet: atq; orationes suas propter infinitam bonitatem tuam exaudiendas, humiliter speret, absq; hæsitatione vlla habitans in adiutorio & protectione tua.

¶ Da mihi stabilitatem & perseuerantiam, ex forti Perseu- amore procedentem, qua continuo proficiendi studio, rantia. iuxta sanctissimæ vitæ tuæ speculum sæpius attendendum, quæ retrò sunt oblitus, me in anteriora extēdam, frequenter discutiam, & sæpiùs distractus, nouo seruo- re ad te reuertar, & per aquam & ignem transiens, vsq; in finem perseuerem.

¶ AD DEXTERAM.

O Dulcissime Domine IESV Christe, obse- Iustitia. cro te per acerbissimum dolorem, quem susti- nuisti in vulnere manus tuæ dextræ, & per infi- nitum amorem, qui hunc te sustinere coegit propter iustitiam, pro nostri redemptione, da mihi perfectam iustitiam, qua tibi DEO meo omnem attri- buam honorem, gloriam & gratiarum actionem, atque obedientiam, in omni cogitatione, verbo, & opere meo: & meis superioribus, æqualibus, & inferioribus, animæ quoque & corpori meo reddam, quæ illis de- bentur. Omnia verò debita, quæ iuxta statum meum mihi soluenda incumbunt, tempore congruo summa cum deuotione persoluam: & prohibita fugiam, atque pro omnibus peccatis & negligentijs meis, pœniten- tiæ & amoris lachrymis quotidie meipsum mactans, in hoc seculo per meritum passionis tuæ expurger: sicq; dignè ambulem vocatione qua vocatus sum, vt creatu- ram decet rationalem.

Da

Misericor-
dia.

¶ Da mihi quoq; imitari propensissimam misericordiam, compassionē, benignitatem, & liberalitatem tuam erga omes homines, etiam meos aduersarios, vt nemini vnquam irascar siue succenseam: neminem odiam, iudicem, contemnam, contristem neq; lædam: sed oēs sine personarum acceptione, materno affectu in te diligam & honorem: omnibusq; præsertim afflictis, tentatis & inimicis, fideliter seruiam, beneficiam, & oratione & subsidio quocūq; pro viribus succurram: animarum salutem ante omnia sitiam & quæram, atque pro eorum malis intimè doleam, & orem: & pro bonis gratias agam, sicut pro meipso fieri optarem.

Veritas.
Zelus.

¶ Da mihi imitari tuā veritatē, & strenuū zelū, contra mea & aliorum vitia, qui pro tui honore & animarum salute, me totum comedat, & vitam meam & opera, cum corde & verbis aptè consentire faciat, & sanctissimæ vitæ tuæ virtutibus vbique conformet.

gratitudo

¶ Da mihi intimam gratitudinem, qua omnia beneficia abs te & à creaturis mihi impēsa, humiliter recognoscā, dignè ponderem, & summa deuotione te laudando, tibiq; gratias agēdo, tuæ bonitati (ex qua manarūt) purè absq; vlla subtractione, adscribere illa & accepta referre studeam: & me velut omnibus indignum & abutentem, in profundum meum nihilum demergam, in nullo prorsus dono tuo vel modicū oblectari aut requiescere præsumens.

¶ AD SINISTRAM.

Fortitudo

O Dulcissime domine Iesu Christe, obsecro te per dolorem, quem sustinuisti in sinistra manu tua, & per mirabilem fortitudinem tuam, quam exhibuisti in omnibus operibus tuis, infunde mihi tantam fortitudinem, quanta mihi necessaria

ria

ria est, pro tua gloria & mea salute, qua dominari valeam animo meo, viribus quoq; & sensibus meis, ita vt neq; homines, neq; dæmones, nec mūdum, nec carnem propriam timens, confidenter pertranseam & contemnā vniuersa, tanquam ad me non pertinentia, propter te, qui mihi hanc fortitudinem dedisti, & nusquam hæream neq; cessē, donec obtinuero quod desidero, videlicet vt vnus tecum spiritus fiam & maneam.

¶ Da mihi tuam amabilem imitari castitatem corporis, & puritatem cordis, qua omnem immunditiam vehementer detestans, vniuersas cogitationes & sensus meos ab omni peccato & eius occasionibus, & ab omni impuritate & adhæsiōe creaturarum, indefinenter custodiam, & ab immundis incidentijs sine mora forti ad te cordis conuersione, quoties inciderint, integra voluntate semper recurram, atq; sic nudo intellectu & affectu tibi semper adhæream.

Castitas.

¶ Da mihi imitari tuam sanctissimam sobrietatem, qua omnes vires & affectus animæ, & sensus corporis mei, ab omni inordinata delectatione & superfluitate restringam & mortificem: & sola necessaria, absq; desiderijs, cum magno tui timore, & affectus auersione moderate vsurpem, supremis animæ viribus in amorosa tui vnione fortiter permanentibus, & ad te suspirantibus.

Sobrietas.

¶ Da mihi imitari quoq; tuam voluntariam paupertatem, quæ mirabili compendio hominem in Deum ducit, & da mihi per illam ab omni amore, adhæsiōe & delectatione in donis tuis spiritualibus intrinsecus, & ab omni affectu rerum temporalium extrinsecus, adeo nudum & absolutum & pauperem spiritu fieri & manere, vt etiam rebus necessarijs vtat cum dolore & fastidio: & nihil vnquam possidere desiderem, sed nudus intra
nuda

Paupertas

nuda brachia tua crucifixus requiescam, nihil in me referuans, nisi intentionem tibi placendi & locum dandi, quod id potero modo perfectissimo.

Idem, sed breuius atq; cōpræhēsius.

AD VVLNERA PEDVM IESV.

- G**ratias tibi ago humilimè Iesu, pro incompræhensibili amore & dolore vulnorum sanctissimorum pedum tuorum: simulque in ea proijcio meipsum totum, & oīa peccata & delicta totius antea vitæ meæ, præsertim omnem meam
- 1 Superbiam, vanam gloriam, & arrogantiam:
 - 2 Voluntatem propriam, inobedientiam, irreuerentiam erga te tuosq; vicarios:
 - 3 Impatientiam, iracundiam & rancorem:
 - 4 Loquacitatem, detractionem, vitiaq; his cognata: vt aboleantur & expientur precioso sanguine tuo: obsecrans te per ineffabilem humilitatem, obedientiam, patientiam, & taciturnitatem tuam, vt has easdem virtutes, & omnes earum species, mihi largiri digneris: quò per gratiam tuam, in cunctis deinceps verbis, cogitationibus, & operibus meis sim verè
 - 1 Humilis, subtus omnem creaturam ad nihilum me redigendo:
 - 2 Obediens, sub te & omni homine propriam voluntatem meam abnegando:
 - 3 Patiens, omnia aduersa de manu tua auidè recipiendo:
 - 4 Taciturnus, solis tuis verbis in silentio iatus auscultando:
- Atq; in omni vita, maximè terribili mortis hora, sit mihi cer-

hi certum in his sacris vulneribus refugium.

¶ AD CAPVT.

G Ratias tibi ago sapientissime Iesu, pro amore & dolore sacrosancti capitis tui, crudelissime spinis compuncti, & dirè cæsi: simulq; in eius innumera vulnera, infirmū caput meū cū virib⁹ & senib⁹ meis & oīa peccata & delicta mea projicio, præsertim Omnem proprii sensus & prudentiæ pertinaciam, sensuum abusum & dissolutionem: 1

Timoris tui neglectum, adulationem & timorem hoīm: 2

Indiscretionem & immoderationem meam multam: 3

Impuram intentionem, & propriam quæstionem, vitiaq; cuncta huc pertinentia, vt expientur precioso sanguine tuo. Obsecroq; te per ineffabilem sapientiam, timorem, discretionem, & simplicitatem tuā: vt has easdem virtutes, & omnes earum species mihi largiri digneris: quò per gratiam tuam in cunctis deinceps cogitationibus, verbis & operibus meis sim verè 4

Sapiens, nudis intellectu & affectu tibi adhærendo: 1

Piè metuens, ne te offendam, foris & intus me obseruando. 2

Discretus, inter extrema medium virtutis attingendo: 3

Simplex & introuersus, in te vno habitando, teque solum purè quærendo: 4

Atq; in omni vita, præsertim mortis angustijs, sit mihi certum in tuo vulnerato capite refugium.

¶ AD DVL CISSIMVM COR IESV.

G Ratias tibi ago amantissime IESV, pro infinito amore & dolore dulcissimi cordis tui, lancea mihi litari, sub aspectu tristissimæ matris tuæ dirè confossi: simulq; in ipsum toti⁹ boni fontē, totū cor meū, cū oībus affectibus suis cōmendo, projicio & resigno:

- gno: atq; vnà omnia peccata & delicta mea, præsertim
- 1 Omnem amorem priuatum & vitiosum quarūlibet rerum creatarum, Sacramentorum donorumq; tuorum abusum & negligentiam:
 - 2 Dissidentiam, infidelitatem, & errores:
 - 3 Temeritatem, pusillanimitatem, & desperationem:
 - 4 Eorum quæ status mei sunt, incuriam & instabilitatem: vitiaq; cuncta huc pertinentia: vt aboleantur & expientur preciofo sanguine tuo. Obsecroq; te per ineffabilem charitatem, fidem, spem, & cōstantiam tuam, vt has easdem virtutes tuas, & omnes earum species mihi largiri digneris: quò per gratiam tuam, in cunctis deinceps cogitationibus, verbis, & operibus meis sim verè
 - 1 Feruidus, te vnum totis viribus diligendo & suspirado:
 - 2 In prosperis & aduersis, plena fide & spe tibi innitendo & adhærendo:
 - 3 Stabilis, continuo proficiendi studio me extendendo:
 - 4 Atq; in omni vita mea, maximè tremenda mortis hora, sit mihi securum in hoc fidissimi cordis tui vulnere refugium.

¶ AD DEXTERAM.

- G**Ratias tibi ago iustissime IESV, pro incomprehensibili amore & dolore vulneris sanctissimæ dexteræ tuæ: atque in ipsum me totum proijcio, ac omnia peccata & delicta mea: præsertim
- 1 Omnē meam iniustitiā erga te & creaturas tuas:
 - 2 Cordis asperitatem, displicentiam, & inuidiam:
 - 3 Falsitatem, mendacium, & hypocrisim:
 - 4 Ingratitudinem erga tua & tuorum beneficia: vt aboleantur & expiētur preciofo sanguine tuo. Obsecroq; te per ineffabilem iustitiam, misericordiam, veritatem, & gratitudinem tuam, vt has easdem virtutes, & omnes

omnes earum species, mihi largiri digneris: quò per gratiam tuam in cunctis deinceps cogitationibus, verbis, & operibus meis sim

Iustus, vnicuiq; ius suum tribuens:

Misericors, omni creaturæ bene volens & faciens:

Verax & zelosus, me totum tuo exemplo conformans:

Gratus, te semper benedicens, & benefactoribus vicem retribuens

Atq; in omni vita mea, maximè pauenda mortis hora, sit mihi certum in hoc sacro vulnere refugium.

¶ AD LAEVAM.

Gratias tibi ago fortissime Iesu, pro incomprehensibili amore & dolore vulneris sinistrae manus tuae: atq; in ipsum me totum proijcio, & oïa peccata & delicta mea, praesertim

Omniem ignauiam, torporem, & téporis perditionem: Impuritatem mentis & corporis:

Intemperantiam cibi, potus, & aliorum necessariorum, Auaritiam & cupiditatem, vitiaq; huc pertinentia: vt

aboleantur & expientur precioso sanguine tuo. Obsecroq; te per ineffabilem fortitudinem, puritatem, temperantiam, & paupertatem tuam: vt has easdem virtutes, & omnes earum species, mihi largiri digneris: quò per gratiam tuam, in cunctis deinceps cogitationibus, verbis, & operibus meis sim verè

Fortis, nusquam hærens, sed caduca omnia despiciens: Castus, sensus & vires meas in puritate custodiens:

Sobrius, sola necessaria cum timore percipiens:

Pauper spiritu & rebus, in te solo quiescens:

Atque in omni vita mea, praesertim tremenda mortis hora, sit mihi certum in hoc sacro vulnere tuo refugium.

Z

Vt

¶ Vt autem iam dicta omnia impetrare dignus sim, efficiat apud te Deus meus singulare præsidium infirmitatis nostræ, dulcissima mater tua, semperque virgo Maria, cuius ista sanctissimis ac nitidissimis manibus commendo, vt per eam admitti mereantur in conspectum tuum, mihiq; veniam reportent & gratiam. Amen.

De pleniori conformatione & transformatione in crucifixum. Exercitium VIII.



Ctauò exercebis te in integra acutaq; meditatione vitæ & passionis Christi, imprimendo vitam, passionem & mortē eius profundē in animam & carnem tuam, vt semper, sicut lucerna, ex te relucere possint, & de illis semp cogites & loquaris. Quia

Christus Iesus per ea dem nos redemit, quando diabolus nos vt seruos possedit, vt nunc ad patrem pertineamus, qui nos per vnigenitum filium suum emit, soluendo per eūdem debita nostra, quibus illi eramus obligati. Et hui⁹ maximi beneficii grātia, perpetuò manemus illi debitores. Quòd si debitum hoc gratè ac piè eidem soluere velimus, vitam, passionem & mortem ipsius in animæ nostræ vires, corporisq; sensus, & carnē, imprimamus, assumam⁹ & imitemur oportet, quasi vnū cum vita & passione ipsius effecti. Et sic debitum, quod ipse pro nobis soluit, illi vtcunq; rependimus. Vt autē perfectè id ipsum implere valeas, necesse est vt omnes cogitationes, verba, opera, & mores tuos ad eò conformes cogitationibus, verbis, operibus, & moribus Iesu Christi,

Vt redemptionis precium Christo soluamus.

vt vbiq; visus, auditus siue tactus fueris, nihil in te inueniatur, nisi quod fuit in Christo Iesu. Et tū demum videbitur in te, q̄ sis verè Christianus.

¶ Insuper quoniam illi similes sumus in humana natura, oportet vt nostram naturam eius exemplo crucifi gamus, eo q̄ ipsa peccatum sp̄otè elegerat: quemadmo- dum idem nos hortatur in euangelio, dicens: Abnega temetipsum, & tolle crucem tuam, & sequere me. Per hoc enim iubet, vt corpus, naturam & sensualitatē no- stram per veras virtutes crucifigamus. Animas quoque nostras conformabimus tristissimæ animæ Christi, do- lētes semper de inhonoratione dei, animarum perditio- ne, ac nostris & omnium hominū peccatis: quia quan- tum in istis deficimus, tantum manemus domino Deo nostro debentes. Certè fidelis amator Iesu tam profun- dè sese immergere & imprimere debet in vitam & pas- sionem eius, vt eandem semper sentiat sibi magis presen- tem & infixam, quàm suam propriā crucem & afflictio- nem. Immo si singulari pœna ipse in aliquo membro torqueretur, magis tamen sentire deberet passionem Christi, quàm dolorem quem in præsentiarum in eius- modi suo ipsius membro pateretur. Idcirco magno de- siderio orare non desinet Dominum Iesum, vt ipsum per ardētem, eleuatum & resignatum spiritum, tristem, compatiētem & mortificatam animam, per afflictum, laboriosum & excruciatum corpus, suæ sanctissimæ crucifixæ humanitati perfectissimè conformare digne- tur, & ad minus aliquo cōtinuo dolore corporali om̄i monere tempore, vt suæ passionis nunquam obliuiscatur, vt ipse in eo requiescere & operari delectetur absq; vllō impedimento

Vt christo
conforme
mur.

Vt perfe-
cere

¶ Beatissimam igitur domini Iesu passionem exer-
Z 2

Et trans- cere debemus, primò ad imitandum, secundò ad com-
formeris i patiendum, tertio ad admirandum, quartò ad exultan-
crucifixu. dum, quintò ad resoluendum, sexto ad quiescendum.

I. Primò eam consideremus ad imitandum, quia ipsa est
Imitatio. summa & pfectissima Christiani hominis imitatio. Hæc
est enim summa & sanctissima religio, & religiosa per-
fectio: hæc est regula & exemplar perfectionis omnis vi-
tæ & virtutis, imitari Christum in passione & morte sua.
Sit ergo regula nostræ vitæ passio Saluatoris, in qua
tanto amplius consolemur, quanto perfectiùs Christo
conformamur: & tanto amplius desolemur, quâto lon-
gius ab hoc exemplari & regula separamur. Semper er-
go quantum in nobis est, optemus ab omnibus concul-
cari, deijci, vilipendi, illudi, affligi, flagellari, & in diui-
nis obsequijs ab omnibus exprobrari. Simus nudi cum
nudo, & nihil omnino habere cupiamus: immo habere
aliquid, sit nobis grauissima pœna & dolor immensus:
nihil verò habere, perfecta exultatio. Abhorream⁹ dul-
cia & delectabilia degustare, & potius velimus vilibus
& amaris refici, & desideremus q̃ quælibet cibaria sel-
leum potius quàm melleum nobis adferant saporem:
quia Christus Iesus felle & aceto pro nobis fuit pota-
tus. Et vt breuiter dicam, consideremus qualiter ipse in
passione sua se habuit, & conformemus nos eidem pro-
modulo nostro, quantum poterimus: ea tamen seruata
vbique moderatione, vt ne excedamus mensuram infir-
mitatis nostræ.

II. ¶ Secundò exerceamus nos ad compatiendum do-
Cōpassio. mino nostro innocentissimo, considerantes ipsius fla-
gella, illusiones & opprobria, & in corde nostro rumi-
nantes, quanta fuit in eius passione deiectio & cōtem-
ptus erga dñm nostrum Iesum Christum, quâtus dolor,
quan-

quanta afflictio in corpore & corde Iesu, tam ratione proprię passionis, quàm erga nos cõpassionis ob peccata nostra. Consideremus quanta tunc amaritudine repleta fuit angelorũ dulcedo, quantũq; aggrauabat eũ, nõ tantũ pœnæ illatio & nostra ingratitudo, sed & assistētis matris afflictio, quã tenerrimẽ diligebat, & quasi deficere præ cõpassionis dolore videbat. Ibi filius crucifigebatur cum matre, quia propter nimiam & ardentissimam dilectionem ex cõpassione mutua erat nimia afflictio vtriusq; idq; maximẽ cũ pro seinuicẽ paterentur. Sciebat mater, q̃ filius pateret p se. i. matre, sicut p reliquis redimēdis: sciebat filius q̃ suus gladi⁹ matris animã ex cõpassione pertransiret. Vnde passio filij erat passio matris. Eia ergo Christiane hæc volue ac reuolue in corde tuo, & totum cor tuum reple conuicij & pœnis domini & sponsi tui, videns illum tanta innocenter propter te sustinere. Si enim illi per amorem bene vnitus fueris, tunc valde compatieris eidem. Si autem non sentis dolorem capitis tui, quomodo es vnum cum illo? Certẽ sicut plũs compatiendũ est capiti, quàm cæteris membris: ita illi incomparabiliter plũs compati debes, quàm vlli etiam dilectissimo parenti, filio vel amico, immo plũs quàm tibi ipsi, si hæc omnia prædicta patereris. Nunc ergo charissimi, felle, absynthio & myrrha iugiter inebriemur, & sola eius vulnera sentiamus, atque transfigant cordis nostri intima eius conuicia, flagella & vulnera, nec in nobis quicquam remaneat, quod non perfundatur cõpassionis dolore, & intensẽ affligatur.

¶ Tertiò attendamus passionẽ domini ad admirandum, considerantes quis, quanta, & pro quibus passus est. Quis patitur? Nimirum filius Dei, summẽ potens, III. Admiratio

Z 3 sapiens

sapiens & bonus, idque adeò, vt quicquid bonitatis & nobilitatis ei attribuas, nihil sit respectu magnitudinis suæ: omnia quantumlibet bona sint & magna, velut fauilla sunt, immo quædam vanitas in cõparatione illius.

Quanta. Quanta autem sunt quæ patitur? Certè peregrinationem, fugam, famem, sitim, frigus & æstum, tentationes, horrores, persecutiones, obseruationes, sputa, opprobria, vincula, flagella, illusiones & dolores, plagas, vulnera & mortem. Conspuitur enim gloria, cõdemnatur iustitia, iudex iudicatur, offensus inculpatur, innocens infamatur, Deus blasphematur, Christus conculcatur, occiditur vita, obscuratur sol, luna denigratur, sidera disperguntur. Et hæc omnia tolerat patienter vt agnus, qui solo nutu omnem ingratam creaturam demergere

Pro quibus. posset in profundum inferni. Sed pro quibus tanta patitur? Pro vilissimis mancipijs, pro sceleratissimis inimicis, immo pro diabolicis viris, & per imitationem diaboli filijs, pro contemptoribus diuinæ maiestatis, & diuinæ bonitati ingratis. Mirare igitur, quòd talis ac tantus, talia & tanta, pro vilissimis & abiectissimis passus sit.

A quibus. Cæterùm à quibus passus est? A suis electis & prædilectis, quibus omnem benignitatem ostenderat, à vilissimis optimus, à stultis sapientissimus, (quia Dei verbum & sapientia) ab impijs pijsissimus, à sanie scœdissima splendor æternus. In his omnibus in diuinæ benignitatis & largitatis admirationem grata mente eleuemur.

III.
Exultatio. ¶ Quartò imprimamus nobis dominicam passionem ad exultandum. Exultare autem in ea debem⁹ cum intima gratiarum actione, de redemptione humana, restoratione angelica, & diuina clementia. De redemptione humana, sine dubio nimis gaudere debemus per
Christi

Christi passionem & mortem completa. Quis, quæso, non exultabit & gaudebit, cernens seipsum per hanc beatissimam passionem liberatum à morte æterna, à culpæ ignominia, à potestate diabolica? Et quis non exultabit in immensum, cernens Deum altissimū ipsum intantum diligere, vt tantæ vilitati & afflictioni subiecerit seipsum, pro se redimendo? Non quòd gaudebit de domini sui abiectiōe & passione, sed de eius effectu, affectusque & amoris manifestatione. Quis princeps in regno vel imperio alicuius Imperatoris vel regis, cernens tantum à domino suo se diligere, vt paratus sit mori pro se, non magnoperè gauderet & exultaret? Quanto magis nos vilissimi homines, & nefarii peccatores, & serui mali, gaudere debem⁹ & exultare, videntes regem regum & dominum dominantium, & creatorem nostrum Iesum nos tanto amore diligere, vt immolaret seipsum pro nobis in tam turpem & vilissimam mortem? Gaudeamus igitur immensa exultatione, quòd sine cōparatione plus quemlibet nostrum diligit, quàm quisque seipsum. Gaudeamus & exultemus, quòd per CHRISTI passionem restaurata est angelica ruina. Magna iucunditas debet nobis inesse, quum videmus per CHRISTI mortem tam nobile collegium reparari, vt fiat vnum ouile & vnus pastor, & vnum in vno. In hoc enim debet tota cælestis curia & militans Ecclesia iure gratulari. O amabilis & reuera venerabilis passio Saluatoris, quæ sic disiuncta coniungit, sequestrata conglutinat, & firmissimè simul vnit, stringitque vinculo consummati amoris, & felicitate gaudij sempiterni. Præcipuè autem gaudere & exultare debemus, videntes in supradictis

2
3

Z 4

omnibus

omnibus mirā summāq; clementiā Dei & dñi nostri Iesu Christi. Et hanc puto. summam esse gloriam bonorum tam hominum quàm angelorum, perfectiùs contemplari clementiam & beneuolentiam Dei, & immensitatem bonitatis eius. Hæc etiam debet esse cuiusuis cōtemplantis exultatio maximè interna in ipsis animæ medullis. Vbi em̃, quæso, magis apparet diffusio bonitatis diuinæ, & benignissimæ clemētiæ dulcissimi & amantissimi patris & domini nostri Iesu Christi, quàm in passione sua, vbi talia ac tanta, tam turpia & grauiā sustinere voluit pro inimico suo liberando & glorificādo, pro vanitate quadam digna morte æterna, redimenda? In istud gaudiū intret homo, & reficiatur magnificentia bonitatis diuinæ. Accedat homo ad cor altum, & in corde suo exaltetur excellētissima & inenarrabilis clementia Christi passi.

V.
Resolutio.

¶ Quintò etiam consideremus beatissimam Christi passionem ad cordium nostrorum resolutionē, & perfectam transformationem in ipsum. Quod fit, quando homo non solū imitatur, compatitur, admiratur, exultat, sed etiam totus homo conuertitur in ipsum dominum nostrum IESVM Christum crucifixum, vt iam quasi vbique, & semper sibi crucifixus occurrat. Immo tunc verè in ipsum resoluitur, quando exiens ex se ipso, & omnia supergrediens, immo supra seipsum abstractus ab omnibus, totus est conuersus in Dominum suum passum, vt nihil videat, nihil sentiat intra se ipsum, nisi Christum crucifixum, illusum, probris affectum, & passum pro nobis ex amore.

VI.
Quies.

¶ Sextò consideremus eandem beatissimam domini passionem ad quietem dulcoris interni, quod fit, quando homo sic, vt dixi, resolutus, sitibundo corde eādem passio-

passionem ruminare non cessat, & intrans secundum posse suum, infinitum illum passionis thesaurum, humiliter & deuotè liquefcit amore deuoto, & feruida deuotione, & ardenti dilectione deficit à se, & requiescit in Christo crucifixo. Sed quanto illi plùs inhæret & innititur, tanto ampliùs deuotissimo amore in se deficit & liquefcit: & quanto plùs à se deficit per amorem & deuotionem, tanto ampliùs eidem dilecto pro se mortuo inhæret, vnitur, & requiescit in eo. Et sic mutuò sese auget adhæsió amoris & deuotio, donec sponsa, id est, anima tota absorbeatúr ab ardentissimo illo camino amoris & passionis sponsi prædilecti, in cuius amplexibus obdormiens requiescit. Meditare igitur domini passionem: imitando, ad purgationem mentis & dilectionem: compatiendo, ad amorem & vnionem: admirando, ad cordis eleuationem: exultando, ad cordis dilatationem: resoluendo, ad perfectam conformationem: quiescendo, ad deuotionis conseruationem.

¶ Vt quæq; superflua & impedimenta abijcias.

Exercitium IX.



NONO circuncide animam tuam seuerè ab omni cognitione, amore & recordatione creaturarum, exceptis illis duntaxat, quibus carere nõ potueris, propter Deum & in deo vtèdis. Et custodi sensus tuos omni tempore strictè ab omni superfluitate, vanitate, & ocio. Et conserua corpus tuum semper in simplicitate, sobrietate, & paupertate. Et perfectè semel abijce omnia, quæ tibi vnquam medium aliquod prestare potuerint inter Deum & animam tuam, vel vni-

co temporis momento. Vbi autem istud fructuosè implere valeas, attende diligenter omnia media visibilia & inuisibilia, creaturasque sensiles & insensiles, quæ tibi media & impedimenta pepererunt, & adhuc parere possent: & tunc veram integramque ab illis fac auersionem abscissionemque, & perfectam tui ad Deum cōuersionem. Expendes quoque an in tali sis loco & statu, in quo perfectus fieri queas: quem si nondum elegisti, adhuc eligas oportet. Abscindenda nihilominus & resignanda tibi sunt omnia externa, quibus vteris, vltra veram & iustam necessitatem: qua sola, paupertatis Christi amore contentus sis, videlicet binis, id est, mutatorijs tunicis, & alijs ijsque tantum necessarijs vestibus, libris paucis, sobria refectioe vnica vel bina in die, iuxta temporis rationem, eligendo in omnibus viliora, vt humilis simplicitas vbique ex te, tuisque studijs reluceat. Nam exterior desiderata paupertas, mirum in modum cooperatur vero profectui & paci cordis, quando etiam necessarijs libenter cares, illisque cogente necessitate cum tædio & auersione affectus, in simplicitate vteris. Ad hæc valdè conducunt abdicatio omnis quæ sitæ delectationis, voti emissio, si consultum videbitur, creaturarum omnium fuga, ad Deum fortis adhæsiō, obediētia simplex, voci D E I & superioris tui, diligens custodia cordis, oris, & operum tuorum, & id genus alia, quæ velut oportuna adminicula sunt assumenda: & impedimenta refecanda, testimonio conscientie tuæ aut moderatoris tui, facta diligenti perscrutatione, ne intus aliquod stabile & inhærens vitium licet minimum, aut fors quicquam superfluum aut curiosum tibi maneat: Nā illo stante, Spiritus sanctus perfectè in te operari nunquam poterit. Nam peccata etiam grauiora, quæ ex improviso

Adminicula perfectionis.

prouiso incidimus & deplangimus, facilius remittit Deus, quàm minimum vitium inherens, quod non agnoscimus, aut emendare non curamus.

¶ Vt omnem hominem diligas sicut teipsum.
Exercitium X.



Ecimò exerce te in vera dilectione omnium hominum, iuxta exemplū & charitatem Iesu Christi, qui summa & ardentissima dilectione & desiderio omnibus sese totum impendit hominibus, docuitq; & præmōstrauit illis viam salutis & perfectionis.

Idque vera & perfecta vita, sancta q; & diuina doctrina. Dedit quoq; seipsum voluntariè & amorosè in omnem pœnam, contumeliam & confusionem, quæ propterea super ipsum cadere poterāt. Quapropter si verè vitam eius assumere volueris, ipsum in hoc imiteris oportet: ducasque semper sanctam & deiformem vitam coram omnibus hominibus, vt per tuam vitā trahantur ad imitationem vitæ Iesu Christi. Ostendes insuper & docbis proximum tuum bonis exhortationibus viam salutis æternæ. Hinc interdum accedens proximum tuum, loquēris cum eo de virtutibus, ex quibus melior fiat, vt attendere & imitari velit vitam & amorem Iesu Christi: consideret quoque nobilitatem animæ suæ, quomodo Deus suam ipsius imaginem illi impressit, cā per seipsum redemit, quodque amor Dei vita sit animæ, quem admodū aīa ipsa vita est corporis: & sicut corp⁹ mori migrāte ex ipso aīa, ita aīa mortua est absq; amore Dei. Hæc & alia proximis suggeres, q̄ spiritus sanct⁹ docebit, præsertim

Doceas
exemplo.

Verbo.

Vt vites
contraria
dilectioni.

præsertim tibi commissis, vicinis, aut doctrinæ capaci-
bus: credens Deum animas illorum, quas saluare potue-
ris, à te requisitum tanquam membra tua. Neminem
igitur iudices, contemnas, contristes aut lædas: sed dili-
ge omnem hominē, tanquam teipsum, immò plusquam
teipsum, vtpote te meliorem. Quod vt citiùs obtineas,
persuade tibi omnem hominē esse teipsum: quia sumus
inuicem membra, illique congaudeas, condoleas, serui-
as, & benefacias: opera quoq; misericordiæ corpora-
lia & spiritalia toto corde impēdas, sicut tibi ipsi. Quā-
obrem assuesce, quā citò senseris aliquem motum dis-
plicentiæ aut amaritudinis contra quemcunque homi-
nem, seu quoduis aliud vitium tibi incidere, statim leua-
to dulciter in Deum corde id à te repellere, tāquam vi-
rus diaboli, quo nititur charitatem in te necare vel mi-
nuere, aut saltem tepidum facere, & à cursu proficien-
di remorari. Nam ex nostra interdum tepiditate con-
tingit, quòd noxiæ cogitationes à nobis repulsæ, sæpe
redeunt, & magnum nobis spiritalis lucri impedimen-
tum parturiunt, tametsi illis non consentiamus: quan-
do dissimulamus totis nos viribus in anteriora extēde-
re, & diuinis nos desiderijs continuè pro viribus occu-
pare: ideò ex nostra tepiditate aditum redeundi ad nos,
facile inueniunt hostes animarum nostrarum: quāquam
etiam interdum non nostra culpa, sed solo Dei permis-
su ad nostri exercitationem, huiusmodi nos cogitatio-
nes fatigent.

DE VIA VNITIVA.

¶ Vt viuas absque omni creatura, peccato, &
delectatione.

Exer. XL

Vndeci-



Ndecimò exercebis te ad perfectam cum Deo tuo vnionem obtinendam. Hæc autem vnio perfectam requirit denudationem & expoliationem ab omni creatura, ab omni peccato, & ab omni delectatione. Ab omni creatura in affectu & intellectu, quantũ

Vt viuas
absq; crea-
tura.

possibile est, nudatus viuere satagas oportet: ita vt etiam à teipso & omnibus rebus ita nudus fieri & permanere seruenter desideres, sicut nudus ante tribunal Christi stabis, & sicut aia tua nudè & purè ex Deo fluxit, vt sic absque vllò medio creatori valeas vniri. Viues etiam absq; peccato, aut si hoc vix possibile est, forti auersione ab omni peccato, & seruenti cõuersione ad omne bonũ quod Deus est, sic viuere desiderabis: quia omne peccatum, quamlibet minimum, impedit hæc vnionem. Quapropter animam & corpus tuum ita custodies, vt nullum membrum moueas, nisi in Deo. Viuas etiam necesse est absque omni delectatione. Et hoc similiter affectu & desiderio supplebis, quod opere præstare nõ vales: quia quando delectationem aliquam habueris in teipso, Deus propterea negabit tibi delectationem & suauitatem, quæ ipse & in ipso est. Talis autem vita sit tibi semper in desiderio, vt extremum posse tuum impedas huic viæ. Et tunc per hoc exercitium inuenies te in multis hære, à quibus te immunem putaueras. Idcirco semper cauere stude, ne peccata etiã minima delectent te propter se. Pro te quidem desiderabis, quod panis non plũs tibi sapiat, quàm lapis: sed pro creatoris panis gloria, placebit tibi, quod panis plũs sapiat quàm lapis: moxque debes in panis sapore & delectatione transfire ad Deum, & gustare creatorem panis. Et tunc sit ti-

Absq; pec-
cato.

Absq; dele-
ctatione.

bi insipidus panis. Pari modo faciendum est cum omni delectatione, cui non est annexum per se peccatū: quia creatoris admirabilis suauitas, delectationem infundit omnibus rebus creatis. Nullum ergo medium ex creaturis in te residere patieris, sed ab omnibus exutus atque nudatus, nudam diuinitatem absque medio aliquo creaturæ (vt est creatura) accedes, quia Deus absq; medio te vti desiderat. Nec in hoc sanctorum inuocatio (quæ propter Deum & in Deo fit) te impediet, quia ipsi sunt vnus spiritus cum eo. Præcipuum tamen tuum studium versabitur circa contemplationem Dei tui, quem videbis omnia bona in omnibus hominibus operantē, quantumuis etiam minuta, vt est mouere articulum vnum ad bonum. Nam hæc ipsa motio, Dei est, qui est vita animæ. Igitur continua introuersione stude, quantum potueris, viuere in omnimoda abstractione & nuditate intellectus & affectus ab omni creatura, peccato, & delectatione: quia hæc tria fideliter & diu exercitata, faciunt hominem verè cælestem & angelicum, ita vt liberrimè frui possit Deo suo, prout sola experientia docebit. Idcirco intellectum tuum & affectum semper magis purificare studeas omnibus phantasmatis & imaginibus, exemplo crucifixi Iesu, magis eligēs amara quàm dulcia, cōtumeliam quàm honorem, penuriam quàm abundantiam: vt sic puro corde Deo adhærens, vnus cum eo spiritus efficiaris. Aliter tamen exercitium istud vsurpabit superior, aliter subditus: aliter innocens, aliter iniustus: aliter incipiens, aliter perfectus.

Nudis intellectu & affectu Deo adhære.

¶ Vt autem facilius ad omnium rerum abnegationem, diuinæ bonitatis, & tuæ indignitatis cognitionem, & fraternæ dilectionis dulcedinem pertingas, & breui tempore obtineas, quod multis annis, immo tota vita sua

fua proprietarij magnis laboribus non percipiunt, re-
uoluere fatage in memoria tua studio indefeffo, vel fal-
tem habitu & intentione tua circunfer binas has nobi-
liffimas virtutes, videlicet humilitatem & dilectionem,
diutiffimè ruminando, & tibi imprimendo hæc verba,
Nihil fum, Nihil habeo: Nihil præter vnum cōcupifco. **Humilitas**
Humilitas vera dicit, Nihil fum, (ex conditione & vi-
tio meo) Nihil habeo, (nam quicquid in creaturis, aut
donis Dei extra Deum habeo, aut habere poffem, quic-
quid video, audio vel percipio, in me prorfus nihil eft)
Impotens, infipiens, & nihil fum, nihil valeo, plenus pec-
cato & miseria: ideo de meipfo penitus defpero. Amor **Dilectio**
autem fiue dilectio Dei dicit: Nihil nifi vnum folū De- **Dei.**
um meum defidero. Confide ergo o aīa mea Iefu Chri-
fto & bonitati illius, & fige totam cogitationem & defi-
derium tuum in confideratione eius: quia quāto minùs
videris te habere à temetipfo, tanto plus cupies habere
amoris à domino tuo Iefu Chriſto.

¶ Eft autem duplex humilitas. Vna, quæ ex agnitio- **I.**
ne peccatorum & propriæ vilitatis, ex dictamine ratio- **Humilitas**
nis oritur, quam maximè erga proximum tuū exercere **ex ratioe.**
conuenit, cuius comparatione te ad nihilum rediges, &
oībus hominib⁹ viliorē & inferiorem te ex animo re-
putabis: & tã pro illorū, quàm tuis peccatis, à Deo tuo
tibi præfente humiliter veniã postulabis: ipfosq; excusa-
bis, nō credens q̃ alij peccatores tantū à Deo ſint elon-
gati, quin fæpe & ſi nō ſemper, ſefe ad Deum conuertāt,
& ſynceriori ipſum affectu diligant & honorent, & fi-
deliùs de peccatis ſuis doleāt, & ſefe emendare propo-
nant iuxta gratiam ſibi à Domino datam, quàm tu.
Nec credas inueniri hominem, ſi tot & tanta peccata
commiſſiſſet vt tu, totq̃ue gratias & beneficia à D E O
recepiffet

recepisset ut tu, qui nō multo feruentius Deo seruiret, quam tu. Quod si hoc pleno corde sentire nō poteris, eo ipso te reputes superbissimum, & omnibus alijs hominibus viliorē, propter tuam hypocrisim, insanamque superbiam, Deo maximē odibilē: quā te revera excæcavit, ut teipsum non agnoscas, neque videas, quod quo plura à Deo recepisti dona, eo graviora sint tua peccata & negligentia, & eo strictior à te exigetur ratio de singulis. Et hanc, ut dixi, humilitatem operatur dilectio per rationem, qua seipsum homo æstimat omni creatura viliorē, omniq̃ tormento & contumelia dignissimum. Estque incipientium & proficientium, ac præcedere debet & confirmare hanc sequentem humilitatem.

II.

Humilitas
ex amore.

¶ Alteram humilitatem, quæ est perfectorum, operatur dilectio per semetipsam: quam in se sentit anima per visionem & cognitionem spiritualem Iesu Christi. Enimvero quando Spiritus sanctus illuminat rationem in visione Iesu Christi, ad considerandum perspicue sanctæ humanitatis eius humilitatem, & ad gustandum utrunque de bonitate diuinitatis illius, mox anima tantam dilectionem & gaudium percipit in illa visione spiritali (quæ vera, sancta & delectabilis est) quod obliuiscitur sui ipsius & omnium rerum, & tota innititur dulcissimo domino suo Iesu Christo, ex tota dilectione, qua fertur ad considerandum eundem. Non attendit hic sua peccata prius commissa, nec propriam indignitatem, sed pro nihilo putat seipsam cum omnibus peccatis & bonis operibus, quæ unquam fecit, ac si nulla alia res esset, nisi dominus noster Iesus Christus.

Vt ad nihilum redigaris.

¶ Stude ergo per considerationem humilitatis & charitatis Iesu, vel plenā fide, vel etiā sentiēdo teipsum non

non solum miserrimum, sed etiam quasi nihilum iudicare, & cum oībus tuis exercitijs & operibus bonis transfactis ad nihilum redigere, & ab omnibus denudare: & in paupertate spiritus sentire te nihil esse, & omnia bona tua soli domino Iesu Christo adscribere, vt substantia tua sit tanquam nihil ante illum, nō iam deinceps te existimans aliquid esse, quū nihil sis: quia comparatione haud dubiō increatæ & incommutabilis diuinæ substantiæ domini Iesu, (qui solus veram habet essentiam, & est omnia in omnibus) tu & omnia nihil sunt. Nam oēs gentes, quasi non sint, sic sunt coram eo. Et hoc pacto nō iudicabis proximos tuos bonos vel malos, sed æqualiter omnes creaturas respectu domini Iesu, eiusque humilitatis & dilectionis, misericordiæ & gloriæ, senties tecum esse nihil, cum ex nihilo factæ sint, & in nihilum redirent, si ab eo non conseruarentur.

¶ Quando ergo dilectio per donum Spiritus sancti aperit interiorem oculum, ad considerandum hanc veritatem cum alijs circumstantijs, tunc anima verè fit humilis, quia videt seipsam sicuti est. Et tunc non considerat se, nec innititur sibi ipsi, sed tota tendit in cognitionem & dilectionem Iesu, stabili meditatione & desiderio ipsum assiduè considerans. Et tunc multo perfectius operatur magna opera, tum interna, tum externa, quàm antea solebat. Ista visio animam etiam confortat & eleuat tam mirabiliter & suauiter, quòd non potest gaudere de huius mundi aliquo gaudio, neque de eius aduersitate contristari: quia manet immobilis & insensibilis ad omnia, in solo Iesu requiescere cupiens: habensque oculos suos semper ad ipsum: qui ab omnibus laqueis & tentationibus euellit pedes eius, destruitque omnes motus superbix & vitiorum valde occul-

tè: protegens eam à timore nocturno, à sagitta volante in die, à negotio perambulante in tenebris, ab incur-
su & dæmonio meridiano: & per sanctam simplicita-
tem, quæ est occulta quædam semita, deducens eā ad
stabilem secum vnionem, qua manebit in Deo, & Deus
in ea. Vt autem pro hac felici vnione obtinenda, ignitis
aspirationibus, cum profundissima sui resignatione, con-
tinuè laborare debeat, nihil nisi vnum, quod solum est
necessarium, desiderans, in sequentibus latius explica-
bitur.

¶ De aspirationibus, resignatione, & postu-
latione. Exer. XII.



Vodecimò fortiter te exercebis in
exercitio quadriformi aspirantis &
vnientis amoris, vtens in tua opera-
tione affectu potius quàm intelle-
ctu: consurgensque magis per aspi-
rationes feruentes, quàm per medi-
tationes.

Meditatio

¶ Quod tamen vt obtineas, principio opus tibi erit
meditatione deuota colligere fasciculum quendam di-
uini amoris ex beneficijs, quæ Christus tam secundum
diuinitatem, quàm humanitatem suam tibi præstitit, ad
inflammandum videlicet cordis tui igniculum: quorum
maximum est eius passio, cuius opus inspicias ad com-
patiendum, modum ad imitandum, & causam, id est, cha-
ritatem illius ad te infinitam, ad inflammandum cor
tuum: donec asuefactus, tandem absque præuia medi-
tatione in primo reflexu mētis, affectus tuus validè erga
De-

Deum incalescat quoties volueris. Et hæc inflammatio est vnicum instrumentum & radix vitæ contemplatiuæ, vnde confurgit aspiratio ad amorem vnientem, qua scilicet fidelis anima aspirat flammigeris desiderijs, vt per amorem vniri possit infinito amori, qui De⁹ est, & ab eo penitus absorberi.

Inflam-
tatio.

¶ Vt autem ad illius amoris consuetudinem peruenias, assuesces omni loco & tempore, orationes ignitas & eiaculationes ad DEVM, mille modis magno cum seruire emittere, atq; ex humili, abstracto, resignatoq; corde in cor DEI conijcere, vt det tibi perfectum tui ipsius & omnium rerum cōtemptum, teque totum vnire & absorbere dignetur in immenso amoris sui incendio. Hoc nanque exercitium vnientis amoris, initium est & finis omnis perfectionis: quod cum magna violentia spiritus exercendum est, per quod omnes tentationes & media inter DEVM & animam, statim auferuntur, & ipsa magno impulsu perurgetur festinare ad altissimā Dei similitudinē, perfecta scilicet oīm vitiorum mortificatione, & virtutū adeptione: penetratque omnes tentationes & occupationes, & quicquid infra DEVM est, in momento, & animam ante nudam Dei præsentiam constituit, cui sese immediatē vnire desiderat.

Oratiões
iaculato-
riæ.

¶ Attamen oportebit te diu præ foribus stare, antequam Deus te volet ad vnionem intromittere. Et tūc discretē pulsabis ianuam pietatis suæ his quatuor excitationum malleis, qui sunt Offerre, Exigere, Conformare, & Vnire: quibus dilectum tuum excitabis ad intromittendum te in vnitatem Spiritus, seruando te longanimiter in præsentia DEI per aspi-

Diu pul-
sandum.

rationem vnientis amoris. Nullum tamen vnquam exercitium cum proprietate possidebis, sed quādo senseris te alia via per gratiam trahi, statim dimisis proprijs, sequeris & exercebis te iuxta tractum Spiritus sancti.

I.
Resigna-
tio.

¶ Primò igitur in tua ad Deum conuersione, Deo liberaliter in holocaustum laudis offeres omnia, quæcunque spiritus Dei per inspirationem suam à te exigere potest, maximè perfectam abnegationem & contemptum tui ipsius, abscisionem omnium sensualium oblectationum, quibus cor tuum inordinatè posset affici & maculari, licet sint res paruæ, vt verba ociosa, vana societas, leuitas, curiositas sensuum, & similia. Offeres etiam te ad mortificationem naturalium passionū, vt sunt inordinata tristitia, gaudium, ira, amor, odium, spes, timor, pudor. Etiam ad carendum voluntariè omni sensibili gratia, deuotione, & donis Dei, ad salutem propriè non necessarijs. Similiter ad tolerandum prompta voluntate propter Deum omnem aduersitatem in fama, bonis, & amicis tuis: omnem quoque egritudinem, pœnam, afflictionem, confusionem, & pressuram cordis: & generaliter ad vniuersa, quæ alicui in tempore accidere possint, resignabis te hilariter & cupidè. Insuper offeres te diuino beneplacito, etiam si te ponere vellet ad tolerandum æternò pro amore & honore suo omnes pœnas inferni, duntaxat quo ad ipsas pœnas, non autem quo ad amoris separationem instar damnatorum: hoc enim non licet. Et quanuis Deus istud nunquam ab amicis suis exigere possit, vult tamen vt ad omnia etiam impossibilia sese resignent suo beneplacito, sine retractione cordis: sicut Abraham fecit, vt probentur quantum sibi ipsi mori velint propter Deum.

Hoc

Hoc autè facillè poteris, si teipsum agnoueris esse quasi vas perditum, peccatis plenum, quæ Deus opt. max. sua infinita bonitate tibi auferre & consumere paratus est, si te cum illis perfectè eidem resignare & relinquere volueris, quum ipse sit mons quidam amoris, abyssus bonitatis, & fons charitatis. Quapropter nimis stolidus est, qui vile tugurium corporis & animæ suæ, illi offerre dubitat pro tabernaculo preciosissimo, quod Deus est.

¶ Cum verò in his omnibus te perfectè resignatum inueneris, tunc poteris plena fidutiā ad aliud huius exercitij membrum transire, quod est exigere, sicut Christus monet: Petite, & accipietis. Exiges igitur à Domino Deo tuo secundo loco, non solum omne quod habet, sed etiam omne quod ipse est. Ante omnia enim petere debes ipsum nudum dilectum Deum tuum, ad fruendum eo solo in suo immenso nudo amore: Quia in nullo dono DEI licet homini fruendo requiescere absque peccato, quantumvis nobile & diuinum sit, præterquam in solo Deo: sed uti dūtaxat debet donis Dei, ad hoc, ut ad maiorem ipsum perfectionem euehant ac perducant. Nam quando in Dei donis quiescit, statim incipit tepescere à desiderio proficiendi. Post hoc exiges à Deo tuo purissimam intellectus illuminationem, ad cognoscendum plenissimè diuinum beneplacitum: atque ad illud exequendum offeres te tam promptè atq; perfectè sine retractione cordis, sicut umbra mouetur ad motum corporis vnde fit, iuxta exemplar & similitudinem vitæ Christi. Secundò ad cognoscendum plenè teipsum, hoc est, incompræhensibilem tuam vilitatem, ingratitude, indignitatem, ut per hoc te possis perfectè contemnere & humiliare. Tertiò ad habendum

II.

Postulatio

perfectam notitiam omnium verarum virtutum. Magna quoq; orationis instantia laborabis pro ipsis veris virtutibus acquirendis & possidendis, & maximè pro nudo Dei amore in te magis ac magis augendo. Exiges autem ista seriò valde: desideriumq; augmentandi amorem tuum, fruendiq; increato amore, tam æstuans inter Deum & animam tuam erit, vt̃ est coruscatio vehemens. Iste quoque impulsus adeò continuus erit in te, sicut anhelitus tuus. Qui vt̃ absque cessatione intrat in te, & exit, si debeas vitam seruare: ita etiam vita creati amoris consistit in sedula reuersione animæ cum æstanti desiderio in suam originem, id est, amorem increatum, vt̃ illi vnicè inhæreat & fruatur, sicut radij inhæret soli. Cætera dona Dei ad salutem propriè non necessaria, vt̃ est liberatio à tentatiõibus, periculis & pressuris, reuelatio secretorum, deuotio & gratia sensibilis, non sunt absolutè exigenda, sed cum conditione, si ita expedit pro Dei gloria & nostra salute.

¶ De conformatione & vnione cum Deo.

Exercitium

XIII.

III. Confor- matio.



¶ Ertiodecimo loco exercebis reliqua duo suprà dicti aspirantis exercitij membra, laborando vt̃ dilecto tuo magis ac magis cõformeris, hoc modo: Videlicet quũ ignis amoris fuerit in corde tuo accensus, principio exures in ipso omnem tuam dissimilitudinem, hoc est, omnia vitia & defectus tuos, omnes naturales passionēs & immortificationes tuas, omnem sensuum propensionem seu affectum & impatientiam. Non tamen illas sigillatim recoles, sed in vno fasciculo fumes

sumes omnes tuas imperfectiões, & proijcies in immensum ignem diuini amoris, vt ibidem consumantur. Deinde ardenti desiderio deformitatis confurges, & scintillantibus ac perurgentibus postulationibus exiges à dilecto, vt eisdem virtutibus nudam animam tuam adornare dignetur, quibus ipse ornatus est in omnibus perfectiõibus suis, tam in diuinitate quàm humanitate sua. Et has multo citiùs per flammigeras assiduas oratiões obtinebis, quàm per vllum alium laborem externum. Specialiter verò te conformabis humanitatis Christi virtutibus, quæ in despectissima & acerbissima morte illius emicuerunt, per affectum scilicet profundissimæ humilitatis, vilitatis, abiectiõis, paupertatis, patientiæ, & charitatis: in quib⁹ tam diu te exercebis, subinde renouando ac repetendo flammigeros ad Deum affectus, & quasi violentas quasdam orationes, per quæ Deus potissimùm dare solet suæ plenitudinem gratiæ & amoris, donec per experientiam damnis, iniurijs & pœnis puocatus, etiam tempore subtractæ gratiæ, prima & vltima cogitatione tua, senseris desiderium illud patiendi pro Christo, vt illi conformeris, vsq; in finem in te perseuerare.

¶ Quartum deniq; membrum huius exercitij est, vnire, & transfundere voluntatem tuam in diuinum beneplacitum. Vt enim exercitium præcedens aspirationis & vnientis amoris ideo cõtinuè agitur, vt quiescas in solo Deo, quò flammigeris desiderijs in spiritu vnũ cū eo fias, ad quod nos perducit actuosus & experiens amor: ita in isto vnionis exercitio, acutis estuantibusque desiderijs eniti debes plenissimè, absque vlla cordis retractione, voluntatem tuã vnire atq; trãsfundere in gratissimum Dei beneplacitũ: ita vt ex impulsu nudi amoris, ipsum

III.
Vnitio.

AA 4 diuinum

diuinum beneplacitum semper sit summum tuum desiderium, iucunditas & solatium in omnibus, siue sint exteriores aduersitates, infirmitates, persecutiones, oppressiones, & pœnæ: siue interiores pressuræ, subtractiones gratiæ, frigus cordis, obnubilatio sensuum, aut tentatio quæcunque. Et in tali tempore obductionis & tentationis, maximè tibi cauendum est, ne aliquas consolationes per sensus tuos q̄ras, aut leuiter te extrouertas vel occupes, seu otio marcescas. Sed semp̄ quoad poteris, ad bona exercitia te cogas, aut bonis forinsec̄ opibus saltem te occupes: quæ licet tibi sint tunc insipida, sunt tamen Deo magis accepta, cum fideliter, quod in te fuerit, feceris. Quapropter statue fixū in corde tuo, omnia hæc aduersa idcirco tibi Dei permissu accidere, vt probeat fidelitatem tuam, & habeat occasiōem copiosius te ditandi omnibus donis & gratijs spiritualibus, si fideliter perseueraueris.

Absorptio in Deum. ¶ Et his breuiter præmissis, ac velut in quendam fasciculum pariter collectis, vltèrius conscendere debes per amorem vnientem, in ipsam charitatem increatam, quæ Deus est: vt sic ibidem anima feliciter liquefacta, omnium eorum, quæ petijt à domino, quasi signo factam impressiōem recipere mereatur. Ceterū quisquis hæc crebrò exercitauerit, & illis perseueratè inhæserit, impossibile est vt ad vitæ perfectiōem non perueniat.

Zelus diuini honoris. ¶ Hinc cum tanto seruire, Dei incipies honorem querere in omnibus, vt quasi tui ipsius oblitus, pro nihilo ducas te mille p̄ eo periculis exponere, & nō sentias differentiā inter honorē tuum & contumeliā, gaudium & dolorem, sed quicquid ad eius honorem spectare noueris, quantumuis difficile, cum imperu quodam amplectaris. Quum autē oīa feceris quæ potueris, quasi nihil

nihil te fecisse, immo defecisse existimabis, erubescens & teipsum perfecto odio detestans, q̃ tali ac tanto dño tam miserè obsecutus sis. Quapropter maiora & perfectiora quolibet momento temporis agere & pati desiderabis. Et quia à Dei dilectione vehementer impeditur amor proprius seu dilectio sui, ideo debes teipsum perfectè odire, & pleno corde petere ab omnibus despici, conculcari, flagellari, vilissimus reputari, & ad nihilum redigi. Nec pro magno habebis, si in tuis iniurijs delecteris, & in tuis doloribus consoleris, nisi etiam cupias alios credere, te istis & omnibus pœnis & contumelijs esse dignissimum, & teipsum adeò abomineris, vt vix tolerare te queas, fact⁹ tibijsi execrationi, adeò vt etiam ab irrationalibus creaturis impugnari & puniri cupias. Et quum aliquid delectabile tibi sumendum fuerit, illud cum mœrore & horrore tuijsius sumas: ita tamen, vt ne interim necessaria indiscrete tibi subtrahendo, naturam destruas, quum sola vitia tua tibi sint persequenda & destruenda. Quòd si hoc pacto animam tuam oderis, ad perfectam Dei dilectionem facilè pertinges. Veruntamen scias perfectissimum hoc proprii odij tuijsius donum, solum Deum dare posse, & dare paratum, si id instantèr postulaueris. Nec affirmo tamen, q̃ tibi pro se pati dabit: quia hoc non omnibus dare solet, sed ad minus dabit tibi velle pati.

¶ Porro si prædicta creatoris dilectione bene inebriatus fueris, alterum etiam quod in suprascripto exercitio postulasti, adiiciet, videlicet vt suæ crucifixæ imagini perfectiùs conformeris: vt nihil in omnibus & per oīa quæras eorum quæ tua sunt, sed quæ Iesu Christi, quomodo illi possis seruentiùs semper seruire, placere, & conformari: atq; perfectiùs tuam voluntatem abnegare, &

Odiū tui.
Dilectio
Dei.

Confor-
matio.

re, & ipsum diligere: obliuiscens quodammodo tui & omnium rerum, & præ amoris magnitudine non aduertens dulce & amarum, tempus & locum, personarúm; distinctione: sed in omnibus creaturis solum querens & considerans Deum creatorem, & eius voluntatem & honorem, & aspiciens plena fide Christum in membris suis. Sicq; in actiua vita contemplatiuam duces, si te totum recolligens, intres in cor tuum, & eius intima penetrans, resoluas, resignes & amittas te in Deum. Et tunc quodammodo deificatus, & in Deum transformatus, ad quodcunque te conuerteris, nihil nisi Deum considerabis. Et quicquid boni operis feceris, non hominem, sed Deum solum id facere æstimabis. Sicque Deum inuenies in omnibus. Et hoc ipsum oratione magis, quam industria tua, à diuina impetrabis largitate.

Vt semper pulsandú. ¶ Porro si ea, quæ suprà diximus, nimis tibi ardua fuerint visa, incipiens saltem conare semper id eligere, quod fuerit magis honorificum DEO, conforme Christo, utile proximo, aduersum tuæ voluntati, cruciabile & ignominiosum tuo corpori: indefinenter cordis desiderio clamando ad Dominum his verbis, videlicet, Nihil sum, Nihil habeo, Nihil præter dilectionem IESV desidero. Et si sic fideliter perseveraris in operatione spiritali, tandem te Dominus misericorditer liberabit à tumultu cogitationum & affectionum terrenarum, quas nulla arte melius fugabis, quam continuo desiderio dilectionis Iesu Christi. Sed & hoc ipsum desiderium necesse est, vt idem ipse Dominus Iesus inspiret, det & operetur in te, non tu: sed te interim opus eius petente, suscipiente, & non impediante. Eñ uerò quanto perfectiùs omnem tuijpsius amorem, & munda-

mundanam cupiditatem abieceris, tanto profundius DEO vnieris, & eius amore inebriaberis: sicut pulchrè Eſaias, postquam hortatus est nos, vt dissoluamus colligationes impietatis, & soluamus fasciculos deprimentes, & exhibeamus proximis opera charitatis & misericordiæ, & sabbatum Domini custodiamus, promittens dicit: Orietur in tenebris lux tua, & tenebræ tuæ erunt sicut meridies: & requiem dabit tibi dominus semper, & implebit splendoribus animam tuam, & ossa tua liberabit. Et post pauca: Dum non facis vias tuas, & non inuenitur voluntas tua, vt loquaris sermonem, tunc delectaberis super domino, & sustollam te super altitudines terræ, & cibabo te hæreditate Iacob patris tui. Os enim domini locutum est. Ecce non est abbreviata manus domini, vt saluare nequeat. & reliqua, quæ sequuntur Eſaiæ 58. & 59. cap.

Vt semper in Deo viuas, & quotidie vnionem renoues. Exercitium XIII.



Ost omnia hæc, quæ prædiximus, exercitia, gradatim & singulatim tem- Vt maneat
 pore suo fideliter expleta, super oïa in Deo. 3
 discas verè & perfectè in Deo viuere
 & manere. Et hoc fieri oportet per
 duas virtutes, videlicet veram viu-
 damque fidem, & per purum & arden-
 tem Dei amorem: Quia parum est te Deum in te habe-
 re, quem citò amittere potes, nisi tu ipse quoque in
 DEO sis totus absconditus absorptusque. Primò
 quidem firmiter credas te esse in DEO, & DEVM
 intra te, vt sacrum testatur Euangelium & scriptura
 diuina.

Ioan. 6. & 15. diuina. Qui manducat, inquit Dominus, meam carnem & bibit meum sanguinē, in me manet, & ego in illo. Manete in me, & ego in vobis. Qui manet in me, & ego in eo, hic fert fructum multum: quia sine me nihil potestis facere. Manete in dilectione mea. Si præcepta mea seruaueritis, manebitis in dilectione mea. Rogo pater, vt omnes vnum sint, sicut & nos vnum sumus. Deus charitas est, & qui manet in charitate, in Deo manet, & Deus in illo. Attamen vt id clarè perspicueque cognoscas, magnum est donum Dei: quod meritò ab eo petere debbis. Deinde vbi iam liquidò credideris senserisq; esse te in Deo, discendum tibi est viuere & permanere in illo, quod est homini maximè salutiferum. Cùm enim in deo viuus, vires animæ tuæ & sensus, semper Deo inclusa serues oportet, vbi semper multa gaudent securitate. Vt si verbigratia, te ipsum in conclauì includas, nihil illic videre, audire, gustare, vel tangere potes, nisi quod sit in conclauì: & quotquot foris sunt, neq; contingere neq; lædere te possunt. Ita & quando in Deo viuus, quicquid siue tangas, siue aspicias, siue audias, siue gustes, Deum tibi exhibes præsentem, qui tibi factus est omnia in omnibus. Ideo etiam omnia bona & mala non à creaturis, sed in sancta simplicitate, absq; omni multiplicitate & curiositate, immediatè à solo Deo humiliter recipis, & rursus in Deum refers: quærendo ex omnibus honorem & beneplacitum Dei, proximorum salutem, & tui ipsius humiliationem & emendationem elicere, & fideliter implere, Deoq; & omnibus creaturis propter Deum, non contra Deum, maximè autem superioribus tuis, humiliter obedire, abnegata in omnibus tua propria voluntate: quandoquidem te & omnes creaturas cognoscis esse in Deo, nec vlla te potest creatura contingere,

Simplicitas.

tingere, nisi prius Deum contingat: eo quod te ipsum totum exueris, abnegaueris, traustuleris, & incluseris in Deo. Et hac de causa Deum semper magis audias, videas, tangas, gustes oportet, quam ullam aliam rem. Vbi ergo Deo sic te ipsum unitum cognoueris, ut anima tua Deo, quam tuo corpori, coniunctior sit: quodque Deus sit æternum, vnicum, incomprehensibile & inefabile bonum, & ex ipso anima tua profluxerit, tantâque habeat Dei similitudinem, ut creatura nulla, immo nec ipsa dignissima creaturarum omnium virgo semper Maria, animæ nobilitatem plenè capere & scire possit, diuino tunc succensus amore, ad diuinitatem accedendo, quotidie matutino tempore ista te poteris ratione exercere, quando videlicet per Christum intrare, & Deo in spiritu intimè te vnire volueris.

Vt Deum sentias præsentem.

Exercitiū
vniōis.

¶ Coram crucifixi imagine procubens, firmiter credes sedere te coram nudo, crucifixo, cruentoque Iesu domino tuo. Et licet eum non videas oculis externis, interioribus tamen eum fideliter aspicere debebis. Cum enim te illi vnire, ipsumque supra omnia diligere appetas, re vera præsens illic adest, haud minùs quam peperdit in cruce, & nunc est in sinu patris sui. Et quia quotidie post gratiosam cum Deo vniōem laberis in aliquem defectum, & Deus minimum peccatum non patitur in homine, cui se vnire debet, præ nobilitate & sanctitate sua: ideo per sacratissima Iesu vulnera ascendes, quæ eam ob causam suscepit retinuitque, ut per eius humanitatem ad diuinitatem accedamus, sicut ipse ait: Ego sum ostiū: si quis per me introierit, pascua inueniet. Et primò quidem profunda cum humilitate ad sacros illius collapsus pedes, duo illic facies. Principio lachrymis illos rigabis, & dulciter deplanges, prorsusque immerges te ipsum

Deus præsens.

Ioānn. i. 10.

I.
Veniā pete

teipsum & omnia peccata tua, omnesque defectus paruos & magnos, quibus ipsum fidelissimum patrem tuum in conscientia tua inueneris te rursus offendisse, in sacra illa pedum vulnera. Aeterna nanq; bonitas Dei, nullum (vt dixi) patitur medium, quātumuis exiguum, ne vnam quidem vanam cogitationem, aut morsellum vnum aliter quā oportuit, sumptum, nisi per pœnitentiam huiusmodi expurgetur. Secundò sacros hos Domini pedes exterges capillis tuis, id est, perfecta voluntate peccata omnia, quamlibet parua, deuotandi, ita vt mori potiùs velis, quā peccatū admittere. Deinde ardenti cum desiderio virtutes omnes amplecteris, cunctis vitijs moriendo, eisdemque virtutibus crucifiges corpus tuum, iuxta Christi pro te crucifixi similitudinem, vt̃ suprà in VII. exercitio latiùs habetur, vt sic honorem illi suum, quo eum peccando priuasti, restituere possis. Tum verò Deo tuo ex animo confidere debebis, cunctos illum defectus tuos in æternum ac immensum exuberantium meritorum suorum pelagus absorpsisse, eosq; penitus tibi condonasse.

II.
Propositū
renoua.

Teipsum
collige in
Deo.

¶ Et tunc quidem omnibus peccatis tuis, quæ cum incipiētibus ita deplanxisti, inferiùs prorsus derelictis, ad sanctas illius manus, quas charioribus amicis suis in signum amicitiae porrigit, cum proficientibus ascendes. Hic verò iam propiùs accedens ad deum, tanquam amorosam cum illo vnionem petitur⁹, (quod qui semel ad minus in die non facit, nescio si Christianus dicendus sit) principio quidem curas omnes, distractiones & creaturas excludas oportet à corde, & in deū, cui nihil perire potest, projicias: Deumq; tibi re vera præsentem, teq; ardentissimè diligentem, expectantem, pulsanter attendas: atq; ita & te in Deo, & Deum in te, vt ita dicam,

cam, includas, collectis pariter vniuersis viribus & sensibus tuis, intra sacratissima manuum vulnera. Deinde patrem orabis cælestem, vt sua infinita potentia è memoria tua cunctas amoueat imagines & affectiones extraneas, ipsamque & seipso & diuinis repleat imaginibus & desiderijs. Rogabis & filium, vt æterna sua sapientia intellectum tuum agnitione summi & increati boni, beneficiorumque suorum, ac suæ voluntatis, & tui proprii nihili, clementer illustret. Orabis etiam sacrosanctum spiritum, vt sua incompræhensibili bonitate voluntatem tuam & affectus omnes prorsus in se rapiat, absorbeat, & ardentissima charitate inflammet. Denique & crucifixum Iesum instantè humili-terque precaberis, vt per sanctissimas vires animæ sensusque corporis sui, omnes vires sensusque tuos cunctis nudare phantasmatibus & vitijs, restituereque eas in locum suum, & illas in seipso, & seipsum totum in illis, nudè & purè vnire & includere dignetur.

Inuoca pa-
trem.

Filium.

Spiritum
sanctum.

Crucifixū

¶ Hinc iam duæ animæ vires, intellectus videlicet & voluntas, quoties Deo vniri vis, denuò tibi nõ absq; labore excitandæ sunt & acuendæ. Intellectum quippe extends ad cognoscendum summam Dei bonitatem, & infinitam charitatem, nobilitatem, sanctitatem: & ad sentiendum cruciatum omnem & pœnam, quæ idem ex maxima charitate pro nobis sustinuit: & ad mirandum stupenda dilectionis opera, quæ tibi exhibere dignatus est: colligendo omnia illius beneficia velut in fasciculum quendam, id est, quæcunque cælestis pater, per vnigenitum filium suum sibi præstitit. Hinc iam voluntas accedens, amare eum vult, quem nouit summum esse bonum, seque æterna charitate

Exerce in-
tellectum.

voluntatē

charitate tantoperè dilexiffe. Et hic toto affectu redamabis illum vehementissimum amatorem, immo infinitum amorem te perpetuò amantem, eumq; triplici diliges amore: Videlicet amore nudo, vt sis nudus & expeditus ab omni creaturarum dilectione, amicorū quoq; & cognatorum, vestium, librorum, & quarumlibet rerum, quandoquidem simul hæc cum Deo diligere non possunt, cum Deus totum amorem nostrum solus sibi optimo iure vendicat: & dominus noster Iesus Christus eius vnigenitus, pro nobis pauper & nudus mortuus est in cruce. Et istud adhuc ad externa pertinet, ideoque necdum satis est. Sed secundo etiam puro amore nobis diligendus est Deus. Enimuerò sunt quidem nonnulli extrinsecus pauperes, sed quanuis nihil habeant, multa tamen habere concupiscunt. Necessarium proinde est, vt & intrinsecus pauperes & puri simus. Hæc autem interna puritas potissimum consistit in mortificatione cunctarum naturalium passionum & vitiorum, & in vera ordinatione & puritate omnium virium animæ, vt sint mundæ & absolutæ à medijs quibuslibet & imaginibus, Deumq; suum mundo ac puro complectantur amore. Tertiò demum vehementi & efficaci Deo amore diligendus est, qui vtrunq; iam dictum amorem serè consumat absorbeatq;, & te vnum cum Deo faciat, & ad omnia alia velut insensibilem reddat, vt nihil amplius sentias, quàm amorem tuum Iesum dulcissimum: quo fiet vt semper in Deo permanere queas, vbicunque vel apud quoscunque te esse contingat. Hic nanq; amor nunquam te ab amando, & te ipsum totum in Dei gloriam impendendo, quiescere sinet: sed ex ipso est, vt ex singulis quibusq; folijs vel gramincis herbulis tuo conspectui se offerentibus, præclaram optares facere creaturam,

I.
Amor nudus.

II.
Amor purus.

III.
Amor vehemens.

ram, quæ tecum amaret laudaretq; Deum creatorem tuum: immò si possibile foret, vt ex quibuslibet hominibus cælos condere posses, eosq; illi offerre ad suam laudem & gloriam, id tibi perquàm gratum esset, libenterq; faceres.

¶ Hoc iam triplici amore ornatus & accensus, totusq; ignita dilectione plenus, sensus corporis viresq; aîæ tuæ fortiter intra te colliges, & intrahes introrsus in teipsum, quasi reb⁹ oîbus mortuus: atq; ita ad dignissimū atq; dulcissimū cor Iesu ignito amore plen⁹ accedēs, in illud velut in immēsum quoddā summæ bonitatis pelag⁹ & in infinitæ charitatis abyssum, his 4. exercitijs ingredieris. Primò teipsum totū cū vniuersis creaturis, in simplicitate cordis tui, cum anima, corpore, & tota substantia tua, liberrimè in amabilissimam Dei voluntatem, in tempore & æternitate, ad omnem etiā aduersitatem & pressuram cordis & dolorem corporis, & ad omnia quæ tibi euenire volet, etiam ad pœnam inferni suo pro amore sufferendam, te offeres paratum: vt te talem efficiat possideatq;, vt illi placuerit, haud secus quàm cū necdum creatus esses. Secundò liberè exiges à domino Deo tuo, non solū omnes gratias & dona, quæ Deus habet, quibusq; tu indiges: sed etiam totum, quod Deus est, vt eo solo fruaris in suo nudo & infinito amore. Postulabis etiam tibi nudum & perfectum spiritum, claram cognitionem diuinæ bonitatis & voluntatis, & tuæ indignitatis, & omnium virtutum notitiam & perfectionem, fortemq; in oîni virtute perseuerantiam. Deniq; & omnia alia necessaria pro salute tua, & tuorum specialium, & totius ecclesiæ, & animarum in purgatorio. Et quia Deus æterna charitas est, qui te ab æterno in sua gestauit diuinitate, idcirco

I.

Resignatio

II.

Postulatio

B B tertio

III.
Confor-
matio.

tertiò illi te conformabis, videlicet desiderando, si ei gratum foret, in tanta derelictione, cruciatu, ignominia, paupertate & miseria viuere, vt Christus ipse vixit: eisdemque virtutibus nudam animam tuam vestiri & ornari, quibus ipse ornatus fuit. Sic & quia ipse æterna charitas est, & te quoque in amorem transformari oportet, antequam in ipsum peruenire queas, idcirco ardenti te desiderio erigens, postulabis ea dilectione ornari, qua CHRISTVS ornatus fuit: Vt sic illi

III.
Vnio.

secundum diuinitatem & humanitatem suam conformis & deiformis effectus, quarto demum loco fortiter desiderare queas, vt illi possis absque vlllo medio felicissimè vniri. Tum verò illi iam vnitus, ad diuinitatem ipsam accedes: vbi quicquid creatum est, foris relinquens, & nec teipsum quidem sentiens aut cogitans, tam profundè te immerges, abscondes & transferes in dulcissimum Deum tuum, immo in ipsum æternum amorem tuum, ipse quoque ignito amore plenus, vt nunquam dehinc à creaturis inueniaris ceu fragilis creatura. Hic ergo desiderabis à summo bono absorbèri, & illud vicissim absorbere: quum bonum illud incommutabile nihil aliud sit, quàm abyssus quædam imensa æterni & infiniti amoris. Sicque in corde Iesu liquescas ex superadmirabili amore & bonitate Domini Dei et sponsi tui: rogans eundem, vt aperiat tibi pulcherrimum, lucidissimum, & amœnissimum regnum diuinitatis suæ, in illud te prorsus immergi & transformari permittens: dicesque hoc vel simili modo: O superadmirabilis potentia, sapientia, & bonitas Domini Dei mei. O superadmirabile mirum, & superadmirabile bonum, quando me totum transformabis & abscondes in te, & te in me? Quod enim est mari absorbere

Absorptio

Aspiratio.

bere

bere vnā guttam, hoc tibi est absorbere me. O Domine Deus meus & omnia, vtinam possem ex qualibet creatura facere animam, & ex qualibet anima, maxime autem mea, facere tibi regnum cælorum, in quo pacem & gaudium haberes, pro omni dolore & tristitia tua, quæ pro me sustinuisti, libentissimè hæc omnia tibi darem. Patiar, quæso, pro honore tuo si vis, pœnam omnium damnatorum, & laudem te laude omnium beatorum. Aperi mihi, quæso, deliciosissimas diuitias superardentissimæ diuinitatis tuæ, & abscondas me in te, vt à nulla vnquam creatura inueniri queam.

¶ Quod si hic vlla adhuc tibi creati intellectus scintilla superest, attendas paulisper æternam Dei tui potentiam, sapientiam, & charitatem, donec mirabili quodam modo velut in ecstasi, cogitando fias absque cogitatione, cognoscendo absque cognitione, amando sine amore: efficiarisque per gratiam, quod Deus est per naturam. Denique si sic in corde Iesu conuersantem diuinitas te absorbuerit, felix eris: sentiesque; quæ nec dici nec scribi possunt, nec in cor hominis ascenderunt bona domini, quæ solus expertus vtcunque intelligit.

¶ Porro hoc XIII. exercitium, iustar aliorum duabus in die horis obseruabis, per XXXIII. dies continuos, ad honorem annorum vitæ Christi: & interim quotidie communicabis. Et postea quoad vixeris, omni die semel cælesti sponso tuo per hoc idem exercitium, manè aut alio congruo tempore, te resignabis, offeres, & absque vlllo medio purissimè vnies: septimum nihilo minus exercitium etiam suprà dictum, nunquam deserturus: Ad laudem Dei sublimis & gloriosi, in secula benedicti. Amen.

EX D. DOMINICO CARTHVSIANO APPENDIX.



Ivis facilliter & perfectè mundari à peccatis tuis, liberari à vitijs, atq; bonis omnibus ditari: cunctis tuis non valde necessarijs occupationibus absctis, trade teipsum æternæ charitati (cuius magister Spiritus sanctus est) in discipulum, offe-

rens, resignans & immergens frequèter in spiritum, absq; corporali imaginatione, nudis videlicet intellectu & affectu, totum cor & spiritum tuum, ad omne diuinum beneplacitum, in dulcissimum cor domini nostri IESV Christi, creatoris, redemptoris & amatoris tui crucifixi, charitate plenissimum, quod ipsa sacrosancta trinitas, & plenitudo diuinitatis inhabitat corporaliter: per quod accessum habemus omnes in vno spiritu ad patrem, quodq; sua immensa dilectione oēs complectitur electos in cælo & in terra. Ad hoc salutiferum cor Dñi Dei tui in spiritu eriges cor tuum, prius in interioribus tuis bene recollectum: idq; in omni loco & tempore, præsertim aut in diuinis laudibus & in oïbus orationibus & operibus tuis, quemadmodum dñs ipse iubet: Venite, inquit, ad me oēs qui laboratis, & onerati estis, & ego reficiam vos. Tollite iugum meum &c. Præbe fili cor tuum mihi, & oculi tui vias meas custodiât. Pone me vt signaculum super cor tuum. Cui deuotè respõdebis: Paratum cor meum Deus, paratum cor meum: Cõfitebor tibi dñe Deus meus in toto corde meo, & glorificabo nomẽ tuum in æternũ: Leuemus corda nostra cum manibus ad Deum.

Enim-

Matt. 11.
Prou. 23.
Cant. 8.
Psal. 107.
& 85.

Thren. 3.

Enimuerò in ipso dulcissimo corde Iesu inuenit omnis virtus, misericordia, iustitia, pax, gratia, virtus, sal⁹ ppetua, fons vitæ, cōsolatio perfecta, & lux vera illuminās oēm hominē venientē in hunc mundū, maximè tamen ad ipsum in omni necessitate & afflictioe deuotè confugientē. Quicquid em̄ boni desiderari potest, ex ipso superabūdanter haurit: & quicqd salutis & gratiæ nobis donat, ex ipso mellifluo corde, nō aliunde, in nos deriuatur. Caninus quippe diuini amoris, est igne Spiritus sancti iugiter ardēs, purgās, incēdens, & in se transformans omnes sibi vnitos, & adhærere cupientes.

¶ Porro, sicut omne bonū de dulcissimo Iesu corde, vt dictū est, pmanat, ita quæuis dona, beneficia & bona opera tibi & oībus hominibus collata, immo & oīa vñdecūq; occurrētia, in psona toti⁹ ecclesiæ illuc deuotè referre debes, & ad summā Dei laudē & ecclesiæ salutē, nihil penit⁹ horū tibi adscribēdo, neq; in donis Dei quiescēdo, statim illi reddere, & in suā originē refundere, idq; maximè sub Gloria patri, alijsq; laudatorijs hymnis & psalmis. In eodē corde peccata confiteberis, veniā & gratiā postulabis, psalles & gratias ages, nō modò pro te solo, sed etiā pro tibi cōmissis, & vniuersa ecclesiā catholica, quorū omniū salutē seruētissimè desiderabis, ex abyssu miseriæ nostræ, inuocans abyssum diuinæ misericordiæ. Quapropter hoc ipsum pijsimum cor Iesu, quod cordi diuino inseparabiliter est vnitū, in quo sunt oēs thesauri sapientiæ & scientiæ Dei absconditi, siue illius, aut crucifixi dñi tui imaginem, grata mēte frequēter osculaberis: ad illū facie ad faciem clarè contēplandum indefinēter aspirabis, ipsi cōquerēs angustias tuas: ex ipso in cor tuū attrahes tibi spiritum & amorem, gratias & virtutes illius: ipsi inter prospera &

aduersa deuotè te resignabis, confides atq; adhærebis: in illoq; habitabis, sollicitus seruare vnitatè spiritus in vinculo pacis, vt ipse vicissim mansionem facere dignetur in corde tuo: ac tandem suauiter in pace in idipsum dormies & requiesces. Nam vbi te cunctorum mortaliu corda fefellerint aut dereliquerint, hoc fidelissimum cor te nunquam fallit neque derelinquet.

¶ Quapropter si tutè ambulare, & per rectâ ianuam intrare volueris, nunquâ ad diuinitatis Christi præsumas ascèdere sublimia, nisi per sanctissimæ humanitatis eius ascenderis vulnera humilia, baculo sanctæ crucis infirmos gressus tuos vbiq; dirigente & sustètante. Et si paruo labore grandia bona comparare, tua vilia opera volueris nobilitare, & pro illis merita Christi licenter vsurpare, atq; per humanas eius operationes diuinis illius promissionibus appropinquare, da illi te totum, & habebis ipsum totum: offer illi omnia bona opera tua, sue sanctissimæ vitæ & passionis purissimæque intentionis meritis vnita, & possidebis omnia bona & merita sua. O salutifera & omni acceptione digna commutatio. Quis enim negociatorum seculi non libenter daret modicum cupri pro ingenti massa auri, aut vilem silicem pro preciosissima gemma? Hanc autem spiritalem commutationem obtinere poteris, si totum quod es & habes, ac omnia quæ cogitas, loqueris, agis, siue pateris die noctuque, non solum spiritualia, verum etiam corporalia, renouata sæpius intentionis puritate, ad æternam Dei gloriam & Ecclesiæ suæ salutem, cum sanctissimis IESV Christi cogitationibus, verbis, actibus & passionibus, quæ humiliter gessit & passus est in terris, vnieris, illique liberè resignaueris & obtuleris. Verbi gratia, sic ante vel post singulos actus tuos
oran-

orando vel desiderando: Domine IESV Christe, in vnione amoris quo pro me patrē tuum laudasti & orasti, laborasti aut dura passus es, da mihi has laudes & orationes, siue labores, licet viles, perfectē facere, & aduersa quælibet hilariter pati, ad laudem tuam & Ecclesiæ tuæ salutem. Vel istud generaliter ad omnia: Domine IESV, in vnione amoris quo pro me homo fieri & mori dignatus es, offero tibi istud ad laudem tuam & Ecclesiæ tuæ salutem. vel ita: Pater, in vnione amoris & mortis amantissimi filij tui, commendo tibi spiritum meum. Et quoties distractus, tentatus, aut etiam lapsus fueris, primū ad vulnera pedum veniam, deinde gratiam & confidentiam ad manuum vulnera in psalmis & precibus tuis humiliter postulabis, & patri vt verē pœnitens, merita & charitatem filij sui offerēs pro peccatis tuis: donec rursus ad ostium salutiferi cordis eius recurrere, stare, & pro ingressu ex filiali amore ausis pulsare. Hoc itaq; pacto merita tua licet in se exilia, sanctissimis Christi meritis vnita & permixta, & pro communitate in salutem oīm Dei electorū oblata, suprā quā credi potest, nobilitant, trās substantialiant, & in magnis Christi meritis absorbent, quomodo aquæ gutta in magno dolio vini: ita vt nihil horū tibi pereat, sed oīa vilia tua in corde Iesu tibi sint tutē reposita, & postmodum multiplicato cum scœnore iuxta intentionis tuæ puritatem & amoris tui magnitudinem, fideliter restituenda. Securē ergo tua minima CHRISTI meritis vnita, offer in sinum matris Ecclesiæ, vt in salutem cedant omnium electorum CHRISTI membrorum. Et non solū non patieris detrimentum, sed ex diuitijs CHRISTI

maximū inuenies salutis incrementū: Quia teste D. Gregorio, tūc nostra magis sūt nra, cū cōperint esse cōmunia fratrib⁹: & quāto bonū cōmunius, tāto diuinius. Nā Christus & electa eius mēbra interim negligentias nostras, dū distracti fuerimus aut impediti, suis precibus & meritis supplebūt, Deum pro nobis laudabūt & orabunt, & sua merita nobis cōmunicabunt. Quicquid igitur habemus, in merita offeramus dñicę passionis, vt ipsius efficaciam sentiamus in tempore necessitatis. Et si parum est quod damus, omnia cum bona voluntate, puraq; ac deiformi intētionē, qua nihil aliud quā Deī gloriā quæramus & beneplacitum, suppleamus. Nihil enim Deo offertur ditius bona & seruēti voluntate, cū regnum cælorum tantum valeat quantum habes.

¶ Gloriosam præterea matrē Dei & misericordiæ, dulcissimam virginem Mariam, nō negliges deuotē colere & inuocare, vt ipsa ex dulcissimo corde filij sui impetrare dignet, quicquid tibi necessariū fuerit. Quod rursus per eius benedictas manus, in cor Iesu offers: obsecrans maternam illius pietatem, vt ipsa, cum omnibus sanctis & electis Dei, adiuet te laudare & benedicere dominum Deum tuum, pro vniuersis eius beneficijs, quæ hactenus dedit, & dabit in æternum. Amen.

HYMNVS DEVOTISS.

DE VITA ET PASSIONE DOMINI,
authore D. Ioanne Lanspergio Carthusiano.

A Mator ardentissime, redemptor benignissime,
Laus, honor, virt⁹, gloria tibi sit pfectissima.
B Bone Iesu, q eligens matrem, purāq; ptegens,
Seruilem formam induis, te totum nobis tribuis.

Ca-

LANSPERGII HYMNVS.

Castanatus ex virgine, æstu langues & frigore,	C
Oras, laboras, pœnites, mira facis, fers, edoces.	
Dulcis, pauper & humilis, tuorum pedes abluis,	D
Sacramentum instituis, cibo, verbo nos reficis.	
Egressus cum discipulis, tristis orabas lachrymis:	E
Te confortato cœlitus, sudor manat sanguineus.	
Ferox hostis & impius dum furit, pergis obuius:	F
Grassatur in te verberans, captum ligans & lanians.	
Gementes tui fugiunt, in agnum lupi sæuiunt,	G
Tota nocte cedūt, velāt, te tūdūt, spuūt, exprobrant.	
Hinc præfidi dū histeris, accusant dum non loqueris:	H
Fātē subsannāt, arguūt, dānāt, blasphemāt, distrahūt.	
In alba veste luderis, Pilato dum reduceris,	I
Crucifigaris, fit clamor, latrone qui sis nequior.	
Caro & cutis tenera, crebris plagis fit lacera,	K
Dum flagellatus nimio cruore mades roseo.	
Liure corpus tumuit, flagris concisum squaluit,	L
At caput rursus fauciant, dum spinis illud lacerant.	
Mitis vt agn ^o pateris, taces dum malediceris,	M
Illusus dum conspueris, dum salutatus cæderis.	
Nulla tibi compassio in pœnis fit exhibito,	N
Crucifigendum clamitant, quos pœnæ nullæ satiāt.	
Obediens ad victimam, crucemq; ferens propriā,	O
Damnatus pro me duceris, & sceleratis iungeris.	
Premitt te crux, vestigia rubent, cruentāt vulnera,	P
Mater afflictum respicit, cor vtriusq; deficit.	
Quid Iesu bone referam? amor quid retribuam?	Q
Corpus nudatur liuidum, fit nou ^o dolor vulnorum.	
Rex regum dum illuderis, extensus crucifigeris,	R
Inter latrones medius, orabas pro tortoribus.	
Salus reo promittitur, discipulo cōmittitur,	S
Mater cruci dum astitit, eius cor dolor secuit.	
Te clamas patre deserere: dum sitis, fel dant impij:	T

D. IOANNIS

- Consummas, tradis spiritum, transfigit cor mortuū.
V Vndam das iuncto sanguine, vi charitatis vltimæ,
De cruce matri redderis, sepultus dirè plangeris.
X Christe tua mox anima, visens loca pœnalia,
Dæmonis vires alligat, amicos indè liberat.
Y Ingens facis, post triduum resurgens, matri gaudium:
Cælorum alta penetras, sanctos tuos glorificas.
Z Zelo nostri das spiritum, conuertens mundū pfidum:
Matrem coronas inclytam, iudicabis iustitiam.
Iesu tibi qui pateris, sit laus q̃ cuncta tribuis:
Nos munda, iuua miseros, da pacem, salua mortuos.

HYMNVS ALIVS BREVIOR.

Iesu nostra redemptio, amor & desiderium,
Deus creator omnium, homo in fine temporum.
Quæ te vicit clementia, vt ferres nostra crimina,
Crudelē mortē patiens, vt nos à morte tolleres?
Inferni claustra penetrans, tuos captiuos redimēs,
Victor triumpho nobili, ad dextrā patris residens:
Ipsa te cogat pietas, vt mala nostra superes
Parcendo, & voti compotes nos tuo vultu saties.
Tu esto nostrum gaudium, qui es futurus prēmium:
In te sit nostra gloria, per cuncta semper secula.
Gloria tibi domine, qui passus es pro homine,
Te ipsum dans & omnia, benedictus in secula.

¶ HYMNVS DEVOTISS. DE DOLORIBVS IESU in cruce, cum externis tum internis.

Iesu cōfixus miserè, & extensus dirissimè,
Solutis heu compagibus, orabas pro tortoribus:
In cruce cum latronibus sic eleuaris medius.
¶ Distentum pœnæ dissipât, te flagellorū cruciant
Plagæ, te clauī lacerant, hinc spinæ caput vulnerant:
Collachrymantur oculi, nerui laxantur rigidi.
¶ Membra quassantur liuida, sacra rubescunt vulnera.
Cruor

LANSPERGII HYMNVS.

Cruor hinc manat roseus, dolor crescit acerrimus,
Sensus & dolor viguit, non est quod pœnam minuit.

¶ Consputa pallet facies, cruore fuso macies
Membra consumit arida, dum sitis premit aspera:
Hæc mater videns anxia, tabescit præ tristitia.

¶ Te coarctant iustitia, nostri amor, iniuria
Patris, matris angustia, electorum martyria,
Ingratorum pars maxima, nostra peccata singula.

¶ Iesu, inter tot tormina, nulla captans subsidia,
Ad Patrem tristis clamitas, relictum te vociferas:
Gustando fel amaricans, in cruce pendes lachrymans.

¶ Anhelum pectus palpitât, cor gemit, lingua æstuat,
Commendas te & inuocas Patrê, expirans clamitas.
Sensus & pœna viguit, corpus moriens riguit.

¶ O quàm immensa charitas, ò cordis mira bonitas:
Te totum nobis tribuis, dulce cor tuum aperis,
Saluasq; nos gratuito, redemptos tanto precio.

¶ In mortem te tradideras, vt quos damnare debueras,
Obnoxios vt liberes, ingratosq; remuneres:
En quanta Dei charitas, heu quanta nostra vilitas.


¶ Iesu quàm amas dulciter, quos redimis tam fortiter,
En factus es opprobrium, pro nobis & spectaculum,
En plebis es abiectio, & hostium despectio.

¶ Non mansit in te sanitas, nam nostra te iniquitas
Et amor tuus vulnerat, hinc dolor cuncta occupat,
Vt totum per te redeat, in nobis quod perierat.

¶ Iesu nostra redemptio, spes, vita, consolatio,
• Amor & desiderium, felicitas & gaudium,
Fac nostra mens vt ardeat, amans te solum sitiat.

¶ Iesu rex amantissime, tu rege, tu nos posside,
Quæ tibi placent, tribue: quæ displicent, mox amoue,
Vt tuum beneplacitum sequamur in perpetuum.

Index



INDEX CA- PITVM SEV ARGV- MENTORVM IN SINGVLA

exercitiorum Thaulericorum &
Elchianorum Capita,

S Vpplex confessio & imploratio diuinę bonitatis, Cap. I.	8.
Deuota meditatio & gratiarum actio de incarnatione & vita Iesu. Cap. II.	12.
De lotionē pedum discipulorum. Cap. III.	22.
De institutione venerabilis & præstantissimi sacramenti, Cap. IIII.	26.
Oratio deuotiss. de venerabili sacramēto. Ca. V.	36.
Exercitiū deuotum de passione dñi. Cap. VI.	40.
De ingenti mœrore & angustia, quam Chrs pertulit in horto ob impendentem passionē. Ca. VII.	43.
Oratio & oblatio pro peccatis. Cap. VIII.	50.
Oratio p venia & abnegatiōe ad filiū. Ca. IX.	60.
Iesus hostibus suis pergit obuiam. Cap. X.	62.
Oratio p pfecta abnegatione & amore. Ca. XI.	67.
Iesus capitur & ligatur. Cap. XII.	68. 69.
Confessio peccatorum humilima, & oratio pro venia ad patrem. Cap. XIII.	73.
Iesus a discipulis relinquitur. Cap. XIII.	80.
Iesus ad Annam ducitur. Cap. XV.	82.
Oratio pro imitatione Christi. Cap. XVI.	91. 92.
Iesus ductus ad Caipham. Cap. XVII.	95.
Maria Iesum filiū suū psequuta est. Ca. XVIII.	106.
De compassione virginis matris erga filium suum. Cap. XIX.	III. Iesus

INDEX.

Iesus Pilato traditur.	Cap. XX.	114. 115.
Oratio pro perfecta imitatione & amore IESU.		
Cap. XXI.		117. 118.
Iesus ad Herodem missus.	Cap. XXII.	120.
Iesus ab Herode despectus, ad Pilatum reductus est.		
Cap. XXIII.		125.
Iesus flagellis dirè cæditur.	Cap. XXIII.	128.
Oratio deuota pro peccatorum venia, resignatione & amore.	Cap. XXV.	138.
Iesus spinis coronatur.	Cap. XXVI.	141.
Oratio pro illuminatione.	Cap. XXVII.	148.
Exhibetur Christus populo spectandus à præfide dicente, Ecce homo.	Cap. XXVIII.	151.
Iesus cruce oneratur.	Cap. XXIX.	163. 164.
Maria mœstissima parens, suum sequitur mœstissimum filium.	Cap. XXX.	171. 172.
Oratio ad patrem cælestem.	Cap. XXXI.	175.
Iesus felle potatur.	Cap. XXXII.	179.
Iesus iterum suis nudatur vestib⁹.	Ca. XXXIII.	181.
Iesus cruci affigitur.	Cap. XXXIII.	187.
Oratio ad Iesum crucifixum.	Cap. XXXV.	197. 198.
Iesus cum cruce subleuatur.	Cap. XXXVI.	200.
Iesus inter latrones annūerat⁹ est.	Cap. XXXVII.	207.
Deglorioso crucis Christi titulo.	Ca. XXXVIII.	208.
Iesus eos q se crucifixerat, vestit.	Ca. XXXIX.	211. 212.
Iesus blasphemij impetitur.	Cap. XL.	215.
Confessio & oratio deuota p pccis.	Cap. XLI.	223.
Excitatio aīe ad laudandū Deū.	Ca. XLII.	226. 227.
Iesus latronem seruauit.	Cap. XLIII.	230.
Iesus afflictā matrē suā alloquitur.	Ca. XLIII.	273.
Sol obscuratus est.	Cap. XLV.	248.
De⁹ me⁹, De⁹ me⁹, vt quid dereliquisti me? Ca. XLVI.		252.
Iesus		

I N D E X.

Iesus suam queritur sitim.	Cap. XLVII.	258.
Iesus in cruce fel & acetum hausit.	Ca. XLVIII.	265.
Consummatum est.	Cap. XLIX.	269.
Pater, in manus tuas cōmendo spiritū meū.	Ca. L.	272.
Iesus emisit spiritum.	Cap. LI.	277.
Velum templi scissum est.	Cap. LII.	279.
Iesus lancea confoditur.	Cap. LIII.	284.
Iesus de cruce deponitur.	Cap. LIII.	292.
Oratio deuotissima pro conformitate sacratissime vitæ ac crucifixæ imaginis Iesu Chri.	Ca. LV.	298.

ARGVMENTORVM IN EXERCITIA D. Nicolai Eschij, Index.

Vt cognoscās Deum.	Exercitium I.
Vt cognoscās teipsum.	Exercitium II.
Vt per pœnitentiā purgeris à peccatis.	Exer. III.
De mortificatione quinq; sensuum.	Exer. IIII.
Vt tres aīæ vires reformes.	Exer. V.
De duodecim mortificationibus.	Exer. VI.
De odio oīm peccatorū, & acquisitiōe virtutū oīm D. Iesu.	Exercitium VII.
De pleniori conformatione & transformatione in crucifixum.	Exerci. VIII.
Vt quęq; supflua & impedimenta abijcias.	Exer. IX.
Vt oēm hoīem diligas sicut teipsum.	Exer. X.
Vt viuas absq; oī creatura, p̄ctō, & delectatiōe.	Ex. XI.
De aspirationib⁹, resignatiōe, & postulatiōe.	Ex. XII.
De cōfirmatione & vnione cum Deo.	Exer. XIII.
Vt semp̄ i Deo viuas, & quotidie vnionē renoues.	Ex. 14.

A D L E C T O R E M.

Quisquis hoc vteris ille loq̄so precib⁹ tuis cōmēdatū habet Carthusianos Colonie Agrippinēn, vnde ad te p̄ficiscit: vt i & hisce annis superiorib⁹ innuēra alia partim grādia, partim minuta inde p̄dicere opa, sed cuiusmodi oīa, vt haud mediocriter faciāt ad pietatē.

ERRATA.

¶ In his intelligendis prior nūerus indicat paginā, postea
rior lineā: indè succinctim ponit lectio vera.

10.4 tari 20.1 leniter 25.5 hu- 26.5 detrectat 33.25 q̄ tam
58.16 p̄suasīōi 61.3 amorī 62.18 dñs 78.13 poterūt 82.12
pugnos 84.31 tis sanat 85.1 duritia, grauiori eū 88.6 vt q̄
91.26 detecto 92.22 litatē 96.5 via 104.22 ī me 23 ī me 24
mihi deniq; 119.15 post te 157.26 nit⁹ 172.24 tia & amore
176.1 rteret 229.28 appēdas 231.16 debet. 232.28 sunt, 239
23 esset 272.33 à di- 280.31 quē nos pec 284.27 indicia 290
11 aīa 294.30 nimis 296.29 loliū 298.2 tissimē 318.9 Ob-
secra 327.7 placendū & Deo 328.11 sam con 331.4 vilita-
tis 355.29 passiōis 362.1 Vt aut̃ 365.32 fiet 368.21 vtcunq;

¶ Reliqua minutiora sunt quā de quib⁹ admonearis,
tamen si nec istorū omniū hic positorū eras monendus.
At si habes pie lector volumen maiorū operū D. Ioānis
Thauleri, nup̃ à nobis editū, in tractatu Virtutū siue In-
stitutionū diuinarū, cap. 9. de humilitate, pag.16. in tri-
bus aut quatuor locis, pro verbo (sonora) pone (clara)
& pro (rauca) pone (feruida) Cetera si quæ occurrerint
errata, ex sensu facillè depræhendes.

Ad IESVM CHRISTVM de numero vul-
nerum eius, ex reuelationibus S. Brigit-
tæ, Barth. Laurentis epigramma.

Credere pro nobis passus tot vulnera IESV,
Quot comprēduntur quatuor hisce cifris: 5475
Incl̃yta quod natu, ac vita magis incl̃yta, p̄ te
Afferit ostensum diua Brigitta sibi.
Vnā igitur saltem si mens deuotā quotannis
Illorum singlis applicuisse velit
Quā pręcepisti pręcē, ei dicenda per annū est
Vnoquoque die prex ea quindecies.



